

中國方志叢書·第一四四號

據

清

咸侯

豐允

四年

欽纂

刊修


本

影

印

雲南省

鄧川州志



成文出版社印行

60/1521

1829
1876
cc



10101818

中華民國五十七年十二月臺一版

鄧川州志

全一冊

定價：新台幣二四〇元正

發行人：**黃成助**

臺北郵政信箱二二六〇五號


出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街二號之一

內政部登記證內版臺業字第一一四七號



中國方志叢書導言

論方志在史籍中的地位及功用

論我國史籍的源流，要以尙書和春秋最古。章學誠（一七三八—一八〇一）有六經皆史的说法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尙書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖軌，職是之由。」這樣看來，我國累存的史料確是不少，可惜史學研究上還待重行檢討哩！

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八一—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依願頤剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。爲了適應時代需要，樹立清晰而有系統的概念，我們把選印本方志叢書的範疇，暫定爲鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成爲地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞非律賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6)專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。

(7)元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8)地方賦役的負擔，也可從方志比較輕重。

(9)往日的水陸交通、驛站距離，也可查知考證。

(10)鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11)章學誠永清縣志對縣衙組織和差役的待遇，也是今日不易找到的資料。

(12)往昔教育制度的社學、義學、書院、學田、科舉應考生的旅費等，也可從方志查考。

(13)風俗、節日、寺院、壇觀、碑碣、古墓，在方志中均有豐富的記載可資考證。

(14)少數民族如苗、獠的風俗，方志記載也很可靠。

(15)歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

𠄎

𠄎

𠄎

𠄎

志序

天下事莫為之前雖美弗彰莫為之後雖盛弗傳州縣之有志創始者於荒烟蔓草之中為收拾散亡之計網羅搜剔彙萃成帙固戛戛乎其難然歷時既久或百年或數十年無復有留心文獻者為之繼述則此百十年間遺文淪落紀載闕如不特近

鄧川州志

序

一

事無徵并前人之志亦因是而不得為全書故夫紀乘之遺為之後者有藉於前為之前者尤未始不有待於後也鄧川州志始於前明楊兩依艾雪蒼兩先生至我朝乾隆間高月峯先生重修之旋以宦遊豫楚未及付梓道光初先生哲嗣仲光明府復與其邑人士廣為蒐羅互相參考勒

為成書鄧之志於是乎稱備第迄今將近

三十年其間典章之沿革官師之替代風俗之變遷與夫士女之嘉言懿行及城鄉之遺聞軼事前所未及載者重有待於後之人亟為釐訂焉春樵明府當未第時已有志於此戊戌成進士觀政比部改四川捷為令歲時致書其友侯雲坡孝廉未嘗

鄧川州志

序

二

不以此三致意孝廉爰不辭勞瘁旁搜遠紹兩載而書成問序於余余受其書而讀之杼柚自抒思深緒密既以補前書之未備復不使近事之就湮因以歎二君之心勤而是書之美且盛其可傳信於後無疑也因為之序 峇咸豐辛亥嘉平月署鄧川州事恩安縣知縣烏程鈕方圖撰

志序

於戲江河日下所難挽者頽波運會屢遷亟宜
持者靡俗自古人心風尚無三十年不變之機
所賴關心世道者表彰前軌則懷葛長留炯戒
來修則澆漓返樸志乘之紀其足以勵人心而
維風尚者豈淺鮮哉邈賤肇宇唐蒙拓疆元版
洎乎有明荒昧啟日月之光格被潤山川之色

鄧川州志

序

一

漸如聾者知聰瞶者欲視矣我

朝二百年來翔泳華風涵洗陋習文物聲名之
盛駸駸乎埒於中土其間之某利宜興而不必
即興某害宜除而未能盡除某也孝義足式而
固於寒微某也節烈可風而淪於幽隱某宜去
奢以崇儉某宜革薄而從忠若非隨時傳信遇
事紀實必至代遠年湮漸就漸滅未始非士大

夫之憂也吾邑有志前明楊兩依侍御纂於明

嘉靖間至崇禎末而艾雪蒼刺史續纂之

國朝乾隆季而高月峯刺史又纂之脫稿未竟

嗣君仲光明府遲之又久述而始成余生也晚

雖未及摭遺編披靈簡卒讀三先生之書要無

不想見其為人悉出於關心世道之所為舉數

百年後兩依所不及聞見者付之雪蒼雪蒼所

鄧川州志

序

二

不及聞見者付之月峯月峯去今將六十年矣

月峯後發名成業者亦不一而足矣而獨於州

志一書闕焉弗講使前賢俯仰一堂能不慨人

心風尚之日就遷移而繼起者之聞無其人哉

此余所以重有己於雲坡者此物此志也雲坡

與余為姻表長余四歲科名亦在余先生平足

跡半天下壯游所歷靡不感慨時艱留心經濟

且家多藏書又足以資其枕藉之勤而充其顯
瀨之氣己酉夏不遠數千里入蜀訪余於玉津
官署出數年家居督辦河工章程一冊授余而
讀之見其不避艱難獨任勞怨志堅而力果識
遠而慮周不禁擊節而三嘆曰吾邑大利害所
關莫此為甚今君痛發病源力塞弊竇使邦人
士繩繩相繼堅守成法垂之無窮其所以康濟

鄧川州志

序

三

鄉閭光昭志乘者誠百世不刊之謨也夫以積
重難返之河工舉無足以窘其才力而億其精
神他如挽頽振靡補闕拾遺諸鉅製非君之責
而誰責乎雲坡心契余言歸家後閉戶精研博
參羣議不二稔而志稿就以剗刷之任付余余
備觀其體例協抉擇精纂組密而筆力之雄厚
又足以赴之使後之覽者咸瞭然於山川之源

流朝制之沿革風土之異宜民生之疾苦賦役
之煩重與夫典禮學校之廢修名節人文之遞
嬗要重賴乎官師之維持而調護焉嗟夫語重
心長可歌可泣吾知雲坡畢生之心血罄於此
畢生之學問經濟亦會萃於此雖起兩依雪蒼
月峯而問之無不以為繼起之功臣也臧孫氏
謂立言為不朽之三苟其有關於世道何不可

鄧川州志

序

四

與立德立功并傳千古哉而余依雲坡末光得
忝名於篇首尤生平之厚幸也夫是為序

咸豐三年癸丑蒞秋邑人楊柄銓春樵氏撰於
戎州官廨綠天紅雪之館



志序

侯公雲坡纂州志成客有問於余曰聞修志必設公局集眾論今雲坡先生乃閉戶著書獨抒己見何也余曰此正志之足貴也古良史自馬班以來皆獨抒己見自成一家卽以志論如康對山武功志邵二泉許州志崔後漢彰德志垂當時名後世亦

鄧州志

旁人所不能參也雲坡負瑋瑰才學貫古今象緯推移山川形勢典章之因革損益人事之利害錯綜靡不融會貫通而才學入乎其中特識又超乎其外凡抄撮語沿襲語煩穢語膚末語悉掃而空之脫令牽於眾說安能如是之精嚴乎且著書者筆達之必心精之身歷之雲坡是書余尤服

鄧州志

河堤一冊蓋本其身之所歷心之所精通變化裁無微不至精神與全河相赴文章直與性命相通千百年以前瀾河無此書也千百年以後瀾河不能廢此書也其餘諸志壁壘一新體例悉協而先事以起例後事以伸斷尤得史長斯足傳矣又何疑焉客曰是則然矣惟州志刻於道光初年

距今未遠必亟亟踵修何也余曰此正不能不亟脩也鄧邑利害河工為要盜賊次之河工敗壞極矣雲坡邀艾莊圍集諸耆者力挽狂瀾幸遭逢恒鞠坡沈小亭兩父母實心為民召杜復生而積弊以除盜賊披猖極矣余與楊晴川先生合諸紳士上書當路幸遭逢林少穆制府恩威遠播武

侯再來而大害以去雲坡六董河干規畫
萬言余五謁軍門面陳二事勒河工於瑣
珉犁山賊之巢穴不可謂非千載一時也
若不登之志乘何以永久遵守此春樵大
令所以關心於亟修歟惟書於此實能闡
發無遺若夫志山川村落備陳硤瘠形志
田賦差徭痛指困憊狀冀賢司牧之惻然

鄧川州志

三

而思撫字也志賢才意在勵末俗志德義
意在正人心冀志節士之奮然而思興起
也物產瑣矣志之必有繫民生文藝末矣
志之必有闢世道總不肯輕為無益談書
成於獨理未嘗不統於同真不負春樵託
矣大抵為閩邑貽久大業初非與前人爭
著作名斯足傳矣更可疑焉客唯唯退適

雲坡索序使至遂援筆書之
咸豐元年仲冬月中浣之吉
愚弟張相侯頓首拜撰

鄧川州志

四

志序

鄉邑奚以志爲乎所以志一邑之民風土物政教禁令也志民風土物政教禁令奚爲乎所冀勸得戒失去薄而還淳也雖然登歌舞之場見忠孝而奮然興遇奸回而怫然怒是必作者之精神意趣宛轉關生而後能以有情之描摹動無心之感觸惟志亦然意專夫彰瘴勸懲尤貴稱情立文

鄧州志

序

盎然真氣之流貫苟或神智不張束縛於前人陳迹中則窺影尋聲遺其精華摭其糟粕甚或體製卑言詞俚枯膚狼雜使閱者厭薄如土飯塵羹將讀不終篇又烏能鼓舞其心思而大昭夫懲勸則甚矣編纂之難也吾邑鄧志創始於前明楊兩依先生古質森嚴罕有其匹然已殘缺無完本繼則雪蒼先生艾志月峯先生高志續墜

緒以詔將來厥功均偉顧二志之迭脩未

遠亦已風會遞殊措施屢易譬之先民栝菴不盡宜於後人楊春樵明府殷殷世教眷戀欲修久矣祇以民社殷繁未遑握筆諄諄以之屬欽而慨然肩任夫棗梨沈小亭父母亦極力慫恿以爲言既不獲辭爰脫天文地輿二稿寄正春樵先生書報曰善且連函趣促終事焉噫仁人策厲之雅

鄧州志

序

可重負哉因試論之仰而窺者高俯而察者厚乾坤吾父母不可不知也村屯以規生聚戶口以知殷耗風土以辨純駁盈虛民爲本吾胞也物爲用吾與也民安物遂以召祥失和滋戾以召災修之禳之以敬天也敬天莫要於勤民建置以保聚祀典以妥侑神之格民之福也賦役也河防也吏之所以爲治民之所以爲生也尤宜

加意焉以養以教官師者民之父母民其赤子也選舉所以登俊又茂實英聲惟其稱也人物所以樹楷模盡性踐形惟其肖也次當勉爲良士焉爲良民焉忠孝節義闡而揚之人紀人綱也存典籍於藝文慎萌蘖於盜防廣搜羅於雜異及是而全乘其焉若此者默通乎上下幽明之際博稽乎制度典章之異淹貫乎民物象數之詳

鄧川州志

序

三

練達乎人心世變之隨而權衡乎紀綱道德之原而後綴輯會其通刮磨去其庸披導入其卻激揚當其旨欽未嘗不了了於心而達諸筆則否矣事覈者瑣詞質者俚情殷者激求諸古人所謂黃圖決錄之遺尙隔藩籬遑云堂奧雖然徵文考獻字譚而句議之則欽兩年中之鏤舊鈎新有日夜沉思而仍閣筆者有眞草數易而後成

帙者有蒿目桑梓一往情深追念前徽百感交集者竭智慮精神於構文徵實之餘而俯仰低徊覺忽喜忽悲忽諷忽頌忽嘯忽歌之狀如候蟲時鳥明啾嘈啞而不知如風生竅鳴叱呌叫諫而難已果何爲哉國計民生之大風俗人心之要不禁感極而自鳴其天也又况史備三長而志嚴禁體誌夫鄭漁仲有言曰志之大原祖爾


鄧川州志

序

四

雅馬貴與曰志者憲章之所係可易視哉然則此一役也始以雷門而布鼓操繼或燕石而寶櫃藏蓋不止土飯塵羹貽方家笑則信乎作述之彥如牛毛而無負作述者之希如麟角也望春樵先生斧削之大君子訓正焉

咸豐元年辛亥冬十月既望邑人侯允欽謹序




文廟圖

鄧川州

卷首文廟圖

一



州署圖

鄧川州

卷首州署圖


二



河工圖


鄧州

卷首 河工圖

三







瀾苴河工志序

咸豐歲甲寅楊春樵太守刊州志於蜀中歸板於余余檢河工一冊重印而覆閱之喟然曰有是哉太守與余之為此舉也是亦不可以已乎夫古之思溺由己者荒度勤劬澤被天下如歷代名臣之載在史冊者尚矣即降而求之吾鄧若羅氏兄弟高氏月峰兩湖水尾之洩在當日亦皆用力勞而成功速茲則效難驟覩也然則是編之纂非涸冀則覆畝已耳雖然瀾苴河之為邑害自明迄今垂四百年其間治之之法問所為積久大備者無聞而流弊則難

序

一

指數是豈昔之人怒然於此歟抑以流急沙淤隄防殊無長策也顧河工之累至今極矣易窮則變道貴有以乘之余之筦是役也力任艱難不避勞怨其間經始慮終計以公牘請諸州牧者為次四十有三請諸上臺者六要諸同人者二十四商諸父老者十八與客辨難析疑者九凡規畫五萬餘言又盤錯七載官經六任而後大工敗壞之莫可收拾者感就理焉而精力已衰憊矣由今思之凡七年間任艱鉅糾紛之重履危疑讒阻之交宛艱漂搖中總恃此誠至則通歷久彌篤有以仰挽俯維於穩備夫此中甘

苦祇求獨喻有不能不期諸共喻者則以後此河工之興

有定期而承辦之人無常職以事非素習而驟任仔肩使無成法可稽欲其脗合難矣爰就所著河工補苴全稿中刪繁而類揭之俾此中形勢若何立法若何度支若何課功若何何利當興何弊當防一一挈之如網之在綱析之如紋之在掌夫而後益斯土者觀之可惕然於萬家托命之原而殷勤保障生斯土者觀之可惕然於百年利賴所係而詭勉襄勤果如是之得人而理以遞相維繫也行見每年興工時咸盡心力矢廉潔勤董率防侵漁以期在工

序

二

之脩控必力置產之出入必公於以謹三十年欠夫折價之所儲而源源積累他日持以襄大工庶幾鄧人萬家之勞千百年之累可以少紓乎然則此編之纂雖未能立觀奇效而所為挽頹波懷水圖期與邑之英俊名流康濟我鄉閭者實與羅時月峰諸先正同有苦心焉而春樵太守眷念桑梓於遠宦之餘者意量尤為宏篤矣若夫始成而即毀之以之溷糞或繼成而終敗之以之覆瓿亦惟曰各盡其心竭其力焉他固弗遑恤也然又烏乎其可哉咸豐五年歲次乙卯正月邑人侯允欽雲坡氏序

附

繪圖

廩

生饒開仕

校字

附

生楊柄鈞

督刊

例

頁

生楊柄德

鄧川州志

卷首 姓氏

三

凡例

一史有綱目志則有條例條後有序揭其源也例後有論盡其義也條懼其漏例防其雜門類是以增多

一志者記也似不必論然其中詞旨未醒透處借論發之前人有行之者非好辯也其有零文剩義不成論則以按字別之

一編年紀月之例於史為本紀於志為通志邑志體例弗協也故沿革用串敘但使源流一線無彫雜蒙混之弊尤覺便於披覽

鄧川州志

卷首 凡例

四

一山川貴悉其源流分其枝幹逐條記之割裂難辨矣串紀而縷分之庶幾經緯脈絡瞭如指掌

一各里民風土物不能強同就各里後營言之覺閭閻勞逸之殊民氣淳漓之異依稀可見於吏治民生未必無補

一志物產按類紀名味如嚼蠟今傲鳳台食貨志為之凡民間作息衣食俯仰言之不憚其瑣函風無逸古帝王尚念民依况生長田間者乎

一創制規為經畫自上方為建置故第紀城池公署倉

儲學校兵防諸大端而以橋梁附之其他不關入

一國家制度典章大經大法寓焉別源流辨同異未敢

囿圖滑過他如祭器祭物祭儀之詳載會典者似無

庸贅顧鄧邑家少藏書往往襲謬沿訛所關非細典

禮隆重詎厭詳列

一民賦屯賦現在征輸之額與賦役全書不符遠甚雖

沿襲已久然登諸志乘當以全書為準其道光二十

七年所頒與七年分小有不同處均當拈出

一河工爲鄧邑首要頭緒紛繁故論列不厭其詳以及

鄧川州志

卷首 凡例

五

兩川水道所經各處澗溪所流隄防不一均係農田

水患所關互相發明不敢掛漏

一官師志中師命使命似涉於泛然舊志所載未便刻

削况其間底定綏輯星輶所經於鄧邑均有所裨故

仍之至於瓊林兩制軍開府南中例歸名宦顧志中

尙未設立專條是以列入師命

一人物尤關風化率爾搽觚曷由發明故每類弁數語

於前論贊亦爲加密欲以勵風俗激後起非喋喋也

一才難之歎自古爲然登錄固不容刻亦無吝濫門類

有定式焉若概指偏端曲行一一錄之多其名目蕪

雜不免矣舊志所載仍之後此採錄未敢踵襲

一二氏之學吾儒弗道故寺觀特採其景仙釋列入雜

異審別擇也

一藝文舊列詔書係請封通行典禮稽諸名志概從其

畧至開東川子河始末高月峯隄工記備言之較奏

疏尤爲詳悉凡一事兩見別無異義者存其一可也

一鄧多盜患自昔爲然顧虐炤之張未有甚於道光年

間者痛定思痛備紀之以冀後來司牧無忘緝捕焉

鄧川州志

卷首 凡例

六

一羊塘一里僻在州治東山之東七十餘里其山川風

土自爲一局尺幅難兼另圖附後

一牌坊以表宅里重其人非重其坊買櫝還珠於義無

取昔賢論之矣故凡名人高士節婦壽翁當表彰者

已載人物志中其坊不縷紀

鄧川州志目錄

卷首 敘文 諸圖 姓氏 凡例

卷一 天文志 分野 氣候

卷二 地輿志 沿革 疆域 山川 墳墓

卷三 村戶志 村屯 戶口

卷四 鄧川州志 卷首 目錄 七

風土志 民類 物產 街市 風俗

卷五 災祥志

卷六 建置志 城池 學校 公署 兵防 倉儲 橋梁

卷七 祀典志 秩祀 羣祀 民祀

卷八 賦役志 民賦 屯賦 丁銀 課程

經費 值日 差徭

卷九

河防志 段列 章程 公規 經費

卷十 官師志 師命 使命 知州 教職 吏目

卷十一 選舉志 進士 舉人 薦辟 副榜

卷十二 人物志 鄉賢 卓行 仕蹟 孝義 忠義

卷十三 鄧川州志 卷首 目錄 八

藝文志 上 記 序

卷十四 藝文志 中 論 書 傳

卷十五 藝文志 下 古今體詩

卷十六 盜防志 剿捕 移置 公議附

卷末 雜異附

雜異附

鄧州志卷之一

警教烏程鈕方圖廣雲定

州人

楊柄銓春樵
侯允欽雲坡纂

夫文志

凡天氣無不與地形相依附人處覆載之中為天地心
曠天地高厚咸可測之非荒杳難稽也楊子云通天地
人曰儒蓋欲知人當知天此道理之本原考究所宜切
也故志首天文

分野

通志井鬼之星於分為秦於野為雍梁又云秦在西北

鄧州志

卷一 天文

一

則黃道所經之井即秦分野蜀在秦西南則近參之井
即蜀分野滇又在蜀之南則近鬼之井即滇分野故滇
在井鬼之間又滇繫云滇於井得一於鬼得三井躔三
十二度十八分四十八秒三十微鬼躔四十八分十六
秒三十微為巨蠡宮為鶉首末宮井鶩蟄昏中秋分日
中鬼春分昏中白露且中
井宿步天歌
八星近列河中靜一星名鉞井邊抽兩河各三南北正
天鶴三星井上頭鶴上橫列五諸侯侯上北河西積水

欲覓積薪東畔求鉞下四星名水府水位東邊四星是

四瀆橫列南河底南河下頭是軍市軍市圍圍十三星

中有一箇野雞精孫子丈人市下列各立兩星從東說

闕邱兩箇南河東邱下一狼光蒙茸左畔九箇鸞狐弓

一矢擬射頑狼胸有箇老人南極中春秋出入壽無窮

鬼宿步天歌

四星册方似木櫃中央白者積尸氣鬼上四星是燿星

天狗七星鬼下是外厨六間柳下次天社六箇弧東倚

社東一星是天記

鄧州志

卷一 天文

二

井宿占驗

井八星赤在河中主水泉為天之南門日月五星貫之
為中道石氏謂之東井亦曰天井五諸侯帝戚三公之
位天之亭候水衡法令之所取平也三光之行必由其
中雖經之不得留之欲明而端

鬼宿占驗

鬼四星赤主視明察奸謀天目也為日月五星中道一
曰天廟主祠祀又主疾病東北星主積馬東南星主積
兵西南星主積布帛西北星主積金玉隨其變占之中

央一星名積尸白如粉絮如雪花雲似星非星見氣而已只欲其忽忽不明則安

按星土之文見於保章氏雜出於內外傳其說茫昧莫可究竟蓋嘗綜百家之言而求所以通之則有國朝張公瓚昭星野考云古者建國於天地神祇之祀各有所主地主山川天主星辰以某人居某國則祀某星歿或以其人配食則謂之某星之神國雖改名不易詳考左傳自得之蓋不獨十二國有星而二十八宿可分已也自周衰兼併星書散亡後世但據

鄧川州志

卷一 天文

三

馬班分屬之論晉志衍爲某星入某郡幾度之說牽扯往迹滋議後來則真未通古今之變也又云後世改置郡縣祀星之典惟王者舉行故其象往往爲王者應而不與刺史守令相涉亦不得以分野相拘九州之地該以十二次可矣此論通透之至足破一切穿鑿附會之妄顧嘗稽諸浪穹縣志頗考校於度數分秒謂大理分野係當五諸侯之一駁舊志狼弧之非且引李文貞公之說謂中國九州正當黃道北軌距赤道二十三度起於廣州夏至戴日之下以爲據

不知文貞公之論乃明日軌以見各省晝夜寒暑之不同非以此定分野也史記謂秦占狼弧通志謂良

緬諸彙占狼二說若背而馳則大理之非狼弧蓋不待辨而五諸侯在井北而少東以大理夏至戴日測之躔次本適相值若遂指爲一定之分星恐封建既邈無世守之士亦無專祀之星精氣焉能專注不流哉揆天察紀載周天三百六十五度每度當地上二百里故推驗大地經緯分度無不與天相應若以環轉之天星一一指屬某省之某地是泥往古之迹膠

鄧川州志

卷一 天文

四

柱以求零星割截說恐近誣觀戰國剪滅殆盡用十二次占驗而已可概括則今統天下於一尊者卽當統各縣於一省故據通志紀之以俟深明天象之君子焉

論曰通志云分野之說惟一行山河兩冊論有足據以予觀之江河之首發於秦隴岷蜀故雲漢升氣交井鬼爲秦蜀分似矣然何以齊魯晉衛跨河負海亦得雲漢之升乎江河之尾沒於碣石揚吳故雲漢降氣交箕斗爲燕吳分似矣何以宋鄭楚周宏衍四達

亦位在雲漢之降乎是果何說之據耶舊志不載天文謂嫌於依附郡志然予復懼賢智之過自詡推測獨得者之以鑿爲精也故紀張公之說於前辨一行之說於後者如此昔人云讀書稽古貴深思而知其意勿爲古今人所愚智言哉

氣候

春冬多晴多風夏秋多雨四時無大寒暑故裘葛可無需惟羊塘一里炎熱多瘴地氣較殊

論曰氣候之寒暑視乎日軌之遠近何也蓋黃道斜

鄧川州志

卷一 天文

五

交於赤道者也春分而後日行漸北其軌則晨斜北而午漸南秋分而後行漸南其軌則晨斜南而午漸北是行北陸正熱時瀆適際其漸南而熱減行南陸正寒時瀆又際其漸北而寒亦減此四時所以無大寒暑也鄧雖瀆一隅其氣候豈殊致哉

鄧川州志卷之二

署牧烏程鈕方圖廣雲定

州人楊柄銓春樵輯侯允欽雲坡纂

地輿志

地輿之紀載尙矣蓋自禹貢肇之職方氏繼之於是二十一
一家之史莫不兢兢焉然非博徵諸州郡烏能統括無遺哉是故沿革有始末也疆域有裁併也山川泉水有脈絡也景之勝蹟之古叢林壠墓之清且幽士大夫往往登高賦焉臨流詠焉以藻繪坤元低徊曩哲是皆地志中之所連而及者爰備紀之

鄧川州志

卷二 地輿

一

沿革

鄧在唐虞爲昧谷南交之交夏禹貢梁州域周合梁於雍有國曰昆彌居爨蠻北以洱河爲界俗與突厥同戰國時楚莊躡畧地王滇鄧隨滇屬楚滇多楚俗始此秦使常頰畧五尺道置吏漢初爲牂榆地元封二年武帝惡莊躡裔常羌言不遵改册天竺白飯王之裔仁果白飯王者西海阿育王奉佛惡殺以白米飯齋僧者也號白國鄧屬白國東漢割入永昌郡置益州刺史領之蜀漢建興三年雍闓叛孟獲誘煽諸彝附闓諸葛武侯南

征誅闓擒獲於銀坑洞改置建甯郡今趙州以仁果之

裔龍佑那爲國王賜姓張又分置雲南郡今雲南轄牂

榆鄧仍屬牂牁晉武帝泰始七年分置甯州李特據蜀

屬漢州旋復甯州宋屬河陽郡齊屬西河郡梁陳因之

隋置益州總管鄧隸總管府唐高祖武德七年都督韋

仁壽將兵循西洱河置七州十五縣分牂牁縣地爲遣

備州鄧始分治貞觀二十三年册龍佑那十七世孫張

樂進求爲首領大將軍進求遽遜位於蒙氏細奴邏細

奴邏又名獨邏消九隆五族率其篤之裔自哀牢避難

鄧川州志

卷二 沿革

二

蒙舍素有神異既代張氏遂稱蒙舍詔別立親族豐咩於遣備以自固稱遣暎詔與浪穹施浪越析蒙雋共爲六詔詔蠻語謂王也麟德元年置姚州都督府領六詔受劍南節度使節制景龍四年姚州蠻叛御史李知古擊降之殺豐咩其子咩邏皮自立爲鄧川州刺史治大釐城在今太和縣喜洲開元十八年蒙氏皮邏閣攻襲大釐城咩邏皮退保鐘山與浪穹施浪合兵以拒戰敗皮邏閣奪遣暎咩邏皮走保野共川死其子皮邏遣復歸築城以守源德源城二十六年皮邏閣誘殺皮邏遣遂滅各詔

劍南節度使王昱求朝命合五詔爲一朝命許之乃築

太和城自蒙舍遷焉改稱南詔凌強不可制天寶九年

閣邏鳳怨太 張虔陀淫虐攻陷雲南鮮于仲通李宓

先後進討俱敗歿興元三年閣邏鳳孫異牟尋徙居史

城即大 僭稱日東王置遼川賧七傳至舜化眞爲昭宗

乾甯八年其臣清平官鄭回之裔買嗣奪之蒙氏遂絕

買嗣三傳爲東川節度使楊干貞所殺立蒙氏清平官

趙善政尋復奪之而自立後晉天福二年通海節度使

段思平攻逐楊氏自立於咩苴咩城在大理城北 僭稱大理

鄧川州志 卷二 沿革 三

國宋興畫於大渡河外爲段氏所據者三百十五年中

經高昇泰之立高復還位於段歷僞主二十二傳寶祐

元年元主太弟以革囊渡金沙江取上關薄大理城擒

段興智立上下二萬戶府仍釋段氏錄其子孫使與宗

室之鎮滇者共守之七年爲元憲宗九年立德源千戶

所隸大理上萬戶府元至元十一年改德源千戶所爲

鄧川州領浪穹縣二十七年宗室與段氏構隙分疆鄧

仍屬段氏明洪武十五年西平侯沐英永昌侯藍玉進

克大理擒段明鄧川歸附俄而元右丞普顏篤挾土酋

高大惠據佛光寨叛寨今屬浪穹縣也先虎都據鄧川州叛明

年討平之十七年以阿這爲土知州并設流官州同知

隸大理府

國朝順治三年安南酋賊沙定洲遣其黨王朔李日芳寇

上關十五年信郡王征雲南十六年二月大兵進迤西

鄧川歸附康熙二十六年裁衛歸州并以浪穹改隸大

理府雍正六年阿土司以罪削籍徙江西

沿革表

唐虞 南交昧谷之交

鄧川州志 卷二 沿革 四

夏商 梁州域 合梁於雍曰昆彌國

戰國 楚滇國

秦 通道置吏

西漢 白國 樸榆地

東漢 屬永昌郡 樸榆地

蜀漢 屬建甯郡 樸榆地

屬雲南郡

屬甯州 李特據蜀

宋 屬漢州 屬河陽郡

齊 屬西河郡

梁 屬西河郡

陳 屬西河郡

隋 屬總管府

唐 屬姚州都督府 先置遼備州 後為蒙氏據

後梁 鄭買嗣據 趙善政據

後唐 鄭買嗣據 楊千貞據

後晉 段思平據

後漢 段氏據

鄧川州志 卷二 沿革 五

後周 段氏據

宋 段氏據

元 立大理上萬戶府 先置德源千戶所繼 改鄧川州領浪穹縣

明 大理府 鄧川州領浪穹縣

國朝 大理府 鄧川州 裁浪穹縣 隸大理府

論曰自漢通西南彝裔盜名號互攻殺觸鬪穴爭 殆如蜂蟻哉顧鄧惟豐咩稱詔然歷祚短虎都小蠢 敗不旋踵外此無聞焉蓋削弱散薄之區不足爭是 以自古來內鮮憑凌外無侵軼治亂興衰之及隨遞

輒過等諸傳舍惟然列箐落而井里之進椎魯而秀

良之則

國家二百餘年來沃澤華風前代孰竝吁邑雖弱永與

恬休矣

疆域

鄧字釋義艾志謂川中凸出土阜環繞高志謂蒲陀蹠 道險足以備恩按鄧曼姓國見春秋桓七年釋例曰鄧 國義陽鄧縣是楚與滇遠不相及而鄧川先為遼備始 於唐考字典無遼字蓋荒穢未闢爨文熒畫無富國經

鄧川州志 卷二 疆域 六

雖於朝間有羈縻不過以資治夷耳則先此命名之義 殆難懸揣矣元代之改遼為鄧正訛也治在府北九十 里東至永興縣界一百四十里西至浪穹縣界三十里 南至永興縣界二十里東至省城九百八十里至

京師一萬一千五百四十里東西廣一百七十里南北袤 五十里遠恃浪永劍鶴之蔽近倚點蒼洱海之雄湖河 爭流岡巒大阻舊稱迤西要地

論曰鄧於唐時治大蓋城元代領浪穹縣四履之廣 可知也今則左蒲陀右龍首南北五十里之區而山

嶺水澗沮洳礧礧之場復彌望焉地狹則民貧矣邇者舊每爲予言鄧苦於爲州莫若請改爲縣吁此意果安在耶

山川

鄧川四面環山然有原委焉州治之鎮峙於坤未位者曰雲龍山其原始於西藏枯爾坤兩江夾持數千里綿亘東南至老君山趨鶴慶界分枝攀脈起浪穹華崇山橫開羅坪由鳳羽大澗口過峽南出爲點蒼山蓮花以下諸峯北折鄧境結州治神寒骨重舊謂結體端嚴是

鄧川州志

卷二 山川

七

也雲龍之左翼爲臥牛山其枝腳爲伏虎山爲玉屏山爲象山金鳳山皆峻嶺橫屏蒼然蹲而森然轟雲龍之右翼爲雲弄峯其枝腳爲魚山雲弄爲點蒼十九峯之首峯麓有龍首關實鄧川太和分界處雲龍東出爲玉案山玉案北折爲德源山南向爲鼎勝山面臨洱水青蒼雄濶明代學宮在焉其由羅坪側出至臘坪峭趨起始河西下以屏障於州之西北隅者惟覆鐘山爲專結穹窿聳拔下涵玉池咩邏皮嘗據此以抗蒙氏覆鐘之右翼爲黃羅旆山與伏虎山對峙舊治之左右故楊志

載山多獅虎旗鼓之狀其人好勇多鬥云黃羅旆南爲

敢始山爲彌勒山與雲龍之金鳳山相接覆鐘之左翼

爲聯珠山俗名曰荷包荷包左上爲蒲陀峒懸崖峭壁

遂扼鄧浪之門戶此州境襟南帶北之諸山也其綿亘

於東者曰東山與雲龍同祖劍川之老君而爲其正枝

故自觀音山催起靈應而南複嶺重岡削崩阻東境

爲羅川地其迴龍逆結於東南隅者曰玉亮山玉亮星

峯之秀鄧無其匹徑起爲雞足山背鄧面賓上有蘭若

三千東山之支躑森出在州東北爲天馬山西遞與聯

鄧川州志

卷二 山川

八

珠之蒲陀接又東爲獅舌山爲佛嶺山爲雞鳴山在州東南爲天洞山此又鄧境迤東之諸山也至於水亦分三川焉據中爲利害之大者曰瀾直佉江源出浪穹苾碧湖合瀾茨鳳羽二河挾沙帶石澎湃磅礧而來注蒲陀穿鄧境河底高與屋齊歲役民夫六萬渡之築隄障之始克順流南匯於洱地理今釋云導川之黑水其源曰阿克必拉東岐一支爲漾備分注大理之西洱水又云漾備卽楛榆河以今考之注洱河之水惟瀾直佉江洱水至府城西南穿石夾至蒙化界合漾瀾達瀾滄疑

漾備卽漾漢誤以洱水下游爲上耳此中貫之水也由
瀾苴佉江西北埂脚浸漏爲洩曰西開河西南入綠玉
池水如綠玉與鐘山空翠相涵故名玉池入西湖西湖
景色人以潁川餘杭比之非夸也西湖入摩迦澤摩迦
澤入羅時江羅時江者西川諸水舊由玉案山東北入
瀾苴佉江江漲難容每爲患唐季羅時偕弟鳳鑿山分
洩之人食其澤故以名名江示不忘也羅時江入上洱
池池當洱河北際盡鄧川南際此西川諸水之源委也
其由瀾苴東埂之北浸漏爲洩名東開河河受東山積

鄧川州志

卷二 山川

九

潦南入靈源澤澤水混混自山窟出澗而清窈而深灌
田千餘畝南匯爲東湖與西湖相掩映所隔一瀾苴佉
江耳東湖入永安江以洩東川諸水達於洱河水尾之
洩高月峯刺史與有力焉與羅時澤流無窮矣此東川
諸水之源委也又有羅川羅陋河由鶴慶界達金沙江
七八月大如瀾苴然水行地中不須堤防餘若東西麓
諸山澗秋間沙水橫流田廬每被冲壓利未蒙而害先
及焉曰青石澗白龍澗老馬澗觀音澗水磨箐水空澗
馮家澗城西澗臥牛澗名目蓋不能悉紀

論曰予聞之堪輿家云鄧之東山實南幹鼻祖所經
西則護龍之枝派也蓋嘗考之東山岡脊之水左由
羅陋河入金沙歸東海右由洱河入瀾滄歸南海兩
水以界一山信乎確有証矣顧山少紆徐而水苦汜
濫民力之疲於防疏者常十之七焉豈地利之缺陷
歟抑人力之未盡歟生斯土者所爲蒿目長太息也

泉水

香泉在州西巖洞嵌嵌石竇中懸乳淅瀝盛以盆石味
冽而香

鄧川州志

卷二 泉水

十

豐泉在州西三十里一名熊澗俗謂泉多則年豐
歎泉在州西三十里臘坪場路側俗謂泉多則歲歎
洗心泉州西十五里許山麓兩依先生鑄諸碑曰洗心
孝感泉在州東北二十五里東山之麓明艾雪蒼先生
嘗廬親墓久之側生甘泉人以爲孝感所致故名
十分水在州南十五里大路下水由山坡洩而出漾
於沙際極清冷經暑尤冽行人渴飲如得醍醐之潤
龍馬水在十分水北里許一潭淵黥陰森可怖潭邊古
木蛟攫螭蟠枝柯阻日謾謾然無風而慄如有物焉憑

之村民疾病每禱焉潭水東出荳隴秔畦普資灌溉
瀑布泉在蓮花箐由山半飛流而下崩濤舞雪搖蕩林
巒觀者駭目驚心不可湊泊其水下注羊塘里上游利
灌萬畝

永春池在州西北十餘里彌勒山下清潔香温與安甯
之碧玉泉埒提督訥公贊以文石題曰永春池丹鉛總
錄載東坡詩紀所經天下温泉七處今南中所見已不
止七處鄧川其一云

澡塘在州西二十里羅旆山水從石罅迸出下匯為

鄧川州志

卷二 泉水

七

塘左熱石温浴者惟便有瘋疾者藉以桃柳使汗薰蒸
如水出則頰瘡

熱水井在州北二十八里地名下山口井底如湯騰沸

投以腥蔬頃刻能熟村人汲飲無少間違者瓶貯之歸

以淪若能醒宿酒寬胸膈脹悶煮泉小品云温泉下有

石硫黃者非食品然則茲井可食殆類黃山丹砂泉耶

花葩龍泉在兆邑南園漁港中清泓噴沫如聯珠如梅

萼有滾雪飛花之態蓋地脈真氣之所鼓盪也所望邨

人愛惜而培護之不致為田園侵佔填塞則幸矣

螺螄井在隆易村觀音寺後溪箐中一石紐窪如海螄
深如巨釜不見泉脈所自而清流浸積挹之不竭也蓋
泉之側出者

論曰井之養泉之潤利濟靡窮殆難悉紀紀其表著
者而已昔范柏年自謂家居在廉泉讓水間夫水鳥
能廉讓哉人之廉讓為之耳觀吳隱之食泉詩可知
矣物不自珍因人而重每令後人游釣所及流連不
置也

勝覽

鄧川州志

卷三 勝覽

七

艾志紀十景高志留八景今復約為四景云

煙渚漁村即西湖在羅旆山下十里波澄如鏡而煙
柯錯落其間漁歌在還柳嶼縈繞兼以菱

芰蘆菰與沙禽水鳥時掩映出沒於天光雲影中
耶溪朝川不過是也惟秋霖漲發沿湖稻田半沒

水於

晴沙柳岸即瀾苴河堤蜿蜒五十餘里兩岸柳株
翠搖青與碧波空濛相映踏沙小步雖盛

暑能遇炎光風景殆不異蘇堤矣然兩岸巨若遙
岑全川田廬之繡錯而綺交者大半濕處其下秋

汎漲發之際望
之令人駭然

蒲陀雪浪在州北蒲陀峒兩峽崎嶇蔽日蔚雲中
瀾苴河源破峽而來雪浪銀濤與怪石終

古噴薄相怒吼一徑縹緲側掛俯視懸崖之下
若輟雷在足地根依稀搖動慄慄乎有戒心焉奇

險之境不殊巫峽

山市秋濤在州南魚潭坡面臨洱水萬頃汪洋每歲中秋百貨千艘喧闐駢集趁夜登臨但見

水月相涵炫若萬道金蛇騰遊海面碧天寥廓沉瀝遙通恍如置身玉宇濯魄冰壺矣

論曰八景之例流為濫觴故曲陽志刪之陸稼書先生謂是差強人意雖然岳陽樓天下壯觀也而范文正公為之作記滕王閣宇內勝境也而韓昌黎伯為之作序彼二公豈流連光景云爾耶抑濟人利物之懷動於中也後之覽鄧境者當作如是觀

古蹟

鄧川州志

卷二 古蹟

三

德源城在州東二里唐時皮邏遣被蒙氏誘焚於松明樓欲強其妻慈善慈善閉城死之蒙氏悔名其城曰德源

諸葛寨在州東北五十里山頂有石牆遺址稍北曰銀穴洞相傳武侯擒孟獲於此離二里許怪石磊礧如碁布入其中者迷不知出或曰諸葛為之如夔州江濱八陣圖也

青索鼻州東南七里瀾苴河岸相傳武侯兵過無橋攔青蒲索千條以渡故名高志云洱水有青莎鼻洲或莎

音近索而訛未知孰是

南詔潭州西三十里潭寬而深萬木陰森三山環繞一面有石牆世傳南詔時土人避兵其地

金龍潭州東北六十里俗名邀龍潭邀龍者世說武侯駐師於此無水邀龍祈水故名潭開石罅瀾瀾許青碧一泓如隔塵世微呼噉則響通萬竅韻若笙篁其水潛流兩派一東出蓮花箒一西出靈源澤俱利灌千畝丙穴州南十八里地名魚潭坡坡腰有穴峭而深泉冽而清中產油魚小僅三四寸烹之湯香成油味肥美楊

鄧川州志

卷二 古蹟

四

升菴太史鐫丙穴二字於石壁
玉泉巖州西北十五里大市坪溫泉傍有巖巖龜塑御史楊兩依先生像左匾攻玉右匾濯纓今半湮於沙礫敬畏石州西北二十里坦途間突有大石高丈許竦立道旁勢危礮過之心輒懷懼兩依先生題曰敬畏
芭蕉龍州西北二十五里有龍潭潭上古木槎枒芭蕉蔭翳昔年天旱致禱有龍從芭蕉中躍出遂大雨至今禱輒應州牧王思二公先後勒碑其地

大小石洞一名華藏洞在雞足山後大洞有石笋石花

石人石鐘石鼓等物小洞有石佛像異境靈蹤探搽不盡文獻通考吳船錄云雞足山後有洞爲阿難結集大心處或卽此

論曰事之近古者後人無從見之但蹟焉耳非重蹟也重古人焉耳然古人既重則蹟亦烏得從畧哉據其實而書之於人心風俗庶不無小補云

菴寺

鐘靈寺在覆鐘山半林深壑靜白日長閒由寺東盤紆數武陡絕間橫開平嶺俯視三川如帶諸山之平爲岡

鄧川州志

卷二 菴寺

五

圓爲巒突爲巘崇爲阜巘象峙悉如兒孫曠如奧如兼擅其勝

竹林寺在下山口寺居州境北際南望桑麻百里綠海

青疇儼有柴桑風景

普照寺在松曲村山坳石瘦泉清塵氛都滌

一塔寺在舊州北寺中垂絲海棠一株極古而豔

積善寺在鼎勝山麓寺前碧茵席地四圍古木蒼蔚葉

如翠篠幹如虬龍林坳靜遠之致蓋獨擅焉南望羣山

拱秀大海迴瀾又雄濶無比

五佛寺在青索左帶瀾河右榮洱海頗據形勢

觀音寺在隆易村山半據岳爲基萬松隱蔽南樓一景瞰蒼洱於几席彌望雲水相涵空濛無際趙子毅明府詩云春潮南湧江湖白積氣東迴天地青眼前實景也湖潭寺在州東南六里四面青渠環繞楊垂柳臥搖金碧於深叢淺港中蹊徑最爲幽秀寺旁秧田百畝八九月碧波盈盈嘗有鳧鷖千羣遊翔水面居人捕鷺購烹之味極鮮美

鄧川州志

卷二 菴寺

六

雞鳴寺在羊塘里蓮花簪琢石爲房玲瓏窅奧辟蘿崖松之際殊幽峭焉寺後響若風霆銀河乍落睇視之卽瀑布也左右產石如太湖狀其背向上無別識掘之則奇峯危巒嵌空縹透之形悉現下面供以水盆膏液上升經月間蒼苔明活恍若太華一峯置諸盆池中矣余家菴在雞山麓境僻而幽力學勤修之士往往依爲精舍

論曰鄧邑無道觀特多招提耳蓋往古界連天竺奉佛好釋有由來矣以故鹿苑雞園遠近相望不勝紀亦不必紀也紀其景之當採不當遺者焉不然烏

足為訓哉

墳墓

明

給事中楊至墓

在藥師嶺籍貫未詳舊志載正統間從戎卒葬於此

浪穹縣教諭楊宗道墓

在舊州後山松園

士知州阿這墓

在舊州西松園

湖廣叅議楊南金墓

在舊州始山

州學正楊惠墓

湖南武陵人萬歷間任州學正卒不能歸葬東山麓

鄉賢艾自新墓

在下山口東麓

鄧川州志

卷二 墳墓

七

湖南沅州知州艾自修墓

在東山麓

直隸涿州知州劉啟龍墓

在覆鐘山

國朝

湖南茶陵州知州高上桂墓

在德源山

安徽甯國縣知縣艾濂墓

在連珠山

福建松溪縣知縣侯錫埕墓

在連珠山

浙江松陽縣知縣湯景和墓

在雲弄峯

漏澤園

在州南郊地寬敞知州敖公涉貞置

論曰墳墓者往哲冠劍之所藏紀之禁樵蘇也至於

歿無所歸置地瘞之亦月令埋鬻掩骼周禮臘人之遺意歟非仁政當及者哉

鄧川州志

卷二 墳墓

六

鄧川州志卷之三

署牧烏程鈕方圖廣雲定 州人楊柄鏗春樵輯
侯允欽雲城纂

村戶志

古者八家為井凡造都鄙立鄉遂宮室塗巷上之人皆
代民疆理之自井地廢而鄉黨鄰里之聚族居者悉聽
民自為矣鄧邑山童水莽長養其間不愁澗潦之漲即
懼湖河之溢辛勤墊隘端在於此漢循吏傳稱王成黃
霸召信臣等所去民思所居民富安得慈父母若茲哉
行且遍應鄉村進父老問閭疾苦以噢咻而拊循焉

鄧川州志

卷三 村戶

則今日邑聚之紀烏可不詳且明哉至於民數多寡周
禮司民掌之明初郊祀薦之厥制亦甚重矣我

國家厚澤深仁二百餘年生其間者自高曾迄於子孫得
煦育於太和之治故生齒之盛視國初且三倍焉蓋民
者天之心也生殖繁衍備徵昌運邑雖小詎可忽諸

村屯

和山里屬

附郭

蓮荷村

陸易村

和蕩村

楊家村

關外村

溪長村

沙坪

瓦窰頭

百歲坊

上巷村

論曰邑治傍西枕雲龍山左右及西南界皆遵麓結
室地曠曠可耕者寡南盡沙坪至雲弄峯接洱海通
舟楫筭算之徒差便焉至如蓮荷一村讀書力農外
悉能攻木及縫紉入其里門閉寂靜游情年少蓋罕
見也可法矣

鄧川州志

卷三 村戶

二

崑崙里屬

小楊村

汪家營

杜家村

高家村

楊家村

葉蓮村

張家村

上登里屬

下邑村

雲龍山

三邑村

桂皮村

寺脚村

臘坪哨

新生里屬

舊州

起始河

元井村

大邑里屬

市前舖

小邑村

大塘村

市北登

千家村

小邑里屬

官德村

沙溝村

鄧川州志

卷三 村戶

三

樣楠村

官莊

三家村

西邑村

波弄河

小大村

西湖

論曰邑西北界枕伏虎臥牛彌勒羅旆諸山谷洩崖崩彌望皆砂磔場七八月澗水驟發勞防堵焉西湖左右地衍而濕湖中稍收菰蒲魚蔬利然今之蓼渚昔皆稻田也新生大邑傍古州治有山樞蟋蟀風小邑多駭輒有點者魁之頗雄鄉曲實則愚弗自知耳

寺寨里屬

城西

綠玉池

土龐村

楊柳村

雞鳴村

大樓橋

營尾

三梅村

論曰邑北界土龐雞鳴等村當鐘山右翼下踰河而東三梅村當天馬山左翼下多回民漢人特十之三耳薰蕕異器之際乃能偶居無猜焉豈習與俱化歟抑以弱為強歟未可懸揣矣餘皆倚鐘山聯珠山麓

鄧川州志

卷三 村戶

四

雖有澗潦無沖采患民皆勤耕作頗淳樸綠玉池亦有魚蔬利顧清渠一勺方諸西湖匪所儷矣

崇仁里屬

下山口

大花園

大旺

黃家營

中所

青索 在州東南

中前所

雲溪 在州東南

遵政里屬

左所

南天神

王鐵橋

劉官營

大樹營

陳官營

南營

銀橋

右所

雞落登

按明代分四鄉四所鄉屬民村所屬軍屯屯歸武弁

村隸州轄皆沿元代舊制康熙年間裁衛歸州於是

概隸州官版籍以十四里聯屬之今序次先和山繼

由西北界竟東南界自左轉右不別民屯不計里分

大小取其便稽閱也四鄉曰玉泉鄉曰元保鄉曰遵政鄉曰通化鄉

鄧川州志

卷三 村戶

五

論曰明代賦以伍紀地以軍分故屯居亦以姓編焉

遵政崇仁所屬是已地界通衢居上游正中傍瀾河

左右屋瓦鱗比門庭又好緯楔望之亦若蔚然然豈

竄無積聚外未腴而中益餒矣則惟地狹人稠生計

薄弱故也

梅和里屬

下村

小牛街

福堂村

何家營

水磨箐

大村

馬頭村

秦家營

太平村

西莊里屬

社畔村

干木朗

劉官營南節

東官莊

沙登村

松曲村

西亨

騰村

葛官營

文筆湖

邑尾村

文筆村

鄧川州志

卷三 村戶

六

三岔河

沙橋甸

段家營

獨木橋

上登村

石榴園

大圍

紅土坡

鳳尾村

論曰邑北界當天馬獅舌山下地仰亢泉源自陂陀

來者盈涸不常第宜麥宜芋宜煙草田疇不足於是

入深山中斧薪蒸以易升合男擔女負筋骨疲憊彌

覺纖微憔悴矣東界西莊里有靈源澤水利較廣然

七八月山潦並匯潢汙洄淤多斥鹵傍東湖田畝尤塙墾須深掘而層累之風日暄散既久土膏乃發較火耕爲勤劬山中產石色青白凡宮室墳墓堤岸皆需焉有石工數戶世其業審曲面執能飭材以濟用大約邑西界土鬆而潤東界堅燥土性異而民俗因之歷驗蓋無或爽

元保里屬

馬甲邑

井 傍

鄧川州志

卷三 村戶

七

舊河口

大 井

舟子甸

江 尾

大邑村

雙水澗

士登村

大把關

兆 邑

大松坪

馬 廠

礁石廠

白馬登

市坪里屬

海湖河

石塊登

三藏回

桃樹登

玉亮村

滑石板

雞茨坪

石牛坪

羊矢澗

大 哨

三澗門

白沙村

大王廟

論曰邑東南界惟市坪尚有谷飲谿居僻在東山深峭處若元保則四界恢宏綠野平疇頗衍沃又三川水尾匯焉享魚溝之饒據淤田之利碧汶翠港與樹影參差掩畫方村煙間則環海一帶風景殊恬逸矣

鄧川州志

卷三 村戶

八

羊塘里屬分上檣下檣外檣

公雞石

雞鳴寺

頂 山

團 山

小新莊

蓮花箒

小中所

小落開

茅屋村

大落開

姚 營

小新街

千戶營

木頭樹

百戶營

萬家莊

黃泥村

東兒樹

石頭橋

之麻地

平德村

普美村

西棗樹

喻家莊

羅武城

高家莊

上紫關

上練澗

小新村

山西營

鄧川州志

卷三 村戶

九

沙壩村

新莊村

上平壩

下坪壩

浪田

以上係上檣

黃家坪

鸚鵡郎

花石頭

山神箐

小站後

白雙溪

大站後

白土坡

淘金箐

小米郎

箐頭

景東灣

大米郎

清水河

雷鉢寺

陳家莊

水井灣

馬鹿潭

石峽子

黃草壩

乾潭子

啞吧箐

金石坪

柳樹坪

黑泥塘

長官村

財豐村

抱鷄灣

石砌

龍王廟

三家村

鄧川州志

卷三 村戶

十

大莊

花龍潭

新房村

東邑村

黑谷田

核桃坪

鍋蓋山

雙水澗

腰子箐

蔞菇廠

關牛箐

大箐

小營

圍塘

小米地

阿河莊

魯車

沙堆

水槽

松坪

白石莊

軍莊

上五勒

石麟村

馬鞍山

土官箐 以上係下橋

大會莊

功德莊

三寶莊

井東箐

永新莊

水寨

柳樹塘 以上係外橋

按羊塘里四外人占籍過半下橋尤多往往隨地誅

鄧川州志

卷三 村戶

十一

茅居罕比屋故村落繁碎尤甚

論曰羊塘里踰東山之東一線紆迴亂山蟠阻當五

十年以前疫癘甚幾於十室九空是以田野榛穢不

治山嵐瘴霧益毒人今則草萊闕而里煙稠村巷卑

棲之眾星羅碁布焉至若危巒邃箐間一撮可耕一

勺可飲亦復萌屋數椽偃覆叢莽中與雞棚牛宮無

異或零崎三五戶或孤僻一家村試履其地如蜀中

風境夫昔之士滿未嘗患寡也今之人滿不僅患貧

矣

戶口

里屬

附郭正街暨東北南三門戶一百八十六丁五百七

十三口五百五十二各村戶六百一十丁一千四百

九十二口一千六百四十七

崑崙里屬

戶四百三十九丁九百四十四口一千七十

上登里屬

戶二百八十七丁五百十三口五百十六

鄧川州志

卷三 村戶

十二

新生里屬

戶二百七十丁六百七十五口六百三十六

大邑里屬

戶二百有八丁六百三十九口六百五十八

小邑里屬

戶五百九十一丁一千十六口八百九十九

寺寨里屬

戶三百五十五丁九百四十三口八百五十一

崇仁里屬

戶六百有八丁一千六百二十五口一千五百五十

三

遵政里屬

戶六百九十二丁一千四百九十二口一千三百二

十六

梅和里屬

戶四百五十丁一千二十二口一千有九

西莊里屬

戶一千一百二十三丁二千二百九十一口二千一

鄧川州志

卷三 村戶

三

百十六

元保里屬

戶一千七百有十丁三千六百二十五口三千二百

七十三

市坪里屬

戶五百七十丁一千一百九十口一千一百十二

羊塘里屬

上橋戶一千七百有九丁二千三百九十八口二千

二百三十四下橋戶一千三百八十三丁三千二百

七十一口三千五十五外橋戶二百七十七五百七

十三口五百四十一以上十四里戶共一萬一千

十一丁共二萬四千二百八十二口共二萬三千

四十八又菴觀十七所共僧道三十五戶

按黃冊所載較此多三千餘戶丁口倍之查每年造

報黃冊時俱就陳案內逐年遞加故與實額遠不相

符茲就保甲冊內戶核而里區之以明各里戶口多

寡之不同若編銀永不加額之丁見賦役志

論曰古者戶口之數列於史志乘體例與史仿生齒

鄧川州志

卷三 村戶

四

所宜詳書也顧舊志闕如是以今羸昔紉之實莫由

按冊而稽矣夫天地之氣化日趨於盛未嘗覺其生

則蕃不使敗其羣則遂此富教所以遞加於庶也自

嘉慶年間四外無業民之蠅營蠕動於羊塘里者防

其凌競化其剽悍撫馭之術不尤難而要哉

鄧川州志卷之四

署牧烏程鈕方圖廣雲定 州人楊炳銓春樵輯
侯允欽雲坡纂

風土志

夫民之生也水土異宜則嗜好各別非必奇象觀譯之
遠也即同處疆索風氣不無稍殊大理一府民志翕聚
和厚為滇西冠而鄧川尤樸愿無文飾儉嗇如魏柔弱
如蜀近則種類厝雜因而風俗相歧亦不必郡國輻輳
之地始然也他若物產之宜有無之易民氣豐耗淳漓
於是乎見合而紀之一邑之風土人情如陳諸几席間

鄧川州志

卷四 風土

一

矣

民類

鄧在元代以前多土人土人殆即前志所云白飯玉苗
裔俗號白子者歟自明洪武間遷中土大姓實滇繼以
置軍設屯與夫宦遊寄籍客遊占籍之人望衡對宇列
廛而居於是土人稀而漢人眾顧漢人來自中州浸假
而服食婚喪每漸移於習俗土人雜諸爨焚積久而言
語嗜欲亦漸即於薰陶今日者嚮風而聽隨風而化熙
熙然莫識為漢為土矣然亦有不能不區而別之者厥

類惟六

一曰客民江右人貿易城中僅數戶餘則川廣黔粵無
業之徒負孺攜妻孳爨踵至為人充佃戶墾火山誅蒞
結社於羊塘里不下數千人生聚既久良莠叢雜近置
客長約束之離城寫遠聲息易蔽於是客長之勢重納
污藏垢頗難稽查

鄧川州志

卷四 民類

二

易

一曰水手性椎魯耕田治圃外捕魚為業衣袒褐跣足
就東西湖中築室居菅茅苦蓋僅蔽風雨惟簡陋無冗
費故多殷實人莫知也近亦有讀書者
一曰山西猓獯山居牧羊藝苡麻面多黧黑羊皮牛臂
盛暑不去也墾山地故多犁牛五月栽秧時入村里為
人耕犁性愚而馴從不涉訟
一曰東山猓獯詳見盜防志
一曰擺夷男加帽女辮髮耳垂銀大環衣統裙勤於織

紡本居夷地乾隆三十三年征緬有土目內投令引路
既定緬處隴夷於內地分撥鄧川者先在城內頗滋擾
嘉慶十五年頭目金姓以罪徙貴州十八年署州公
遷其居於大會五勒大會五勒者羊塘里隴夷口糧莊
也先由莊運穀至城民病之嗣令自食其力民夷咸便
其鹽菜衣履銀在大會五勒餘穀變價並賓川鎮雄魯
甸租折項下共銀壹百叁拾玖兩柒錢貳分撥給然丁
口彫零殆盡正身無幾凡夷女家漢人其子孫瓜葛咸
得首領焉

鄧川州志

卷四 民類

三

論曰鄧民性質而柔畏法易治官斯土者樂道之非
私也惟裸民攘竊性成回民多強悍往往滋患焉然
寬即鳴張而猛則馴伏亦視馭之者何如耳天下豈
有不可治之民耶

風俗

士苦貧而能自好農終歲勤動工惟日用所需無淫巧
商操尺布斗粟之盈無奇貨習尚淳樸科甲聯翩仕宦
悉守官箴比戶能知誦讀惟生計歉薄故儉嗇成風而
民首急正供夏稅秋糧於九月開徵後無論紳民貧富

一體踴躍輸將不待歲終掃數完納其次婚嫁之禮生
子甫訖即為擇配先向女家問生年月日令星士與男
命合之既吉請親串中齊眉者為蹇修往女家致詞得
允乃擇期以酒脯環釧將禮女家答庚帖即問名納吉
也候男女稍長方納采若納幣於親迎前行之六禮儀
節豐儉視力無相強近於問名時女家間有論財者愚
魯寒微因喪扶娶在所時有持風化者宜挽之其次喪
葬之禮凡附身附棺窆窆禮物皆稱家之有無惟大殮
日小康之戶必置酒席延親族若女喪則女家傾族往

鄧川州志

卷四 風俗

四

雜踏喧闐爭論孝帛稍拂意輒使酒嫂罵不休此等惡
習尤宜力革以儆效尤其次祭祀之禮營建祠堂者少
即有之亦皆閭族同奉一祠無祠之家以屋中楹祀其
先朝夕焚香節薦時食雖儀節不盡如禮而必誠必敬
無智愚如一焉下此民間瑣俗自元旦至歲除皆有所
事元旦備素饌供天地祖先往來賀歲接期各邨先後
迎神演劇謂之春臺又元日至望擇期墓祭清明日插
柳於門仍墓祭四月初八日善男女作浴佛會立夏日
以窻衣撒牆根却虺毒端陽以蒲為劍插諸門懸艾食

鄧川州志

卷四 風俗

五

角黍飲雄黃酒用五色絲線作續命縷約小兒腕六月朔日至六日禮南斗祈福二十有五名火把節傍晚束松枝為樹高數丈焚之鼓樂釀飲於下兒童手持小炬搗松脂末向人灑燒火光騰耀曰燒疠氣是節或以為弔慈善或以為弔阿南或以為武侯是日擄孟獲侵夜入城父老設燎相迎遂沿為俗或以為照歲持說粉紛存而不論可也七月七夕婦女以針漂盂中就燈視影熈妍比諸乞巧中元節前數日家各奉先祖影神於中堂朝夕奠至十四日設祭焚冥楮新喪之家親族具

庶饑冥衣楮鑿往薦冥衣昔用布刺史李公文培禁之今用紙矣中秋為魚潭坡會百貨成集月出時村人各陳饊餅瓜果望月遙拜相酌饋九月朔日至九日禮北斗祈年重陽飲菊酒登高十月祭墓長至日相賀以棗餅互饋臘月念四日祀竈除夕飾門丞楹聯然爆竹以酒脯祭先祭竈竟夜圍爐守歲餘則尊祀

文昌帝君

關聖帝君十室之邑必擇地營殿宇恭值誕期犧牲虔祭而文昌洞經會里巷間尤加意整飭各立社規凡道

鄧川州志

卷四 物產

六

家所謂神誕日必肅衣冠就祠廟部署經壇諷誦竟日妙香國為神僧靈蹟雞足山為迦葉道場疆域毗連故佛院僧寮遠近相望修齋設醮視為資福疾病醫藥外多惑於巫邱墟叢莽間纍纍跪禱半淫祀也蓋爨爨遺俗未能悉化云

論曰形於上者謂之風成於下者謂之俗革薄還淳視士大夫為轉移鄧天末一隅入版圖較後流風遺俗迄茲有未悉變者然自明以來科第相望忠孝節義之事美不絕書謂人心風俗之責不重賴賢司牧與士夫詩禮之家有以濡染之而漸摩之哉

物產

鄧川濱海者壤白近山者厥土赤而不埴近湖者淖平陸青黎五穀宜稻分早晚有粳糯有紅穀黑穀弔穀落地白麻雀皮麻線皮長芒等類宜麥有小麥大麥大顆麥大麥謂之斨小麥謂之麩有蕎麥分甜苦有薺麥爾雅謂之蕭雀有御麥蜀人謂之包穀宜豆有黃豆黑豆綠豆花豆飯豆蠶豆獨蠶豆大而多學圃雜疏云蠶豆初熟味甘香種自雲南來者大而佳高地宜蘆粟蘆粟

卽高粱舊志謂之梁者悞梁詩周頌所謂維糜維芑是也粒尖小不耐寒暑故種之者稀宜黍宜稷宜麻麻有脂麻大麻大麻謂之火麻脂麻又謂之胡麻黍謂之黃米粘者可釀酒不粘者北人謂之飯黍稷謂之小米江東謂之糜關中謂之糜成熟最先故爲五穀長數者皆產羊塘里不常種大約三秋皆稻春夏皆蠶豆麥餘特間植之地率一歲二收田皆再犁惟種蠶豆則否犁必以二牛三人如李京雲南志畧所謂前牽中壓後驅者將犁必布以糞糞少則柯葉不茂多則驟盛而不實凡

鄧州志

卷四 物產

七

力作男女偕而女數常贏二月布種三月收豆四月收麥五月插秧六七月耘凡耘必三遍否則茶麥滋蔓九月十月穫稻種豆十一月種麥每歲僅得兩月隙而正二三四月河工之役尙未計焉凡穫操鎌挽藁腰弓而進不能施綽鈔凡收皆擔負捐捐不能役牛馬稠載時貧民及遠方人攜妻挈孥爭拾穗可獲數斗乘間竊取亦有之不能禁也凡田具有板鋤銳爲三角有耙尖爲四齒鐵皆重數觔非此難直鹿凡治圃謹籬梳壟密糞利濕灌燠其蔬菘屬有白菜芥菜蘿菔紅蘿菔瓜屬有南

瓜俗呼爲金瓜有王瓜苦瓜黃瓜絲瓜冬瓜凡瓜大者謂之瓜小者謂之瓠其肉謂之瓢子謂之犀有葱韭菘蒜惟產波弄河獨頭者佳有青菜苦菜春不老波菜菠菜出頗稜國悞爲波復加草有豇豆豌豆羊角豆區豆有蔓菁卽葑有萵苣俗呼爲萵筍有茴香苜蓿在野有山藥味同懷慶有藜蒿有菌菌屬爲雞塊爲柳菌味均摩菇在澤有藕有芹有菱筍蒲心海菜海菜甘滑如蓴在山有蕨搜神記蕨不可生食恐化爲蛇其果春有枇杷櫻桃夏有梅杏桃李無花果鎖梅鎖梅卽覆盆子有

鄧州志

卷四 物產

八

酸多衣救軍糧秋有榛栗梨石榴花紅葡萄海棠拐棗冬有松子羊棗柿子木瓜橄欖黃果橙柚橘佛手柑香櫟南中草木狀云枸櫞肉厚而白女工競彫花草浸諸蜜以餉客其蔬有苧薺土瓜甘蔗落花生蓮實甘露白合菱角武陵記四角三角曰菱兩角曰菱今所產皆四角宜呼菱有白芋紅芋陽芋陽芋細白鬆膩羹之可比東坡之玉糝其花四時競秀清如蠟梅雪蘭水仙白蓮雅如玉蘭木筆玉簪芙蓉剪春羅夾竹桃棗棠梨繡毬海棠石竹蝴蝶木樨淡如秋菊秋葵香如梔子丁香晚

香玉魚子蘭金銀桂艷如牡丹芍藥山茶秋海棠粉團
紫薇杜鵑石榴桃杏皆遍產然惟罌粟盛罌粟胡爲盛
花落苞肥時取汁作芙蓉餅售諸吸煙者利較豆麥多
數倍黠者倡之愚者效之遂治麥壠爲花田可慨也卉
則有芭蕉茜草鏡面草燈心草菖蒲茅萍藻荇蘆荻仙
人掌藥則有天冬荊芥薄荷薏苡桑寄生半夏車前乾
葛紫蘇益母黃精花椒白芨防風三稜黃芩南星九里
光竹則有紫竹金竹龍竹鳳尾竹慈竹苦竹木則松柏
椿杉栗楸楸榆椴欄夜合槐楊咸有之然拳曲不中棟

鄧州志

卷四 物產

九

樑用蓋美者咸鬻之復不爲之植山窘於生卽薪蒸亦
貴鬻鬻者咸自東山深處採往返百里焉高下俱宜桑
亦有採以飼蠶者率得錢數緡然不講樹藝故其利不
普夫瀕不產棉皆自緬地來鄧又不興織紡尺布片縑
皆購之罄上地一畝所出祇敷棉布三疋價故衣服半
藍縷若廣興蠶桑如吳越豈不可進結鴉而衣帛耶習
玩坐廢甚可惜也幸有乳扇利乳扇者以牛乳杯許煎
鍋內點以酸汁削二圓箸輕盪之漸成餅拾而指攤之
以二箸輪卷之布於竹架成張頁而乾之色細白如

輕穀售之張值一錢商販載諸遠爲美味香脆愈酥酪
凡家餒四牛日作乳扇二百張八口之家足資俯仰矣
故此戶尙之與驢馬羊豕同孳息若獐兔豹狐香貓土
狗水獺之屬雖有之不常見也羽屬家雞野鴛鴦鴨咸
足食若鞠翔眼睨於四時有鶯有燕有鳩有雀有鴿有
鸛有鴉有鵲有布穀子規啄木畫眉山呼鸚鵡鷓鴣四
喜屎姑姑羽毛文彩有雉有錦雞有鴛鴦有秧雞松哥
綠翠搏擊小鳥於穀熟有角鷹在水有鳧有鷺有鷗有
水鶯捕魚有鸕鷀鷓鴣漁戶畜之能致富然魚利惟魚

鄧州志

卷四 物產

十

溝爲大魚有鯉有鯽有鮎有鰕有鱖有細鱗有竹丁有
油魚有工魚又惟工魚爲多其色如銀狹長如鱗無鱗
少骨味鮮美產洱海中漁者就瀾苴河傍海處開漁通
水曰魚溝溝中就埂腳織竹如立棚曰魚壩棚斜開向
上就對岸爲口曰壩口凡魚性逆水行河水由溝入海
海魚銜尾入溝觸棚水噴沫魚愈跳潑循棚進既入
口漁者以網作兜坐盛之白挺跳潑如梭織盡晝夜所
獲莫可思議尸子云漁之爲事有釣網罟筌笱罟罾柁
梁罾筌筴之類又江賦柁澱爲涿夾澱羅筌皆漁具備

而人力乘之未有坐獲大利如此者夫鄧川食貨微如油如糖如蜜如蠟如煙草蒲蕭白毡酥油皆猥瑣僅敷用惟工魚乳扇稍流布願乳扇成之也勞消之也細獨魚利逸而厚焉非借瀾直河開溝烏能有此若夫介屬則有螺螄有蛤蚧有蟹有鰕蟲屬則以脰鳴者以注鳴者以翼鳴者以股鳴者以胸鳴者食葉者食土者食而不飲者飲而不食者不飲不食者肖翹焉喘奕焉無類不有無時不生約而計之鄧境環山襟湖跨河濱海所謂山林川澤邱陵墳衍原隰具備故毛羸不乏鱗介咸

鄧川州志

卷四 物產

十一

有物則若阜若膏若聚若叢若莢皆產然而纖薄不足恃也天下大利在農所實在土乃地勢南北極縮東西稍寬截寬補縮爲方一同而少餘以二十分之山居八水居四荒喬砂礫居二城郭道路闌闌村落亦居二可耕者僅二十之四耳風雨和則穀價驟賤稍不調則驟貴賤則傷農貴則無業之游民可慮李惲云善爲國者使人無傷而農益勸漢志云凡輕重斂散之以時則準平是蓋不可以不講云

論曰鄧於明代產銀若臘坪玉獅廠東山凹西山凹

南衙皆其地也然厥徒皆四外無業民徒手來囊金去致以賠課累地方民不能支逃亡者屢矣昔唐代權萬紀言宜饒部中鑿山治銀可得數百萬太宗惡其規利而黜之眞萬世法也願地藏不可輕發而布帛菽粟不可一日廢鄧不事蠶織半以力穡委婦人男子輒事嬉遊豈生民之道哉驅遊惰於南衙而以女紅飭閨化竊謂移風易俗之道此其爲首按南衙尙產銀願地界屬鄧川而輸課於鶴慶厥旺則抽收之利歸鄰封衰則礦徒無依就附近之羊塘里四出搶劫害又鄧邑受之矣

鄧川州志

卷四 街市

十二

街市

貧民負升斗以易布蔬商人計錙銖以供俯仰各於適中之地期會名曰街子猶之北方謂之集南方謂之墟黔蜀謂之場是也凡六日而一週計

州城街逢子午日 沙坪街逢未日

右所街逢寅申日 舊州街逢卯酉日

銀橋街逢辰戌日 中所街逢巳亥日

黃家坪街逢丑未日 新街逢寅午戌日

論曰鄧多盜宜禁屠牛蓋屠人陰取牛於盜屠宰與

盜益攘牛矣又昔者回獮構鬪相持不敢鬪故於中
所街持刀矛火銃數百人往來馳突如逐陣市駭而
罷婦孺相踐踏官莫能問也其氣燄之張有如此又
軍流出城行竊間或鼓眾抽薪蔬窮民往往吞聲夫
是三者地方之害莫此爲最詰奸宄而安善良非猛
以濟寬之君子其孰與歸

鄧川州志卷之五

署牧烏程鈕方圖賡雲定 州人 楊柄銓春樵輯 侯允欽雲坡纂

災祥志

昔京房著五行徵應之符趙抃有治亂俱陳之章黃石齋詳古今咎徵之辨古人仰觀俯察於天人感召禱祥契合之微何其綜覈條貫如是哉蓋格致之功深矣夫災異之生上天所以示警稽古證今絕非臆斷乃儒者輒謂春秋不書事應詆董伏歐劉立論之誣不知春秋事應散見諸書立經主簡故文義分行爲傳尚通則推

鄧川州志

卷五 災祥

衍備盡今以世無通貫之經遂謂經無應證之義可乎陸清獻公曰漢儒言五行以災異與人事一一配合說雖拘感應之理不可廢也因約災祥事實著於篇

明

成化十四年秋七月玉泉鄉大水壞州治學宮蕩廬舍
成化二十二年學宮白鳥集白龜夜遊

正德十年地大震八月復震

正德十一年雷擊殺九蛇 長皆丈餘 圓尺許 黑雀數萬食禾苗

十一月彩雲見經宿乃散

正德十二年二月彩雲見

嘉靖元年五月有異蟲背戴火星三十二點經月始沒

嘉靖十年有龍三見太和鄧川間迅雷數處擊死五人

嘉靖三十年三月熒惑入鬼四月有星墜南方光燭屋

嘉靖三十五年七月彗星見長數尺月終乃滅

萬曆五年彗星見西南方光燭天

萬曆七年八月彗星見西方光燭天

萬曆十二年彗星見

萬曆十八年彗星見東南方經旬乃沒

鄧川州志

卷五 災祥

萬曆二十年彗星見

萬曆三十五年夏彗星見十一月復見西方尾東指其

色赤

國朝

順治二年州北村有耕牛作人言

順治九年十一月彗星見東南方二旬乃滅

康熙二年秋瀾直河東堤決中所橋上總兵馬公雷經

過督兵塞之

康熙十九年四月熒惑守鬼薄積尸氣冬十月彗星見

長如匹練月餘始滅

康熙二十九年十一月朔太白晝見

康熙三十年瀾苴河決知州梁公大祿塞之

康熙三十一年四月陰霾三日

康熙五十二年秋瀾苴河西堤決中所橋下

雍正四年秋瀾苴河西堤決中前所橋上

雍正八年秋瀾苴河 堤決井旁東

雍正九年秋瀾苴河堤決

乾隆八年秋瀾苴河堤東決劉官營

鄧川州志

卷五 災祥

三

乾隆十一年秋舊州大市坪山澗水溢人畜田廬半沒於沙

乾隆十六年五月朔地大震不止

乾隆二十三年秋瀾苴河堤決下山口壞東川田廬無數道府憲委員賑濟

乾隆二十六年十月二十有五有白氣如練由東自西長竟天

乾隆三十三年夏六月瀾苴河堤決銀橋上秋洱水溢

沒田禾

乾隆四十年秋瀾苴河西堤決中前所次日東決下山

口田廬淹沒道府憲委員賑濟

乾隆四十七年秋洱水溢壞兆邑江尾田禾

乾隆四十九年秋象山崩壞田廬洱水溢沿海田禾盡沒

乾隆五十九年秋瀾苴河東堤決官伍

嘉慶三年大疫

嘉慶六年西山蛇澗崩澗水截河遂為東堤害

嘉慶九年正月地連日大震秋中所大疫

鄧川州志

卷五 災祥

四

嘉慶十六年彩雲見羅川

嘉慶十八年彩雲見鼎勝山彗星出東北隅長數丈光燭天

嘉慶二十年秋瀾苴河公堤決下山口壞田廬無數道府憲委員賑濟

嘉慶二十一年六月彩雲見鐘山秋瀾苴河西堤決左

所下是歲大饑路死枕藉冬雷時鳴虹時見時電

嘉慶二十二年彩雲見鐘山六月瀾苴河西堤決馬甲

邑下次口決右所下道府憲委員賑濟是歲禾復不登

嘉慶二十三年彩雲見秋大熟

道光元年八月十九夜半舊州落缺嶺崩有聲如吼歷壞山麓居民

道光二年四月中前所有飛石墜物月餘乃沒秋迭雷傷人

道光五年秋疫

道光十五年六月彩雲見鐘山

道光十七年夏旱彩雲見鼎勝山

道光十八年三月彩雲屢見夏牛大疫死者數千十二

鄧州志

卷五 災祥

五

月二十有五地大震自辰刻至夜不止壞廬舍壓斃人畜羅旆山下地裂數十丈民咸露處

道光十九年正月十日地大震八月朔日復震是歲多

豺狼

道光二十三年二月西方有白晷長二丈餘

道光二十四年訛傳雞肉有毒殺而棄之者無數東西

逸各郡皆然

道光二十六年地大震壞衙署民居

道光二十七年冬歲星守井

道光二十八年夏旱

道光二十九年六月彩雲見鐘山

論曰子產云人事邇而天道遠此殆為神竈言也不

然修吉悖凶之理詎不捷於影響哉明仁宗有言曰

在天為五行在人為五事五事修則五行之休徵應

失則咎徵應蓋精於天人之際者矣然則天愛人警

之以變人畏天挽之以德虎渡河而蠱不入境轉禍

為福之道也洪範曰王省惟歲卿士為月師尹惟日

庶民惟星古盛時上下尊卑罔不兢兢焉交相儆懼

鄧州志

卷五 災祥

六

蓋以此

鄧川州志卷之六

署牧烏程鈕方圖廣靈定

州人

楊柄鏗春樵輯
侯允欽雲坡纂

建置志

古者度地居民必建城邑宮室置倉廩立學以教設兵以守罔非為民也鄧於漢初為楛榆地桐師以東皆編髮隨畜為遷徙自蒙氏立學段氏求經雖知嚮風未入版圖迄元啓疆明繼之至我

朝而教化大行與中州埒蓋

國家二百年之涵濡與賢將相督撫監司之經綸雷雨於

鄧川州志

卷六 城池

一

南滇者極之僻壤荒陬莫不綱陳而紀肅則後此之情殷懷保者內修政教外謹藩籬不且念締造之艱而益綢繆於未雨也哉

城池

鄧川州城遷徙者屢矣蒙段氏無足論自元代入版圖設鄧川州治於中所明洪武十七年遷玉泉鄉成化間圮於潦乃遷象山麓隆慶間知州周公文化築之旋沒於沙知州鍾公大章遷於來鳳岡無城天啟間徐公保泰遷於德源城無水崇禎十四年敖公涉貞遷鄧川驛

塹城以土背繞山半

國朝因之乾隆二十八年知州汪公斌截去繞山者其址以石墻以磚周三里七分高一丈五尺厚五尺東門曰德源西曰景徽北曰觀化南曰敷澤城樓東匾曰玉案迴環西曰文明啟始北曰江煙映日南曰龍關擁翠然已坍塌不能修又南門外借西溪水轉東折北為池水挾沙至溪底昂於麗譙矣

鄧川州志

卷六 城池

二

險不事即向之所謂嬰襟帶渙者亦聽其荒頽剝落焉無他數易則制儉數勞則力疲要皆陽侯之厲為之也竊嘗陟巘降原求一可以經久之地而不得無已其大邑士登間乎枕山帶海形勢頗稱兼無四山積潦之虞姑記之以質諸後來若世傳大澗水入蓮花池州基復舊之說殆難遽信

公署

州署城西南坐未向丑中為大堂二堂三堂後為內室內室兩旁為廂三堂右為書齋三堂左旁為廳廳後為

庖湍後爲箭道箭道西爲箭亭三堂前爲涼亭二堂左爲簽押房二堂左廂爲茶房右廂後爲馬廐馬廐後爲倉房近大堂內右側西向爲客廳外左側東向爲案牘神祠大堂前爲龍亭左右爲六房吏舍龍亭外爲儀門儀門外左爲吏目署爲土地祠右爲監獄前爲大門爲懸壁

按道光二十五年十月間地震大堂內廳舍半圯二十六年六月署州胡公道駿詳請借廉捐修大役民力二十七年署州楊公爲翰建箭道內箭亭又按舊

鄧川州志

卷六 公署

三

志乾隆初年知州唐公世梁鑄陳搏所書福壽二字於石砌諸儀門墻謂能避水火又舊有戒石亭在大堂後申明旌善亭在大門外今皆廢

儒學學正署在州署右中爲胡倫堂爲習教軒右爲正房正房左廂爲厨正房前爲廳大門右側爲書吏房訓導署在學正署左中爲正房翼以兩廂前爲敷教堂後爲菜園

吏目署在州署大門內左轉中爲堂後爲室堂後北向爲客廳南向爲書房

按兩學吏目署俱於二十五年地震後與州署同時捐修

汛防署舊在北街久圯以清明坊官鹽店爲署

校場在德源城無廳舍荒岡耳

公館舊有察院行臺今改爲宏文書院

驛舍在南街今廢

論曰公署者出政之地上以布

朝廷之德意下以拊閭閻之疾苦民生係焉國本寓焉貪廉循酷判焉豈惟是棲遲偃仰高語黃紬放衙已

鄧川州志

卷六 公署

四

哉况鄧之爲邑回夷雜處河役繁興其待區畫於官長者尤倍於他邦豈第君子民之父母不禁望琴堂而三致意矣

倉儲

常平倉在州署右南建倉神祠東西北爲厥額貯常平倉穀京斗九千石又貯條銀扣存穀八十四石八斗一升四合四勺除前續兩次清查案內奏準豁免及奉文咨追之短缺穀石外實貯倉穀二千七百二十五石零五升一合八勺

按常平倉因穀價輕重為糶糴使穀價常平始於漢盛於宋 國朝康熙庚子年山東巡撫佛倫奏請積穀備荒畝征四合下其法於直省至癸卯而各省倉儲已足此各州縣常平倉穀所由積也

社倉有六在中所右所青索百厚營長官村者廢惟千戶營尙存穀六百十二石二斗四升耳

按社倉之法髣髴朱子康熙雍正間疊飭直省舉行至乾隆五十年復經御史朱續暉奏請飭辦欽奉

諭旨聽民自行經理

鄧川州志

卷六 倉儲

五

論曰鄧多水患殷富不及東南苟遇凶荒必資賑濟然賑濟之政莫善於常平社倉二法蓋常平掌於官附郭之天災有備社倉立於社鄉村之饑饉無虞法良意美舉其廢而普其澤是在念切民瘼者

學校

文廟建始於元代在中所會真寺後明洪武十七年遷玉泉鄉州治右成化十四年沒於沙水二十二年巡按郭公紳莅境檄建象山麓提學僉事何公俊司業羅公欽順各為記崇禎四年知州徐公保泰因水患遷鼎勝山

地就荒僻旋圮

國朝康熙二十六年知州何公琛捐俸同儒學周道治段縵遷城南又壞於溪水乾隆十六年知州蕭公克峙始遷來鳳岡關山坳五大級最上建大成殿五楹殿後稍左建

啟聖祠三楹殿左右建東西廡各七楹墀中做平臺為拜跪地次建大成門三楹門左為名宦祠右為鄉賢祠祠右為更衣所又次建石坊曰金聲玉振宮牆週遭繚以垣垣之東北隅門曰禮門東南隅曰義路下盡平地

鄧川州志

卷六 學校

六

為照壁照壁外為泮池蕭公及邑人郭煥均有記道光三年署州李公文培捐廉重修葺

書籍桂林陳文恭公為方伯時頒發 御纂周易

折中壹部 欽定書經傳說彙纂一部詩經傳說

彙纂一部春秋傳說彙纂一部禮記義疏一部儀禮義

疏一部周官義疏一部綱鑑正史約一部大學衍義一

部近思錄一部古文淵鑿一部斯文精粹一部呂子節

錄一部貯學正署內

文廟經費乾隆年間知州蕭公克峙置田二十九坵坐落

沙橋甸十二坵赤壁甸二坵馬甲邑一坵彌勒甸一坵
高家村三坵土官溝四坵團山一坵中前所二坵中所
一坵下山口二坵共稅糧一石五升七合條銀九錢四
分公件五錢六分四釐每年收荳穀租二十二石五斗
八升除完糧外作香燈費道光二十二年續置田八項
坐落小站後二項山灣二項白雙溪二項棗兒樹營門
首二項龍竹樹下二項共秋稅糧一石二斗六升每年
收穀租五十五石除完糧外作歲修費

鄧川州志

卷六 學校

七

中所曰登龍西館登龍東館在兆邑曰聯雲館在靑索
曰毓英館在元井村曰玉泉館在龍王廟曰養正館在
羅川曰羅俊館在銀橋曰登瀛館

按書院義學俱係雍正年間陳文恭公所檄建者宏
文書院舊置館穀六十石在癩石坡道光丁未年署
州楊公爲翰以燕支果山田撥入登龍原屬一館嗣
分東西各置租五十三石五斗在小中所團山千戶
營百戶營聯雲館置租四十八石在平壩姜營毓英
館置租四十八石在千戶營棗兒樹玉泉館置租三

十八石在白雙溪養正館置租二十石在百戶營羅
俊館置租二十石在財豐村登瀛館置租四十石在
銀橋計各館租穀除完糧外餘息胥作脩脯
學額雍正二年題準每歲科試各取附生二十名廩膳
生共三十名增廣生三十名每歲試取武生十五名其
歲貢生三年二人禮生十二人

按 文廟祭器樂器俱應詳列以昭慎重然製造簡
陋未能如禮虛紀之失實矣後此禮修樂明肅將祀
事非讀聖人書被聖人澤者之責而誰責哉

鄧川州志

卷六 學校

八

論曰 國家化洽菁莪自成均以迄郡縣莫不建學
置官廣增博士下逮鄉校亦復間闕秩秩釋耒橫經
可謂盛矣邑雖遠處滇南近歲以來碩鄉薦捷南宮
頗不乏人然後知學校之陶鎔爲最捷也擴而充之
鵝湖鹿洞之風奚遠耶

兵防

大理城守營分防外委一員乾隆三十年改設把總額
兵七十名道光初年新疆用兵裁撥十名實設戰兵十
八名守兵四十二名分汛各塘

在城南曰南門塘又十里曰桃樹灣塘又十里交太和界

在城北十里曰右所塘又十里曰中所塘又十五里交浪穹界

在城西北十里曰大市坪塘又十里曰臘坪哨塘又十里至浪穹界

在城東八里曰青索塘又十五里曰乾海子塘又十五里曰大王廟塘又十五里曰大哨塘又十五里曰平德村塘又十五里曰小站後塘又十五里曰白土坡塘交

鄧川州志

卷六 兵防

九

永北界由小站後北折十里曰大石頭塘又十里曰百戶營塘又十里交鶴慶界

以上均設兵分汛
其在州東之焦石廠曰石嘴哨

在州東南雞山後曰檀箐哨 艾志名 桃溪哨

在羅川小站後曰青香樹哨
以上皆皆設兵今裁
又在州東象山中曰大把關以住民獮獮守之

在州西南山箐中曰花甸哨與太和毗連為提標遊牧

之所

又州前舖漢使舖寺寨舖共設舖兵八名
又鄧太交界之龍首關城守營設兵把守

論曰鄧川兵制元代不可考前明設衛置屯立指揮千百戶所以三分操差七分屯種按其伍兩卒旅之數視今數倍願弁驕卒惰不可用屯軍流弊率如此

今僅設兵六十而斥堠無警者已二百餘年蓋國家威稜震疊立制又輕重大小相維故際天盡稽顙矣况鄧密邇鶴榆大帥駐節於南重鎮開府於北雖

鄧川州志

卷六 兵防

十

千萬年如依長城也何需師多糜餉哉
橋梁附

德源橋州北二十里跨瀾苴河三空行水明天順間舍人王綱張福募建楊富重修乾隆二十三年僧定一暨

中所士民再修然河底既高橋如偃臥水面每七八月阻抑洪流震蕩可怖不能不亟籌增高矣

天衢橋州東八里跨瀾苴河如德源而較簪明成化二十三年舍人胡琰建乾隆四十七年署州張公士俊邑

紳高公上桂重修有記

中前所橋在德源橋南跨瀾苴河中前所士民建

王鐵橋在中前所橋南跨瀾苴河軍人王經建

右所橋在王鐵橋南跨瀾苴河邑人劉汝公借宋姓建

銀橋在右所橋南跨瀾苴河先建以木萬歷間舉人楊

詔倡首易以石

井旁橋在銀橋南跨瀾苴河井旁士民建

馬甲邑橋在井旁橋南天衢橋北跨瀾苴河明嘉靖間

邑人楊自新建知州阿國楨重修道光三十六年邑

人加修過橋沿堤轉東北里許磬石成堤形如曲尺臥於波心間以數橋分洩東湖之水曰甲戌橋

鄧川州志

卷六 橋梁附

十一

小街子橋在天衢橋南跨瀾苴河小街士民建

江尾橋由小街橋節次而南跨瀾苴河江尾士民建

鎮水閣橋在江尾橋南是為瀾苴河尾江尾各村同建

普渡橋在州南十七里跨上洱池以通東西道知州陳

公鑑率邑人趙美建

三道橋在州北二里許一堤巨摩迦澤中以通南北孔

道復截堤為橋以通東西澤水明天順間左所屯軍蔣

慶倡建宏治十六年杜文宗重修道光二十五年地震

盡圯二十九年署州湯公師淇捐修

龍橋在州東里許跨羅時江宏治四年同知陳永亨建

以木嘉靖二年前上關屯軍沈經易以石雍正間貢生楊

東昇重修

楊家營橋在州西北八里跨西湖尾楊家營暨附近各

村捐建

西湖橋在州北三里西湖南岸嘉靖間邑人楊自新建

知州阿國楨重修今淪於水

六橋在州東五里先因東湖漲漫砌石堤為路中駕六

小橋通水舉人楊詔倡建今成陸路矣

鄧川州志

卷六 橋梁附

十二

沙橋在州東四里沙橋甸士民建

三善橋在州東羊塘里跨羅陋河萬歷間里人王啟倡

建今圯

鐵索橋在三善橋南跨羅陋河道光二十九年里人楊

振烈客民陳秉信倡建

永濟橋在鐵索橋南跨羅陋河嘉靖間里人李政楊繪

等倡建今圯

高寬橋在州東南小站後

和光橋在州東南大哨塘

松鶴橋在和光橋下

論曰鄧邑如澤國多洪流未可深厲淺揭也然皆鋪石齒如坦途不致至崖而返徒杠輿梁治賅織悉爲政之道蓋如此

鄧川州志

卷六 橋梁附

三

鄧川州志卷之七

署牧烏程鈕方圖賡雲定

州人楊柄錕春樵輯
侯允欽雲坡纂

祀典志

五禮莫大於祭蓋通微合漠將以理幽明導二氣使陰陽寒暑平而後疫癘災祲息此其道甚大而其理甚微也我

國家祀事孔明容臺所司彝章悉備凡守土置吏亦得隆簠簋犧牲之薦協神人上下之和明禮巨典詎可褻視而不詳為稽考哉至若靈貺所憑或俎豆已薦馨香

鄧川州志

卷七 祀典

一

或桴鼓沿為風氣從俗從宜於例悉得備書

秩祀

文廟奉

至聖先師孔子於正位南向為大成殿東西為兩廡以四配十二哲侑饗殿中以先儒從祀兩廡

四配東二位 復聖顏子 述聖子思子西向 西二

位 宗聖曾子 亞聖孟子東向

十二哲東序六位 閔子損 冉子雍 端木子賜

仲子由 卜子商 有子若皆西向 西序六位 冉

子耕 宰子子 冉子求 言子偃 顓孫子師 朱子熹皆東向

東廡先賢三十九位 蘧子瑗 澹臺子滅明 原子

憲 南宮子适 商子瞿 漆雕子開 司馬子耕

梁子鱣 冉子孺 伯子虔 冉子季 漆雕子徒父

漆雕子哆 公西子赤 任子不齊 公良子孺 公

肩子定 鄒子單 罕父子黑 榮子旂 左子人郢

鄭子國 原子亢 廉子潔 叔仲子會 公西子與

如 邾子與 陳子亢 琴子牢 步子叔乘 秦子

鄧川州志

卷七 秩祀

文廟位次

二

非 顏子喴 顏子何 縣子亶 樂正子克 萬子

章 周子敦頤 程子顥 邵子雍 先儒二十八位

公羊氏高 伏氏勝 董氏仲舒 后氏蒼 杜氏子

春 諸葛氏亮 王氏通 陸氏贄 韓氏琦 范氏

仲淹 歐陽氏修 楊氏時 謝氏良佐 羅氏從彥

李氏侗 呂氏祖謙 蔡氏沈 陳氏淳 魏氏了翁

王氏柏 趙氏復 許氏謙 吳氏澄 胡氏居仁

王氏守仁 羅氏欽順 黃氏道周 湯氏斌均北上

西向

西廡先賢三十八位 林子放 處子不齊 公治子

長 公哲子哀 高子柴 樊子須 商子澤 巫馬

子施 顏子辛 曹子邴 公孫子龍 秦子商 顏

子高 壤子駟 赤石子作蜀 公夏子首 后子處

奚子容 歲顏子祖 句子井疆 秦子祖 縣子成

公祖子句茲 燕子伋 樂子欬 狄子黑 孔氏子

忠 公西子蒧 顏子之僕 施子之常 申子楨

左子邱明 秦子冉 牧子皮 公都子 公孫子丑

張子載 程子頤 先儒二十八位 穀梁氏赤 高

鄧川州志 卷七 秩祀 文廟位次 三

堂生 孔氏安國 毛氏萇 鄭氏康成 范氏甯

韓氏愈 胡氏瑗 司馬氏光 尹氏焯 胡氏安國

李氏綱 張氏栻 陸氏九淵 黃氏幹 眞氏德秀

何氏基 文氏天祥 陳氏滸 金氏履祥 許氏衡

薛氏瑄 陳氏獻章 蔡氏清 呂氏坤 孫氏奇逢

劉氏宗周 陸氏隴其均北東向

崇聖祠在大成殿後正祀五位 中肇聖王木金父 左

裕聖王祈父 右詒聖王防叔 次左昌聖王伯夏

次右啟聖王叔梁紇皆南向 配享先賢四位 東顏

氏無繇 孔氏鯉西向 西曾氏點 孟孫氏激公宜

東向 從祀兩廡先儒五位 東周氏輔成 程氏珦

蔡氏元定西向 西張氏廸 朱氏松東向均北上

上丁釋奠陳設禮樂祭器考

大成殿正位設一案

帛一 白色長一丈八尺實於篚

牛一 羊一 豕一 共俎三

登一 太羹 鉶二 左右和羹

簋二 黍稷 簋二 稻梁

鄧川州志 卷七 秩祀 文廟祭器 四

籩八 形鹽 藁魚 鹿脯 栗 棗 菱 芡

豆八 韭菹 醯醢 菁菹 鹿醢 芹菹 芡醢 魚醢

罇一 醴酒 爵三 初亞終獻

鑪一 炷香 鐙二 大燭

殿中陳設次序 爵三設於神位前 登一設於爵前

鉶二設於登左右 簋簋各二設於登鉶前 邊八

設於簋東平列二行每行四色 豆八設於簋西平

列二行每行四色 俎三列於邊豆前牛羊東豕

西 香案設於俎前 讀祝案設於香案右 福胙

案設於香案前 酒樽所設於大成殿兩旁門內西
 向一案東向一案 四配十二哲兩廡崇聖祠鄉賢名宦各祠禮以次殺器以次減陳設
 位之序

四配每位設一案

帛一 色幅同正位共筐四

羊一 豕一 共俎八

銅二 左右和羹 簠二 黍稷 簋二 稻粱

邊六 形鹽 藁魚 鹿脯 棗 栗 菱

豆六 菁菹 鹿醢 芹菹 兔醢 筍菹 魚醢

鄧川州志

卷七

秩祀 文廟祭器

五

樽一 爵三

鑪一 炷一 鐙二 大燭

十二哲東共設一案西共設一案

帛一 色幅同正位共筐二

羊一 豕一 共俎四

銅一 和羹 簠一 黍 簋一 稷

籩四 形鹽 鹿脯 棗 栗

豆四 菁菹 鹿醢 芹菹 兔醢

樽一 爵三

鑪一 鐙二

東西兩廡先賢各設一案先儒各設一案 先賢前羊二

帛一 色幅同正位共筐四

羊一 豕一 共俎十二

簠一 黍 簋一 稷

籩四 形鹽 鹿脯 棗 栗

豆四 菁菹 鹿醢 芹菹 兔醢

樽一 爵三

鑪一 鐙一

鄧川州志

卷七

秩祀 文廟祭器

六

崇聖祠正位設一案

帛一 色幅同前實於筐

羊一 豕一 共俎二

銅二 左右和羹

籩八 形鹽 藁魚 鹿脯 棗 栗 榛

豆八 菁菹 兔醢 芹菹 筍菹 魚醢

樽一 爵三

鑪一 鐙一 祝版

兩廡兩廡共設四案

帛一 召幅同前共篋四

羊一 豕一 共組八

簠一 黍一 稷一

簋四 形鹽 鹿脯 棗 栗

豆四 菁菹 鹿醢 芣醢 芹菹

罇一 爵三

鐘一 鐙二

名宦鄉賢忠義節孝祠各設一案

帛一 召幅同前共篋四

鄧川州志

卷七 秩祀 文廟祭器

七

羊一 豕一 共組八

籩四 形鹽 鹿脯 棗 栗

豆四 菁菹 鹿醢 芣醢 兔醢

壺一 爵三

鐘一 鐙二

殿外陳設次序 龍麾設於門左 祝設於東楹側

敵設於西楹側 琴六列於祝下西向 笛六笙六

列於琴下西向 鑄鐘設於琴笛後西向 編鐘十

六列於前楹左南向 搏鼓設於鐘上西向 鼗鼓

設於鐘下西向 瑟四列於敵下東向 簫六壎二

列於瑟下東向 特磬設於瑟簫後東向 編磬十

六列於前楹右南向 建鼓設於磬上東向 歌童

八人分列門外四左四右

臺上陳設次序 旌節二分列東西舞位前 羽籥共

三十六分為佾舞三十六人之用以十八排列於東

十八排列於西 干二居左 戚二居右 曲柄繖

一居左 孔雀扇二居右

臺下陳設次序 盥洗盥洗設於東階下 兩階設燎

鄧川州志

卷七 秩祀 文廟祭器

八

四隅設炬 瘞毛血次於廟之西北

春秋釋奠儀制

歲以春秋仲月上丁行釋奠禮正祭陪祭各官均致

齋二日祭前一日飭廟戶潔掃殿廡內外省牲官補

服詣神厨上香獻爵三揖禮畢詣割牲所既割牲取

毛血正祭官率執事人入學習儀教官率佾舞諸生

入學習舞習吹畢禮生恭捧祝文制帛赴正祭官衙

門由中道捧至二堂正祭官補服祝文親簽職名

視制帛用水硃印畢仍交禮生祝貼於版帛盛於篋

恭送祭所安設是夕各司事入陳祭器祭品牲牢

祭日雞初鳴正祭分獻陪祭各官齊集戟門外更衣

所朝服序坐禮生稟請行禮通讚內外肅靜鼓初嚴

司鼓者擊鼓一鼓再嚴擊鼓二通諸鼓三嚴擊鼓三

通嚴上各燃炬鼓再嚴擊鼓二通諸鼓三嚴擊鼓三

薦啓戶執事者各司其事歌生就位舞生就位主祭

官就位分獻官就位陪祭官就位文東瘞毛血司毛

將毛血捧從中門出武西瘞毛血血生

埋於西北隅坎下啟牲饌蓋舉迎神樂奏昭平之

章樂作 大哉孔子先覺先知與天地參萬世之師

祥徵麟綬韻答金絲日月既揭乾坤清夷鳴讚詣西

鄧州志 卷七 秩祀 丁祭儀注 九

北隅迎神引主祭神降嚴上司爵生灌酒於復位通讚

唱參神外讚跪叩首九行三跪禮興眾官俱立樂止通讚

行初獻禮舉初獻樂奏宣平之章作宣平舞樂作

子懷明德玉振金聲生民未有展也大成俎豆千秋

春秋上丁清酒既載其香始升引讚主祭官出班詣

盥洗所浴手淨巾詣酒罇所升階升壇升堂司尊者

舉嘉酌酒恭詣 至聖先師孔子位前鳴讚跪司爵生跪奉爵正祭官敬獻

爵奠於壘中司爵生跪奉帛正祭官敬獻帛奠於案

一叩首興通讚讀祝引讚詣讀祝位前跪外讚眾官

皆跪通讚樂止司祝生跪讀祝詞曰維某年月日某

官某致祭於

至聖先師孔子曰惟 先師德隆千古道冠百王揭日

月以常行自生民所未有屬文教昌明之會正禮節

樂和之時辟雍鐘鼓偕恪薦以馨香泮水膠庠益致

嚴於籩豆茲當仲春秋祗率彝章肅展微忱聿將祀典

謹以

復聖顏子 宗聖曾子 述聖子思子 亞聖孟子配

鄧州志 卷七 秩祀 丁祭儀注 十

尙饗各官均行三叩首禮興樂作行分獻禮贊禮生

引正祭官以次詣

復聖顏子位前鳴讚跪獻帛獻爵一叩首興引讚詣

宗聖曾子位前鳴讚跪獻帛獻爵一叩首興引讚詣

述聖子思子位前鳴讚跪獻帛獻爵一叩首興引讚詣

亞聖孟子位前鳴讚跪獻帛獻爵一叩首興同時贊禮

生分引兩序分獻各官升東西階入殿左右門詣

十二哲位前分引兩廡分獻各官詣

先賢 先儒位前獻帛爵叩首均如 四配之儀畢下

堂降階均復位通讚樂止行亞獻禮舉亞獻樂奏秩

平之章作安平舞樂作式禮莫愆升堂再獻誓協

鼓鏞誠孚疊颯肅肅雍雍譽髦斯彥禮陶樂淑相觀

而善引讚主祭官出班詣酒尊所升階升壇升堂司

尊者舉冪酌酒恭詣

至聖先師孔子位前鳴讚跪獻爵一叩首與通讚行分獻

禮引正祭分獻各官分詣兩序兩廡如初禮畢均復

位通讚樂止行終獻禮舉終獻樂奏敘平之章作景

平舞樂作自古在昔先民有作皮弁祭菜於論思

鄧川州志

卷七 秩祀 丁祭儀注 十一

樂惟天曠民惟聖時若舜倫攸敘至今木鐸引讚主

祭官出班詣酒尊所升階升壇升堂司尊者舉冪酌

酒恭詣

至聖先師孔子位前鳴讚跪獻爵一叩首與通讚行分獻

禮引主祭分獻各官分詣兩序兩廡如初禮畢均復

位通讚飲福受胙引讚詣飲福受胙位前鳴讚跪外讚

唱眾官皆跪贊飲福酒禮生由右跪遞福酒正祭官

敬受拱舉以授於左外讚眾官皆飲福酒贊受福胙

禮生由右進福胙正祭官敬受拱舉以授於左外讚

眾官皆受福胙鳴讚三叩首外讚眾官皆三叩首與

復位樂止通讚謝神外讚行三跪九叩禮興通讚徹

饌舉徹饌樂奏鼗平之章樂作先師有言祭則受

福四海饗宮疇敢不肅禮成告徹毋疏毋瀆樂所自

生中原有菽徹畢樂止通讚送神舉送神樂奏德平

之章 鳧繹我裝洙泗洋洋景行行止流澤無疆聿

昭祀事祀事孔明化我蒸民育我膠庠外讚行三跪

九叩禮興通讚各執事捧祝帛饌恭詣燎所焚祝帛

望燎打躬復位樂止闔戶禮畢撤班

鄧川州志

卷七 秩祀 丁祭儀注 十二

致祭

崇聖祠於釋奠日先行禮凡迎神上香奠帛獻爵行三

獻禮徹饌送神焚祝帛望燎均如儀無樂舞無飲福

受胙其祝文 維某年月日某官某致祭於

肇聖王 裕聖王 詒聖王 昌聖王 啟聖王位前曰

維

王奕葉鍾祥光開聖緒盛德之後積久彌昌凡聲教所覃

敷率循原而溯本宜肅明禋之典用申守土之忱茲

當仲春秋秋聿修祀典謹以

先賢顏氏 先賢曾氏 先賢孔氏 先賢孟孫氏配

尚 饗謹按致祭 崇聖祠有配位有兩廡從祀位鄧未備當敬謹增設

名宦鄉賢忠義節孝各祠於釋菜禮畢後致祭儀節昂

物同教官公服詣祠贊禮生引祭官至位前北面三

上香訖贊行一跪三叩禮興禮生奉帛祭官獻帛禮

生奉爵祭官獻爵禮生贊讀祝祭官跪聽讀祝者跪

讀畢以祝文復於案祭官俯伏興贊行一跪三叩禮

執事者以祝帛送燎祭官退出禮畢按鄧無忠義祠節孝祠在慈善

廟

鄧川州志

卷七 秋祀 丁祭儀注 三

名宦祝文 卓哉羣公懋修厥職澤被生民功垂社稷

茲當仲秋謹以牲醴用申常祭尚饗

鄉賢祝文 於維羣公孕秀茲邦懿德卓行奕世流芳

茲維仲春謹以牲醴用薦馨香尚饗

忠義祝文 維靈秉賦貞純躬行篤實忠誠奮發貫金

石而不渝義聞宣昭表鄉閭而共式祗事懋彝倫之

敘性摯我蒿克恭念天顯之親情殷棣萼模楷咸推

夫懿德 恩綸特闡其幽光祠宇攸隆歲時式

祀用陳篚簋來格几筵尚饗

節孝祝文 維靈純心皎潔令德柔嘉矢志完貞全閨

中之苦節竭誠致敬彰閨內之芳型茹冰蘖而彌堅

清操自勵奉盤匱而匪懈篤孝傳徽 絲綸特

沛殊恩祠宇昭垂令典祇循歲祀式薦尊醪尚饗

社稷壇在北門外無神厨庫房壇址亦圯每春秋仲月上

戊日致祭主祭陪祭各官前期致齋三日掃除壇壝

內外祭之前夕張纛為神厨陳香燭案既割牲官公

服詣香案前上香行三叩禮畢宰人牽牲告脂遂割

牲取毛血祭之日雞初鳴執事人等恭設右

鄧川州志

卷七 秋祀 北壇儀注 四

社左

稷神位於壇共設案一於壇上正中陳銅二寶和羹簋二

實黍稷簋二實稻粱簋四實形鹽棗栗脯豆四實

菁菹鹿醢芹菹兔醢若不能備各就土所有以其類

充設俎二陳羊一豕一又前設香案陳香盤鑪一鐙

二帛二共篚一尊一爵六設福酢於尊爵之次又設

祝案於香案之右司祝一人司香扇一人司爵二人

各立於案之東西東階下設洗當階為主祭官拜位

後為陪祭官拜位通贊二人糾儀官一人漏未盡主

祭陪祭各官朝服畢集更衣所引贊二人引入壇徧

視牲器酒醴饌者告潔退通讚執事者各司其事主

祭官就位陪祭官就位立序禮生捧毛血瘞於西北階

次讚迎神引主祭官至東階下盥手淨巾升階升壇

詣香案前跪司香跪奉香主祭官三上香興降階復

位讚恭神跪叩首各官行三跪九叩禮興讚行初獻

禮引主祭官出班由東階升壇詣

社神位前跪司帛跪奉帛主祭官敬獻帛投司帛奠於案

司爵跪奉爵主祭官敬獻爵投司爵分奠於正中一

鄧川州志 卷七 秩祀 北壇儀注 五

叩首興讚讀祝引主祭官詣香案前跪陪祭官皆跪

司祝跪讀祝曰維某年月日某官某致祭於

社 稷之神曰惟 神莫安九土粒食萬邦分五色以表封圻

育三農而蕃稼 稽恭承守土肅展明禋時屆仲春秋敬

修祀典庶九九松柏鞶磐石於無疆翼翼黍苗佐神

倉於不匱尙饗以祝文復於案退讚叩首主祭官暨

陪祭官三叩首興讚復位引主祭官降階復位立通

唱 行亞獻禮引主祭官升壇詣

神位前跪與終獻均如初禮通讚飲福受胙引主祭官

升詣香案前跪眾官皆跪司爵跪進福酒主祭官受

爵拱舉司爵接興司饌跪進福胙主祭官受胙拱舉

司饌接興主祭官三叩首陪祭官皆三叩首興讚復

位通讚送神跪叩首主祭陪祭各官均三跪九叩首

禮畢讚徹饌執事者各捧祝帛香饌詣燎所焚瘞禮

畢各退謹按會典載各州縣建社稷壇樹碑設神厨

神祇壇在南門外歲春秋仲月諏吉致祭陳設一案於壇

正中南向奉

鄧川州志 卷七 秩祀 南壇儀注 六

雲雨風雷神位居中本境

山川神位居左

城隍神位居右所有簠簋邊豆尊俎羊豕祝版香盤鐘

鐙福酒福胙陳設次序與三獻儀節均如 社稷之

禮惟劍一帛七爵二十有一不同其祝詞曰維某年

月日某官某致祭於

雲雨風雷 本境山川 城隍之神曰惟 神贊襄天澤

福佑蒼黎佐靈化以流行生成永賴秉氣機而鼓滂

溫肅咸宜磅礪高深長保安貞之吉憑依鞏固實寶

捍禦之功幸民俗之殷盈仰神明之庇護恭修歲祀

正值良辰敬潔豆籩祇承牲幣尙饗

先農壇在州東門外後廟前壇左右各有廊房門外藉田

四畝州牧周公品金余公鑑湯公師淇先後培修歲

以仲春或季春亥日主祭陪祭各官先期致齋二日

掃除壇所祭日雞初鳴職事人恭設

先農神案於壇正中所有陳設祭器三獻儀注均與

社稷壇同惟帛一爵三劔一不同其祝詞曰維某年

月日某官某致祭於

鄧川州志

卷七 秩祀

耕藉儀注

七

先農之神曰惟 神肇興稼穡立我蒸民頌思文之德克

配彼 天念卒育之功陳常時夏茲當東作咸

服先疇洪維 九五之尊歲舉 四推之典恭

膺守土敢忘勞民謹奉彝章聿修祀事惟願五風十

雨恒沐神庥庶幾九穗雙歧頌書大有尙饗祭畢去

補褂穿蟒袍主祭官率屬行耕藉禮

關帝廟在州城西北隅知州敖公浚貞建康熙丁巳知州

張公建德重修歲以春秋仲月及五月十三日致祭

主祭以長官執事以禮生先期廟祝潔掃殿宇內外

是日味爽備器陳

神位前牛一羊一豕一登一劔一簋各二籩豆各八鑊

一鐙二殿中設一案少西北向供祝版東設一案陳

制帛一白香盤一尊一爵三牲陳於俎帛實於篚奠

實酒冪勺具設洗於東階上祭官拜位在殿內正中

司祝司香司帛司爵典儀掌燎各以其職爲位如常

儀質明祭官朝服詣廟迎

神送神行三跪九叩禮奠帛奠爵行三獻禮如儀祝詞曰

維某年月日某官某致祭於

鄧川州志

卷七 秩祀

武廟儀注

六

關聖大帝之神曰惟

帝浩氣凌霄丹心貫日扶正統而彰信義威震九州完大

節以篤忠貞名高三國 神明如在徧祠宇於寰

區靈應丕昭薦馨香於歷代屢徵異蹟顯佑羣生恭

值仲春嘉辰遵行祀典筵陳邊豆几奠牲醪尙饗三

獻禮畢送 神祇燎並如儀謹按武廟尙奉三公祠同日委教職先祭鄧

未建祠宜 遵禮營置

文昌祀於宏文書院歲以春秋仲月長官躬詣致祭是日

味爽廟祝潔掃殿宇內外具祝版備器陳行禮儀節

均與 關帝廟同祝詞曰維某年月日某官某致

祭於

文昌帝君曰惟 神蹟著西潼樞環北極六匡麗耀協昌

運之光華累代垂靈爲人文之主宰扶正久彰夫感

應薦馨宜致其尊崇茲屆仲春秋用昭時祀尙其歆格

鑒此精誠三獻禮畢送 神眠燎均如儀

城隍廟在州署左知州敖公浚貞建道光二十五年地

震半坍塌署州湯公師洪重修每朔望長官詣廟拈

香

鄧川州志

卷七 秩祀 文昌儀注 充

薦壇在北郊歲以三月寒食節七月望日十月朔日祭

前期守土官飭所司具香燭公服詣 廟以薦祭告

城隍之位上香跪三叩首興退至日所司陳羊三豕三

飯三石尊酒楮帛於祭所設燎鑪於壇南黎明禮生

迎

城隍神入壇設於正中香案一鑪鑿具贊禮生二人引

官詣

神位前跪上香三叩首興退執事者焚楮帛官詣燎鑪

前奠酒三爵退禮生仍奉

城隍神還廟

論曰祀典之頒海內從同匪獨鄧然也茲必一一臚

列於篇者地界邊陲一切儀制邑人士未必家有其

書謹筆之使巖疆之地皆禮樂之林亦廣聖教之一

端云

羣祀

土地祠每春秋仲月擇日官詣祠祭行二跪四叩禮

案牘祠每春秋仲月擇日官詣祠祭行二跪四叩禮

倉神祠每七月七日十月開倉收米日官詣祠祭行一

鄧川州志

卷七 秩祀 厲祭儀注 三

跪二叩禮

觀音寺在州南門外歲二月旬有九日官詣寺拈香按

世傳大士昔日靈蹟在榆功同敷奠故民間皈依尤

誠寺巷遍境內非僅一二處也

黑龍廟在下山口主瀾苴佉江之神每春秋仲月辰日

禮書備羊豕品物請官詣祭行二跪六叩禮

東龍廟在州東八里靈源澤畔每秋七月念三日禮書

備羊豕品物請官詣祭行二跪六叩禮

百善濟旱龍神在大樓橋每春秋仲月辰日禮書備羊

承品物請官委員詣祭行二跪六叩禮若歲早有禮
官率屬步至焉

論曰羣祀中舊有諸葛黃公戊巳捍患三德等祠皆
所以禳水患也今廢矣至於龍神之祀自古無之有
之始於宋之五龍廟嗣是而九龍堂興焉今則京邑
之黑龍淮壩之白龍升中之典尤隆備豈非以其靈
昭普濟保障河流哉夫瀾苴河之滋累深矣有神焉
捍禦而默奠之鄧之人不且家戶而戶祝之耶
民祀

鄧川州志

卷七 民祀

三

魁星閣各村每有之歲於七月七日村人備牲醴祭按
史記天官書魁枕參首註謂北斗第一星又瑤光第
一至第四春秋緯謂之魁是魁乃星也南宋時有畫
工牟利於士子應試日肖魁字爲圖作隱謎得之者
輒喜謂是佳兆也後遂實其神而魁夫子之稱轟於
庠序今文廟中亦建閣則民間之崇信宜矣
子孫娘娘廟村各有之歲以三月念日村人備犧醴祭
按古者必立郊禴元鳥至之日以太牢祀於郊禴今
子孫娘娘之祀或其遺意歟若世稱九天聖母名號

則雜於道家不經之論矣

青龍廟在魚潭坡洱水岸祀洱海龍神

白龍廟在州東南八里許歲以七月二十三日兆邑人

宰牲致薦

鄧睽詔廟在德源山坳

貞節祠在德源山坳葉梗村祀慈善歲於正月初八九

十等日賽會

西山土主廟在覆鐘山南坳歲以十月望日賽會

鄧川州志

卷七 民祀

三

五官廟在梅和里歲以正月九日賽會舊志云神名張
官生前能孝義
三堂神廟在波羅灣山下歲以八月十三日賽會舊志
云唐時有蜀人兄弟三來此教耕讀定居止土人德
之祀焉
右所土主廟卽趙氏善政僞謚惠康舊志稱其有孝行
歲以正月望日賽會
士登土主廟舊志云蒙氏曾隆廟僞謚宣武歲以二月

八日賽會

舊州土主廟歲以六月望日賽會

兆邑土主廟卽蒙氏世隆僞謚景莊歲以正月旬有三

日賽會

石巖土主廟在青索東山均歲以正月八日賽會

論曰廟祀者典禮之大非禦災捍患法施民勞定國者不得與今祠宇相望里巷間婦孺奔走拜跪以奉所謂土主者率多蒙段氏僞號沿侏儻歷數百年而禋祀不輟豈真功德在人耶蓋民志之惑也久矣

鄧川州志

卷七 民祀

所當祛而定之

鄧川州志卷之八

署牧烏程鈕方圖廣雲定 州人楊柄銓春樵輯侯允欽雲坡纂

賦役志

昔人謂全滇財賦不足當吳越一大郡則是全鄧田賦不足當吳越一大圖無他山多地瘠非地利有不盡也國家布物土之宜悉斟酌於前代而去其弊順治十四年勒成賦役全書頒布天下使小民遵茲令式易於輸將官吏奉此章程罔效苛斂為一代之良法大哉王言媿美官禮矣

鄧川州志

卷八 民賦

民賦

原額成熟民地陸百壹拾貳頃伍拾肆畝肆分玖釐叁毫捌忽壹微叁纖捌塵貳渺壹漠內 上則地貳百柒拾貳頃伍拾壹畝柒分伍釐玖毫肆絲肆忽玖微捌纖伍塵伍渺伍漠每畝科稅貳升壹合貳抄柒撮該稅伍百柒拾叁石貳升貳合柒勺肆抄伍撮玖圭伍粒貳顆壹粟內除續墾地壹拾伍頃捌拾畝肆釐毫叁忽捌微伍纖柒塵伍渺不攤丁銀外其餘地每畝攤徵丁銀伍釐伍毫該攤徵丁銀壹百肆拾壹兩壹錢玖分肆釐

肆毫壹絲貳忽柒微陸纖貳塵肆肆漠 中則地壹百貳

頃貳拾玖畝叁分肆釐陸毫叁絲玖忽叁纖玖塵叁渺

柒漠每畝科稅壹升伍合貳撮該稅壹百陸拾叁石陸

斗玖升玖圭叁粒玖顆內除續墾地貳頃貳畝柒分玖

釐肆肆絲陸忽肆微肆纖玖塵捌渺貳漠不攤丁銀

外其餘地每畝攤徵丁銀肆釐陸毫該攤徵丁銀肆拾

陸兩壹錢貳分貳釐壹毫叁絲捌忽捌微伍纖玖塵壹

渺貳漠 下則地貳百叁拾柒頃柒拾叁畝叁分捌釐

柒毫貳絲肆忽壹微壹纖叁塵貳渺玖漠每畝科稅壹

鄧川州志

卷八 民賦

二

升壹合該稅貳百陸拾壹石伍斗柒合貳勺伍抄玖撮陸圭伍粒貳顆肆粟內除續墾地壹頃壹拾玖畝叁分叁釐玖毫柒絲捌微叁纖叁塵貳渺玖漠不攤丁銀外其餘地每畝攤徵丁銀叁釐陸毫該攤徵丁銀捌拾伍兩壹錢伍分肆釐伍毫柒絲壹忽壹微壹纖捌塵捌漠 以上三則該

實徵夏稅本色麥貳百壹拾叁石捌斗伍升叁合伍勺

玖抄貳撮肆圭肆粒陸顆壹粟 實徵折色陸錢麥柒

百捌拾肆石叁斗陸升陸合肆勺壹抄肆肆撮玖粒柒顆

肆粟奉文改徵本邑 實攤徵丁銀貳百柒拾貳兩肆
錢柒分壹釐壹毫貳絲貳忽柒微叁纖玖塵貳渺肆漠
原額成熟民田叁百壹拾叁頃玖拾伍畝捌分捌釐陸
毫陸絲陸忽捌纖壹塵玖渺陸漠內 上則田捌拾肆
頃壹拾柒畝叁分柒釐伍毫伍絲捌忽叁微柒纖壹塵
肆渺壹漠每畝科糧肆升貳合該糧叁百伍拾叁石伍
斗貳升玖合柒勺柒抄肆撮伍圭壹粒陸顆內除續墾
田貳拾畝肆分柒釐捌毫陸忽陸微陸纖陸塵陸渺陸
漠不攤丁銀外其餘田每畝攤徵丁銀柒釐陸毫該攤

鄧州志

卷八 民賦

三

徵丁銀陸拾叁兩捌錢壹分陸釐肆毫貳絲壹忽壹微
貳纖玖塵伍渺陸漠按上則田舊志載該糧叁百伍拾
伍石叁斗壹升捌合叁勺較現在
賦役全書所載多壹石柒斗捌升捌合伍勺又舊載該
徵丁銀陸拾肆兩壹錢伍分貳釐柒毫較現在多叁錢
叁分陸釐叁毫 中則田壹百肆拾伍頃貳拾畝伍釐叁毫叁
絲伍忽陸渺叁漠每畝科糧叁升柒合該糧伍百叁拾
柒石貳斗肆升壹合玖勺柒抄叁撮玖圭伍粒貳粟內
除續墾田玖頃捌拾捌畝肆釐柒毫壹絲肆忽肆纖叁
塵不攤丁銀外其餘田每畝攤徵丁銀陸釐陸毫該攤
徵丁銀捌拾玖兩叁錢壹分壹釐貳毫肆絲玖微捌纖

叁塵貳渺按中則田舊志載該糧伍百肆拾壹石叁斗
玖升伍合貳勺叁抄較現在多伍石壹斗伍
升叁合貳勺伍抄又舊載該攤徵丁銀玖拾兩伍
分貳釐玖絲玖纖較現在多柒錢肆分捌毫伍絲 下
則田捌拾肆頃伍拾捌畝肆分伍釐柒毫柒絲貳忽柒
微玖塵玖渺貳漠每畝科糧叁升壹合貳勺叁抄叁撮
該糧貳百陸拾肆石壹斗捌升叁合壹抄壹圭玖粒肆
粟內除續墾田壹拾頃捌拾捌畝壹分肆釐叁毫柒絲
貳忽壹微叁纖玖塵玖渺貳漠不攤丁銀外其餘田每
畝攤徵丁銀伍釐陸毫該攤徵丁銀肆拾壹兩貳錢柒
分叁釐柒毫伍絲捌忽肆微叁纖壹塵玖渺貳漠按下
則田

鄧州志

卷八 民賦

四

實徵秋糧本邑米肆百陸拾壹石捌斗叁升陸合捌勺
捌抄壹撮玖圭壹粒陸顆陸粟按舊志載實徵秋糧本
邑米肆百陸拾肆石肆
斗捌升玖合伍抄較現在多貳
石陸斗伍升貳合貳勺肆抄零 實徵折邑柒錢米陸
百玖拾叁石壹斗壹升柒合捌勺柒抄陸撮柒圭肆粒
奉文改徵本邑按舊志載實徵折邑柒錢米柒百叁石
貳斗伍升陸合伍勺玖抄較現在多拾
石壹斗叁升捌
合柒勺貳抄 實徵攤丁銀壹百玖拾肆兩肆錢壹

釐肆毫貳絲伍微肆織肆塵陸渺捌漠按舊志載實權
拾伍兩陸錢貳釐玖毫零較現
在多壹兩貳錢壹釐肆毫零

以上成熟民田地玖百貳拾陸頃伍拾畝叁分柒釐

玖毫柒絲肆忽貳微貳織壹渺柒漠該稅糧貳千壹

百伍拾叁石壹斗柒升肆合柒勺陸抄伍撮貳圭壹

粟每稅糧壹石合編條編銀陸錢伍分捌釐貳毫叁

絲貳忽該

實徵條編銀壹千肆百壹拾柒兩貳錢捌分捌釐叁毫

玖絲陸忽柒微捌織柒塵叁漠按現在成熟民田地較
舊志少壹頃柒拾捌畝

鄧川州志

卷八 民賦

五

陸分柒釐陸毫有零該稅糧較舊志少陸石柒斗肆合
伍勺有零實徵條編銀較舊志少肆兩肆錢壹分叁釐
叁毫有零查舊志刊於道光甲申年經署州李公鑒定
二十餘年來地方並無呈報免糧詳准之案何以先後
不符如是詢之書吏
僉稱不得而知云

又按鄧邑軍田小而糧重民田較大而糧輕然亦錯

出不齊蓋先耕者洪武之冊田謂之上地科則重後

墾者繼代之新闢謂之下地科則輕也考周制百步

為晦廣平志以二百四十步為晦大名志以一千二

百步為晦是直隸均各不同又日知錄載解縉大庖

西封事言田土之高下不均而起科之輕重無別或

膏腴而稅反輕瘠鹵而稅反重是又洪武時已然

論曰以歷代賦法考之今之秋折米即古粟米之徵

也所謂夏稅則絲桑稅改折米顏料稅改折銀即古

布縷之徵也官薪役食為均徭祭祀雜支為均平按

里簽民為民壯計糧點馬為驛傳均攤於糧謂之條

編銀即古力役之徵也制賦之法蓋本於此然地荒

則除沙壓河占則除有大慶則賜復遇災荒則蠲賑

於經制有常之中時寓損上下益之意

朝廷子惠元元何有加無已哉顧予猶有說焉鄧邑瀾河

鄧川州志

卷八 民賦

六

中貫田疇歲被沙壓兼以舊決堤堦壘石積田烏

有矣而追呼如故焉至於澗圻湖吞昔咏杭香今歌

魚窟此昔人所以致嘆於民生之憔悴也而諸水尾

淤積成田窟穴其中者又坐享無糧之利抑獨何歎

察茅簷之疾苦紆婦子之縈愁盈者酌之虛者劑之

是所望於司牧之賢而能者

屯賦

原額照舊徵收成熟屯地叁拾肆畝柒分玖毫伍絲該

實徵夏稅折色伍錢麥叁石伍斗柒升伍合柒抄捌撮

伍圭該實徵折色銀壹兩柒錢捌分柒釐伍毫叁絲玖忽貳微伍纖

開墾成熟屯地貳頃玖畝伍分內 地貳頃叁畝照州屬上則民地每畝科稅貳升壹合貳抄柒撮該稅肆石貳斗陸升捌合肆勺捌抄壹撮 又地陸畝伍分照州屬下則民地量加拾分之伍每畝科稅壹升陸合伍勺該稅壹斗柒合貳勺伍抄

以上屯地該

實徵夏稅折色陸錢麥肆石叁斗柒升伍合柒勺叁抄

鄧川州志

卷八 屯賦

七

壹撮照例改徵本色

原額成熟屯地壹拾叁頃玖拾捌畝肆分壹毫肆忽捌微壹纖捌塵壹渺玖漠每畝科稅伍升玖合貳勺壹抄該實徵本色麥捌拾貳石柒斗玖升玖合叁勺貳抄陸撮陸粒貳顆玖粟

開墾成熟屯地肆頃貳拾壹畝捌釐貳毫捌絲照州屬

上則民地每畝科稅貳升壹合貳抄柒撮該實徵夏稅本色麥柒石壹斗柒升壹合陸抄伍撮貳圭陸粒伍顆玖粟

實徵折色陸錢麥壹石陸斗捌升叁合肆抄貳撮柒圭陸粒玖顆柒粟照例改徵本色

原額成熟屯地伍頃壹拾玖畝陸分伍釐肆毫陸絲伍忽壹微捌纖壹塵捌渺壹漠每畝科蠶豆伍升玖合貳勺壹抄該實徵夏稅本色蠶豆叁拾石柒斗陸升捌合柒勺伍抄壹撮玖圭叁粒肆顆壹粟

原額照舊徵收成熟屯田叁頃壹拾貳畝叁分玖釐貳毫肆絲該實徵秋糧本色米貳拾石壹升柒合叁勺柒抄柒撮捌粒柒顆肆粟實徵折色叁錢米肆拾捌石壹

鄧川州志

卷八 屯賦

八

斗捌合肆勺貳抄玖撮陸圭該實徵折色銀壹拾肆兩肆錢叁分貳釐伍毫貳絲捌忽捌微捌纖

開墾成熟屯田陸頃伍拾畝伍分玖毫肆絲壹忽伍微內 田叁頃陸拾壹畝肆分貳毫叁絲壹忽伍微照州屬上則民田每畝科糧肆升貳合該糧壹拾伍石壹斗柒升捌合捌勺玖抄柒撮貳圭叁粒 又田貳頃伍拾

畝捌分伍釐柒毫壹絲照州屬下則民田每畝科糧叁升壹合貳勺叁抄叁撮該糧柒石捌斗叁升伍合壹抄玖撮捌圭肆顆叁粟 又田叁拾捌畝貳分伍釐照州

屬下則民田量加拾分之伍每畝科糧肆升陸合捌勺肆抄玖撮伍圭該糧壹石柒斗玖升壹合玖勺玖抄叁撮叁圭柒粒伍顆

以上屯田該

實徵秋糧本色米壹拾伍石玖斗捌合陸勺伍抄叁撮叁圭貳粒伍顆柒粟 實徵折色柒錢米捌石捌斗玖升柒合貳勺伍抄柒撮捌粒叁顆陸粟照例改徵本色原額成熟屯田捌拾貳頃壹拾捌畝壹分叁釐陸毫玖微伍纖伍塵壹渺叁漠每畝科糧捌升壹合捌勺叁抄

鄧川州志

卷八 屯賦

九

該實徵秋糧本色米陸百柒拾貳石肆斗玖升陸抄玖撮陸圭陸粒壹顆陸粟 開墾成熟官田貳頃肆拾肆畝壹分叁釐貳毫壹絲內 田壹頃伍拾陸畝壹分陸釐貳毫壹絲照州屬上則民田每畝科糧肆升貳合該糧陸石伍斗伍升捌合捌勺捌撮貳圭 又田捌拾叁畝柒釐照州屬中則民田每畝科糧叁升柒合該糧叁石柒升叁合伍勺玖抄 又田肆畝玖分照州屬中則民田量加拾分之伍每畝科糧伍升伍合伍勺該糧貳斗柒升壹合玖勺伍抄

以上官田該

實徵秋糧本色米柒石陸斗貳升叁合陸勺陸撮叁圭陸粒 實徵折色柒錢米貳石貳斗捌升柒勺肆抄壹撮捌圭肆粒照例改徵本色 原額成熟官田壹拾捌頃捌拾壹畝陸分肆釐壹毫伍絲每畝科糧捌升壹合捌勺叁抄該實徵秋糧本色米壹百伍拾叁石玖斗柒升肆合柒勺貳抄叁撮玖圭肆粒伍顆

鄧川州志

卷八 屯賦

十

原額成熟馬料田壹頃玖畝陸分柒釐陸毫柒絲陸忽陸微陸纖陸塵陸渺柒漠每畝科穀捌升壹合捌勺叁抄該實徵秋糧本色穀捌石玖斗柒升肆合捌勺肆抄玖撮捌圭壹粒陸顆叁粟 原額成熟首正田伍拾肆畝玖分捌釐陸毫玖絲陸忽叁微壹纖貳塵柒渺叁漠每畝科穀捌升壹合捌勺叁抄該實徵秋糧本色穀肆石肆斗玖升玖合伍勺捌抄叁撮壹圭玖粒貳顆柒粟 以上附徵大理衛成熟屯田地壹百肆拾頃伍拾肆畝捌分貳釐叁毫壹絲伍忽肆微叁纖肆塵伍渺叁

漢該稅糧豆穀壹千柒拾叁石壹斗肆升捌合貳勺
捌抄柒撮肆圭肆粒肆顆玖粟內除本折麥米柒拾
壹石柒斗捌勺捌抄伍撮壹圭捌粒柒顆肆粟照徵
本折不編外全編稅糧壹千壹石肆斗肆升柒合肆
勺貳撮貳圭伍粒柒顆伍粟內原額成熟稅糧並本
色豆每豆貳石折米壹石伍斗每石合編條編銀陸
錢叁分玖釐伍毫捌絲叁忽又開墾稅糧係照民賦
則例科徵又本色穀比米半科條編銀叁錢壹分玖
釐柒毫玖絲壹忽伍微該

鄧川州志

卷八 屯賦

十一

實徵開墾照民賦則例科徵條編銀叁拾壹兩伍錢伍
分伍釐柒毫陸忽叁微伍纖貳塵玖渺捌漠 實徵原
額成熟條編銀陸百兩陸錢壹分捌釐貳毫陸絲伍微
玖纖伍塵叁渺叁漠

附額徵

實徵草場銀叁拾玖兩捌錢捌分叁釐柒絲叁忽

論曰明初開滇令千百戶率軍丁行屯田法而徵其
賦以養軍蓋軍丁受田納賦猶之佃戶佃田輸租也

國朝開滇兵威震懾裁衛官爲廢弁改軍餘爲編氓惟時

吳三桂實鎮滇竊邊權加賦擁兵遂以昔年輸租之
數爲正賦重以丁銀溢額民不能支此康熙三十年
前所以軍逃佃走也嗣蒙丁銀豁免丁困紓矣而糧
重猶三倍於民賦於是雜派隨之凡當糧頭之家遇
差徭絡繹輒破產故人呼爲濫軍田

丁銀

實在定額人丁並掣出跣丁共丁叁千貳百伍拾壹丁
內 上丁捌百捌丁每丁編銀貳錢玖分該銀貳百叁
拾肆兩叁錢貳分 中丁壹千叁百貳拾肆丁每丁編

鄧川州志

卷八 附額徵

丁銀

十二

銀貳錢肆分該銀叁百壹拾柒兩柒錢陸分 下丁並
掣出跣丁共丁壹千壹百壹拾玖丁每丁編銀壹錢玖
分該銀貳百壹拾貳兩陸錢壹分

以上人丁共該銀柒百陸拾肆兩陸錢玖分業於條

陳地方事宜等事案內奉文攤入通省民賦田地項

下徵收在案

實在定額軍丁肆百肆拾柒丁每丁編銀叁錢該銀壹
百叁拾肆兩壹錢業於欽奉

諭旨案內豁免

實在定額舍丁叁百玖丁每丁編銀叁錢該銀玖拾貳兩柒錢業於欽奉

諭旨案內豁免

論曰唐楊炎變租庸調為兩稅是丁口庸錢已在兩稅中矣乃自宋以來復算丁口以定役所謂兩稅者仍楊炎之舊而不少減焉至明季又舉一切無名雜征而併之是力役之徵先既混入常稅中又復重出常稅外豈非張京江相國所謂一人之身既役之復稅之者耶此由來久矣每覽前代編審之際務求

鄧川州志

卷八 丁銀 總額

三

盈額於是溝中之瘠猶是册上之丁黃口之兒已入追呼之簿民困殆不可言我

朝於康熙五十年特沛

綸音丁錢永不加增是以每屆編審祇重登耗不言有無真煦嫗莫外矣熙暉之風益孳生蕃息於堯舜之世無遐邇皆同焉猗歟盛哉

總額

一實在民屯田地壹千陸拾柒頃伍畝貳分貳毫捌絲玖忽陸微伍纖肆塵柒渺

一實徵夏稅秋糧米麥豆穀叁千壹百柒拾肆石陸斗

叁升玖合伍勺肆抄肆撮伍圭肆粒伍顆內 夏稅麥

壹千玖拾肆石貳斗肆升玖合壹勺柒抄壹撮陸圭肆

粒貳顆 秋糧米貳千叁拾陸石壹斗肆升柒合壹勺

捌抄柒撮玖圭伍粒玖顆玖粟 夏稅蠶豆叁拾石柒

斗陸升捌合柒勺伍抄壹撮玖圭叁粒肆顆壹粟 秋

糧穀壹拾叁石肆斗柒升肆合肆勺叁抄叁撮玖顆

以上麥米穀豆徵貯州倉聽糧儲道撥運報銷

按先年豆麥穀俱折米撥赴大理鶴慶交兌往來守候民病之乾隆年間知州蕭公克時詳請改征折召令民赴州

鄧川州志

卷八 總額

四

完納今因之

實徵條編丁差折色草場牲稅等銀貳千陸百貳拾叁

兩貳錢柒分捌釐肆絲捌忽壹微肆纖玖塵貳渺陸漠

內 牲稅等銀伍拾兩捌錢肆分遇閏加銀肆兩壹分

貳釐伍毫照例徵銀起解布政司庫 草場銀叁拾玖

兩捌錢捌分叁釐柒絲叁忽又條編丁差折色銀貳千

伍百叁拾貳兩伍錢伍分肆釐玖毫柒絲伍忽壹微肆

纖玖塵貳渺陸漠共銀貳千伍百柒拾貳兩肆錢叁分

捌釐肆絲捌忽壹微肆纖玖塵貳渺陸漠照數徵收內

除存留坐放秋冬二季分官代俸工孤貧口糧銀兩外
餘銀起解布政司庫

經費

知州一員從五品歲該支俸銀捌拾兩 門子二名每
名歲該工食銀陸兩共銀拾貳兩 皂隸十二名每名
歲該工食銀陸兩共銀柒拾貳兩 民壯十八名每名
歲該工食銀陸兩共銀壹百捌兩 轎傘扇夫七名每
名歲該工食銀陸兩共計銀肆拾貳兩 禁卒四名每
名歲該工食銀陸兩共銀貳拾肆兩 庫子二名每名

鄧川州志

卷八 經費

五

歲該工食銀陸兩共銀壹拾貳兩 斗級二名每名歲
該工食銀陸兩共銀壹拾貳兩
吏目一員從九品歲該支俸銀叁拾壹兩伍錢貳分
門子一名歲該工食銀陸兩 皂隸四名每名歲該工
食銀陸兩共銀貳拾肆兩 馬夫一名歲該工食銀陸
兩
學正一員正八品訓導一員從八品每員歲該支俸銀
肆拾兩共銀捌拾兩 齋夫二名每名歲該工食銀陸
兩共銀壹拾貳兩 膳夫二名每名歲該工食銀陸兩

共銀壹拾貳兩 門子二名每名歲該工食銀陸兩共
銀壹拾貳兩 餵馬草料歲該銀壹拾貳兩 鞭春酒
席銀貳兩

額設各項祭祀均派共銀陸拾捌兩內除動支公件銀
貳拾兩歸公銅價銀壹拾捌兩外該地丁銀叁拾兩
額設州前菓蓮寺寨三舖共舖兵八名每名歲該工食
銀叁兩陸錢共銀貳拾捌兩捌錢
額設廩生叁拾名每名歲該叁分之壹餼糧銀貳兩肆
錢共銀柒拾貳兩

鄧川州志

卷八 經費

六

額設孤貧十一名口每名口日給銀壹分歲該銀叁兩
陸錢共銀叁拾玖兩陸錢遇閏照加小建照除
以上官役俸食餵馬草料鞭春祭舖廩餼孤貧等項
歲該銀柒百貳拾玖兩玖錢貳分內除鞭春祭舖廩
餼銀壹百叁拾貳兩捌錢以鼓鑄局錢支給於司庫
地丁銀內易銀報銷其孤貧口糧銀叁拾玖兩陸錢
又官役俸食喂馬草料銀伍百伍拾柒兩伍錢貳分
共銀伍百玖拾柒兩壹錢貳分內春夏二季分銀貳
百玖拾捌兩伍錢陸分赴司支領其秋冬二季分銀

貳百玖拾捌兩伍錢陸分於經徵地丁銀內存留坐
放如有官員空缺事故年底核實彙册報銷

論曰宏羊心計之術君子所不道也然既筦錢穀之
重猶茫然於徵比度支之有常何以詰奸飭紀使催
科不礙於撫字彼謂州縣官為俗吏者殆未即國計
民生之要切為一籌耳

課程

各街應徵牲畜稅銀伍拾兩捌錢肆分遇閏加銀肆兩
壹分貳釐伍毫

鄧川州志

卷八

課程

七

稅契原無定額遇有民間投納按季彙解

魚惟洱河有課漁戶按照捕魚器具地面由本府徵收

酒課元保里各村按酒戶輪課由本府徵收

值日

值日舊係地方輪辦嘉慶年間知州呂公以民間守候

未便議令按日繳錢作夫馬價以週年三百六十日算
遇閏照加計

元保里值初二三四等日共繳錢十二千八百文

西莊里值初五六七八等日共繳錢十二千八百文

和山里值初九十一等日共繳錢九千六百文

遵政里值十二三四等日共繳錢九千六百文

大邑里值十五日繳錢三千二百文

崇仁里值十六七八等日共繳錢八千六百八十文減免

下山口九百二十文

鄧川州志

卷八

值日

六

市坪里值十九二十日共繳錢六千四百文

崑崙里值二十一二日共繳錢六千四百文

小邑里值二十三十四日共繳錢六千四百文

寺寨里值二十五六日共繳錢六千四百文

梅和里值二十七八日共繳錢六千四百文

上登里值二十九日共繳錢二千一百五十文減免一千零五

文十

新生里值三十日共繳錢三千二百文小建減免

以上每月大建共繳錢九十四千三十文每月小建

共繳錢九十千八百三十文其羊塘一里應平德村

江邊二站夫馬不繳錢按值日派在門戶門戶編入里甲是值日之多寡視乎里

分之大小核計十三里約有八千九百餘戶以三十

餘戶派值四日崇仁六百餘戶派值三日多寡不勻

各里皆然當酌為增損以一民力方無偏枯之弊

論曰予聞之宜與任源祥條編法云按舊全書存留

項下多係里徭折入之數即如供應一款實係里長

供應官府之銀果爾是公甸之義已派入條編中矣

何以復有值日耶蓋嘗考之昔作存留今已起解官

府無所資借不能不派向民間者勢也所可異者既

鄧川州志

卷八 徭役

元

按日繳錢為簽募費矣而差委去來囚籠過往奸胥

骫法漁利仍索地方應役抑且違票添額捏稱先期

墊辦妄向鄉約折價取盈魚肉窮簷愁嘆四起此則

批政厲民所當急為蠲除者矣

差徭

和山里冊書一名里差一名約總一名

大邑里冊書一名里差一名約總一名

新生里冊書一名里差一名約總一名

上登里冊書一名里差一名約總一名

元保里冊書一名里差二名約總一名

市坪里冊書一名里差一名約總一名

西莊里冊書一名里差二名約總一名

崑崙里冊書一名里差一名約總一名

小邑里冊書一名里差一名約總一名

寺寨里冊書一名里差一名約總一名

梅和里冊書一名里差一名約總一名

羊塘里冊書一名里差一名約總一名

崇仁里冊書一名里差三名約總一名

鄧川州志

卷八 差徭

三

遵政里冊書一名里差二名約總一名

十四里設總冊書一名

按里差下尚有滾頭甲長里差簽於官滾頭甲長民

間按糧輪當無定屬約總下有鄉約隨鄉村大小設

無定額故不詳載

論曰考成以錢糧為重民事以河工為要故冊書稽

數里差辦額此役因田制也約總應值日夫馬請奸

禁盜閭閻賴焉此役因里制也皆周禮比長閭胥族

師黨正之遺然悉以猾徒充之公正謹醇無其選矣

所以百弊叢生里黨益受其害歟

鄧川州志

卷八 值日

三

鄧川州志卷之九

署牧烏程鈕方圖廣雲定

州人楊柄鯉春樵輯
侯允欽雲坡纂

河工志

瀾直河之在滇西不過瀾滄一勺耳然挑濬之夫歲以六萬修築礮夯勞且半之是又全滇未有之鉅役故察險要則形勢宜詳也審利害則章程宜密也嚴約束則公規宜守也籌經費課工程則贏餘宜成法宜備也不以民命為兒戲勿以危機為利藪審之度之提之挈之釐之剔之神智生焉方圖出焉將視成法猶筌蹄否

鄧川州志

卷九

段列

一

則條理密矣前規之後隨之輕言更張是殆未可

段列

瀾直河仰亘六十餘里每春間分段修挖東岸北起蒲陀峒口黑龍廟下南止僧戶堤上名曰上公沙西岸起山脚東止寺寨里一甲名曰小公堤兩處遞年俱動款砌石加修夫則西莊梅和二里屬焉

論曰河水出峽之初厥勢方張有電掣雷轟萬馬疾奔之勢工程之最要者故劃界短西有蛇洞橫截通水東注東岸適以彎處承之崩塌時見然西倚山宜

傍山脚就河中亂石縱橫處拓道引之東岸自然堅

固矣至於小公堤以一線橫障西川尤為扼要砌石加修始於道光二十五年何從前計慮之疎也

由東岸崇上官伍西岸寺寨里一甲起南至中前所橋上為第一段崇上寺寨小邑遵上崇下各里河夫屬焉

論曰第一段水緊沙粗河底高於屋脊望之誠駭目哉官蘇初韓諸伍橫流四溢全河粗沙大石悉停於

此須相形於適中處開子河濶且深引束大溜方無東突西馳患繼此而下則凡一灣一曲處沙淤於此

鄧川州志

卷九

段列

二

岸之凸水必激於彼岸之凹激則險淤則水之對射益力惟深浚而力滌之使驚湍平順而去此則各段施工之法無以易此

由中前所橋下起南至右所橋上為第二段遵下崑崙羊塘各里河夫屬焉

論曰第二段河勢稍直又堤戶惟崇下遵政州前鋪難約束餘悉醇謹夫役亦易督率較之第一段疲玩刁狡有間矣顧隄岸單薄十居七八觀嘉慶二十一年倒潰處不在大灣可鑒也

由石所橋下起南至東岸阿誌遠戶西岸大邑里上排
爲第三段大邑新生上登和山等里河夫屬焉

論曰第三段兩岸無樹沙暫鬆浮險堤病堤層見疊
出矣蓋河勢灣環泥沙易積先年督工者任夫役順
堤出沙並不增高培厚故無沙之處堤之低者不加
高多沙之處堤之高者勢更欹也近復於改堤處留
廢埂扼中央首尾掘斷之沙每大雨隨流推蕩重增
下游一番淤滯蓋全河工程首段爲難三段次之

由東岸吉祥戶西岸大邑一甲起南至西岸元下十甲

鄧川州志

卷九 段列

三

東岸閘頭爲第四段元上元下市坪各里河夫屬焉

論曰第四段西岸中節依山爲固東岸下節與地齊

平河分一段堤僅半焉又粗石悉止上游至此特細

沙泥汁耳河身漸俯堤工亦約是各段中措施較易

者然河心窪下如釜聚每夜放壩之水開之最後乃

涸若亭午工作時彌望盈盈不能依法深挖也其故

有由來矣

由第四段盡處起南至江尾鎖水閣之北爲下公沙堤

歸下七里公修夫則崇下下各草場並元下里亦分撥

焉

論曰聞之漁戶之言曰凡開魚溝須令水進溝中沙
習河內然後溝不壅而魚之沂流入溝者多然則第
四段之阻抑有自來矣各魚溝競爭河水不顧河沙
於是河流既弱河道漸淤所賴者春初決旬之挑濬
耳乃兩岸居民如櫛比掘出之沙位置無地不能不
堆積於屋旁居民病之往往喋喋爭論於是司事者
亦撓於羣喙而中止而下游彌阻塞矣夫水行欲其
暢也滯於下必漲於上此其害爲何如哉

鄧川州志

卷九 段列

四

由鎖水閣下至海口爲田頭沙詳見公規第十二條雜

誌第二則內

章程

瀾直河堤明正統中經州同李公福崇禎中盧公多益
國朝乾隆初俞公唐先後丈定弓尺按糧分界民糧每石
分堤五弓七尺三寸每弓實有五尺軍糧半之自正月望後每
堤一弓出夫二名齊赴河中修濬官稽其勤惰核其工
程期一月而完竣蓋彼時河流泥沙尙少故用力輕省
如此然自康熙三十年至乾隆四十年中間已潰決十

次矣乾隆末署州張公士俊分通河為四段令花戶各
挖本堤內積沙名曰對堤每段限五日上段完竣接挖
下段官俱親加催督然不論沙之厚薄堤之高低但每
弓二夫無缺額卽了事比夫而不比沙與堤民間或臨
點雇募或官至則聚去則散又或在堤充數視堤防為
具文卽有誠實良民盡心力作每苦於本界無沙不能
培補單堤而近隣淤積纍纍業已高岸如岑則又限於
此界彼疆未可通融互易於是堤之厚者益厚薄者益
薄強弱懸殊崩潰立見此嘉慶二十一二兩年中所以

鄧川州志

卷九 章程

五

河決三次也二十三年知州陳公鑑深悉其弊乃改對
堤為合挖分瀾宜河首尾為上下公沙督以親丁中列
四段督以廳汎兩學當其始非不交相謹飭繼漸視為
利藪終則明目張膽相率得錢責夫實用不及一半又
復修堤索賄不顧兩岸塌陷於是工程益壞堤削沙淤
而巨患作署州恒公文親受其累知舊章難因仍也爰
酌為改辦沈公承恩繼之均惻然憫郡民千萬家之累
欲釐剔而拊循焉卽今現行各條也備列於後

一 每年挑濬瀾宜大河十四里按糧編夫民糧每石編

夫二十八名屯糧每石編夫十五名共編夫六萬六千
六百七十九名內除六千六百七十九名每名仍照向
例折錢六十文以作在工矜耆書役人等薪水工食外
上公沙實行夫六千名第一段實行夫一萬五千名第
二段實行夫一萬二千名第三段實行夫一萬一千名
第四段實行夫一萬一千二百名下公沙實行夫四千
八百名挑河之時各按編定實行夫數每段發給告示
使承辦矜耆在工人役咸知並未扣留一名以社藉口
冒銷弊混

鄧川州志

卷九 章程

六

河工除僧戶折繳夫價銀外別無餘款是以矜耆薪
水差役工食不能不動支夫額然使矜耆無限制則浮
冒必多難使工歸實用故限以六千六百七十九名
因勢定制不得不然也死之支銷夫額諸多未妥若
能於每年所存夫價內善為經理積之日久遞年取
息作薪水之費則折夫一款可汰並可普減夫額每
年編折五萬挑挖既省欠夫追比之勞
又無折夫實夫輕轄之弊方為盡善
每段實行夫若干云云者此據當年冊書所造夫額
分派所以防侵漁重實額非謂各里定銷若干名不
准相為通挪也夫隨糧走各里花戶錢糧出人無定
豈能永遠限以定額兼以各段工程繁簡亦有時不
能強同總司紳士當為全河設想若有工程緊要之
處不防哀多益寡但須全河額足無虧勿庸過存矜
域等於膠
柱鼓瑟也

二 挑濬河工先期擇派紳士二人總司其事每段各派

矜者三人專司本段一掌夫發一掌圖記一查夫數仍
公同督催州役以及里差催夫實力挑挖夫有懶惰責
成里差里差怠玩責成州役徇庇責成矜者矜者
因循責成總司紳士

下公沙夫額最少上公沙堤弓最短每
處擇派二人可矣已於公規內敘明

一公舉紳矜必須遴選品行端方才具明練之人聽候
簽派如有徇私濫舉或所舉之人弊混查出併保舉之
人一律議罰

按紳者原須公舉然無所責成則誰為公而誰為舉
乎勢不能不屬之上年承辦之人使之邀約也公規

鄧川州志

卷九 章程

七

十八條先及之河
工自此倡始矣

一簽派紳矜必須慎之於始凡正直剛方奮勉辦公之
人難免嫌怨全賴官不時親加稽查不獨可杜是非之
口即矜者之優劣人役之勤惰工程之臧否均可隨時
獎勵以期功有實效

此條望官之不時親臨也然州主事繁赴堤之勤與
否豈地方紳士所能必故於公規十八條中定於州
署會議時公同稟請不時親
臨河干乘機進言似乎較易

一各段承辦矜者與各項人役誼屬維桑恐難約束先
期出示飭令人役悉聽驅使違者稟究

辦理公事以操守為體以經濟為用未有不能約束
同類者然而未易得矣試就中材而論固不能不為
計也

一浪穹茶壩每正月初間於僧戶折交夫價項下移交
浪穹縣銀伍拾兩作茶壩水夫工食並請嚴飭水夫除
三六九日放水外每日丑刻閉閘勿使滲漏酉刻啟閘
毋得過早自動工之日起至四月初十日止再行拆壩
挑挖之時州署仍飭督工矜者派安人往壩監查務須
按時啟閉毋得意忽違者移請浪穹縣責懲

非丑刻閉閘則河水日午不乾非酉刻啟閘則河水
日脯即至均屬耽誤工程此啟閉所以必限時日也

鄧川州志

卷九 章程

八

近復於清明前後陰雨延綿之時沿海居民動以禾
苗被淹紛紛懇暫放壩於是工程耽誤挨至四月雖
復補闢而農工已迫夫役既少遂至草草
了事此則隣封掣肘之害言之令人痛心

一行夫一名給發圖發一張以便查銷其圖發由州署
鈐用圖記總數發交執掌夫發之人掌夫發者領時稽
查票數發時稽查在工夫數督工之人又加圖記交本
里冊書再鈐里分籤記由各里催差於收工時按名分
散互為稽查不致容隱以期應行夫額全數到工
收發夫票之方可謂至周且密然立法以閱君子
不能防不肖是在承辦之眾各矢清白為要矣
一各段單薄之堤每年責成督工紳士矜者先期逐段

查明稟官飭令各堤戶認真修理期於工堅料實倘州役里差借端勒索或包庇攬修以及堤戶延挨雖修而未如式稟官究懲仍令補修

險堤之不修非差役勒索包庇即係堤戶延捱抑思修堤挖沙兩兩均重章程業已直指其弊承辦者豈可含混潦草或致自貽伊戚

一每年河工既竣各里或有未行之夫仍照向例每夫一名繳制錢六十文官為催追錢由矜耆公同保舉殷富誠實二人收掌所收夫工折價錢文造具印冊三本妥為登記不得添改如有添改必於三本公同註明鈐

鄧川州志

卷九 章程

九

蓋印信司事各存一本送署存案一本其錢以備河工必需之用如有餘剩積之日久可以量數置產永為河工公項其有妄生異議以及侵蝕者嚴究

此項錢文民間歷年皆繳既係河工所餘祇宜河工動用然與其隨時耗之莫若節而存之如果地方紳士實心收掌能存獲十餘年之外妥為安置即可以其息作薪水之費而折夫可刪並可作各段搶修費而意外之疎虞有備於是總減夫額為五萬而民力可以紓是在關心桑梓之人相為維持耳管見所及聊誌之以資諸後來

或謂沙歸公挖堤亦當歸公修夫承辦挖沙業已仔肩重任再責以修堤果能承受乎又謂河工欠夫折價之錢當用作修堤費果爾則人人皆謂本戶為險堤果就當修乎就不當修乎恐日不暇給亦勢難取

給矣事必親歷而後見未可以局外坐談也

一各里所行之夫均須照冊查銷興工一月後於銀橋左所二處各設一局出示曉諭各里已行夫役赴局投銷以免跋涉守候

或疑在局銷夫易於滋弊是大不然蓋州署發過夫飛若干即應繳銷若干倘有浮出即係弊混防查非所難也若使小民紛紛赴署投銷於官無益而於民為大苦矣

以上各章程道光二十五年十二月署州恒公詳定疊奉制軍賀制軍林暨道府憲批示立案泐石以資遵守原案十二條錄十條餘二條已酌改具見後至

鄧川州志

卷九 章程

十

於各條內附註數語所以罄各條中未完之義云一中所右所橋下立信樁石柱一根各長一丈六尺各方九寸就挖好河底深埋入地四尺見面一丈二尺上刻地支十二字字各相去一尺柱腳四旁鋪砌方石恰好現出亥字凡挖沙必須通河河底與石腳平方為合度至於挑沙到堤必遇堤岸低陷始可加高否則只須培厚蓋過高則堤削厚乃固耳

計自道光歲戊子迄於癸卯十餘年間上游河底不止淤高一丈蓋因河工淺深毫無準則故易圖圖了事信樁立實可觸目而警心

一 第一段至第三段各須搭橋工價錢二十千文上下
第四段須十千文上下向例派在糧戶不無差役滾頭
向花戶苛索之弊今清出雜足僧戶夫多價少一項除
向之一百二十兩仍歸前定舊章支銷外加繳銀四十
兩又清查魚溝溝頭沙夫價足錢十二千文二項每
年俱交入值年總理督工等發給搭橋工價派在糧戶
者悉行蠲免倘有不敷准於公田租息內支用報銷

鄧川州志

卷九 章程

十二

一 每年按十折一以及欠夫繳價錢文一俟官追比既
清即發交是年承辦河工衿者儘數置產永作河工公
項倘能一年取息數十金十年可得數百金公費充則
民力裕地方自然起色

按十折一之法說
見經費第三條

一 置買河工公田務須坐落妥當過割清澈所有契券
照抄二分存案外仍將原契發還總理收執令於每年
正月朔十交替呈驗交入值年掌管一切收租完糧均
令一手經理仍每人另給一月薪水以資辦公凡租石

必須及時糶賣搭同是年所剩折夫欠夫價就近增置
田畝除留備一百千文作七八月搶險外公項不得存
錢過三百千文總以及時買田爲定倘有延捱侵蝕許
地方士民據實稟究該年租息及一應銀錢出入數目
必須明白列冊報銷以便下年接手

置產以一人主持
無弊亦私仍當每
年集議安商互相酌奪
俾後來永守無礙爲是

鄧川州志

卷九 章程

十三

以上各章程道光三十年知州沈公承恩詳定已奉
各大憲批示如詳立案

論曰以章程詳釋之前十條所嚴在夫額後四條所
重在置產鞠坡小亭兩先生意見固殊哉蓋恒公適
當賣夫後浮銷多而實用少故除弊貴核額懲前也
沈公又當額滿後亟宜節省以儲餘故與利貴置產
甚後也兩公立法異而所爲除大害與大利以造福
鄧民者方之南陽被澤羣歌召父將無同

公規

河工頭緒繁難真所謂至蹟而不可惡至動而不可亂
者既派紳士承辦可無玩戲身家之虞惟是事屬於公
集益不難亦廢弛最易前定章程各條特撮工程之要

於層累曲至之方尙未之及若不明訂條約俾後來有所遵守恐入乎事中者忽視以就模稜置身事外者坐談以觀成敗日久弊生輒轉推委其不卽於敗壞者鮮矣爰不自揣謹就累經閱歷之事宜交相儆戒之切計以及趨事赴功所當慮終勤始之紛繁臚爲各條名曰公規稟官立案布之永久庶使後之承辦者達而賢得以師其意否亦可以循其途綿綿延延河患庶其有瘳乎

先事預行各條

鄧川州志

卷九

公規

三

一每年春初責成上年承辦諸人先期邀約各里公正紳耆於正月初旬齊集州前會議將本年河工總理二人分辦中四段各三人分辦上下公沙各二人以及收掌所比欠夫價二人擬定稟請州主聽候簽派倘若因循過期以致臨時濫舉不由公議者罰再於是日對眾將上年夫價田租詳細算明

一各段承辦之人久則生怠酌爲輪替至久不越三年上下公沙一新一舊相間中四段一新二舊或二新一舊相間總理二人仔肩尤重兩年卽換其執掌夫價者

務照例舉殷富誠實之人既於春初議定臨時均不得推諉以專責成

後議以總理有置田之舉凡撥佃收租須待來年始有成效連管兩年庶令後來便於接手是已兩在外卽須更替防滋弊也然能得人屆期聽候公議仍舊亦可

一承辦諸人既經州主核定卽催工房稟請派往下公沙者於開印後與工派往各段者於二月初旬與工並於開印後稟請移文浪穹縣先期築壩一切均須預爲催趨若與工遲延夏間農工忙迫夫來既少欠項必多於河工大冇妨礙

鄧川州志

卷九

先事預行各條

四

一督工之人與行夫之人誼屬桑梓縱令極力催督不免疲玩如故餘若差役之狡猾堤戶之躲閃均須官爲整飭方能有濟應於州署會議時公同稟明懇請不時親臨則威嚴所懾既可警諸邑之愚頑兼可規督工之賢否

臨事儆飭各條

一各段督、之人既經地方公舉必係品行端方卽當冰兢自矢勉力從公毋徇私母避怨母遷就母任性母畏難再則工程煩難尤當詳查勒石各條以及公訂各

規庶幾胸有成竹不致遺悞生弊

一各段所設堂差里差册書例受在工矜者約束當事者亟宜整躬率物不激不隨使人人各盡厥職斯為和衷共濟倘若輩實在恣縱不法查有科索包攬等弊公同稟官堂差懇請另派里差懇請柳責

一河工以民力為重通河原編夫六萬六千六百七十九名定案分為折夫實夫二項民間行夫得票的係實用在工者謂之實夫在工矜者應支薪水書差夫頭日給工食謂之折夫折夫總銷六千六百七十九名實夫

鄧川州志

卷九 臨事儉飭各條 五

總銷六萬名每日各段行銷夫額俱當分別開載以便查核不可將折夫數目混入實夫內報銷以致折夫額增實夫額減

一各段應需夫票須各段督工矜者先期令堂差赴衙請領以防臨時乏用至於逐日給散夫票之法業已辦有成規互相稽查苟非喪心病狂不致扶同作弊惟是折夫限有定額祇能於六千六百七十九名內開除試計通河逐日給發書差夫頭工食外下餘僅敷薪水之費既已每人日支馬夫一名倘令再有支銷必致侵占

實夫正額於此亟宜加謹

即事區畫各條

一第二段額派白雲寺河夫二十三名又唐上選戶二十名師耀戶二百三十九名濟川戶一百七十一名應於興工時責成該段稟官移文催夫抑或彼處折繳夫價均應具呈請領以免地方賠累

師耀濟川戶後定為每歲發交夫價銀八兩說見經費項下

一第三段改堤處新培舊積遞年俱應修補酌於提標發交夫價內動支報銷

鄧川州志

卷九 即事區畫各條 六

一魚溝溝頭對堤之沙向例俱係溝戶自行挑挖有歷年差催票稿可憑應令該督工矜者協同差役照舊督催違者稟究

此項已定為歲繳夫價錢十二千文說見經費項下復於咸豐元年各溝戶捏詞誣控蒙道憲札府行州究出誣控情節各溝戶始遵照舊章情愿自行挑挖當堂出具甘結銷案

一鎮水閣下為河尾淤地所有田頭之沙俱係各田戶自行挑挖田頭沙從前長僅里許三十年來河尾涸出於田無數故田頭沙亦較前極長今應照二十五年分令該段督工矜者協同差役極力督催務須深挖廣闢以洩尾閭違傲者稟究

一各段承辦之人於興工一月後即應合詞呈請於三六九放水之期就銀橋左所二處銷夫以符定案

事後收束各條

一每年承辦諸人日行實夫折夫細數均當與冊書同計底册以便查考及至河工完竣核計各里欠行之夫照向例折繳制錢六十文俟五月裁秧後呈請按數催追催追既畢所有應得薪水即具呈請領至於薪水多寡理宜區別下公沙夫額既少承辦只須旬餘每人支薪水錢六千文餘各段及總理每人支十千文不得意

鄧川州志

卷九

事後收束各條

七

為增減

一欠夫折繳之錢除給發薪水外即公同具呈懇請發下所舉收執夫價之人領收其收執之法以及後來處置之方詳定案第 條內

此就恒公詳案重申之後已定為隨時置產較之收存錢文尤安然恐日久生懈不妨並此存之

一自六月伏汛後河水若有漲漫各段承辦之人速為呈請到州懇飭各巡河日夜巡視倘有坍塌之處著該巡河速報堤戶極力搶修違者稟究

公規十八條錄十六條道光二十八年八月間訂經

知州湯公師淇批與詳定各條相輔而行毋得擅改滋弊並經分別存房飭發在案

論曰河工以紳士為承辦訂公規慎約束烏在其可緩哉顧威嚴立乃能統大眾得失難易之判是又官操之官於興工後兩日一蒞河千覈工程飭胥吏獎勵懲情使通河無作奸犯科之弊有踴躍赴公之忱則事無不舉矣有美餘嚴比而慎儲之三十年後以之襄大工自然民困甦而元氣復若任士民之自為無所痛癢於其隙是棄一邑大命也况又吮膏吸汁

鄧川州志

卷九

事後收束各條

六

經費

於筋斷骨折之餘或嗚呼鄧民咸引領望之矣
一雞足山僧戶向繳夫價銀一百二十兩知州沈公清出該僧戶稅秋糧共二百二十五石五斗五升二合共應行夫六千三百十五名繳銀一百二十兩照時價折算只敷三千四百名價少夫多與通河辦理各異因飭令勿庸仍前折繳每興工時與凡民一體挑挖旋據該僧等呈請情愿加繳四十兩當經批准飭令按年於正月初十日先繳七十兩仍照舊章以五十兩移交浪宵

縣作紮壩費以十五兩作工房夫發紙札筆墨費以五兩作延請河工矜耆酒席費二月初一日繳銀五十兩作查河閱工夫馬費二月十五日繳加四十兩作各段搭橋費道光三十年六月初八日案

舊例僧戶折繳銀一百二十兩作各項支銷即恒公詳定十二條中之一備見於此故章程款內不列

一下公沙各道魚溝溝頭對堤之沙嘉慶二十三年經各魚戶投具認狀各照弓數自行挑挖在案旋於道光

二十八年懇紳耆聯名具呈求免又復砌詢立石經知州湯公師洪績駁不准道光三十年復懇總理丐求折

鄧川州志

卷九 經費

九

繳夫價錢十二千文知州沈公列入詳定章程內併歸僧戶續增之銀作各段搭橋費道光三十年六月二十三日案

一舊案以六千六百七十九名爲折夫係合原編六萬內每十名抽折一名共得錢四百千七百四十文原議作在工矜耆書役人等薪水工食費今書役工食已按名逐日給發夫票不復支銷錢文但除發給矜耆薪水外餘俱留作太平錢但不可過三百千文以備七八月間搶險之

費道光三十年六月詳案

一羊塘里龍鳳寺師耀濟川戶額編河工各夫每年提標折繳夫價銀八兩由州署申文請領歸河工用自道光三十年知州沈公領發始

一道光三十年知州沈公發下欠夫折繳錢易銀三百六十七兩五錢飭令是年總理督工等買置羊塘里下坪壩田四段作河工公項遞年取租穀七十三石以後新增舊積均當秉公妥辦逐年詳報候核以防弊混

一道光三十年四月右所宋紹璟將祖遺坐落改堤下民田三畝送入河工公項遞年收獲春秋租六斗外有改堤

鄧川州志

卷九 經費

三

處沙壓趙姓田經署州恒公免糧伍升歸河工公項賠納

論曰凡言工程之鉅者必曰黃河然予考河南志所載荆隆甫塞朱源繼潰以後每年用眾萬餘大約派夫一名坐地二十五頃而民猶以爲病焉以鄧較之不幾輕於百倍哉然則鄧何能支也賢司牧軫念民瘼然以欠夫所遺銖積歲累爲將來編氓息肩計所謂民之父母非耶嗟夫河工之累極矣天下事未有窮而不變者第未識能通與久焉否也

工課

一河夫俱係糧戶充當日行多寡既難額限然聽其雜亂無次則延緩推惰必致虛糜夫額故必於今日應挖之處豫於昨日下午後水涸時親為履驗較量沙石之厚薄定准弓口之大小十名一排親令夫頭植樁為界來朝夫至鋤二箕八依椿順布日晡後督工者分排按視其已挑挖如式者令里差照里給票否則時雖至晚仍須坐守以待其完

一收夫向委里差往往夫來既遲里差容隱護庇給圖點入故收夫必須親身查驗法於每日辰初夫集時令

鄧川州志

卷九 工課

三

管夫者飭其認定弓位既足一排督工之人逐一親圖墨號於其肘墨號一定用於河夫之左肘或一概用於右肘不可左右雜出以茲弊竇隨將鋤手之姓名檔記每弓將鋤頭手二人姓名開記責令約束一弓之人惰勤亦惟伊是問既已逐弓點清試查弓足幾排即知夫有若干既定夫數再於午刻親視里差詳點時逐一認明肘上之墨號有無詐偽墨號須逐日改換以杜夫役之私造點清一排眼視冊書如數登記訖仍親筆縷記如此則冊書不能改添夫役不能詭混里差不能浮冒夫票之浮出者鮮矣

一各段各里日行之夫於每日午刻點夫後督工三人

即面同冊書札算清楚先開每里實夫若干次開折夫若干次總記共用夫票若干使各里里差州差均各知悉隨令冊書登諸冊督工者親加圖記逐日如此三日赴衙呈報一次

一沙之所出必以培單為要蓋凡積沙之處其本岸必厚而對岸每薄河夫急欲完工每每順堤出沙不肯渡橋遠步致令堤之厚者愈厚薄者益薄故凡淤沙之處若兩岸平等則東西分出若本岸轟峙而對岸伊陷必須深挖淤沙厚培薄堤此則浮橋宜多大約每夫百名配橋三座以次而加不可短少

鄧川州志

卷九 工課

三

又或堤已單薄而對岸無沙尤須搭橋斜取以資培護方為不分畛域觸處盡心

一薄堤每不能容沙強加培累則夫役往來行走仍然墮落河中故必於三六九空日預查各堤之應行開拓者令該里里差派撥鋤手若干名數目按照工程多寡於堤背之最高處用鋤闊進將剝落之沙概行拉下堤後務令堤面低平寬坦則沙可儘數堆積而單薄之堤漸成高厚矣

一遇河灣堤險之處其下水逼而緊其對面沙挺而厚

必須分節深挖約計需夫若干可以一日歲事者權且

按節分六謂將餘夫撥用他處計日分段謂一節分爲數節日挖一節以次

而清蓋夫役多則擁擠混雜必不能浚深以培險欲俟來日復挖而隔夜之河水一刷沙爲水漾功力已難

再施故必按段程工自下而上日復一日節短則挖掘

易深人少則橋路不擠去盡此岸之勁沙以培彼岸之

病堤沙去而河道自寬此遇河灣堤險之處斷未可以

倉猝了事者也

論曰昔司馬子長志河渠班孟堅志溝洫僅載治水

鄧川州志

卷九 工課

三

事而不言其方論者每惜之故元歐陽立屢從賈魯

詢方畧並過客吏牘咸稽之以成至正河防記觀其

書可不謂詳覈哉蓋昔人之用心遠矣夫瀾直河爲

川百里耳烏可與河濱較雖然四尺之溝八尺之瀘

必日深里式而後傳厥力焉邑之大事故以備試者

紀於篇不嫌瑣且繁

通論

從來治河之道在先觀河形察水勢觀察審然後可出

謀發慮動厥鳩工以澹災於前垂法於後顧法不虛行

得人則理否則替甚則叢滋百弊而工程益壞民益困

其患益浸淫流注而靡有底止則如吾邑瀾直河工可

不長慮而却顧也哉子生長斯土桑梓情殷比年來屢

承總理任竊見工程重大兼資博採意鄉先輩必多卓

識偉論垂訓後來乃詢之故老稽之邑乘記載寥寥豈

當時受患固未深耶抑言之而湮沒不彰耶不揣固陋

既綜歷年身經改創之詳縷紀於前復統全局情形申

論於後雖未能窮流極源規爲遠到然於隄防之要區

畫之宜或亦有可採擇焉

鄧川州志

卷九 通論

三

紀形第一

凡水皆行地中而瀾直獨行地上凡河俱宜深透而瀾

直歲有淤填此大較也試詳言之河源受浪穹此碧湖

委清流一泓汨汨未有害也自右則一誠菴左則大坪

乾海子毛家澗一帶皆破岫惡嶮敗溪碎谷糾紛結聚

於三江口每當西北風起往往山上揚塵飛沙撲面一

值夏秋霖霖則壞岡裂谷山石澗沙與急溜崩洪澎湃

碣碎而下四圍亢阻無路僅以蒲陀峒爲宜洩而三江

口壅積之沙浪人歲復以巨爬順水推之於是水石六

衝視鄧爲壑，漚苴河受病之源，實在於此。由是而南，則黑螞澗、蛇澗諸山，又皆身無完膚，截然直插河底。沙飛石走，益助以填海之勢。於是以一道之長河，受百道之砂礫，初猶盤束於峒峽，及至上公沙僧戶官蘇初韓諸伍，則豁然開放，奔騰轟若驚雷，馳如萬馬，幾欲以六十里之平原繡壤，一快其疾埽之勢。全河形勢莫險於此，繼自王伍而下西岸，因山盡起，堤束水中，貫蜿蜒南走，但覺兩岸亘若遙岑，一水危如懸架，而一灣一曲之處，愈覺飛沫噴薄，震撼異常。自來潰決，每在於斯。至於水歸堤束，盈科而進，石漸中止，而粗沙細泥，仍各隨勢之輕重流之緩急，與浮波濞汨出沒，以達於海。試於春冬水涸睇之，則巨石蹲踞於上游，碎石鋪列於節次，積沙果磈礧，爛爛然填塞於河身，較以地平約歲淤高三四尺五六尺不等。此河身所以高仰而水行愈以出地也。抑猶有說焉：夏秋河流渾濁，泥沙並下，然淤於河未嘗不入於海。年深日久，海口堙而河尾亦滯，是以三十年前鎖水閣下，即係河水入海之處。今已遠距五六里許，滄海桑田，固於附近居民有益，而於上流有損。何

鄧州志

卷九 紀形第一

三

則貪淤田之利，而不加疏使河尾窄，不容舟尾閘，不暢則胸膈不舒，而漲漫之患作。此又沙石之患，受自源而及於委者也。約而論之，人謂瀾苴僅同溝洫，而不知與黃河酷類。黃河自西域萬里挾沙帶泥而來，猶之瀾苴河自三江口載石乘沙而下也。黃河上游有崇岡峻嶺，以爲之限，猶之瀾苴河上流有蒲陀峒以爲之阻也。黃河自河陰出險就平，而馳突之勢，遂震盪於冀豫，徐兗猶之瀾苴河自上公沙出山就陸而建瓴之勢，遂若俯瞰乎鄧邑也。兼之黃河雲梯關外橫沙攔門，猶之瀾苴河鎮水閣外淤泥阻塞，是則大小雖殊，形勢則一。竊嘗讀大清一統志，有鄧川水患不時一語，仰見聖天子軫念民依，不遺遐邇，然則保護奠定之功，惟於賢司牧引領望之矣。

立法第二

客有問於予曰：今之瀾苴河工，果何道之遵也？予曰：修堤挖沙古法也。禹貢曰：九澤既陂，李氏曰：陂障也。即隄防也。今之修堤師，其意也。孟子曰：禹疏九河，濬濟深而

鄧州志

卷九 紀形第一

三

注諸海朱註曰疏通也滄亦疏通之義也今之挖河祖其法也客曰善治水者不與水爭地莫若割地與水使游波寬緩而有餘則不勞人力而水已久安而長治子曰此乃襲賈讓治河策論讓不能行之於漢謂可通行於今乎潘印川明代之善於治河者蓋嘗論之我朝靳文襄亦辨之詳矣此無論割地與水則萬姓失業國賦空懸有所未可即使朝廷捐正供萬民甘轉徙然

今日水得地而安庸知不日久道淤又將汜濫而左右出乎左右汜濫復割地與之庸知不再三奔溢乎讓謂

鄧川州志

卷九 立法第二

毛

壅防百川各以自利起於戰國不知今濬縣尚有蘇堤則隄防之制唐虞已有之讓言悞矣客曰水之大且猛者莫若分其流近代不足爲法禹斯二渠載在史記盍倣之乎况瀾苴河東西兩岸舊有兩閘分洩修而復之實事半而功倍也予曰禹斯二渠大河與漯川也大河自周定王五年東徙王莽時枯後人欲修之而不能漯川俗所謂徒駭河也在今歷城東亦絕於濟陽之北後人欲復之而不能何則時有變遷勢有改易善治水者因勢利導之不能數數更張也如子之說則昔之

東西二閘已低入地中數尺而今之河底又高出地面數丈引高出地面數丈之水抑而歸之低入地中數尺之閘能乎不能乎且二閘何以廢閉也河身漸高後人恐其溢出爲患故堙而廢之今欲開之分水勢乎召潰決乎匪獨此也東西兩湖平列兩川中間與河逼近咫尺難讓每值秋漲傍湖田禾悉被淹傷今復引閘水匯之不幾成滄海乎客曰如子之說則惟有完繕故堤增卑培薄勞費無已此賈讓所深不取者况重以挖挑之夫役盡民力子乃以爲長策乎予曰此真無可如何實

鄧川州志

卷九 立法第二

天

亦無可改易者也何也水仰行則宜堤河淤填則宜浚不堤不浚將聽其決裂乎捍水患所以興水利興水利所以重農田農田民生之大命也 國家之首務也且子不聞諸昔賢乎水之就下也猶人性之善也顧水雖就下必疏濬之隄防之使中道無潰決之患而後朝宗之勢成猶之人性雖善必遏嗜慾峻檢閑使中道無潰壞之虞而後作聖之基立此不易之理也客曰子之論可謂切實而非夸大者矣

有建議欲割地以及開閘者故備論之非但設爲問

答也 自記

治人第三

每歲瀾苴河工之役既不外修挖二法夫修堤之費歲糜數千挑挖之夫歲編六萬工如此其大費如此其鉅也非有以提之挈之釐之分之合之必不能因端竟委張綱以舉目故道貴得人顧人非可以一格拘必官與民共濟非可以兩岐視必上與下同心而貴與賤協力何則工作之重賴民力也固民所自有也而未嘗不惜之惜之而偷惰便安工作僅以應故事隄防之頗

鄧川州志

卷九 治人第三

五

耗民財也亦民所能具也而未嘗不吝之吝之而因循草率隄防竟視爲虛文此弊之積於下者皆是也且也夫役用之於工也而若或伺之而夫工折價之弊生於是浮冒多而實銷少物料用之於堤也而旁或侵之而苛索包庇之端起於是工程減而雜派增此弊之生於上者類然也夫因以一州大利害之所係也故以一州之大力持之玩利而忘害如之何其可長也是惟上行其惠而濟以實心下守其法而將以實力古之興大役者必整肅乎厥志而後功可圖故漕河之統有節帥古

之有遺愛者必軫念夫民依而後澤可久故親民之官

稱父母然則河工首賴夫官也謂歸民而與官無與者非也萬千人之愉戚悲懼悉入仁人之寤寐一夫不獲猶曰予辜况爲全川所托命然則河工繼資夫民也謂歸官而與民無與者亦非也六十里之桑麻雞犬悉屬小民之身家用我財力保我田廬並非奔命於長上風日之勤劬督率之紛繁審度勾稽之瑣碎非可以大人親細也故士民任之約束之周密賞罰之明決令行禁止之森嚴非可以士民專擅也故州主操之下有趨事

鄧川州志

卷九 治人第三

三

之勞上既勤爲總統上有懲勸之典下益深其凜遵如是而風行草偃胥吏不敢朦混差役不敢科派戶頭不敢疲玩夫役不敢偷惰士民不敢推諉夫歸實銷堤歸實修水道深工程固是真一邑之大政也可牧之大惠也鄧民之大幸也他無愈於此者矣若夫河工陋規之說以民命爲兒戲歸官歸民之論以局外爲游談吾均未見有當也

改籌第四

天下有一定之法亦無一定之法一定者宏綱要領事

之質幹有以撐持乎終始不能一定者別緒分頭事之
枝節有以週布乎首尾夫瀾直河工之挖沙也修堤也
此大端之無能易者也而其間節目之詳時勢之變或
昔無而今有或此是而彼非或先難而後易若不損益
繼之改革乘之則必鉅鎔而不入甚且扞格而難行試
預計之則見端有四曰夫額之宜增減也堤弓之宜清
丈也折夫之宜另議也督工之宜改商也其說惟何河
工按糧編夫酌撥上下公沙分配一二三四段通力合
作埽盡從前對堤之弊章程可謂善矣惟是各段實行

鄧川州志

卷九 改籌第四

三

額數有不能不量爲通融者如下公沙河道漸長仍以
四千八百名爲定雖云沙鬆易於施畚河乾不必渡橋
然而夫力過減工程焉能深透第三段堤灣沙積險堤
病堤層見疊出夫額反不及各段第四段河水難涸漏
頭沙少此則因下公沙不能深透之故額派斷難銷完凡此纒逾數年
情形遂已遞易安知此後不互有更張哀多益寡道貴
酌而通之故曰夫額之宜增損者此也河工按糧編夫
河堤亦係按糧立戶民糧每石分堤五弓七尺三寸軍
糧半之照各里遠近鱗次而下自正統崇禎以及乾隆

二年疊經知州李盧俞各任先後丈定爲准然民間買
賣田畝例准折糧過戶而河工則不能隨糧走堤仍以
先年丈定之老戶爲主何則夫可以一二名行銷堤不
能以一二尺零修於是因堤不能折糧堤主借名修
堤慣向花戶多方斂錢者有折糧過戶日久隱堤田已
數易業主而堤仍歸原主賠修者有澗角山頭湖邊埭
鄉田被沙壓水吞而仍賠糧累堤者更有戶絕人逃無
可歸者只得張冠李戴倩人頂替以致糾纏不清者若
不急加清丈責成現在田戶則輾轉朦混彼此牽扯里

鄧川州志

卷九 改籌第四

三

差指派夫滾頭滾頭指派夫花戶無厭之求只成中飽
安能認真修砌也故曰堤弓之宜清丈者此也河工日
行夫數分折夫實夫二項民間行夫得票的係實用在
工者謂之實夫書差夫頭日給工食管工袴者應支薪
水謂之折夫折夫總銷六千六百七十九名實夫總銷
六萬名界限固已清晰然而折夫支銷終屬未安何也
上食夫簍均係逐日發給勢分局散安能計零歸整不
逾所限正數一有浮出遂至侵占實夫至於薪水一項
近以折夫歸入欠夫比錢按散雖無浮出之弊然必俟

比欠既完方可請領自上下視之未免以敲撲追呼爲
養督工而設任勞受謗尤爲不美以愚計之若能於
每年所存夫價內善爲經理積之日久遞年收息作薪
水工食之費則折夫一款可汰既省比欠之勞又無輻
輳之病故曰折夫之宜另議者此也河工自改對堤爲
合挖上下公沙派以官親中四段督以廳汎兩學又各
率以紳士誠以工程繁重必使指臂相承官民相信然
後艱難可共濟也乃始則上下認真繼則彼此廢弛終
則明目張膽儼視河工爲調劑於是工程大壞秋間堤

鄧川州志

卷九 改籌第四

三

將潰決小民情急幾至釀出巨案北平恒公親見其弊
懲前毖後毅然改去屬官之委一人親臨督辦而各以
矜者董之兩日一莅河干明賞罰申禁令大約束司事
有所陳請無不立予施行是以雷厲風行通河有踴躍
赴工之忱而無作奸犯科之弊自歷任代移以來向之
失利河工者從旁沮抑而媒孽之倡爲民辦不歸官之
說於是以閩州利害所重係一任土民之自爲而無痛
癢於其間賞罰不立懲勸不行督工紳士上下棘手及
至七八月河水漲漫瓦釜雷鳴心驚膽悸持此以往則

自好之士熱中之徒惟有閉門匿跡已耳孰肯起而効
奔走之勞哉故曰督工之宜改商者此也凡若此者或
酌盈以劑虛或循名以責實或刪煩以就簡或舍舊而
謀新皆弊端之已見而區畫之無容緩者熟思而審圖
之方於大工確有所濟若夫法久生弊後之視今亦猶
今之視昔是又貴有人焉隨起而補救之非謂卽此遂
可久安而長治也

因利第五

凡事不可計利計利則弊生然有已然之利焉耗之可

鄧川州志

卷九 因利第五

三

惜也有自然之利焉棄之滋爭也夫瀾苴河非利藪也
而謂有已然之利何曰欠夫折價是有自然之利何曰
河尾淤田是河夫按糧編夫所銷皆正額也若已值拆
壩而額數尙未銷楚不能補役是謂欠夫卽爲剩夫子
嘗綜通河之工程較之若得官紳嚴加董率可以歲餘
河夫一萬少亦八千以每名折錢六十文計之歲可剩
錢四百餘帛十年積四千餘帛試證之已往自道光二
十五年至二十七年所存欠夫折繳之錢用之改堤二
百十帛用夫八千應折錢四百八十帛修下公沙壩三

百二十吊撥入宏文書院不止一百吊是三年所餘不止一千吊無奈晨聚夕散譬猶朝炊未熟而待食者已環而相伺枵乎其不能飽也則何不節而存之以備河工大用乎

國家江淮湖河諸鉅役庫設專帑歲修有費搶修有費羣策尙有時而詘而謂虛驚乏粒易牙能炊空柯無斧公輸能斷也烏可得哉所貴賢司牧倡之慈父母繼之幹以理之廉以持之若能嚴浮銷戒虛糜慎交代得三十年之積以之勦大工捍大患則鄧民重累可輕元氣可

鄧川州志

卷九 國利第五

三

復比之南陽被澤羣歌召父矣至於淤田之說尤可得而悉焉瀾河中貫鄧境全川疲於力役者防潰決也而滄海桑田之利竟收之於末流何則河尾海口之沙年堙歲積淤田之出綿綿未已以其遠在海濱莫或過問遂被近居普佔夫以河工之累一州普受而淤田之利數家獨私久且強吞弱肉轉相訐控則何不早爲限制也已往之侵占勿論矣繼自今而後應樹石椿於海邊田盡處以弓度之計距鎖水閣若干里註之冊以免奸民之挪動椿內成熟之田仍令民照舊管業椿外續淤

之地概墾爲公田以濟河工歲修之費抑或並入夫繳價內存貯立章程定條約使後人可守而不可爭此則裁成輔相因自然之利濟無窮之累有大力者舉之非民所能自辦也記此以備芻蕘若夫紛更滋弊之行疑似含糊之見概未輕發其端懼擾也

鄧川州志

卷九 雜誌第六

美

工程也 自記

雜誌第六

每年興工之先於僧戶折繳夫價內提出銀伍拾兩由州署移交浪穹縣以爲彼處築壩工食費由來久矣抑思鄧川水患奚自也沙淤何由也水固不能曲防沙豈不可捍禦乃趁七八月水大力猛以巨爬推之而下在浪人用百夫之力即可移害於鄧鄧人必疲數萬夫之勞方可浚之出河夫亦不怨之甚矣查東南各省水鄉凡有堤工半多鄰封協濟浪無協濟於鄧區區築壩之

役尙每歲需工費五十金甚矣鄧民之柔也

鎮水閣外田頭沙先年該處士民以全川尾閘呈請歸公辦理經州尊楊湯先後批駁查瀾直河先由東北入海今所謂舊河口者是繼因曲折掉行往往阻塞改由今道取其直下然鎮水閣外卽海口也故下公沙界截止閣上餘皆淤田所積矣田漸積河尾亦引而漸長田頭沙歸田戶挑挖不可易也獨是董率無人虛有此例致令尾閘身窄如溝復曉曉焉借口於公事私累胡可入乎享利則忘所自受累則懷不平權衡通變亟宜有

鄧川州志

卷九 雜誌第六

三

以處之方於全河工程首尾周到

偶閱舊志有挖沙不可留子堦之說非也水性本柔激之乃剛堤身壁立近水怒濤撞擊堤沙因而掣卸若微留子堦如蜈蚣腳然則水平潑而去無湍激之虞洪澤湖高堰有坦坡工程緩水性也

各段浮橋木料不必專用枋當兼用樓木非但爲搭橋計也七八月搶險樁木猝難購覓兼儲樓木臨危可以借資俟水平後仍令堤主照數償還有備無患最爲要著。舊例六月後該里滾頭就本堤搭棚雇人日夜巡

視有警卽鳴鑼集救俱爲防護伏秋起見未可日久生怠也

河岸樹木蔥蔚既可固堤兼可濟急試看堤灣水曲處大溜直射堤埂但得樹枝攔之水卽掉頭以此救險者屢矣故兩岸宜廣植樹木不拘種類以大葉柳爲便根密枝繁又易發生有者護之無者樹之事易利溥不識何以憚而不爲也

羊塘里夫派八第二段道途寫遠歷來並無彼處人至者徒使眾糧戶往返履覓甚爲不便莫若照僧戶折價

鄧川州志

卷九 雜誌第六

三

例每名繳錢五十文自興工之日起令里差陸續催收至停工之日繳核算所收歸入河工公項支銷是否可行願與是里糧戶共商之

河水當中仰貫早資其利潰被其災者惟兩岸平原而已何以修挖派及一州卽僻處如羊塘市坪俱照例編入蓋工程浩繁非集大力必不能舉大工况江尾各道魚溝借河開溝因溝撈魚利勝農田百倍大利伊既獨享溝頭伊當獨挖若借資公眾河夫自應按夫折價審利害以均勞逸歷任州主爲民立法至平也若謂伊等

鄧川州志

卷九 雜誌第六

五

累怒焉如刺夫豈盡屬無良抑亦未深思耳

河工按段分辦始於知州陳公鑑前此則為對堤挖其
法民間按糧編堤各照認定弓尺挑挖界內之沙堤之
編派始於第一段止於第四段尚有首尾無着則又統
歸十四里謂以十四里合修首尾之堤其河中應挖之沙官設局募
役而以家丁督之令各里按糧繳錢於局曰公沙錢作
募役費此上公沙下公沙之名目所自來也查江尾各
溝戶按糧編定之堤在第四段元保里而所開魚溝在
下公沙並不在伊本堤內決公堤為私溝以漁利理當

已一例編夫不應再有加派獨不思河夫之派在糧係
一州公事溝頭之挖為漁乃溝戶私事公私之分判如
黑白不容牽混即如伊等以田為溝田既輸糧溝幫
課義各有當不可謂一田二賦詎可謂一田二沙李之
何舉三十年來遵辦無異之案一旦鼓眾抗違且忍於
捏詞誣控首事也審如是是以坐享大利之人置身局
外則寫遠如羊塘市坪不資瀾苴點滴者更可置身事
外矣然則六萬六千六百夫役更向何處編派耶因河
而享溝中百倍之利習焉相忘因溝而受河中毫末之

鄧川州志

卷九 雜誌第六

罕

自治其溝頭之河今欲混入公眾河夫內倘現在仍前
對堤法則各挖各沙試問各溝戶更指誰為公眾令其
向溝頭服役乎抑遂坐視溝頭阻塞不復自行挑挖乎
否則支銷公沙錢官為募役挑挖乎有以知其不然矣
此乾隆年間署州張公士俊定河工為分挖則折溝夫
於堤夫內令其繳錢而免役其錢即作督辦公沙薪水費嘉慶年間
知州陳公鑑改河工為合挖則分溝夫於糧夫外令其
自挖而免錢道光年間歷任知州興工時又俱票差催
挖票稿內又俱載明各道魚溝溝頭之沙例歸各溝戶
自行挑挖也三十年知州沈公改令折錢十二千文夫
多價少便宜溝戶矣何尚喋喋為哉十二年二月間有溝戶張姓者自行投繳知州沈公因以申詳立案非河工首事人有強迫也

各處隄防附

隄防之在水鄉也堰澗圩陂一年勞百年逸若環山為
城則帶阜纓巖巖蒼壑秀誇勝地焉惟鄧不然欲臨渠
而耨則懼為螺洲也將枕岫而廬則懼近蛟窟也澗溪
錯雜沼沚糾紛審防溝之因勢防之智力殫矣乃防之
者旋撤之溝之者仍淫之畚鍤之勞勞築之役無休息

焉豈特瀾苴河之爲鉅工哉

隄

羅時江在州東里許洩西湖水尾兼資十村灌漑夏秋流濁易淤定於每歲二月大濬八月小濬先由里差催趨鄉約派小邑里船戶禁壩崑崙里船戶守壩二里戶編夫四名遵政里屬之南天神編夫三百名大邑上登和山元保瀕湖沿江之田咸出夫協濟由龍橋節次疏通而下隄岸歸各田頭修理

按天啟間知州周公之相因西湖一帶田禾恒沒於

鄧川州志

卷九 各處隄防附

里

水乃捐田通湏在今三道橋界

永安江在青索洩東湖水尾歲於春間派舟子甸禁壩

集西莊梅和遵政元上四里門戶六挑濬

臥虹隄在天洞山東北先因青石九龍諸澗積潦怒張

既阻河流復壅湖尾乾隆四十六年大理府張公春芳

署州王公孝治邑紳高公上桂於青石澗下築隄三百

餘丈捍之復竅開通水使沙內停水外洩每歲量修一

次堤下洩出水道一區開墾成熟收租作歲修費

按舊志載乾隆十二年巡道朱公鳳英開馬鞍山河

欲以洩東川水尾旋因陞任中止今河形尙在俟將來臥虹隄內沙積地高青石澗諸水即可由此入海計慮可謂深矣然非數百年工程未易觀效也前賢碩畫應誌之

城河隄即東南城腳河埂河水來源有二一引自雲龍山半一匯諸溪澗水並流而下近城田園悉資灌漑遊年修理溝頭按田畝作八十分派其挑浚淤積歲以六月集大邑元保崑崙小邑遵政和山六里鄉夫合作經甸掘深累高一隄東南隅環亘比肩雉堞矣

鄧川州志

卷九 各處隄防附

里

壩

一在元井村右明正德間臥牛山下二澗交流秋潦驟

發沙隨水湧壓壞田廬無算巡憲姜公龍築隄禦之乾

隆庚戌年冲毀隨即修復道光戊子年冲缺經署州李

公文培踏勘修復道光庚子年又冲毀經知州桂公文

奎踏勘修復凡冲毀時俱壞田廬最後於堤內再築重

堤春秋時熟按房屋田畝多寡量捐豆穀爲歲修費呈

明州署存案

一在元井村左名曰山神澗捍壩康熙年間築後漸廢

乾隆歲己丑大水稟官查勘修復後又廢嘉慶壬申年
冲壞義地墳墓復行修築仍每歲按房屋墳墓量捐豆
穀爲修補需稟州存案

一在温水冲上乾隆乙丑鳳場澗水驟發冲壞田廬始
行興築嘉慶庚午年壞於水旋修復仍按捐豆穀爲歲
修費

一在羅旆山下沙水一望瀾漫波弄村當其麓里民砌
石捍之網上下自管口達村首綿亘百尋年培歲累
由村仰視之壩崇如壙沙積如阜

鄧川州志

卷九 各處隄防附

聖

一在天衢橋下瀾苴河中每歲春初挑挖下公沙先由
此堵水使悉歸西閣下游涸出方可施工壩墩先建者
地道光二十七年邑紳楊公柄鏗重修

閘

上西閘在瀾苴河西岸寺一隄內明萬厯間知州常公
眞傑所開以分瀾苴河流今河高閘低閘口久已堙閉
上東閘在瀾苴河東岸王伍隄內亦常公所開原議東
西二閘視河水之消長爲啟閉以八分消正溜以二分
歸兩閘繼因河底高仰與西閘同時堙廢閘溝亦半成

民田

下西閘在青索橋下西岸先因東湖水尾由河入海七
八月河漲難消輒回注康熙初年東川土民徐熙然等
倡議就西岸開閘通渠以分洩河水閘成有灌田捕魚
之利每年修挖享其利者任之

舊東閘在青索橋下東岸乾隆五年東川土民捐田開
渠以洩河水倒流之患渠成灌田捕魚利同西閘乾隆
四十六年開東川子河東湖水由子河入閘溝遂閉閘
口溝岸坍塌漁戶田主一體協修

鄧川州志

卷九 各處隄防附

聖

按東閘口既開不與瀾苴河通遇天旱東湖水涸則
傍永安江一帶田畝失灌洩矣法宜仍舊開口通瀾
苴河水大則塞之以防決入東湖水
涸則開之以資灌溉方爲早潦無虞
河工案由碑記

道光二十五年十一月十三日代辦知州沈移奉大理府
知府寶札內開道光二十五年十一月初十日轉奉制
憲寶札開該州舉貢生民等具稟河工積弊懇將本年
改辦章程飭垂永久一案奉批農田水利本地方官應
辦之事各舉貢等稟稱該改辦章程是否堪垂永久
仰大理府悉心核議詳候察奪稟發仍繳十一月二十

三日續奉大理府知府寶札內開十一月十五日轉奉
迤西道周批據該州舉貢生民等具稟河工積弊懇將
本年改辦章程飭垂永久一案農田關係民生水利尤
農田根本據稟該州河工自恒牧實力整頓已有成效
可見為政在人盡一分心有一分益但興利除弊行之
以斷尤貴要之以久仰大理府轉飭該署牧將改辦章
程酌定簡明條款詳明立案以垂永久毋稍延遲稟發
仍繳以上稟請改辦
瀾苴河工案由

是年十二月二十九日署州恒奉札覆詳遵將改辦章

鄧川州志

卷九

河工案由碑記

聖

程臚列簡明條款備文具冊通詳列憲續於二十六年
二月十九日奉大理府遵批札飭內開二月初十日奉
迤西道周批據該州議詳舉貢等具稟改辦瀾苴河工
章程籲請定例以垂永久一案奉批仰即轉飭照議立
案此繳原稟存等因奉此合就札行爲此仰州官吏即
便照議立案勿違三月初八日又奉大理府寶遵批札
飭內開三月初一日奉糧儲道王札內開二月十九日
轉奉制憲賀批據該署府詳鄧川州舉人等具稟改辦
瀾苴河工章程緣由已悉仰雲南糧儲道會同迤西道

核議飭遵具報書冊清冊並發仍繳以上批准改辦
河工章程案由

道光二十八年五月初九日署州湯奉大理府唐札內
開二十八年四月二十九日奉制憲林批據該州舉人
等稟稱詳定瀾苴河工章程懇恩泐石一案奉批鄧川
州瀾苴河工甫於二十六年春間詳定章程經前部堂
批飭立案以資遵守何以轉瞬即改易三條仍滋流弊
地方官不思興利除弊一任丁役播弄侵漁豈爲民父
母之道耶所請將詳定章程十二條泐石遵守之處准
其即行照辦仰大理府立案飭遵此後如有擅改滋弊

鄧川州志

卷九

河工案由碑記

天

定即官叅役究不貸原稟清摺三件並發仍繳等因奉
此查此案前據該舉人等具稟到府當經批飭遵照前
詳立石以免紛更在案茲奉前因合就札行爲此仰州
官吏即遵照立案此後如有擅改滋弊定即叅究不貸
五月十三日又奉大理府唐遵批札行內開五月初三
日奉迤西道王批據該州舉人等稟請詳定瀾苴河工
章程懇恩泐石以垂永久一案仰大理府速飭鄧川州
查照周前道詳定章程辦理仍令該舉人等將酌定條
款泐石以免日久紛更滋弊切切以上稟請
泐石案由

捐修潰隄碑記

鄧川瀾苴河利害攸關前人述之備矣稽從前隄潰均蒙憲恩咨部發帑賑濟蠲免錢糧派撥里民修築茲於嘉慶二十年乙亥秋七月朔九日下山口公隄衝潰各憲按臨軫念民瘼大施善政捐廉撫恤并買備樁木一切費用上不動帑下不擾民委員督辦士民踴躍剋期告成憲恩所周與瀾水同永矣用是泐石以誌不朽列憲捐款並誌於後 迤西道余捐撫恤銀五百兩 大理府趙捐修河工銀三百兩捐撫恤銀四百兩 太和

鄧川州志

卷九

捐修潰隄碑記

罍

縣賴捐口袋三百條捐輸錢糧銀一百四十兩 趙州李捐輸錢糧銀一百四十兩 浪穹縣程捐輸錢糧銀一百兩 賓川州郭捐輸錢糧銀一百四十兩 雲龍州穆捐輸錢糧銀一百四十兩 署鄧川州劉捐修河工銀三百兩捐撫恤銀五百兩 署鄧川州圖捐輸錢糧銀二百兩捐撫恤錢二十千文 署鄧川州陳捐輸錢糧銀四百兩其督工為 州吏目趙 州學正管訓導事何 汎防陶理合並載嘉慶二十年孟冬月吉日

防潰贅語

瀾苴河隄自嘉慶二十一年以前或數年一潰或一年數潰自丁丑至今安瀾又三十四年矣其要固在每歲

興工時深挖厚培修砌險要而七八月大雨時行尤當嚴飭巡河日夜巡視一有坍塌即飛報隄主鳴鑼搶護自可轉危為安脫有不虞固人事之失亦天降之災也塞決之役工程浩大除每年銷夫時照按十折一之例留備太平錢三百千文不容短少外別無他款矣夫役以十四里協濟其樁木口袋篾索一切雜用舊章具在錄潰隄經費碑記所以存古例也安不忘危贅述於此

鄧川州志

卷九

蠲賑

哭

按瀾苴河隄積沙為之不比土壘堅固秋間陰雨延綿積潦浸淫深入沙壘裂陷塌隨之此霖霖之故非河工有不善也故巡隄不可視為具文稍有塌陷即加緊補築未有不能挽救者慎之毋忽

蠲賑

乾隆乙丑年臥牛山二澗水發衝壞田廬知州 公開倉賑濟詳免錢糧乾隆庚戌年象山澗水發知州周公開倉賑濟嘉慶庚午年鳳場澗水發知州陳公捐廉賑濟道光辛巳年臥牛山崩壓壞田畝知州陳公詳免錢糧各在案

論曰鄧之患在水所以滋患實在山山皆金氣重多

不毛不毛則山面童頰易剝落浸淫而巖谷虛豁雨
潦降則連岡接嶺驅沙走石急溜崩洪礪研爭道而
下此大川所以汎濫支川所以墊淤也夫古今防水
之策論列備矣而防山無聞焉將何由而致敷奠哉

鄧川州志卷之十

署牧烏程鈕方圖廣雲定

州人楊柄銜春樵輯
侯九欽雲坡纂

官師志

建官設吏罔非為民顧化導拊循於邊遠瘠邑尤要焉
鄧為大理屬邑伊昔蒙氏之僭段氏之據所為分陘置
部於茲土者不過依稀髣髴若問官屬何人人屬何代
已杳茫難稽可稽者自明代始耳至若戡亂所以靖邊
守土或稱歷世雖屢朝更置匪所襲沿亦均有未容泯
沒者分先後紀之考吏治者於茲鏡得失焉

鄧川州志

卷十 師命

師命

漢

郭昌武帝元封二年以將軍奉命發巴蜀兵擊滅勞深

靡莫諸彝開益州郡置楛榆縣屬之

衛廣以中郎將同郭昌平西南彝

王平昭帝始元五年為軍正時姑繪楛榆彝反奉詔擊

平之

田廣明以大鴻臚偕王平擊姑繪楛榆彝斬捕三萬人

呂辟胡以衛水都尉與王平田廣明同擊姑繪楛榆彝

有功

東漢

劉尚光武建武十九年楛榆附蠻渠棟蠶反尚以武威
將軍發兵三萬討平之

楊竦安帝元初六年為益州從事時封離蠻叛刺史張
喬遣竦將兵至楛榆大破之降其餘三十六種並奏劾
竦猾長吏九十八蠻部大悅

蜀漢

諸葛亮後主建興三年南征雍閬既平諸郡收其豪傑

鄧川州志

卷十 師命

二

用之終亮之世南人不復反迄今境內相傳諸葛遺蹟
最多

唐

韋仁壽京兆萬年縣人高祖武德七年為檢校南宵州

都督將兵五百人至西洱河承制置七州十五縣各以

其豪帥為刺史縣令法令簡嚴蠻夷悅服咸遣子弟入

貢

梁建方太宗貞觀二十二年以武衛將軍討松外蠻遣

使諭西洱河降其大首領令入朝受官秩

韋皋萬年縣人西川節度使德宗貞元十七年吐蕃戍納川等五城將 師收檇州以絕南詔時南詔異牟尋已內附皋督諸將分道與南詔會陳兵深入遂大破吐蕃轉戰千餘里克城七鎮三焚堡百五十所吐蕃頽衰不復爲患

元

姚樞字公度柳城人宋寶祐初蒙古攻大理先至曲光腦兒夜宴樞備陳曹武惠下江南不殺一人爲盛德事太弟領之既由上關入大理勅樞裂帛頒止殺令民歡

鄧川州志

卷十 師命

三

呼滿道

兀良合台蒙古人從世祖分道征雲南自旦當嶺入麼些諸部迎降遂由麗江經鄧川會師大理平二十七部悉置州郡事畢留鎮大理

劉秉忠字仲晦邢臺人從世祖征大理每贊以天地好生王者不殺世祖嘉納焉與樞密使張文謙保全民命尤多後封常山王文謙贈魏國公

明

傅友德字惟學宿州人後寓杭州累功封穎川侯洪武

十五年以征南將軍統師定雲南進拔大理俄而元普顏篤也先不花相率反友德自七星關回軍大理平鄧川破佛光寨遂因民俗定租賦立學校設屯田撫軍恤民教化興焉彝民爲立生祠嘉靖元年有司奏請祠祀旌額曰報功

沐英定遠人累功封西平侯洪武十五年以征南副將軍同穎川侯平雲南取大理所至未嘗妄殺還鎮雲南簡官僚課農桑興學校一切屯田水利力役貢賦悉經理有條既歿滇民請卽省城立廟追贈黔甯王厥後沐

鄧川州志

卷十 師命

四

氏世守滇土滇人咸食功德焉

藍玉定遠人洪武十五年以永昌侯充左副將軍同征雲南取大理遂畧地至鶴慶車里等處戰功爲多郭英濠人洪武十五年以前軍都督府從征大理擒僞平章段氏次年同征佛光寨平之

王弼定遠人洪武十五年以東川侯從征雲南所至歸附惟大理恃蒼洱之險仍拒命友德命弼別以一軍繞洱海東由鄧川取上關遂拔大理

國朝

信郡王鐸尼順治十六年爲安遠靖寇大將軍平雲南大理鄧川歸附

副都統伍格康熙五十九年征西蕃師行經境部伍嚴肅民皆安堵

制軍覺羅琅玕嘉慶七年征獯獯師行經鄧往返年餘民間困於供億賴公擒渠蕩平人頌德焉

制軍林則徐福建侯官人嘉慶辛未進士道光二十五年永昌漢回構釁於是迤西回民悉騷動並勾結川陝

鄧川州志

卷十 師命

五

哨匪甫抵雲縣則迷渡匪徒已據城作亂公密授將弁計一鼓勦除之諸未發者咸警慄於是駐節大理悉捕諸倡首者實於法西迤賴以安堵又發兵勦除鄧川獯賊詳見盜防志

使命

漢

司馬相如蜀郡成都人武帝元光五年以中郎將持節入西南夷冉駹牂牁諸君長皆請內屬除邊關益斥遂開越巂益州二郡

司馬遷龍門人武帝元封元年以郎中奉使巴蜀南畧邛笮昆明至西洱河還報命

唐

崔佐時德宗貞元十年爲章皋巡官會異牟尋請歸唐皋使佐時持詔書往諭之適吐蕃使者在尋令蠻衣入佐時不從且勸斬蕃使於是尋率兵大破吐蕃於神州斷鐵橋取十六城虜捷京師

論曰伊昔開滇實始莊躡故論者謂滇宜祀躡蓋荒徼甫闢之功未可泯沒也夫今日之鄧固與全滇同

鄧川州志

卷十 使命

六

躡旌席矣而溯其始則漢置牂牁頗煩遠畧唐開遼備式遐蕃烟果朝南顧之殷蓋未嘗不欲鱗介而衣冠之也而元戢之明拊之至我

朝德威所播稱極治焉凡諸撫綏拓悉關邊邑締造所由故備紀之豈曰摭拾無當哉

知州 明隆慶三年設

明

刑繼先 四川閬中人舉人隆慶年間由涇寧縣知縣陞任
周文化 貴州貴陽人舉人隆慶年間任築舊州城

姜雲梯 安徽黟縣人舉人萬曆年間任

陳時範 貴州普安人舉人萬曆年間任

陳輔 山西廣昌人舉人萬曆年間任

李養棟 貴州貴陽人舉人萬曆年間任

吳濂 江西吉山人舉人萬曆年間任

常真傑 廣西恭城人舉人萬曆年間任

陳遵 湖南興寧人舉人萬曆年間任

鍾大章 貴州都勻人舉人萬曆年間任

葉期化 貴州甯遠人舉人萬曆年間任

鄧州志 卷十 知州

周天覺 浙江人舉人萬曆年間任

江毓粹 四川龍昌人舉人萬曆年間任

戴應豸 貴州普安人舉人萬曆年間任

周敬先 浙江人舉人萬曆年間任

程文弼 貴州貴陽人舉人萬曆年間任

時敦中 廣西灌陽人舉人萬曆年間任

周之相 貴州貴陽人舉人萬曆年間任

徐保泰 廣西馬平人舉人萬曆年間任

趙渤 四川蒼溪人舉人萬曆年間任

七

唐敷化 貴州貴陽人舉人崇禎年間任

楊郁然 江西浮梁人舉人崇禎年間任

厲汝翻 崇禎年間任

敖滋貞 四川金堂人舉人崇禎年間任

周郃 貴州貴陽人舉人崇禎年間任

盧多益 四川人舉人崇禎年間任

朱希程 廣西人舉人崇禎年間任

王重道 貴州人舉人崇禎年間任

蔣爾第 福建惠安人舉人崇禎年間任

鄧州志 卷十 知州

馮應龍 廣東人舉人崇禎年間任

費炳 籍貫失考崇禎年間任

劉丕承 江西瑞州人舉人崇禎年間任

曹燦然 陝西人舉人崇禎年間任

林茂成 廣西人舉人崇禎年間任

張璋 四川宜賓人舉人崇禎年間任

國朝

卞廷槐 河南洛陽人舉人順治年間任

劉登雲 盛京遼陽人舉人康熙年間任

八

董壯猷 甘肅隆德人 康熙年間任

胡大定 甘肅平涼人 康熙年間任

馬世俊 直隸人 康熙年間任

何琛 福建人 康熙年間任

梁大祿 江南上元人 康熙年間任

張琦 籍貫失考 康熙年間任

周麟徵 籍貫失考 康熙年間任

張建德 直隸涿州人 康熙年間任

吳宏志 滿州人 雍正年間任

鄧川州志

卷十 知州

李毓元 雍正年間任 官蹟見後 舊志謂開國朝無此州縣名疑誤

施震 漢軍人 雍正年間任

傅騰蛟 江西人 雍正年間任 官蹟見後

俞唐 浙江人 雍正年間任

楊登 四川閬中人 雍正年間任 官蹟見後

唐世梁 廣西桂林人 雍正年間任

海金 滿州人 雍正年間任

劉度甯 直隸涿州人 雍正年間任

李採 山西臨汾人 雍正年間任 以浪穹縣知縣署

張汝素 籍貫失考 雍正年間任 以楚雄府同知署

吳恩正 籍貫失考 雍正年間任

羅彌素 四川人 雍正年間任

蕭克峙 江蘇溧水人 雍正年間任

徐荀龍 浙江錢塘人 雍正年間任

徐諗 湖北漢陽人 乾隆年間任

宋永福 陝西三原人 乾隆年間任

陳希澤 直隸大興人 乾隆年間任

汪翼鶴 浙江錢塘人 乾隆年間任

鄧川州志

卷十 知州

明保 滿州人 貢生 乾隆年間任

孔兆麟 山東曲阜人 乾隆年間任

金言 籍貫失考 乾隆年間任

康勤 籍貫失考 乾隆年間任 官蹟見後 舊志謂開國朝無此州縣名疑誤

汪斌 浙江人 乾隆年間任 官蹟見後

余慶長 湖北安陸人 乾隆年間任 官蹟見後

廖躡芳 安徽合肥人 乾隆年間任 官蹟見後

李文楷 湖北石首人 乾隆年間任 以大理府同知署

蔣曰杞 江蘇常熟人 乾隆年間任

歐陽照 湖北江夏人 乾隆年間任 縣知縣署

戴炳 甘肅甯夏人 乾隆年間任 居官剛正

吳大雅 浙江人 乾隆年間任

宋學溥 籍貫失考 乾隆年間任

劉春芳 江蘇人 乾隆年間任

李挺 籍貫失考 乾隆年間任

鄧克明 四川眉州人 乾隆年間任 進士 縣知縣署

徐埏 蘇州人 乾隆年間任

鄧川州志 卷十 知州

周品金 福建侯官人 乾隆年間任

王孝治 湖南湘潭人 乾隆年間任 舉人 乾隆年間任 太和縣知縣兩

張士俊 河南祥符人 乾隆年間任 鹽大使署

周贊 江蘇元和人 乾隆年間任

惲燮 江蘇陽湖人 乾隆年間任

馮津 籍貫失考 乾隆年間任

王序端 直隸寶坻人 乾隆年間任

吳繼善 籍貫失考 乾隆年間任

徐孝標 籍貫失考 乾隆年間任

孟充善 直隸人 嘉慶年間任

蘇爾芳 阿慶州人 嘉慶年間任

王發基 浙江紹興人 嘉慶年間任

木通阿 滿州人 嘉慶年間任

桂馥 山東人 嘉慶年間任

陳興禾 籍貫失考 嘉慶年間任

史兆蘭 浙江紹興人 嘉慶年間任

呂怡會 漢軍人 嘉慶年間任

福字理 滿州人 嘉慶年間任

鄧川州志 卷十 知州

衍慶 籍貫失考 嘉慶年間任

魏象高 四川人 嘉慶年間任

朱廷桂 江蘇人 嘉慶年間任 經歷署

荆烜 湖北人 嘉慶年間任

王聯甲 山東人 嘉慶年間任

劉啟元 直隸人 嘉慶年間任

圖克棠 阿慶州人 嘉慶年間任

陳鑑 湖南祁陽人 嘉慶年間任

李文培 湖北監利人 嘉慶年間任 舉人 道光文廟

李培因

覺羅恩錦 正紅旗人 道光八年任

羅河嶽 福建建甯人 道光十三年任 太和縣知縣署

莊粵臺 浙江鎮海人 舉人 道光十四年署

夏銘修 四川仁壽縣人 進士 道光十六年署

蔡世瑛 湖南湘鄉人 進士 道光十七年署

桂文奎 四川東鄉人 道光十八年任

樊肇新 四川慶符人 進士 道光二十年以浪穹縣知縣兼署

余鑑 江蘇上元人 道光二十二年署

鄧川州志

卷十 知州

三

陳劍堂 廣東南海人 舉人 道光二十三年署

恒文 滿州鑲紅旗人 道光二十四年署 官蹟見後

胡道驥 湖北漢陽人 道光二十六年署

楊為翰 四川江津人 道光二十五年署

湯師淇 直隸南皮人 進士 道光二十八年署

沈承恩 浙江鄞縣人 廩生 道光二十九年任 官蹟見後

周繼勳 江西太和人 道光三十年署

鈕方圖 浙江烏程人 舉人 咸豐元年署

贊曰邑於元至正置州轄縣則設官已始於元顧舊

無記載莫可討尋匪獨元也即隆慶以來歷年三百

中間詎無佚缺者蓋五日京兆過焉軼忘矣而此三

百年中歷官百二十五人其間體仁長人遺愛所被

相與俎豆而馨香之者若而人或興一利除一害并

里用休相與長言而咏嘆之者若而人過此則里姓

雖傳而治譜莫據非及時紀之將事過境遷有不風

流雲散終歸泯沒者幾何耶

學正

明

鄧川州志

卷十 學正

四

方有道 江西人 舉人 洪武年間任

邱嘉會 江西人 舉人 洪武年間任

歐陽贊 江西人 貢生 洪武年間任

陳憲 江西人 貢生 洪武年間任

文獻 湖南人 舉人 成化年間任

唐白義 四川人 舉人 成化年間任

鄒縉紳 趙州人 舉人 宏治年間任

袁祥 貴州人 舉人 宏治年間任

謝春 四川人 舉人 宏治年間任

朱萬鍾 四川人 監生 宏治年間任

李鵬 四川人 監生 正德年間任

馬順 正德年間任

張大器 嘉靖年間任

吳明魁 嘉靖年間任

汪應龍 貴州人 貢生 萬曆年間任

王之藩 石屏州人 貢生 萬曆年間任

趙烜 廣西州人 貢生 萬曆年間任

馬德 四川人 貢生 萬曆年間任

鄧州志 卷十 學

楊惠 湖南人 貢生 萬曆年間任

羅奇選 萬曆年間任

林培 宜良縣人 舉人 萬曆年間任

胡尙德 湖南人 貢生 萬曆年間任

王家棟 籍貫失考 天啟年間任

金印 北勝州人 貢生 天啟年間任

張洲 漢江府人 貢生 崇禎年間任

許瑞龍 易門縣人 貢生 崇禎年間任

許濟 貴州人 貢生 崇禎年間任

圭

國朝

孫有覺 籍貫失考 順治年間任

馬是乾 奉天遼陽州人 康熙年間任

劉嘉猷 奉天遼陽州人 舉人 康熙年間任

嚴以恭 嵩州人 舉人 康熙年間任

周道治 通海縣人 舉人 康熙年間任

胡肇祐 康熙年間任

張維藩 羅次縣人 舉人 雍正年間任

海安瀾 通海縣人 舉人 雍正年間任

鄧州志 卷十 學正

楊世昌 蒙自縣人 舉人 乾隆年間任

趙繩武 建水縣人 舉人 乾隆年間任

馬之瑤 新興州人 舉人 乾隆年間任

房偉 石屏州人 舉人 乾隆年間任

郭儂 新興州人 舉人 乾隆年間任

王道任 臨安府人 舉人 乾隆年間任

尹熙 蒙自縣人 舉人 乾隆年間任

許鎮 臨安府人 舉人 乾隆年間任

甘運滇 昆明縣人 貢生 乾隆年間任

夫

高方祐 石屏州人舉人 乾隆年間任

馮麗文 籍貫失考乾隆年間以捐貢署

楊茂林 蒙自縣人舉人 乾隆年間任

楊環 蒙自縣人舉人 乾隆年間任

劉體良 臨安府人貢生 乾隆年間任

吳聯雲 石屏州人舉人 乾隆年間任

楊翠和 琅鹽井人貢生 乾隆年間任

李時和 景東廳人舉人 嘉慶年間任

馮體元 新興州人舉人 嘉慶年間任

鄧川州志 卷十 學正

白文治 昆明縣人廩貢 嘉慶年間任

房浩 石屏州人舉人 嘉慶年間任

張鳴盛 霏益州人舉人 道光年間任

李傳馨 晉甯州人舉人 道光年間以浪穹縣訓導署

王塏 宜良縣人舉人 道光年間任

王蕙 昆明縣人舉人 道光七年署

趙澤遠 新平縣人舉人 道光八年任

萬翊清 阿迷州人舉人 道光十八年任

李際元 威遠廳人拔貢 道光二十二年任

七

牛燾 麗江縣人拔貢 道光二十二年任

饒樹畛 廣西州人舉人 道光三十年以陝西知縣候補

李兆三 昆明縣人舉人 道光二十九年任

訓導

明

楊宗道 邑上登里人辟舉 乾隆年間任詳見鄉賢志

王鏞 貴州人舉人 正統年間任

唐魁 四川合州人 成化年間任

朱暉 四川人監生 成化年間任

鄧川州志 卷十 學正

楊敬 太和縣人舉人 成化年間任

彭昭 四川人成化年間任

姜安 四川人監生 成化年間任

劉雲 石屏州人監生 成化年間任

繆暉 通海縣人舉人 宏治年間任

楊賓 江蘇懷遠人監生 宏治年間任

胡鉉 蒙化廳人監生 宏治年間任

何登 臨安府人監生 宏治年間任

張雲翼 貴州人監生 宏治年間任

六

王秉衷 永昌府人 監生 宏治年間任

楊大用 嶧縣人 貢生 萬曆年間任

尹相 永昌府人 貢生 萬曆年間任

王國賢 安甯州人 貢生 萬曆年間任

楊學思 嶧縣人 貢生 萬曆年間任

鄭宗陽 昆陽州人 貢生 萬曆年間任

孫鶴鳴 嶧縣人 貢生 萬曆年間任

詹仰 蒙化縣人 貢生 萬曆年間任

魏象懸 甯州人 貢生 萬曆年間任

鄧川州志 卷十 學正

幸 補 昆明縣人 貢生 萬曆年間任

李永年 雲南府人 貢生 萬曆年間任

段懷節 晉甯州人 貢生 萬曆年間任

楊遇聘 廣西州人 貢生 萬曆年間任

李存心 雲南府人 貢生 天啟年間任

楊于國 晉甯州人 貢生 天啟年間任

張履謙 安甯州人 貢生 崇禎年間任

張九皋 楚雄府人 貢生 崇禎年間任

陳紹會 新興州人 貢生 崇禎年間任

李友藿 曲靖府人 貢生 崇禎年間任

國朝

段 緹 澂江府人 貢生 康熙年間任

湯立賢 昆明縣人 貢生 康熙年間任

廖大成 臨安府人 貢生 康熙年間任

張約敬 白鹽井人 貢生 雍正年間任

范允安 建水縣人 貢生 乾隆年間任

董履道 南甯縣人 貢生 乾隆年間任

沈恩寬 楚雄府人 貢生 乾隆年間任

鄧川州志 卷十 學正

葉 厚 新平縣人 貢生 乾隆年間任

馬開第 武定州人 貢生 乾隆年間任

楊國正 昆明縣人 貢生 乾隆年間任

郭 寬 籍貫失考 乾隆年間任

樊經德 宣威州人 貢生 乾隆年間任

艾起鶴 東川府人 貢生 乾隆年間任

王元勳 臨安府人 貢生 乾隆年間任

向貽善 河西縣人 貢生 乾隆年間任

陳大經 鶴慶州人 貢生 嘉慶年間任

辛

繆燦呈 籍貫失考嘉慶年間任

何冕 昆明縣人舉人嘉慶年間任

楊懋 路南州人舉人嘉慶年間任

彭嶠 永北廳人廩貢道光年間任

王處仁 劍川州人廩貢道光十四年任

武欽臣 楚雄府黑鹽井拔貢道光二十六年任

贊曰以前明教職考之學正僅載八朝缺九朝訓導

載六朝缺十一朝文遺事佚靡所稽矣又明制雲貴

川廣歸南選何以籍隸江楚亦有之前人所紀如是

鄧川州志

卷十 學正

三

仍之已耳昔魏明帝詔以尊儒貴學為王化之

子謂學校當選實有道德之士專司化導以來實

之人觀於龜山教授荆州安定教授潤州

化雨鳩古流今也冷署云乎哉

吏目

明

秦源銘 湖北人監生洪武年間於官子孫遂家於鄧

黃越 四川人監生永樂年間任

羅鏞 湖北人監生永樂年間任

曾晟 湖南人監生永樂年間任

杜綱 陝西人監生永樂年間任

宋轟 四川人監生成化年間任

馬昇 河南人監生成化年間任

王道 直隸人監生宏治年間任

宋廣 四川人監生宏治年間任

文純 湖北人監生宏治年間任

蔡國璫 湖南人監生宏治年間任

華錫 江蘇人監生嘉靖年間任 宦蹟見後

鄧川州志

卷十 吏目

三

吳誥 江西人監生嘉靖年間任

盛廷聲 江西人監生嘉靖年間任

雷守固 威遠州人吏員萬曆年間任

張議 貴州人吏員萬曆年間任

鄭子誠 貴州人吏員萬曆年間任

盧金珊 湖廣人監生萬曆年間任

王之佐 順天人監生萬曆年間任

陳我志 浙江人監生天啟年間任

陽宏道 順天人監生崇禎年間任

惠 泮 陝西人 吏員 崇禎年間任

錢以斌 浙江人 監生 崇禎年間任

錢士仁 江蘇人 吏員 借知州 放公築城後陞知州

何呈瑞 江西人 吏員 崇禎年間任

國朝

李伯昭 籍貫失考 順治年間任

余甯吉 浙江人 康熙年間任

陳 煥 浙江人 吏員 康熙年間任

謝 采 浙江人 監生 雍正年間任

鄧川州志 卷十 吏員

李士璋 浙江人 雍正年間任

蕭 榮 四川人 雍正年間任

田宏甸 湖南人 拔貢 乾隆年間任

黃益章 廣東人 監生 乾隆年間任

陳 琦 貴州人 監生 乾隆年間任

張元龍 浙江人 監生 乾隆年間任

徐承堯 湖北人 監生 乾隆年間任

熊玉奇 貴州人 吏員 乾隆年間任

楊文煥 籍貫失考 乾隆年間任 以永北廳經歷署

三

楊清泰 山東人 監生 乾隆年間任

韓善教 籍貫失考 乾隆年間任

章 程 福建人 拔貢 乾隆年間任

晏田根 江南人 吏員 乾隆年間任

張會讓 安徽人 監生 乾隆年間任

袁文魁 直隸人 嘉慶年間任

顧如松 籍貫失考 嘉慶年間任

率大勳 江西人 嘉慶年間任

趙陳謨 湖北人 嘉慶年間任

鄧川州志 卷十 吏員

朱 繡 籍貫失考 嘉慶年間任

沈 燾 籍貫失考 嘉慶年間任

趙宜勤 江西人 監生 道光年間任

馬午陽 甘肅人 監生 道光年間任

潘錫奎 陝西人 監生 道光年間任

王 誠 湖北人 監生 道光十二年任

顧 溶

徐宗榮

顏在藻 廣東人 監生 道光十四年任

三

胡紹會

湖北人監生道光二十八年署

胡錦堂

順天人監生道光二十九年署

韓

雲湖北人監生道光三十年署

馬增頤

安徽人監生咸豐元年任

贊曰少牧者所以贊治茅簷夜靜宵小潛蹤於邑尤

深賴焉明道先生曰一命之士苟存心愛物於人必

有所濟況方州佐政哉近世大夫有以丞倅建功名

致身通顯者矣匪獨仙尉流風令人景仰已也

汎防

鄧州志

卷十 吏目

五

前明武秩設大理衛以二指揮使領之其屬有同知五

員僉事十一員掌印操屯各一員經歷司一員知事一

員鎮撫司一員設千戶所十則正副千戶六十九員百

戶二十九員其屬鄧州中所千戶者姓字悉湮沒不可

稽矣

國朝開滇於提標設把總十二員復滇時增八員後共酌

為十六員凡以外委分防鄧州者亦湮沒難悉稽可稽

者自乾隆三十年改設把總始然亦未能備也

雲光瑞

冉儒

保文貴

徐文

盧應宗

楊宣

馬自高

馬自勝

王興

沙全

鄧州志

卷十 汎防

美

楊詔鳳

沙璉

趙功選

陶紹虞

沈榮

沙榮陞

梅朝聘

魏啟正

李鍾瓊

郡城人行伍道光十一年任

郡城人行伍道光十六年任

太和縣人行伍道光二十四年署

太和縣人行伍道光二十五年署

張道濟 和城人 廣襲道 光二十七年署

張瑞林 和城人 行伍道 光二十八年任

贊曰鄧川汛員悉由提標營弁拔補營弁悉大理府

屬人地運情親何以世次籍貫不能一一確指耶蓋

太平無事習焉忘之矣雖然鄧患盜時有萑苻害使

率甲攻擒之靜閭闔安行旅則傳頌遍焉烏在其能

誼哉

州同知 明洪武十七年設至隆慶間裁改設流官知州

王逢貴 河南人 監生 洪武年間任 官蹟見後

鄧川州志

卷十 州同知

三

李成 洪武年間任 四川人 監生

李福 四川人 監生 正統年間任 官蹟見後

楊琛 陝西人 監生 天順年間任 官蹟見後

戴仁 江西人 監生 成化年間任 官蹟見後

劉讓 江西人 舉人 成化年間任 官蹟見後

周鳳鳴 四川人 監生 成化年間任 官蹟見後

程永亨 湖北人 監生 宏治年間任 官蹟見後

蔣澄 四川人 監生 宏治年間任 官蹟見後

李軻 江西人 監生 宏治年間任 官蹟見後

陳瑄 四川人 監生 宏治年間任 官蹟見後

黃元吉 四川人 監生 治年間任 官蹟見後

潘淮 江西人 監生 正德年間任 官蹟見後

韓福 安徽人 吏員 正德年間任 官蹟見後

會奇瑞 福建人 吏員 正德年間任 官蹟見後

韓雍 四川人 監生 正德年間任 官蹟見後

胡世祿 湖南人 監生 嘉靖年間任 官蹟見後

何彪 湖南人 吏員 嘉靖年間任 官蹟見後

姜用章 湖南人 監生 嘉靖年間任 官蹟見後

鄧川州志

卷十 州同知

夫

王言 貴州人 監生 嘉靖年間任 官蹟見後

廉約 湖南人 監生 嘉靖年間任 官蹟見後

劉萬鎰 湖南人 吏員 嘉靖年間任 官蹟見後

莫廷賜 廣西人 監生 嘉靖年間任 官蹟見後

蔡全 湖廣人 監生 嘉靖年間任 官蹟見後

祁倫 山西人 以太和縣縣丞署事 官蹟見後

周魯 貴州人 舉人 隆慶年間任 官蹟見後

贊曰州同之設歷任二十六人而名宦有八是何吏

治之盛也彼由制科進者固然已若乃托始吏員追

蹤循吏使懷奇抱道之士不為資格所掩則尤卓犖可貴哉昔明太祖嘗語廷臣曰刺史者所以安撫斯民者也得人則治否則病民多矣是以重考課之法嚴貪墨之刑而良吏輩出不其然乎夫州同固刺史之貳耳尙克表表自見如是而况爲之長也耶

遼賧詔

豐咩哀牢九隆之裔受唐爵爲遼備州刺史治大蓋城稱遼賧詔後因姚州蠻故爲唐御史李知古所殺然知古歆歆誅掠亦爲羣蠻所殺云咩遼皮豐咩子豐咩旣

鄧川州志

卷十 遼賧詔

壬

被殺遂自爲遼備州刺史仍治大蓋城時蒙氏皮邏閣已強盛襲敗之奪遼賧咩遼皮退保野共川死皮邏遼咩遼皮子復回遼築城鼎勝山北岡以自固爲皮邏閣誘焚於松明樓其妻慈善狗節死焉語在列女志
遼邏顛皮邏遼子皮邏遼旣被焚益散敗懾息走劍共川與劍浪施浪二詔子孫雜處不復稱詔矣
顛文托遼邏顛子仍處劍共川貞元中南詔破劍川虜之徙置永昌世絕

論曰滇史載唐元宗勅浪穹詔鐸羅望書曰鄉之先祖翰忠奉國鄉當續承先志以此例之則豐咩世守鄧土亦皆奉有唐命蒙氏安得而滅之哉而乃求合爲一以致尾大不掉雖曰王昱貪賂請之當日廷臣抑何計慮之疎也向令聲罪致討復封諸詔使之裂土而居則形勢犬牙蒙雖強烏能自肆厥後松樓之誘劍共之走已一蹶不振猶必徙置永昌而後甘心則其志可知矣夫鄧賧暨諸詔實與蒙氏同祖者也一任剪滅殆盡獨自雄長西南君子所以嘆有唐邊

鄧川州志

卷十 遼賧詔

辛

患實自貽伊戚也夫

土知州

明洪武十七年置至國朝雍正六年裁

前明以阿氏世襲土知州統轄十土巡檢其在雲龍之箭捍場曰字元勳十二關曰李世鳳上五井曰楊武烈順邊井曰李繼武師井曰楊宏極在浪穹之蒲陀峒曰楊壽培鳳羽鄉曰尹見道上江嘴曰楊繼凱下江嘴曰何夢熊在鄧川之青索鼻曰楊良皆世襲有事十巡檢率土練以聽於阿氏

國朝雍正六年土知州裁革溯自明洪武十七年始設之

員曰阿這在永樂間襲職曰阿子賢宣德間曰阿永忠
正統間曰阿昭宏治間曰阿驥嘉靖間曰阿國楨阿榮
宗在萬曆間以姪承嗣曰阿岑入

國朝投誠仍與世廕曰阿尙夔因子有疾以孫承襲曰阿
震康熙間曰阿炯吸至竟遠以罪削籍徙置江西凡阿
這之始創後人之繼起備徵諸宦蹟與人物志按舊志
有阿旻考阿旻贈知
州未仕故不復載

土千戶

阿這之弟曰阿世英以從征佛光寨功授土千戶駐羊

鄧川州志

卷十 土知州

三

塘里千戶營傳子阿謙阿謙傳子阿光啟後裁革

土巡檢

楊良初為平化州判官明洪武間從征鄧川招叛有功

子青索土巡檢世職楊良傳子曰楊慶楊慶數傳曰楊

應龍應龍傳弟曰應鵬

國初投誠仍給世襲應鵬傳楊鎮海鎮海以後遂式微不

能承襲

按顧甯人郡國利病書載尹勝者元末為木邦府判

明兵克大理歸命軍門檄授鳳羽鄉土巡檢安鳳之

亂從阿氏攻李鎖飛李牙保等寨沿至尹世忠聽襲

又楊勝者洪武中率眾歸順以糧濟師授師井土巡

檢迨楊時從征安鳳效力沿至楊勳聽襲又李智者

洪武中歸順授十二關土巡檢後亦効力於尋甸着

甸間沿至李應朝聽襲凡三土司顧氏謂鄧川州玉

泉鄉人然稽鄧邑諸舊志既無紀載通志雖載而籍

貫未詳詢之父老亦無有能言之者附記於此以俟

考云

論曰伊古開邊每就其渠豪官之漢唐馭遠之道率

鄧川州志

卷十 土知州

三

如此故阿這當明師討時率所屬負弩以從則錫

土酬庸如操左券獨難夫繼世者能讀書識政體折

衝禦侮迪前人光冕可貴矣楊氏不隆微名亦云謹

愿雖然前代土官之設猶是以彝治彝耳何如卉服

之陋悉變華風進要荒而侯甸之此

國朝德威所播所以亘古而無匹也歟

宦蹟

邑舊志於秩官後繼以名宦嘗入祠考之邑春秋所祀

曰鄂西林陳桂林兩節相曰勇畧將軍趙綬遠將軍蔡

大司馬范制軍曰王曰郭大中丞曰石曰初督學曰謝曰魏觀察曰屠凡十二公大抵皆滇中蘋薦所同者若夫巡方守土殖田疇誨子弟專撫字我鄧人如艾志高志所紀諸名宦微論績增諸公寂如也即舊謂已經崇祀者實未嘗與列焉功德在人而明裡未展被其遺澤者恧焉內愧矣范蔚宗曰懷我風愛永載前賢爰謳思紀德政於篇以俟後日請題入祀焉

道府

明

鄧川州志

卷十 宦蹟

道府

三

郭紳江西宜春人成化間巡按雲南至鄧川懲貪汚鋤強豪正士習遷建學宮風化一振

林俊字待用福建莆田人成化間分巡金滄道嚴明方正至鄧川毀淫祠衛官虐軍者實之法一時墨吏望風解綬民得休息

姜龍字夢賓江蘇太倉人嘉靖初任瀾滄兵備道至鄧川焚淫祠除兇暴築隄捍患士民嘗立三正祠與林郭兩公同祀焉

國朝

朱鳳英號桐岡江西人乾隆間以御史出巡迤西廉明仁惠至鄧川疏通水道捐俸開馬鞍山功雖未竟至今人思其德

王站柱字桂州正白旗漢軍舉人乾隆年間任大理府知府興學校造就人材於桂香書院捐給生童膏火課讀勤至鄧川人士頗受裁成

知州

明

陳輔萬歷年間任明敏果決奉憲檄履畝均田秉正不

鄧川州志

卷十 知州

三

阿能消隱射金錢出入毫無染指後陞同知

常眞傑萬歷年間任至誠仁恕築隄開闢除南場重課減金價惠政甚多子懋中舉鄉試第一仕至太守孫亦登第

徐保泰天啟年間任清廉公正革到任鋪陳儀收銀減火耗除正耗三分外任民自行輸納聽訟持平不任喜怒去之日士民攀送不輟先是公遷州治德源城捐貲募役不勞民力陞任蒙化同知後猶寄百金給工費時有安民實錄云徐侯廉不要錢蓋實心愛民非沽譽云

張璋崇禎年間署時政繁賦重胥吏緣以為奸公由景東來權篆甫下車即懲治而擴清之民頌德政十款陞鶴慶知府後家於鄧

國朝

李毓元雍正年間任廉明公正留心河工尤能重教養嘗奉憲檄倡建書院暨各義學

傅騰蛟雍正年間署恤民禮士精於察吏令其奉法惟謹聽斷勤明人莫敢欺一時棍徒斂迹幾有無訟之風楊登乾隆年間任性廉正不可干以私竟日危坐穿堂

鄧川州志

卷十

宦蹟知州

五

中有赴訴敲雲板而進隨卽斷結無拘繫之苦需索之弊刁徒逞訟必重懲之清查里書飛灑錢糧留心水利至今人感其德

恒文號菊坡由戶部筆帖式揀發來滇歷權河陽宜良

保山鎮雄等篆民咸頌德道光二十四年七月由趙州量

移至鄧甫下車值瀾河秋漲堤將不支男婦老幼擁聚數千人至州堂呼號求救公即單輿馳赴兩岸督夫役

搶修諸險工數日昕夕無間得安瀾事竟詳訪河工舊章叢滋百弊遂於來春洗剔之延公正紳士督辦而自

為懲情獎勵除奸革弊不遺餘力工竣積夫工折價錢

四百千文悉發交督工紳士為河工費先是河工興工

後督工官筋差役需索規禮差役索諸滾頭滾頭索諸

花戶計一段分數里里分數排排須斂錢數千里數十

千以應否則控鎖敲扑無靜宇層層腹剝上取一下取

十愁痛之聲達於境公既開誠布公凡諸為累者悉蠲

除秋檄勘永昌漢回互門案留權郡篆冬回任來春興

革如初時邑東山獮賊頗滋患公以河工就緒思設法

剿除之旋因承案被議去鄧民瞻顧徬徨如失父母蓋

鄧川州志

卷十

宦蹟

美

公性慈惠視民如子顧直慧又勇於有為是以人易抵隙不獲竟其用然牧鄧二載不愧古之循吏矣

沈承恩號小亭道光二十九年任先是公尊甫為粵東

大帥卽以吏事試公歷官既久益老練精熟能判歷年

健訟不結案戶婚田土必以情理反覆開導令訟者自

愧悔瀾荳河工自菊坡公更定後雖經列憲批飭仍不

免互有主奴公抵任既訪悉利弊遂毅然以興除為已

任時時輕騎詣兩岸指授方畧勞來諸首事舊章廢者

舉之遺者補之疎者密之視昔益加詳焉置公產三百

餘金翼後來源源積累以蘇河工困語在河工志邑童
試舊無桌堯及期諸應試者衣冠擱轉而進天雨路滑
益竭蹶公爲捐廉置備部署之莅任未期年政通人和
復欲清淤田釐值日捐卷金修諸百廢適以調任止

州同知

明

王逢貴洪武年間任創建州治學宮設立舖舍禁新軍
強占田畝撫民化俗聿著能聲

李福正統年間任清而不刻修瀾苴大河分定里界瀆

鄧川州志

卷十 宦蹟

五

兩湖洩其淤漲民以得耕

楊琛天順年間任勸農桑通水利禁妖僧並嚴禁書甲

中之借公索詐者

劉讓成化年間任是時惡舍橫行僧巫煽惑悉嚴治之

四境凜然隨陞知州晉叅議

程承亨宏治年間任勤政恤民抑強禮士尤嚴巫魅之

習修舉廢隆功績爲多

曾奇瑞正統年間任息里甲平丁糧修巽舍凡政有不

便者卽從衆更之

鄧倫以太和縣縣丞署明敏果決扶弱劬強太和祀入
名宦祠

周魯隆慶年間以戶部郎中謫授清慎著績尋陞大理

府知府

土知州

明

阿這威遠州人避難於鄧境之羊塘里洪武十六年右
丞普顏篤叛明師討之這效順攻破三營寨擒其僞平
章高生以功授鄧川土知州兼予世襲

鄧川州志

卷十 宦蹟

美

阿子賢阿這子永樂年間任有撫字譽當道推舉署大
理府知府益多善政

阿驥宏治年間任建石隄移州治兼有禦暴靖亂功

阿國楨嘉靖年間任寬厚誠樸民咸戴德時值安鳳二

土酋叛官兵討之調國楨從又率土練從攻赤石崖賊

叙資有加

學正

國朝

楊世昌雍正年間任博學端方不愧師表

尹熙乾隆年間任品正學優尤長辭賦課士娓娓不倦
合庠資樂育焉

吏目

明

華錫嘉靖年間任性嚴正凡聽訟悉持綱紀有鄉飲大
寶某實無行嘗至堂上遽令扶出其嚴毅不撓如此

論曰鄧民簡陋而淳官斯土者易見德非必國僑爲
踈而後老人作嬰兒啼也但使抱道溫溫與民宜之
則千室鳴弦矣每覽四境愁嘆之原歷明迄今衆瘼

鄧州志

卷十 宦蹟

五

雖異疲於水患則同而伊昔風紀之司親民之吏所
爲比迹於朱邑桐鄉者實皆有周知疾苦視民如子
之仁他如蒿目時艱去其太甚當時卽不必建生祠
勒去思而一日仁心百年遺愛矣傳有之曰忠信之
長慈惠之師詩有之曰高山仰止景行行止斯之謂
乎斯之謂乎

鄧川州志卷之十一

署牧烏程鈕方圖賡雲定 州人 楊柄 銜春 樵 候九 欽雲 坡 纂

選舉志

南中進士元代可考者五人而大比所登記載从缺明
代雲南布政司開科始於永樂辛卯邑中獲雋始於丁
酉迄乎崇禎壬午前後題名五十五人科目之盛固未
可與名區抗行然而綿綿延延賢書罔替惟春官之第
落落如晨星焉則非僅鄧然矣

鄧川州志 卷十一 進士

曠首雲路視音愈盛綜各制科所得而紀之夫豈故為
標榜哉蓋將使異日披覽之餘得指而目之曰若者華
國若者匡時若者懋勲猷若者垂光範即韋布終老靡
不身修名立同期三不朽焉斯無負乎造士選士也已

進士

明

楊傑 州人 隸太和 庠成化乙未 科謝遷 榜官都察院 觀政

楊南金 宏治己未 科倫文叙 榜官至湖南 參政

張雲鵬 太和 人 庠宏治壬戌 康海 榜官至叙瀘 兵備 僉事

楊九齡 正德甲戌 唐舉 榜官 戶部 觀政

國朝

高上桂 乾隆癸未 科 秦大 成 榜 官至 湖南 茶陵 州 知 州

艾濂 嘉慶戊辰 科 吳信 中 榜 官安 徽 寧 國 縣 知 縣

湯景和 嘉慶辛未 科 蔣立 鏞 榜 官 浙江 松 陽 縣 知 州 銜

侯錫理 嘉慶己卯 科 陳沆 榜 官 福建 松 溪 縣 知 縣

張相侯 道光壬午 科 戴蘭 芬 榜 官 廣東 新 安 縣 知 縣

楊柄銜 道光戊戌 科 鈕保 榜 官 欽 州 分 刑 部

鄧川州志 卷十一 進士

遷浪穹縣祖官訓導父為諸生悉隸縣籍公亦隸縣

庠與鄧無涉故不載

舉人

明

尹士良 永樂丁酉 科

楊至美 永樂丁酉 科

董從政 永樂庚子 科

楊九思 永樂癸卯 科

陳鐘 正統戊午 科 州 庠 太 和 人

魏壁	周機	趙翰	王用子	張雲鵬	楊麒	李淮	趙俊	楊南金	鄧川州志	董暉	楊浩	戴文	楊政	楊傑	楊敬	楊貞	尹茂	楊經
官正德庚午科	二名官知縣	太和人官教諭	太和人官知州	宏治甲子科	宏治乙卯科	太和人官訓導	太和人官訓導	式化兩進士	卷十一 舉人	太和人官訓導	官成化庚子科	太和人官知縣	太和人官知州	元聯捷進士	州成化甲午科	州成化乙酉科	州景泰癸酉科	州景泰癸酉科

三

陳大忠	卞尙衷	阿天麒	蘇大同	王三重	劉起龍	楊韶	楊洲	毛如錦	鄧川州志	陳國章	徐震	胡百順	李先庚	趙以賢	李廷詔	楊本清	楊鳳	楊九齡
官高歷丁酉科	府萬歷辛卯科	官至泰政	科官知縣	萬歷辛卯科	三名官至知州	子萬歷戊	官至通判	官至推官	卷十一 舉人	太和縣人官知縣	太和縣人官通判	隆慶庚午科	隆慶庚午科	嘉靖辛酉科	嘉靖丙午科	嘉靖乙酉科	正德癸酉科	正德癸酉科

四

楊大陸 萬曆丁酉科
州人府庠

趙際昌 萬曆丁酉科

艾自脩 萬曆庚子科第四名
州人府庠官至知州

王來舉 萬曆癸卯科第三名
州人鶴慶庠官知縣

李鳳苞 萬曆癸卯科
州人知縣

李肅 萬曆己酉科
官至同知

楊邦英 萬曆壬子科
州人知縣

宋希賢 崇禎癸酉科
官至同知

楊承淳 崇禎丙子科

鄧川州志 卷七 舉人

徐進卿 崇禎丙子科州人府庠
隆慶庚午科震之子

馬一多 崇禎己卯科
官至知州

李甲魁 崇禎己卯科

王漢 崇禎己卯科

王承鼎 崇禎壬子科
州人府庠

國朝

蘇似錦 順治辛丑科

李攀龍 順治辛丑科

杜道中 康熙丙午科
科解元

張騰虹 康熙己酉科
州人太和縣庠

艾蔚 康熙壬子科

王珣 康熙甲午科

湯相 雍正乙卯科
州人麗江庠

郭煥 乾隆甲子科
州人教諭

李珂 乾隆甲子科
州人知縣

劉安郡 乾隆丁卯科

李樹堂 乾隆丙子科
州人教授

張書敬 乾隆丙子科

鄧川州志 卷七 舉人

高上桂 乾隆壬午科聯
捷癸未進士

楊其仁 乾隆乙酉科
官學正

徐樹本 乾隆丁酉科
官學正

王雲鵬 乾隆庚子科
州人學正

戴三聘 乾隆癸卯科

楊大元 乾隆丙午科
州人教授

湯鏡 乾隆丙午科

李卓 乾隆戊申科

初聯奎 乾隆戊申科

饒文炳 乾隆己酉科

高肇昕 乾隆己酉科

胡紹瑗 乾隆甲寅科

段賓王 乾隆乙卯科

宋儒傳 嘉慶戊午科

艾濂 嘉慶庚申科

楊汝剛 嘉慶甲子科

湯景和 嘉慶丁卯科

楊昱 嘉慶癸酉科

鄧川州志 卷上 舉人

侯錫珪 嘉慶丙子科

李縉 嘉慶丙子科

楊會朝 嘉慶丙子科

孫煥章 嘉慶己卯科

張相侯 嘉慶己卯科

王汝弼 嘉慶己卯科

饒子椿 嘉慶己卯科

阿元善 嘉慶己卯科

尹特選 嘉慶己卯科

楊振宗 道光辛卯科

李鎮圭 道光辛卯科

楊景程 道光甲午科

侯允欽 道光乙未科

楊柄銓 道光丁酉科

張崢 道光癸卯科

楊墀 道光丙午科

丁輝南 道光己酉科

趙治隆 咸豐辛亥科

鄧川州志 卷上 舉人 副榜

副榜

毛如錦 明隆慶庚午科

楊東震 明萬曆戊子科

艾濂 嘉慶戊午科

杜占春 嘉慶丙子科

戴旭光 嘉慶己卯科

張晴光 道光乙酉科

宋儒貴 道光甲辰科

李景陽 咸豐辛亥科

薦辟

楊宗道 明正統間以明經辟舉授本州訓導陞浪穹縣教諭

拔貢

明

楊時秀 萬歷間貢官教諭

楊承第 萬歷間貢官教諭

楊如錫 萬歷間貢官知縣

艾自新 萬歷間貢官知縣

姜周瑞 萬歷間貢官經歷

鄧川州志

卷七 薦辟

拔貢

九

張 鈺 萬歷間貢

國朝

張書紳 雍正間貢

王 璉

王 智 乾隆辛酉科官學正

李捷登 乾隆癸酉科官教諭

聞顯謨 乾隆乙酉科官教諭

陳其瑞 乾隆乙酉科

高肇昕 乾隆己酉科中式本舉人

劉光鼎 嘉慶辛酉科

徐丹鳳 嘉慶癸酉科

王汝弼 嘉慶癸酉科舉人

侯九欽 道光乙酉科舉人

楊柄鏗 道光丁酉科舉人

楊徽烈 道光己酉科

優貢

高 清 乾隆丁酉科官廩越州訓導

庠貢

鄧川州志

卷七 優貢

庠貢

十

方 印 隆慶元年恩貢官縣丞

張大鵬 泰昌元年恩貢官經歷

楊九韶 天啟元年恩貢官經歷

李東奇 崇禎元年恩貢州人雲龍州庠官學正

以上七人俱係前明恩貢舊志列入選貢悞

楊恩義 官訓導 楊 富 官訓導 董 瑤 官經歷

楊延壽 官州同 楊 善 官巡檢 楊 冢 官巡檢

秦志和 董 章 楊 秀

趙永和 李 華 官吏目 杜 興 官照磨

湯祿 楊士達 官經歷 楊璘 太和人

楊顯 官州同 楊彬 楊瓊

張昱 楊英 官州判 楊俊

趙榮 楊詹 太和人 徐英

楊森 楊儼 官訓導 楊舉 官訓導

張鏞 董綱 孫明

陶廣 樊琛 楊儀 太和人

趙璟 王賓 太和人 尹鐸 太和人

趙昱 官訓導 董志 太和人 楊潤 官訓導

鄧川州志

卷七 序頁

十一

張雲龍 太和人 楊時亨 官州判 張忞

張雲漢 太和人 楊榮 太和人 趙雲 太和人

文彬 李文淵 趙鐸 太和人

趙文瑞 太和人 李斯文 太和人 樊相 官教諭

朱芾 官教諭 蘇名望 官訓導 楊九霄

楊翼之 官教諭 卞金 官學正 馬昱 太和人

楊新 楊翰 官照磨 戴儀 太和人

李孟陽 官訓導 董司諫 太和人 李釋 官訓導

張鰲 黃應經 楊春府 官教諭

李遷喬 楊繼德 官訓導 蘇紹卿 官訓導

楊三頌 官教授 楊本源 官訓導 楊三慎 官訓導

李長春 官訓導 卞應雷 官教諭 張四端 官訓導

楊仲經 秦大本 廖宗儒

陳聰 官訓導 蘇鵬舉 官訓導 卞應麟

楊應時 官經歷 楊應恩 廖如梅

楊枝芳 楊德亨 太和人 楊際可

楊廷爵 胡宋 李小魯

楊志學 官訓導 薰湯臣 官教諭 尹湯輔 官訓導

鄧川州志

卷七 序頁

十三

張登 官訓導 楊應會 官教授 楊復禮 官教授

尹紳 楊州勝 官學正 陳愚 官學正

陳大化 官學正 阿朝藩 官學正 毛遇陽

盧大復 官教諭 段大蔚 趙以俊 官知縣

趙廷舉 方東曙 官教授 李之春

李如桂 官教授 朱必達 楊紹美

張汝釋 段然成 趙以儒

王三接 官訓導 段緯 吳易能 官訓導

黃鸞 杜朝鳳 高舉

王三錫	段開元	俞奇	官訓導
董正	官教諭 趙高選	官教諭 楊德施	官學正
李應選	楊培華	楊承洙	貢元
楊本乾	楊祺	段志高	
趙睿音	楊晉	官訓導 趙應昌	
王家賓	楊春	雲龍州 楊升	
陳奇策	官訓導 陳文耀	阿大鵬	雲龍州 庠
朱秉震	戴乾	李榮	
王九順	饒琛	趙啟祚	
鄧川州志			
卷十一			
庠貢			
王永位	段銓	宋甲撰	
倪天甲	李一鴻	楊魏科	
李光縉	李印選	楊大任	
李鼎甲	楊躍鯉	趙秉乾	
趙秉崇	李宗泌	官學正 王家佐	
王家賓	張瑞麟		
以上俱係前明歲貢			
國朝			
張調元	官訓導 李一鵬	官訓導 楊調鼎	

楊一貫	饒景新	李儒裔	
楊應龍	金應龍	官訓導 初雲程	
阿麟	官學正 施偉猷	沈眉	
董敬民	殷阜	魯之藩	
金振元	杜莪	蘇禹功	官教諭
楊登雲	楊華石	李之珩	
王鳳翥	王度訓	官訓導 李天叙	
金元純	胡淮	杜良英	
杜宇隆	王梅	宋楹	
鄧川州志			
卷十二			
庠貢			
卞之璋	卞愈茂	楊起鵬	
戴汝治	戴箕疇	楊雄	
楊灝	楊祖文	湯之鼎	
王璠	楊世傑	湯天錫	
杜國彩	殷禹貢	杜啟元	
李用霖	楊愈新	王吉士	
李光庭	孫馨	楊世儒	
趙瑗	李卓萃	楊世傳	
湯仁	杜元捷	楊荀伍	

李友桂	侯干晉	饒甲選	官訓導
金珠	李秉實	趙琮	
徐璜	趙瓊	高上樞	
張錦燦	楊世瑄	倪名卿	
戴鴻勳	李狝南	王召吾	
李青	徐冠文	段其彬	
王饒勳	楊士標	王潤	
杜如淵	湯有敬	李九中	
楊明善	趙嶼	楊柱石	
鄧川州志 卷七 庠貢			
宋緯麟	人府	饒賢詔	張星炯
黃在中	江州人	張偉望	李掄登
毛德華	李芝	張萬選	
戴初聘	州人府	張書篤	張軒舉
何瑞	王似會	趙文謨	
姜耀文	孫檉	楊如陵	
宋君培	金門詔	侯九公	
卞上攜	杜芄	張見篤	
楊體要	潘應斗	李士麟	

張復元	恩貢	湯粥	王國士
王名佳	張淳正	張翻	
王名超	干青雲	恩貢	孫煥章
劉體仁	道光元年	恩貢	焦秉正
管鳳鳴	楊運昌	王名傑	
楊豫棟	徐培恒	趙德沛	
毛紹鳳	侯錫瑛	徐燦南	
毛玉書	潘如霖	楊觀光	
楊如梅	潘匯	州人賓	段聯珠
鄧川州志 卷七 庠貢			
董友蘭	李紹香	劉中桂	道光二十六年
阿元燧	張瑞彩	杜先瀛	
孫必大	湯懋昭	州人府	張晴霄
武舉			
王修德	康熙丙午科	丁運宏	康熙丙午科官
楊書漢	康熙辛酉科	宋之臣	康熙甲子科
饒尚忠	康熙甲子科	張祖仁	康熙己卯科
楊超	雍正癸卯科	丁天龍	雍正丙午科
段選	雍正巳卯科	宋高選	乾隆戊午科

芮超雲

道光科

趙應魁

順雲守備

論曰選舉為黷俊大典謂經明行修則文章經濟裕

焉觀古今來掇巍科取高第名公卿磊落相望可見

矣抑豈無以貢進如明之夏原吉楊士奇且僅以貢

進如漢之張釋之黃霸皆聲施赫赫功業爛焉而掇

巍科取高第反寂無建樹者比比也則人才固不以

選舉限也而既叨選舉之榮者可令人視為不足有

無耶

鄧川州志

卷十一 武舉

七

鄉飲附

鄉飲酒之禮儀禮所載自戒賓至辭洗儀節繁重文辭

奧質難遽曉會典釋而品節之凡戒賓迎賓獻賓賓酬

莫不詳且明矣其間司正揚觶之語有曰舉行鄉飲非

為飲食凡我長幼各相勸勉為臣盡忠為子盡孝長幼

有序兄友弟恭內睦宗族外和鄉黨無或廢墜以忝所

生其讀律令有曰凡鄉飲酒序長幼論賢良年高有德

者居上其次序齒有干犯者不得與違者罪之失儀者

責之蓋典禮之重如此鄧邑先年屢舉行願承遺訓

審擇人輒目之曰捐鄉飲於是名器冒濫無復知為矜

重矣今就正賓可稽者附諸選舉後以選舉鄉飲同屬

嘉禮且正賓又皆齒德足式諸鄉里者也

侯允公

張復元

段賓王

阿子元

王名超

徐燦南

趙德沛

楊觀光

侯錫瑛

以上正賓係嘉慶道光年間舉行者

鄧川州志

卷十一 鄉飲附

六

鄧川州志卷之十二

署牧烏程鈕方圖賡雲定

州人楊柄鐸春樵輯
侯允欽雲坡纂

人物志

昔司馬相如通邛笮夷盛覽張叔以樸榆人至若水受
學歸教鄉里惟時鄧亦樸榆地也文教既倡當有聞風
興起者惜乎其不傳矣唐蒙腥羶豨奔豕突而慈善大
節獨炳千秋宋代否塞山川黯淡有元一代未盡廓清
至明而理學名儒出焉

國朝治化光昭羣英蔚起文章德業固已埒美前修即至

鄧川州志

卷十二 鄉賢

里閭間敦孝義重名節幽光懿烈所留均有灼然難泯
者夫風俗之隆替於人物徵之人物之盛衰惟教化筦
之所關不綦重歟

鄉賢

舊志於鄉賢紀六人後紀十人考祠中所祀五人名與
實先與後均互異何歟竊嘗思之賢謂之鄉非邑之人
弗與也非邑之人隸邑之庠弗協也邑之人皆曰賢弗
請題缺典也循名覈實可以審所擇焉

明

楊宗道上登里人善辭賦崇孝友正統間巡按趙公聞
其賢以明經辟舉授州學訓導陞浪穹縣教諭入祀鄉

賢祠

贊曰明代徵車四出懷瑾握瑜之彥耀焜藻焉然皆
在通都大邑間荒陬僻壤寂無聞矣幽英鬱發有開
必先則吾邑袖領羣倫實自先生始

楊南金字本重號用章王泉鄉人宏治己未進士授江
西泰和令直節惠政民有三不動之稱謂刁詐脅不動
財利惑不動權豪撼不動擢御史值逆瑾之黨劉宇任

鄧川州志

卷十二 鄉賢

二

都憲欲鉗言官口公疏論之且入堂愬直不屈宇欲縛
之遽解官服曰不做此官便了豈可屬於權奸乎指叱
而出即日出都門行二百里瑾遣人追之不及除其籍
嘉靖初詔起湖廣僉事晉叅議尋乞歸卜築三宜亭居
之曰宜休宜足宜止左鑄濯纓右鑄攻玉故號曰兩依
公性嚴重居鄉抑奸扶良井里賴之著有裨鄉集守土
訓三教論等書並纂州志然皆散失無存矣年八十卒
提學胡公堯時造廬植其孤作祠祀之建石坊於其里
白清風高節入祀鄉賢祠

贊曰公以疏遜小臣值瑠瑠熒天時廷爭不一屈何風骨之峻也所尤難及者掛冠疾走如鴻飛冥冥而莫可條羈則更神勇矣否則有不罹於毒熒哉世傳公歸里後於石室中著隱語道數百年後事如燭照而龜計咸謂公有神術嗚呼公豈可以凡人測哉百世下聞風者尙可令頑夫廉而懦夫立也

艾自新字師湯號雲蒼生而沉靜少卽以希聖爲志年十四游邑庠研心性理歎曰手望道統旨歸在敬敬只在慎獨慎獨工夫真是與鬼神交通於是日間有所言

鄧川州志

卷十二 鄉賢

三

行悉筆之省身錄不可筆者不 言行也萬歷間以選拔貢成均未幾抱病猶汲汲著希聖錄謂向來爲舉業累用志多紛到此則一念不生炯然覺去聖賢不遠尋卒祭酒會公朝節索所著作觀之泣曰如斯見地其企於聖賢無疑天柰何靳之哉爲立傳表其賢刊所著語錄購歸其喪且移咨滇撫陳公用賓檄州入祀鄉賢祠錄其妻子妻何氏年甫二十六守節終身語在列女志大中丞毓台陳公謂先生之學宜與敬齋白沙爭流豈特一鄉一國善士已哉東越周海門輯聖學宗傳溯自

伏義迄於明季周蕙先生與焉其弟爲雪蒼云

贊曰昔張子橫渠謂二程於十四五歲時卽銳志學爲聖人以先生年譜考之何智慧之相肖也曾大司成有言曰余兩典會試得士若干人不如得一艾生蓋是時先生之沒年甫二十有九耳而希聖一書已有追跡關閩濂洛處嗚呼偉哉

艾自修號雪蒼自新弟性孝友與兄讀書禪舍夜必焚香祝二親壽中萬歷庚子舉人由縣令擢湖南辰州牧所至有惠政居艱歸里廬墓六載墓旁甘泉湧出人名

鄧川州志

卷十二 鄉賢

四

之曰孝感先是邑有銀廠數處額課極重入而山空徒散歲令地方代賠民苦之公訴之毓台中丞免額大半民緣累逃亡者咸復業晚歲值明末造科派繁興誅求無藝迤西土民有激變戕官者各屬人情洵洵公上書當道大畧謂目前救弊之要曰緩征賦減火耗禁濫訟革猾吏指陳痛切上臺成嘉納焉大理太和鄧川三庠敦請講學申明三綱五常娓娓數千言三庠人士悉受陶鑄督學邵公檄府行州旌額曰當代賢儒詔進四品大夫嘗建紫雲寺爲棲息所修邑中興文寶塔著有雪

蒼語錄行世纂輯州志年八十餘卒

贊曰公性嚴正讀所纂州志雖眾手雜糅而色正芒

寒有深秋霜肅氣象抑匪獨言焉已也震聳聽其

挽狂瀾於波靡之餘者尤汲汲凜凜莫可掩焉

阿朝藩土官舍人有隱德人比之魯男子孝事繼母撫

孤姪好施藥餌棺槨以濟貧授漢梓訓導却贊見儀歷

署武定陸涼儒學移建費宮遷江川教諭置祭田祭器

後以子天麒貴贈石阡府知府入祀鄉賢祠

贊曰末世偷薄成風斗粟尺布有吝色好行其德者

鄧川州志

卷十二 鄉賢

五

鮮矣夫煦煦子子之行聖賢弗尚然孟子不云乎惻

隱之心仁之端也羞惡之心義之端也擴而充之量

且無窮公其近是者哉

徐震州人隸太和縣庠隆慶庚午舉於鄉官至福建汀

州府通判有冰檠聲里居仍以清節勵風俗鄉黨重之

贊曰公之事蹟前書記載止此耳舊謂入祀太和鄉

賢祠意當日請題時必多志行絕特嘖嘖為人稱道

者文殘獻佚莫由徵信可勝嘆哉

國朝

高上桂號月峯州銀橋人由乾隆癸未進士授四川新

繁縣令歷任河南輝縣太康等縣知縣擢陞湖南茶陵

州廉幹慈惠所至有循良聲居艱歸里首捐千金與郡

伯張公春芳署牧王公孝治疏東川水尾使歷年湖水

入河之患悉暢洩無滯環湖涸出膏壤無數井里德之

賞置高豐莊以贍族年七十餘卒於茶陵任所著有詩

文詞賦待刊纂州志子焜遵例歷任江西上猶奉賢等

縣知縣孫文彬候選縣丞

贊曰東川子河之績懋矣否則公之蒿目於雲水蒼

鄧川州志

卷十二 鄉賢

六

茫者有不長歎其為魚乎余謂被公之澤者宜專祠

與張王兩公同祀即費門俎豆躋班行於兩依雲蒼

亦協焉嗚呼邑有先正後學楷規也雖不能至然翻

往之心靡窮矣

卓行

中行難得聖人慨之漢之獨行傳唐之卓行傳所由作

也夫一鄉一邑固未可與一代之英相頡頏願其間或

行表言坊為鄉里所矜式或懷清履潔懋爾室之潛修

或古處敦任恤之風或作育溥春風之化皆可以維風

俗正人心列而編之以世次之先後爲序

明

楊禮性清剛而不谿刻凡邑有水利婚喪難舉者輒倡首捐助鄉人感其德惠尤欽其正直訓迪子弟化導鄉里勤勤不倦年七十七沐浴拜天而逝即御史兩依之祖父禮之子彥亦有乃父風

杜彥亨宏治間玉泉鄉大水淹斃人民無數拾而葬之高原計埋前後無主遺骸四十有七復建各處橋梁倡修學宮

鄧川州志

卷十二 卓行

七

艾傳芳嘗濟困憐貧貸財與人察其不能償者檢券焚之滿百紙不令人知即雲蒼雪蒼祖父

楊韶萬曆戊子舉人懷抱清超不求進仕凡橋梁道路有傾圮崎嶇者修之濟困扶危無倦色壽至九十有三李斯文貢生儒居太和忠信純篤一介不取尤敦孝友躬耕隴畝不求聞達

倪高魁學通三教日惟閉門訓課子姪屢市喧囂之處足跡不至

徐進卿崇禎丙子舉人與兄上勸姪延熙敦睦尚義植

歲飢疫癘並作道殣相望進卿發莊穀溥賑諸窮困寒冬無褐者衣之歲盡除夕以布袋百條載米餅分投貧乏家不令知前賢表之以風世

國朝

王詢字晴東康熙甲午舉人天資醇篤友孝性成父歿事母至養備至與弟讓產推財無私蓄至其和以接物狷以持身尤爲井里所欽佩

阿炯晟庠生壯歲喪妻遺二子遂不復娶平居崇尙古道敦樸黜華敬宗睦族至於安貧嗜學至老不倦尤爲

鄧川州志

卷十二 卓行

八

人所推尊

張翊積學未售言動不苟時以爲善勸勉鄉人年臻耄耋藎創葉洲明府之祖父

高上柱字辰遠庠生學問淹雅襟懷高曠食貧居陋人所不堪而處之怡然年八十猶作蠅頭小楷文學爲一鄉之望

杜啟元字易菴貢生宏材績學屢見賞於宗工生平博極羣書尤精研性理著有四書輯義稿惜皆散失

侯于晉字太原貢生持品端方績學深遠尤工書法繼

橫變化極釵股漏痕之妙自成一鄉試十二科未第
選授教職辭不赴至今得其片紙隻字珍如拱璧

楊超字續鳳馬甲邑人康熙五十年間麗江初設學招
考公往應遂隸武庠至雍正癸卯中武舉賙貧贍族局
度宏展遇公事勇敢有爲先是邑之黌宮厯被沙水衝
埋屢遷不得其所乾隆十六年州主蕭公卜地於署後
來鳳崗之麓諭紳糧籌捐移建以公總理其事擇日興
工庶紳者恐捐輸難繼合詞遺之書內有霍光傳宜讀
之語乃婉詞荅曰某身列武科不學無術誠未讀霍光

鄧川州志

卷十二 卓行

九

傳者也惟古人建邦設都首重立學事苟得已必不敢
汲汲爲之今城已移建於此而 聖廟遠隔城外目視
水衝沙壓讀孔孟之書者於心安乎公等切勿畏難靜
待其成可也期年廟成規模壯麗此後人文蔚起科甲
蟬聯公與有力焉

王璉字美也拔貢人品清雅學懋行修授徒五十餘年
成德達材遍於境內亦工書法

王智字若愚拔貢宅心端正學識淹通尤工書法任教
職三十餘年庠序間仰如山斗年至九十有六

王之璽字玉章庠生安貧好學性狷介取與一介不苟
清操厲俗人咸稱之

楊啟榭庠生本姓丁好善樂施每於寒冬周給孤貧有
老媪窮乏將鬻子賙之於道路拾遺金二百待其人至
還之人以聞於學憲旌曰古處獨敦

楊世仁國學生偕妻段氏好施舍族鄰婚喪難舉者助
之稱貸不計償否除夕日以米麵衣物周貧乏久而弗
倦夫婦皆鬻髮齊眉子孫入泮人以爲積善之報

鄧川州志

卷十二 卓行

十

親以孝聞游學在外所得館脩膏火必緘寄爲二親甘
旨費拔貢後斷絃無子無力再娶家居躬操井臼有茅
子之風閒則誦詩讀書聲出金石過其門者低徊不能
去鄉試十七科未售終親喪廬墓盡禮後選授恩樂縣
教諭攜其仲弟季弟與仲弟之二子偕往友愛之篤不
異少年共食同衣毫無差等而教姪如子期望尤殷後
因長姪回籍應童試旋卽夭亡其仲弟欲攜其幼子歸
公慰留不得笑而遣之謂其三弟曰吾家讀書種子豈
可絕耶我與汝不如再娶未必無子後擢永北廳教授

已垂暮年始舉丈夫子三至八十歲又生一子其三弟亦生子以冷宦不能回籍卒於官其子已入永北廳學詢屬一代制行無虧孝友完人

高淸字玉署號要堂優貢授騰越州訓導諫士有方庠序間仰爲圭臬乞休旋里杜門不與公事生平事親純孝重氣節慎交遊門墻中普受甄陶後進極爲推重

楊際時字會中邑武庠也早失怙侍兄養母內行純備胞兄聖時病故時母老家貧寡嫂年二十七歲姪甫三歲遂棄儒業拚指家務母好節儉而日用減省母好謹

鄧川州志

卷十二 卓行

七

飭而言行端方母慮孀孤而事嫂如兄撫姪如子以此頗得歡心宗族鄉黨咸仰儀型焉生平愛博覽先儒言行諸書遇忠孝事不置於口晚尤精歧黃活人甚衆三十年來不受一謝嘗語人曰我不能發名成業利物濟人不過藉此以了素願幸勿以術士視我卽知我矣教子孫讀書耕田兩途能以孝弟爲體勤儉爲用日久必到好處其餘息鄰口舌之爭節親友虛浮之費諄諄開導不以爲煩所言無甚高論其所言皆其所行人可共行者故言出而人信之歿後人以爲盛德焉子昱癸

酉舉人孫柄錕戊戌進士

先處士公姓侯氏諱錫瑞字輯五幼秉至性父母早歿家赤貧諸弟幼盡心教養俾叔仲三人相繼游庠食餼季成進士茹苦含辛中所置家產咸共之無毫末自利邑中苦重徭當之者輒罄產乃倡爲義役以均之欲設局興織紡因頻年謀生遠出不果行言之輒於邑自少因貧失學稍長好讀書尤嗜先儒語錄一動一言必以古聖先賢爲法教小子九欽以身體力行爲主與人交規勸懇誠化及頑鈍孝友盛德之譽嘖嘖士夫間顧南

鄧川州志

卷十二 卓行

七

雅學憲嘗贈匾額曰友以成孝馮石虹學正曰克敦天顯寧州劉寄菴先生吟烏雛以風世及歿爲銘泐諸幽並題墓額曰可祀於社
張復元號梅溪 恩貢生天姿倜儻學識宏通幼喪母痛不欲生稍長任家政事父能視聽於形聲表尤篤友于至老不倦少負壯志旣而入秋闈三薦不售遂棄去精心歧黃如秦越人全活甚衆季子捷南宮出宰潞浦遺之書曰天下無難處之事赴之以勤無不治天下無難治之民感之以誠無不孚又曰爲官之本在潔已公

乃能明潔已在節用儉乃能廉但能盡心民瘼事事可
以對百姓無他慮矣皆名言也生平坐立無跛倚接物
能并包修隄防設義役隨事利濟功施尤溥年八十餘
矍鑠如少壯有請問服何藥答曰吾惟日服正心誠意
二劑而已志行超越福祉隆備遠近仰典型焉

贊曰

國初風氣沕穆人心淳固繼而協氣旁流君子沐浴於
元德小人稟仰於太和是以圭璋特達之英類能麗
彩儲精藻瀟廊廟下逮蓬門委巷亦復潛修闇淡爲

鄧川州志

卷十二 仕蹟

三

老宿爲幽貞與前明鄉先輩之砥德礪行相繼美焉
詩不云乎君子是則是傲望前修而延頸能不匪勉
自勵並以望諸好修之士哉

任蹟

古史有名臣傳近代州縣有名臣志鄧僻處邊荒鹽梅
霖雨之英弗克津逮至於職司三事符分百里莫不懔
靖共焉特其間年湮代遠碑板既無銘泐子孫復失流
傳致先民懿行嘉言磨滅無考者多耳今茲不述後
難徵採而輯之得三之一嗚呼雖無老成人尙有典型

蒐遺挽失非後起之責而誰責哉

楊傑成化甲午科解元聯捷進士觀政都察院器識偉
重未幾卒追贈浙江道監察御史

毛如錦字伯文號文臺弱冠游州庠領萬曆癸酉科鄉
薦初授直隸武強縣學正做蘇湖爲教士林咸仰之旋
擢湖廣監利縣知縣勞撫綏重教化讜諒不阿道與時
忤左遷爲蜀省藩幕未幾當道有契公者薦爲廣西潯
州府推官平反得宜肺石無枉兩臺方交章薦以白雲
念切遽解組歸裝惟圖書數卷而已嘗謂貧賤苦境善

鄧川州志

卷十二 仕蹟

四

處之則樂富貴樂境不善處之則苦計懸車日年甫三
十有六優游林下又三十餘年焉

楊洲鴈萬曆壬午舉人初授騰越州學正陞四川平武
縣調陝西環縣知縣環縣界聯邊陲昔人築墻以禦寇
戎處俗頗叢雜公內輯外防撫綏盡職擢常州府通判
年九十九卒於家

劉起龍字震宇舉萬曆辛卯鄉試第三名通判武昌以
醇謹用其明決能令上倚重而下懷恩會楚藩宗室構
亂人心震搖諸司莫能制禦時捕職在公公以鎮靜處

倉猝操縱指揮一如素定使巨測潛弭故上臺薦公有
隨手解隴牌乃謀乃斷之語擢知涿州當畿封要地極
衝且繁公愈振厲有爲沛然肆應事不擾而民益恬熙
然勤勩甚 疾卒於官

阿鈺原名榮宗土官知州萬曆五年緬酋莽瑞體作亂隴川

宣撫司多士甯養子岳鳳弒士甯應之十年瑞體死子
應裏嗣復結鳳入寇干崖破姚關焚施甸順甯將窺蒙
化景東勢張甚鈺士甯增也遣使勸鳳擒應裏會孟養

孟密蠻莫隴川車里八百等蠻犯姚關叅將劉綬劄子

鄧川州志

卷十二 仕蹟

圭

龍提兵進剿應裏趣鳳禦之鈺復單騎入鳳營曉以大
義與之盟令其招降諸蠻風從之子龍遂大破姚關劉
綬出隴川直抵阿瓦諸頭目皆降緬甸平事聞賜鈺白
金二千兩

阿天麒萬曆辛卯舉人初選四川樂至縣教諭陞知縣
歷鎮遼府推官攝黎平府事有明允聲遷應天府馬政
別駕督鑄泉部兼署句容溧陽二縣事奏游及內轉戶
部廣西司主事歷員外郎中度支稱當出守石阡府值
奢酋猖獗修戰守具以備得安堵當路嘉焉疏遷貴州

按察司副使兵備思南歷布政司叅政復值安兵犯貴
陽時公護軍門事親冒矢石斃賊於圍城方期出鳩巢
穴而援兵弗繼未竟厥志以歿公爲鄉賢朝藩公次子
生有異徵阿氏族譜謂公既歿嘗入祀貴州名宦祠云

宋希賢崇禎癸酉舉人授河南溫縣知縣理繁治劇風
裁有聲擢任刑部恤刑司改陝西苑馬寺監政釐剔積
弊治績嶄然調永甯府同知會李自成陷北都棄官歸
艾濂字齊周號玉溪雲蒼六世孫中嘉慶戊辰科進士
歸班銓選先與大挑二等歷任騰越學正雲南教授丁

鄧川州志

卷十二 仕蹟

天

丑授安徽甯國縣知縣甯國漕重民以抗欠爲故事逋
賦多則徵解缺額歷任被劾相繼去公莅任嚴定章程
明賞罰案牘塵封悉釐剔之無枉縱由是胥吏莫敢爲
奸抗糧豪徒亦聞風斂戢暇則問民疾苦興利除弊四
境稱治充己卯江南同考官丁艱歸里遂不出掌教育
才書院宏獎士類造就爲多文筆靈雋舉重若輕著有
蟲吟集行世年六十六卒於家

先叔父姓侯氏諱錫理字肇輝號蘊山一號鍾麓登嘉
慶己卯科進士逾十四年始選福建平和縣知縣甫抵

任卽辭去郡伯托靄山先生已卯同年也慰留再四且曰君京華五載南來萬里棄官去何以歸答曰予固貧然一命之士惟有循分盡職今漳南命案如山積悉以開花結否則甌將塵不如去也遂探懷中出病狀卸篆僦居民屋中將謀歸會臺灣有警兵四集上憲重公誠篤令督戰船載餉進領帑金四十萬冒重洋風濤不測人咸爲公怖公卽曰就道歷七更洋達鹿耳門既竣事將內渡往辭梓庭陳制軍制軍曰松溪風氣較淳汝辦事實心可卽往吾已具疏入告矣公歸志已定不意

鄧川州志

卷十二 仕蹟

七

制軍之奏調也單車趨視事值歲大旱民飢甚倉無宿儲萬家懸釜以待公亟捐俸普勸殷實戶發金四出糶粟以賑爲之力總統立章程源源接濟無餓殍四境歡聲如雷僉曰賢侯活我甲午點充福建同考官得人稱盛在任四載清辭訟釐積弊勸農桑興學校潔己愛民始終如一上游將以剡薦遽引疾歸去之日士民攀臥不輟抵里襍被如故囊橐蕭然與父老優游年餘遂卒著有詩古文待刊

湯景和字養粹號竹筠嘉慶辛未進士選授浙江松陽

縣知縣松陽宅萬山中民畏法而昧大義每朔望集士民曉諭之聽訟勤慎無枉無滯創城南石隄以捍溪水厯兩載始成人呼爲湯公邑中科甲式微自公莅任加意人材作育寒士蜚黃騰達相望焉壬辰丙辰兩次分校浙闈丙申以任內征解無缺額加知州銜然公寓撫字於催科官視民如子民視官如父母上游屢欲移公劇區公每力辭不忍去蓋宰松十有九年矣後以卓異薦卸事將入都旋卒子一德現官湖北竹山縣知縣贊曰邑之登仕版出膺民社其張弛斂發有時勢才

鄧川州志

卷十二 仕蹟

六

力之不齊未可比而同之也至於飭篋篋勤簿書杜苞苴勞撫字篤實無銜不爲朝歌近術不若潁川近名則由明迄今後先靡異絕未有稍涉不謹致干吏議者何爲哉蓋惟處而行方是以出而履正此中有本原焉往轍未溼斯來軫益道所以未卽載者錄不及存康對山太史言之矣

孝義

孝義之量塞天橫海未易造其極也然歷朝以來靡不以孝治天下義正萬民僻壤邊陲聞風興起鄧睽滇西

巨邑也門內之修頗不乏人雖不必盡如古曾閔之純粹而一行克立節取其長於人心風俗庶不無裨益云

明

王祿吉家貧傭工與兄茂林孝事雙親所得備值兄弟相讓有司以羊酒絹帛獎之

楊承祖幼失父母無所依寄養於周氏及長事周如父母侵曉出採樵歸復以工作覓值供甘旨一飲一食必思念焉周歿喪葬如禮

段鑽天性純孝父閉溺醫藥罔效屢瀕於死鑽百計引

鄧川州志

卷十二 孝義

九

導之得洩知州徐公詩以獎之

段高選吏員善事父母父母卒廬墓三年

蘇成事父母色養備至

吳承羔父歿事母孝母病嘗糞憂心比於庾黔婁

國朝

戴九錫庠生苦行力學事繼母盡孝學憲以匾額旌之

李樹堂乾隆丙子舉人由教諭陞教授事親服勞奉養

怡色婉容親歿常憾難養不逮與弟分甘共旨撫諸猶

子悉成名

劉達庠生事母冬溫夏清能識孝道母怒時必跪解之愛及幼弟教之成名

劉祖會庠生夜必叩天祈親壽每晨至寢門伏地悔罪十餘年不令人知

楊五十得事親能孝家貧捕魚供甘旨無屋宇與親子然處竹篷中和藹備至親歿營葬畢始娶婦

唐堯性醇謹幼業儒因貧棄書力耕以養母患眼疾起障翳堯時舐之復明母歿廬於墓

阿炯眙新生里人幼孤事母極孺慕母病侍疾衣不解

鄧川州志

卷十二 孝義

三

帶嘗糞以驗差劇母歿哀毀逾恒於弟炯時友愛之終身如一

阿炯時炯眙弟與炯眙事母共稱孝兼能恭兄事之如

父撫諸猶子如所生

于青雲號曉湖貢生大邑里人刻勵讀書思遺父母令

名懼所學無成也輒執卷流泣長兄無子事之如父衣

食必先奉扶持抑搔之有不憚慰解之歷久不懈爲文

直抒胸臆健筆獨扛硯食授徒廣培後學蓋德行文章

兼之云

楊運清崑崙里人少孤事母孝凡昏定晨省出告反面之儀六十年如一日尤能曲意承歡嘗言人與外人相接積久猶能得其性情日侍母側而不知母之性情可乎聞者歎服處同懷三人友愛備至無猜嫌子墀登道光丙午科賢書

趙翰璽和山里人入武庠能孝事母兄弟五人咸析產分爨獨翰璽依母側飲食起居服事惟謹早歲喪妻解居既久有贅為壻者堅不去養母終身

友愛附

鄧川州志

卷十二 孝義

三

楊開明末人與弟昭怡怡友愛終身不分居鄉人化之張書敬和山里人年十三失恃善事繼母待異母弟尤誠篤第遠遊十九載不歸弟之子女婚嫁悉任之族有貧不能葬者每仗助焉嘗舉鄉飲賓云

論曰舊志所載尙有割股稱孝者曰貢生楊培華庠生蘇定魁趙翰思李淳張真凝趙邦俊楊述震里民楊起楊茂汪本裕胡維基段現文等十二人夫虧體之行士大夫有非之者然近世哀薄成風或反借庸行以文慙德亦世道之憂也故歸氏震川侯氏朝宗

於割股披肝之子必許其孝而詳論之吾鄧習尙近古奇孝頗多仍舊備於篇末以昭前人不廢苦孝之心云

忠義

吾邑山則峭嶺勇火之氣素涸鍾其間者類多懷忠義尙氣節之志朝卓卓有所表著即伏處草茅亦莫不以心濟處窮死生不二推其志與山川並存也書之以補史傳之闕

羅時羅鳳唐時兄弟二人是時西湖水由德源城西

鄧川州志

卷十二 忠義

三

北入河每夏秋河漲宣洩不敷河水倒注湖中浸沒田畝無算時偕弟鳳相勢於玉峯山西鑿長渠導之直達於洱於是湖水暢流民咸得耕至今人呼所通水道為羅時江云

高佳裔字順符中前所百戶同指揮胡安國防守上關順治三年二月二十五日沙賊由大理犯關佳裔力拒自辰至午身被數銃仍持戈向前不少挫復被二銃痛極而仆家丁戰死四人高桂芳沙賊入境肆劫掠率里人拒之被執不屈罵賊

而死

蘇大宇明時人羅時江歲久淤阻西川禾田仍湮沒大
宇毅然疏之水得洩

楊文郁嘉靖間賊圍省城文郁率屬自力繼征尋甸蓋
甸皆從勞績上聞賜冠帶

論曰昔文翁穿湔渎而民用饒薛公疏漳衡而潯忠
息是皆乘權得位之所為若以匹夫興大役使千家
粒食垂之無窮如羅氏兄弟可不謂義哉至於高氏
之忠使得執干戈効命戎行豈不與馬革裹尸同光

鄧川州志

卷十二 忠義

三

史乘顧考是時郡城死事之眾咸邀卹典予世膺此
獨以邊關見遺致令疆場捐生僅如匹夫溝瀆之經
莫慰烈魂於地下悲矣夫忠與義皆剛大之氣為之
故並紀焉而以蘇楊二人附從其類也

文學

古之通儒秉英異之姿以博綜羣籍及其沉酣既久沛
然自得下以滋庠序好古之根膏上以啟儒先未發之
鍵閉此傳註箋疏所以丹青道訓津筏後學也曷哉邈
矣末世帖括自珍競科名者糟粕羣經弁髦列史有能

卓然振厲不事墨守湛心以追蹤古人則噓枯振藻炳

耀士林故學不必董賈也才不必馬班也採鄧林一株

汲玉海一勺引之導之推而衍之謂非儒林文苑之先

聲也乎至於經緯人傑不僅以文藝擅長則已備載各

類中茲不復紀

明

楊東升貢生博學善詩祖述三唐鎮日吟誦不輟時或
枕漱於青泉白石間意致條然也所作不令人知故詩
草不傳

鄧川州志

卷十二 文學

四

樊相字汝弼貢生任教諭博學能詩歸里面沮結廬偃
仰嘯歌其中有窺奇摘海之思與楊升菴李中溪楊宏
山楊兩依諸公相倡和著有沙坪草堂集今散失
孟紹孔庠生涉獵載籍搜羅極富為庠序中領袖設帳
講學執經請業者咸成偉器

國朝

張書紳字見其拔貢才情俊逸襟懷瀟灑四方從遊者
踵至全省會拔列名最先文學為宗匠所器
王師周字沛南庠生殫心理學博雅多才年四十賚志

以歿所遺制藝盈篋著有補拙軒壁箴賀耦庚制軍採入經世文編內

高肇昕號柯亭由拔貢中式舉人天恣敏達學問淵深汪雲壑學憲深器之為文高華沉實瀟灑淋漓經傳子史過目成誦任平彞縣教諭卒於官

張書敬字奉丹舉人十四齡游庠食餼為文有古大家風比長沉酣典籍功力益深肄業五華聲名噪起會

試卒於京邸時論惜焉書敬於書無所不讀應歲科試經解策問條分縷析率至萬餘言卷格不敷每以稿紙

鄧川州志

卷十二 文學

三

臆真學憲比之博學鴻詞張月槎云

張偉望號瀛選貢生博學能文善誘後進頑鈍之士一

經陶銘無不解悟精熟四子書字字融貫透澈每宣講

弟子數十人點頭會意門牆外猶多傾耳竊聽者設帳

四十餘年裁成百數十人學問為一方之望

胡紹瑗字尚友號兩齋舉人善畫得關荆法工六書真

草隸篆悉擅其長詩文伸紙立就不假思索嘗一日成

七絕詩百首警敏異人一時記序傳銘多出其手楹帖

巧思綺合妙對天成任羅次縣教諭卒於官

王汝弼府庠由拔貢中式舉人天資穎悟善屬文尤工制藝學於五華領袖羣英顧南雅學憲校士大理稱其文為通場之冠北上公車不第留學京師所詣益深遂年甫強仕賫志以歿士論惜之

論曰才人之文與詞人異也學人又與才人殊也文中子曰古之為文約以達今之為文繁以塞子朱子曰人當知道德之重溺於文辭者陋也是又恍然於為學之本原矣

彙紀

鄧川州志

卷十二 彙紀

三

邑志與通志異通志綜一省之事其人物備故其門類全邑志不能也雖然綜一省之事惟其簡紀一邑之事欲其覈則又於少中見多矣顧一一類分之吾懼其強也欲統而同之又懼其雜也否則佚之滋漏也前人所載不敢削一善之長不敢沒彙而紀之則有如

隱逸類三人庠生劉一經刺史劉起龍子明亡潛跡於

隱漁築室德源山下名曰晦庠生高桂枝卷逸居其中嘯歌娛日生杜莪選

詩酒自娛

尚義類二十 人庠生楊魁英 庠生趙天錫二人於明時自

舊州遷建學 庠生徐及時 庠生趙珣 庠生高宜觀

宮於鼎勝山 庠生王極 五人俱樂善好施 遷學宮勤勞襄事 千戶嚴

貢生趙應昌 經 杜文忠 楊榮 王經 貢生楊富 王綱 胡

泉 蔣慶 李大輝 九人皆造橋修路 喪相助者 楊仲 有客被賊失

之客不 楊朝元 好布 施科 王冕 好善 庠生王立 教能助

至失所 楊朝元 邦英 登科 楊志道 撮不與惡人見 武

正直慷慨 楊綱 言行不 楊志道 撮不與惡人見 武

孫漢登科 楊綱 言行不 楊志道 撮不與惡人見 武

舉張祖仁 康熙時人 周濟 庠生饒省詔 訓徒課士 恥入公庭 劉汝

公好施與 建橋修路 張元善 拾金還人 知貢生姜耀文

家貧授徒 循循善誘 所在 趙美 識經濟 不避嫌 怨先是

以詩酒娛 人情咸敬之 趙美 識經濟 不避嫌 怨先是

鄧川州志 卷十二 彙紀 毛

西湖水尾入海口 處自東岸至西岸 約寬五十餘丈 嘉

慶年間 公欲建一石橋 以通行 旅苦於無資 乃稟請於

官出示 先建木橋 過者每人化三錢 積錢買石 陸續填

海經十餘年 風餐露宿 而橋竟成 名曰普渡 皆一人獨

任其事 至今人樂康 莊恩其功 未忘也 魏州主任內有

公歛餘銀 傳諭紳民 給領無敢 前者公毅然 領出用修

下公沙 開水石壩 歲省千夫 雖於道光二十六年 重修

而起 基則自公始 嘗訓其子 有曰 汝不做好人 如墜入

廁坑中 急宜扒出 沐浴汝身 以去垢 乃竟安坐 其中而

不肯出 可歎也 眞藥言哉 今人之墜入廁坑 而以為樂

境者 比然矣 庠生湯霖 渤 樸實誠 一 例貢艾椿齡 子急公有

為才具 敏捷 督辦 勤於訓蒙 子急公有

者老類 四十人 楊延壽 明時人 異法好施 力農好

日麒 曰鳳 俱登 庠生李遇選 好行方便 孫甲魁 楊汝誠

科壽至八十 登科壽至八十

楊鎔 皆淳謹 壽 楊思誠 王應文 李際春 皆壽至

百歲 段子方 守法 勸世 不入 趙受 橫逆 不報 和睦 趙際泰 為

獄能廉 介壽 楊清 廉介 謙謹 壽 饒允文 楊培榮 二人

好善 壽俱 李香 蘇振 阿元吉 蘇祿 秦守德 諸

八十五歲 李香 蘇振 阿元吉 蘇祿 秦守德 諸

醇謹 守法 勸人 貢生張調元 順治間人 庠生侯大正 樂

為善 鄉黨 敬之 好施 長齋 戒殺 庠生張名標 庠生焦正兆 庠生楊

壽九十四歲 庠生張名標 庠生焦正兆 庠生楊

荀伍 訓導 宋顯貴 戴文英 五人舊志載 饒幹 選 篤

厚周 詠壽 五代 一堂 大憲 鍾祥 劉文燦 勸化 鄉人 艾徵 相 貧

守分 言行 無欺 左世 業好 施樂 善掩 埋枯 骨 楊方 品 書

以孫 貴 贈 知 縣 年 八十 餘 無 疾 而 終 楊 方 品 書

鄧川州志 卷十二 彙紀 天

守法 勸 艾祖培 天性 孝友 見義 必為 督修 公隄 克

人為 善 無欺 壽逾 高熾 忠直 勤儉 張萬選 養親 教子 工

如 九 十 兩 受 肉 帛 和 厚 待 人 書 法 壽 至 八

十 孫子 昂 好 義 樂 施 平 居 焚 香 靜 坐 尹 自 任 家 貧 孝 母

十 州 牧 旌 之 孫 曾 杜 顯 達 排 難 解 紛 濟 貧 賑 吳 士 元 壽

繞 膝 夫 婦 齊 眉 苦 壽 八 十 四 歲 吳 士 元 壽

九 十 二 歲 流寓 二人 曰 楊至 正 統 間 以 給 事 中 從 戎 寓 鄧 教 授 生

徒 曰 楊 慎 以 謫 戍 金 齒 往 來 於 鄧 與 兩 依 御 史 相 唱 酬

如是 而已 按 舊 志 流 寓 尚 有 楊 黼 萬 權 楊 惠 穆 孔 昭 四 人 考 楊

按 舊 志 流 寓 尚 有 楊 黼 萬 權 楊 惠 穆 孔 昭 四 人 考 楊

備太和上羊溪人隣邑也萬權懿行不概見楊惠宜於鄧非流寓穆孔昭實在鳳羽故均不紀又楊九思者太和縣人其有因訟負屈九思由州走省力爲申訴於上臺事得白艾志載入尙義類高志逸之然非州屬人例不紀

列女

古人重陰教敦化原關睢鵲巢女德懋焉劉向列女傳所爲師其意而作也至范蔚宗兼才藝紀之晉隋而降史家所傳列女則又畸重夫患難顛沛捐軀殉義之倫

鄧川州志

卷十二 列女

无

夫女子襄內治爲夫子光不貽父母辱三從四德尙矣明呂新吾閨範一編彙諸善行嘉言一醇且備若概以柏舟行露式昭彤管無亦偏而不全歟雖然婦人之德不外見也而末世人情易流非峻立其閑不足挽頹波而植綱紀則夫婉孌柔順之姿懷冰霜金石之操謂非人心世道所借以維繫者歟至若名節同而事跡或異爲詮次之懼混也

烈

遼賧詔皮邏遼妻慈善唐開元間南詔皮羅閣欲滅各

詔裔豫建松明樓於國中以爲歡宴所值六月二十五

日祭先招各詔遣會來助奠慈善窺其謀勸夫勿往弗

聽蓋懾於勢也不得已乃以鐵釧約夫臂戒之而去既

而果焚於樓南詔佯曰諸詔醉失火焚死燼灰中各來

尋尸無別識獨慈善得昇夫尸歸南詔訝其慧欲娶之

使人強之且曰來則以汝爲進武夷言也慈善佯許曰夫

死未葬願治喪事畢卽如命及既葬閉城自固南詔發

兵圍之守三月食盡投井死臨投井泣曰吾往訴夫寃

於上帝皮羅閣聞之悔曰悞逼此貞婦乃旌其城曰德

鄧川州志

卷十二 列女

三

源

論曰妃其鄧邑節烈之宗乎與樛榆阿南後先輝映矣抑如匪但硜硜焉徒以節烈著也觀於戒夫勿往則能仁鐵釧之約則能智昇歸之葬則能禮閉城之守則能勇且義至於計殫力窮惟有一死猶將鼓慘澹之靈魂上天下地以呼籲於冥漠則浩氣彌厲矣夫自漢迄元義士烈女何代蔑有卒磨滅於蠻煙瘴雨中惟德源坏壘屹然與山岡永峙嗚呼如猶不幸而生長南荒也乎

趙亨妻李氏年二十二喪夫遂以身殉

楊迎東女名招祿嘉慶間人年十七許字同邑庠生

饒子英子英病卒女聞之潛易素衣自縊饒姓迎其喪

與子英合窆焉學憲顧入其事於採風錄校士大理以

楊烈文行命題

蘇洪福元下里大排人妻楊氏名小鳳歸洪福數載洪福病篤

氏謂之曰脫有不虞願與偕往及洪福亡氏趁眾人忙

於棺殮遂投河死惟時氏年二十有四耳

論曰凡處時勢之變死其所不得不死者烈之正也

鄧川州志

卷十二 列女

三

若李氏諸人傷勇矣雖然識從一之義而以身殉之

雖死猶生焉世之屢醮不已者其知愧厲哉

孝

胡澹妻奚氏明時人澹為千戶氏年十六澹卒矢志靡

他姑憐其幼欲遣之氏曰有子娶婦以養母也子亡婦

代之養豈有他志姑不能奪天順間詔旌其門

秦棟妻郭氏年十九而寡守節事姑始終無間

李維禎妻唐氏少適維禎年二十七而維禎故氏已歿

夫自縊因救得免遂嚙指誓志養姑撫子姑患腫病吮

去其膿血每夜祈天願以身代姑卒葬如禮教子成立

孫亦相繼游庠壽至八表

高大昕繼室楊氏年二十一夫亡小歛畢即投繯因救

得甦遂矢志靡他事翁姑能盡孝

尹瑞麒新生里元井村人妻艾氏年二十七夫故矢志守節奉

舅姑恪供婦道衰姑喪明服事尤謹遺幼女三生遺腹

子一勤鞠育之迄於婚嫁成立年逾五十而卒

徐庭鳳西莊里松曲村人妻楊氏相夫至敬夫病刲股以救弗

瘳既歿氏年二十六矢志守節孝事舅姑尤能得姑歡

鄧川州志

卷十二 列女

三

心因無子撫孤女贅壻以承夫嗣年至七表有五後嗣

濟濟厥孫有游庠者

初良富寺寨里大樓橋人妻楊氏年二十有八守節撫孤維時

舅姑既衰且病夫弟幼田園悉被沙壓氏仰事俯育備

極况瘁者四十四年人咸稱之

論曰婦人能守義於夫而不能致孝於舅姑者多矣

抑思夫亡則舅姑之待養尤亟婦代子職如奚氏諸

人可風焉

節

前明

阿明妻陶氏夫為土知州未襲職而卒氏年二十六歲

守節撫孤歷三十年宏治間臺司旌其門

楊冕州庠生亡時妻孫氏年二十五守節無玷當道旌之壽至百有三歲

楊敬妻秦氏年二十四而敬亡撫育二子子故撫孫年至七奏節行無忝

卞敬妻張氏年二十四而敬亡家貧茹苦克完貞操撫二子成名

鄧川州志

卷十二 列女

三

楊光妻宋氏年二十六而光亡守節撫孤四十年

王驥妻劉氏年二十七而驥亡守節四十年撫四子咸成立

董璽妻平氏年二十一而璽亡守節五十年撫幼子咸立

趙綱妻秦氏年二十七而綱守節四十年撫五子咸成立

卞時妻戴氏年二十七而寡守節四十年撫三子游庠

列明經

楊儼妻尹氏儼之子九齡妻楊氏一姑一婦先後失其

所天冰霜凜節兩代如一當道旌之

艾白新妻何氏夫以選貢卒成均氏年二十六閨訃痛

不欲生姑撫之曰若不恤吾老嫗也獨不念二三藐諸

孤乎氏乃飲泣養姑撫子人稱其賢節無忝伊夫之理

學當道聞其貧檄司牧月給糜米五斗贍終厥身

楊一鶴妻段氏年二十六守節教子育孫後子德施官

學正孫愚官知縣萬厯間詔旌其門

平直妻秦氏夫亡時年二十一歲撫孤游庠

鄧川州志

卷十二 列女

三

楊先翼妻楊氏年二十三喪夫遂自縊因救得免乃嚙

指自誓人稱道之有云縊頸捐軀魂幾淪於九地嚙指矢節志不移於二天

阿尙夔母字氏性貞靜早失夫歡寂居五十餘載教子成立龔土知州職鄉里稱之

劉本澄妻吳氏年二十八孀居甘貧守節教子起龍領鄉薦官至刺史受封贈

國朝

阿震妻高氏震為土知州生子甫百日而震卒氏年二

十二歲痛不欲生父母以宗祧勉之乃矢志撫孤自授章句課讀勤至俾游庠襲職有司聞於當道

趙履祥妻卞氏年十九而寡遺腹生子秉正教養成名

援例申請題 旌建坊於門

焦澄清妻戴氏年二十三歲守節教子正兆成名援例

申請題 旌建坊於門

倪昌賢妻鄒氏年未三十守節撫子紹雲成立援例申

請於雍正六年題 旌建坊於門

胡大業妻侯氏年二十四守節撫孤飲水茹藥子舜正

鄧川州志

卷十二 列女

三

游庠援例申請雍正六年題 旌建坊於門

楊聯登妻段氏年二十二矢志撫孤孤亡撫孫孫亡撫

曾孫與媳楊氏孫媳段氏一門三節儀範屹然氏年九

十有五二婦俱先氏卒乾隆三十八年題 旌

張名賢妻段氏守節年歲失考學憲採訪獎以匾額

趙鼎珩妻趙氏守節年歲失考學憲採訪獎以匾額曰

冰霜畫荻

高爾華妻岳氏年二十七喪夫四壁蕭然饕餮莫繼氏

茹苦含辛撫子成立巡憲旌曰竹節松操復以孫貴贈

孺人

高之梅繼室艾氏年二十四守節撫前妻之子如已出

鄉黨稱之

趙士梅妻李氏年二十五守節撫三子成名學憲獎以

匾額曰閨中模範

尹如岡妻董氏年二十一夫歿生子甫三月氏矢志靡

他卒能裕後壽逾八袞署牧余公旌曰松筠耐雪

胡文華妻姜氏年二十三守節撫孤成名馮陳兩主司

旌曰懿範鴻聲

鄧川州志

卷十二 列女

三

楊佑文妻段氏年二十九守節撫子騰雲生二孫而騰

雲亡其次孫曰得要娶妻段氏而得要亡遺孤曰浩氏

亦早年守節撫浩如其姑浩天撫姪沈沈娶妻楊氏而

沈又亡遺孤敦仁楊氏亦青年守節奉姑姑與氏同撫

之學憲諱旌曰一門三節

戴士騏妻戴氏年十九士騏甫遊庠而歿氏毀面持貞

教子成立守節五十餘年

戴超元妻戴氏超元州庠生卒時氏年二十四立志守

節四十餘年撫三子咸成立

楊高第妻左氏高第州庠生患病氏割股以救弗瘳既歿乃斷髮誓志守節四十餘年撫子成立

管上智妻劉氏年二十三苦志守節教二子成立

胡德培妻段氏年二十一守節撫孤履恭游庠

丁時傳妻徐氏年三十二而寡撫孤元秀成立娶妻段

氏氏年二十二而元秀歿遺孤暹南甫三歲教之成名

娶妻李氏氏年三十而暹南亦卒遺孤曰麟書鳳書氏

與寡姑同撫之姑凜冰操於前婦堅松節於後學憲蕭

旌姑曰柏舟矢志學憲李旌婦曰節孝二子兩孫皆游

鄧川州志

卷十二 列女

七

庠一門三節與佑文楊族後先媲美

高熾妻楊氏熾國學生卒時氏年二十一撫伯兄子為

嗣長齋念佛以壽終

楊渤然妻李氏年二十七而寡遺孤續緒甫三歲矢志

守節四十餘年教之成名

高以恭妻宋氏年二十七守節撫孤時成立時娶妻楊

氏年二十四而時歿遺孤曰人金兩世雙節人咸稱之

艾祖德妻陳氏年二十九祖德亡遺腹生子濱氏守節

四十餘年撫之成立

王耀宗妻毛氏年二十四家貧守節奉姑撫子無間言

侯錫瑜妻湯氏年未三十夫姑伯叔咸歿於疫僅遺孤

姪甫週歲氏慘痛無以為生旋念遺泣呱呱非躬育無

以續宗嗣乃含泣殯葬六棺撫姪已授室生孫繼皆不

祿復撫從堂姪允康為嗣四十載霜嚴雪烈七十年玉

潔冰清其從堂姪侯允欽不忍苦節之淹也寄錄志行

楊公春樵以聞於

朝道光二十一年奉准旌表給銀建坊

楊聖時元保里馬甲邑諸生妻戴氏年二十七夫故上有七旬孀

鄧川州志

卷十二 列女

八

姑下遺三歲幼子氏矢志守節茹荼養姑畫荻訓子冰

操歷三十七年子體勵志成名援例申請於道光八年

題旌

戴光謙元保里江尾人妻段氏年二十有二適戴越五載夫故

氏痛不欲生轉念孀姑幼子衰弱無依勉從親串勸慰

矢志養姑教子及子曙高游庠援例申請於道光十四

年題旌

趙廷弼妻段氏廷弼州庠生卒時氏年二十一矢志守

節撫姪鴻聲成名州牧周旌曰玉質冰心年逾八十

楊志妻楊氏夫卒氏年二十八叔將逼嫁之氏誓死守節事孀姑年逾八袞儒學旌曰節壽

倪自達妻王氏有才色年二十三而寡人欲委禽焉氏矢志撫遺孤云

倪紹雲妻楊氏年未三十守節撫孤學憲孫旌以匾額曰壺範相承卽雍正間旌表倪鄒氏之媳

楊耀廷妻楊氏年二十九苦志守節四十年撫子成立李晟妻楊氏年二十六守節先是晟患瘵疾氏歸痛夫

抱沉痾恐斬嗣每夜祈天並割股和藥以進疾漸瘳生

鄧川州志

卷十二 列女

堯

子炳麟教之成名

王銘妻高氏銘州庠生卒時氏年二十九姑患病輾轉牀褥侍湯藥三年撫孤用賓于賓皆成名

王洵妻郭氏洵州庠生卒時氏年二十九辛勤守節教子名超名佳名傑俱列明經孫等咸入泮學憲汪旌以匾額云冰節猶留學憲願以對聯獎焉

陳其琮妻聞氏其琮州庠生卒時氏年二十八直質寡言矢志撫孤成立

饒文炳妻高氏月峯刺史女也文炳舉於鄉卒時氏年

三十守冰操事姑撫孤子亮子英游庠食餼子椿提秋闈壺範爲鄉里式

阿曙達妻李氏年二十五守節撫孤中粹孫師善成成立壽逾古稀

張雲起妻孫氏年二十五而寡子方襁褓人或勸之改節泣曰生爲張氏婦死爲張氏鬼所以偷生者上有衰翁下有孤幼耳聞者慚退乃仰事俯育備歷艱辛扶孤成人諸孫林立

張居極妻宋氏年二十二守節撫週歲孤兒教之成名

鄧川州志

卷十二 列女

聖

學憲程旌曰筠翠蘭馨

楊宏文妻戴氏生子紹勳甫年餘而夫歿氏年方十七歲苦志守節教子讀書紹勳魯鈍苦學甫應童試卽入泮母之報也爲之完娶生孫汝剛甫歲餘而子與媳相繼雙亡賴氏躬親撫養至於成立汝剛甲子鄉試一舉成名亦祖母之報也兩世零丁孤苦不絕如縷母以養

以教繼美書香視李令伯之母何多讓焉汝剛後大挑教諭不幸早故未及陳情請旌而冰心雪節光耀園里不能終沒也

不能終沒也

王運昌妻 氏早寡撫子育孫咸成立學憲顧旌以匾額曰德高劉頌

張續仲妻趙氏年二十九守節家貧撫三子貞慈兼盡

李士儀妻段氏年二十一喪夫遺腹生子旋殤乃撫族

子為嗣守節五十年後嗣子列明經援例申請題旌

李輝遠妻李氏年二十七守節撫子洋成名壽逾七表

張所蘊新生里元井村人妻張氏年未三十夫歿遺孤新民甫

襁褓夫弟欲奪其志氏以死自誓飲水茹藥守節四十

餘年撫新民成立厥後子孫蕃衍科里輝聯咸謂為苦

鄧川州志

卷十二 列女

聖

節之報

張大治和山里本城人妻戴氏年二十有七夫故事衰姑養葬

如禮撫二子長方極祿次未暮月迄於成立守節歷三

十年而終

趙建中和山里本城人妻汪氏年二十有七夫故苦志守節教

子國俊成名學憲吳給匾額曰清標彤管

周化汾和山里本城人妻李氏年二十九夫故遺腹生子辛勤

教育之守節歷三十有七載現年六十六歲

張國麟和山里蓮荷村人妻張氏年二十有八夫亡遺二孤家

貧如洗氏傭工度日撫二子成立生孫年逾古稀仍力作不倦苦節實堪欽云

杜騰蛟崑崙里杜家村人妻杜氏于歸甫週歲生一子而騰蛟

卒氏矢志守節撫之既成立生二孫子復不祿氏又撫

孫水操歷五十年壽七十而終

段時恒崑崙里葉蘆村諸生妻李氏年三十而寡矢志守節事舅

姑撫育孤子孤天節操益堅現年已六十歲

阿峯遠新生里舊州諸生妻李氏孀於峯遠篝燈佐讀有戒旦

風峯遠故氏年二十有五矢志撫孤之壁成名守節歷

鄧川州志

卷十二 列女

聖

三十三年而終

楊蘊彩新生里人妻陽氏夫故氏年二十七家貧姑老子幼

頗為鄉鄰欺侮氏矢志守節事孀姑力覓甘旨以養課

二子尤嚴次子紹曾已游庠

王定基崇仁里人妻張氏年未三十而定基歿孀居撫孤兒

並遺腹子將茶蓄租備嘗辛其孀母欲令改適氏痛

哭投河因救得甦至八表有四嗣孀稱蕃衍焉

李春芳崇仁里人妻楊氏年二十有七夫亡守節撫孤家貧

無倚往依浪穹母家縣尊溫公聞其苦節獎以匾額曰

柏舟風厲

饒子寬崇仁里人妻楊氏生於名門嬪於望族年甫三十夫

故遣二孤氏茹苦含辛勵冰操撫二子成立守節歷二

十六年而歿候題 旌

丁士元浪宵人原姓楊八妻丁氏崇仁里人年三十夫

故遺四子兼有老母氏仰事俯育心力並瘁以致喪明

尙擬墻家計撫諸子成立長子游庠諸孫芹香並起次

孫膺賢書氏年登大耋

侯昭業崇仁里人妻李氏年二十六歲孀居守節撫孤之重

鄧川州志

卷十二 列女

星

之賢成立歿時四十有二貞節克完

王德修崇仁里大花園人妻楊氏年二十八夫故氏矢志撫孤

成立守節逾三十年

姜萃文崇仁里中前所人妻楊氏年十九歸姜孝事舅姑相夫

謹順甫五載夫故矢志守節撫夫弟之子爲子年逾七

袞克完冰操

段蘊川崇仁里青素人妻杜氏年二十有八夫故無子撫姪爲

嗣家赤貧苦志守節歷四十三載窮阨實堪憫云

潘環州崇仁里青素人妻楊氏二十四歲夫故堅冰自矢撫孤

成立歷苦節三十載現今年將六袞

李錦林小邑里西邑村人妻戴氏于歸甫八日而錦林病篤既

不起氏矢志靡他夫族利其年少將遣之氏潛歸母家

依焉母家故亦貧仍別僦屋居之縫紉自給塊然獨處

之餘慎居止謹言笑風範肅然州牧南皮湯公旌以匾

額曰操凜冰霜

劉義遵政里人妻聞氏年二十九夫故撫三子成立守節歷

三十七載現年六十六歲

張小元梅和里福堂村人妻楊氏年二十四夫故苦志守節歷

鄧川州志

卷十二 列女

星

五十四年而終

楊福林梅和里福堂村人妻李氏年二十七夫故家貧力作自

給守苦節三十四載現年已六十歲

楊源清西莊里人妻張氏年十五適楊曲盡婦道甫生子而

楊病篤割股以救弗愈氏上奉孀姑下撫遺子子既成

立姑終天年氏亦六十有六歲矣子復不祿人咸嘉其

節而悲其遇云

楊東鳳西莊里人妻杜氏年十有六于歸楊至三十而寡矢

志柏舟撫孤成名孫亦入泮學憲王旌以匾額曰清操

淑德壽至七十有四

張交泰元保里人妻段氏年二十八夫故守節撫遺孤紹賢

成名至五十有三而卒氏賦性溫柔持躬淑慎婦德母

儀均無忝云

戴珮璋元保里江尾人妻王氏二十五歲孀居遺腹生子汝霖

守節撫之俾成名學憲李旌以匾額曰苦節大年

徐朝陽元保里人妻李氏年二十八守節事七旬衰翁撫子

成立學憲李給以匾額曰節孝宜年壽至七十有八

徐培華元保里江尾人妻李氏年二十一夫以勤學歿於癆瘵

鄧川州志

卷十二 列女

聖

氏誓不改適請於舅姑撫姪觀為夫後時叔伯成分爨

氏獨居舅姑膝下昕夕養親教子後觀游庠孫亦食餼

氏年逾六旬而終

趙才興元保里大排人妻蘇氏年二十有八孀居守節撫三子

成立孫曾繞膝芹香繼起學憲李旌以匾額曰節壽揚

芬壽至九袞有四

楊中敏元保里舊河口人妻湯氏年二十一歸中敏生子澂而

寡氏奉孀姑撫幼子清操獨凜有以媒妁之言恬氏者

氏痛絕之從此益謹閨範寡言笑子澂入泮請於學憲

李給匾額曰節孝純貞現年已六十歲

高承恩和山里人移居羊塘里妻尹氏年未三十生一女而寡高

之弟與姪謀改適氏於段姓知氏之不願從也令就市

劫之氏既入段門緩至人散詭語段曰我有宿贊爾所

知也明日則為他人物矣曷趁今取之段諾與之偕既

至氏闔門大呼覓刀將自刎其女啟門呼救親鄰四集

勸止之段遁去明日歸段聘金事遂寢後以守節具呈

於官贊內姪為嗣且生孫焉於今年屆六旬矣

論曰舊志統列女於節烈共七十有八人今類分之

鄧川州志

卷十二 列女

異

蓋以三十有七人何其盛也閨門植節慈善夫人倡

之有自來矣僻邑樸陋成風巾幗中率椎髻布衣雜

操作以搨搗家計名媛閨秀望通都大邑而歎然至

於凜勁節於冰霜處淒風苦雨中而志堅金石則有

通都大邑間當之而酸鼻難堪者矣惜乎窮鄉僻壤

申請寥寥致使竹節松心亦與草木同腐不其傷乎

夫閨幽顯微士夫之責故採訪司牧儒官集邑士

分地任之懼有濫且遺也舊志列女已逸其里居者難悉考矣茲所新載咸查

明分註於本夫名下任採訪之責者亦於卷首姓氏篇內註明某某分採某里庶幾遺濫與否可以詳核

云

貞

張氏女逸其名自幼不字父母俱歿弟早亡遺孤姪青
選女矢志守貞教養之卒成名學憲周旌曰慈孝完貞
徐氏女名淑秀拔貢丹鳳妹性貞純父母鍾愛之間名
者踵至淑秀以兄弟繼亡守貞不字事雙親撫二姪成
名鄉里推獎焉

論曰昔葛妙真聞日者言母年五十當死妙真即悲
憂不嫁長齋養母此貞而孝也張徐二女近之矣或

鄧川州志

卷十二 列女

畢

曰女子生而願為之有家父母之心也誠如此偷道
不幾廢乎曰夫婦大倫也父子兄弟亦大倫也今二
女以純一之心為卓絕之行亦惟知有父子兄弟耳
何可以恒情律耶

義

楊邇妻艾氏之從嫁女曰孟氏春秀邇州庠生卒遺腹
生子未匝月艾氏亦卒親族急於棺殮忘遺孤之在床
也被褥擲壓之孟氏猝起憶啟視奄奄一息矣抱而
泣曰不撫此子家無主矣因將未週歲之已子與人而

哺乳之至於成立名曰存仁生孫大元中乾隆丙午舉
人曾孫十數咸入泮孟氏之力也

論曰婦人罕識大義况婢子乎觀孟氏舍己子以存
姑氏子與魯義姑晉程嬰何異所以嗣續繁昌天鑒
之矣獨與人之己子其成立與否無聞焉母亦當日
未嘗存問歟且氏夫名姓何可逸也

封典附

國家恭逢 慶典特沛 覃恩蓋以為人父者敦倫
垂訓以教忠是以

鄧川州志

卷十二 封典附

異

天子錫類推恩以教孝 綸音載寵具有至義豈惟
爵秩之崇已哉用是輯而登之凡一命之榮與夫前明
之膺勅可考者均依次附諸人物後後之披而覽者可
以思奮焉

明

楊彥以子南金貴封文林郎江西泰和縣知縣
阿旻以子驥貴封奉訓大夫鄧川州土官知州
楊勳以子洲鴈貴封文林郎陝西環縣知縣
劉本澄以子起龍貴封承德郎湖北武昌府通判

阿朝藩以子天騏貴封中憲大夫貴州石阡府知府

艾徽以子自修貴封文林郎湖北應山縣知縣

李際春以子肅貴封文林郎江西瑞州府推官

楊崇以子德貴封昭信校尉雲南前衛中所百戶

國朝

楊芳烈里稱善人卒贈徵仕郎懿德壽官

郭肇湯以孫煥貴封文林郎

郭于藩以子煥貴封文林郎

王體乾以子智貴封文林郎

鄧川州志

卷十二 封典附

兗

王聰以弟智貴封文林郎

李若芳以子樹堂貴封文林郎

高爾華以孫上柱貴封文林郎四川新繁縣知縣

高星輝以子上柱貴贈文林郎四川新繁縣知縣

李友槐以子捷登貴封文林郎

聞可章以子顯謨貴封文林郎

徐登龍以子樹本貴封文林郎

高帝臣以子清貴封文林郎

楊存仁以子大元貴封文林郎

高月林以子肇昕貴封文林郎

段鉉以子賓王貴封文林郎

宋文龍以子儒傳貴封文林郎

艾徽相以孫濂貴封文林郎安徽甯國縣知縣

艾祖培以子濂貴封文林郎安徽甯國縣知縣

張翊以孫相侯貴封文林郎廣東四會縣知縣

張復元以子相侯貴封文林郎廣東四會縣知縣

湯大源以子景和貴封奉直大夫浙江松陽縣知縣

侯子齊以孫錫理貴封文林郎福建松溪縣知縣

鄧川州志

卷十二 封典附

辛

侯國棟以子錫理貴封文林郎福建松溪縣知縣

阿中華以子元善貴封文林郎

孫繩祖以子煥章貴封文林郎

楊越以孫昱貴封文林郎永昌府教授

楊際時以子昱貴封文林郎晉封文林郎復以孫柄

錕貴累贈奉政大夫

楊昱以子柄錕貴封文林郎四川犍為縣知縣晉封奉

政大夫

楊昌以姪柄錕貴封文林郎四川犍為縣知縣

王之棟以子修德貴贈武德將軍千總管浙江處州衛

後幫領運千總事

趙廷申以孫應魁貴贈武畧騎尉

趙起以子應魁貴贈武畧騎尉

鄧川州志卷之十三

署牧烏程鈕方圖廣雲定

州人

楊柄銜春樵
侯允欽雲坡

藝文志上

藝文與人物相表裏人物盛則藝文燦焉彼唐蒙藏書
經籍具備顧其時究未能有韜涵雅訓作文章冠冕則
賢才之抑塞沉淪久矣前明創制聿新賢卿牧翰軒所
經烏冕所臨文采風流頗有餘韻繼以鄉先正提唱風
雅蔚然作儒林正宗方諸日馭由啟明而遞升焉

鄧川州志

卷十三

藝文上

一

不茹古涵今雕鏤萬象駸駸乎益相與贖作者之堂而
入其室鴻文鉅冊湘帙充盈矣爰擇其關於一邑政教
禁令人心風俗及可式諸天下後世者為上中卷而以
古今詩體殿之掛一漏百遺珠纍纍則限於卷帙故也

鄧川新建儒學記

明提學
僉事

何俊 郴州

鄧川州古荒服地自唐宋時俱為蒙段所據或名遼賸或
名德源雖入版圖屬大理但羈縻而已至元世祖始置諸
司而總隸雲南行省國朝因之仍轄於大理州治在玉泉
鄉其形勝山峙象形水列川字極為秀麗學居州治右建

於洪武十七年緣地勢卑下遇天雨連綿水無所洩常畜
為汙池成化十四年七月內偶值山水泛漲沙石淘湧市
民至廬十蕩二三而州治學校盡皆衝塌六七年來春秋
無享祀之所師生無講習之處誠為缺典成化二十年春
巡撫雲南海虞程公移檄令土官知州阿昭興復然功大
而力莫能勝二十一年適監察御史袁州郭公廷璋巡按
至州公為人剛果有為肅清綱紀之餘拳拳以興學育才
為務一見之頃慨然曰學校興廢人材盛衰係焉不有作
興無以表崇奉之意篤教誨之心遂銳志以修復為己任

鄧川州志

卷十三

藝文上

二

乃偕分守少參平越楊君循德分巡憲僉宛陵董君萬紀
大理知府金川劉懷經叔理商確謀度周旋相視得地於
州治後之西南高明爽塏水山縈環可以永建宏基於是
各區畫白金五百兩以為倡叔理又偕其同寅同知李樸
勸知州及郡中富而好禮者得四百餘以相助始專責李
樸董其事躬率大匠墾土築基斬木伐石陶瓦運甃經始
於乙巳之冬告成於丙午之秋左廟右學廡廡齋舍門墻
階陛無不畢且巍然煥然較列郡學校更偉觀焉抑又聞
學宮肇建後白鳥朝集白龜夜遊是年秋闈生員董暉楊

南金果登第自是士之躡青雲紆朱紫庸可計乎然凡作
養於斯出身於斯者當知所自以感發激勵乃可叔理以
余在南陬民部忝爲同寅今又督雲貴學政記不容辭夫
聖賢之道卽天地之道賦於人物爲五常見於日用爲五
品無賢愚之殊無夷夏之異能盡仁義之性則於父子也
親於君臣也義盡智禮信之性則於賓主也恭於夫婦也
別於朋友也信其不能盡者於是聖人立學校設師儒以
教之使民有以盡其性而由其道故士而藏修游息於學
校者不過明此道也講習討論夫經史者不過精此道也

鄧川州志

卷十三

藝文上

三

窮而在下則以此化家邦達而在上則以此化天下始則
其道有以成於己終則其道有以及於民庶能盡其性而
由於道斯不負聖人之立教不虧天地之賦予而諸公與
賢育才之盛心亦不孤矣余不佞敬伸此於記後非但爲
鄧川士子勸且爲滇南士子勸尙其勗諸

重修河堤記

明御 楊南金 州人

鄧川中界有河舊名瀾直佉江首受鶴浪鳳羽諸水之合
流南注西洱其兩岸沙堤迴環曲折迤邐至江尾觀水亭
五十餘里堤有洩水渠東八西十四一州田疇資其灌溉

賦稅儲蓄軍民衣食胥此出焉往昔修築完固則數年賴
以豐收否則立見饑窘嘉靖癸巳軍民具情上陳幸直指
當塗楊公東兵備慈谿王公鏞太守句容夏公克義知遠
方事體廢弛誠不一也拳拳民隱垂念鄧川河道爲害乃
擇屬官之才猷可任者得州佐何彪千戶嚴經陳完等訪
求往蹟知多年就緒之難由人心壞喪之故於是嚴定章
程賞勤罰惰一時軍民感激翕然赴工無或後者其辦理
之法則照先年同知蜀人李福成規隨宜經畫而詳處之
堤高一丈有奇濶一丈五尺爲準分爲四門先令一門成

鄧川州志

卷十三

藝文上

四

一段以爲式而各門悉倣效之每丁若干尺每甲若干丈
每段乘雨密種柳木若干株每日見工程若干分工始於
二月一日至月終畢由是堤防固而河無潰決之虞夫瀾
河之爲患匪朝夕矣上官之畏天命憫人窮者恒相繼而
至矣乃承委有司專心所事以副上之委任者僅一見焉
此鄧民之所以日卽淪胥而莫之或拯爲可悲也嗚呼修
築河道特百政之一尙如此其難鄧川他政可知矣民食
不足困悴逼之邇乃征調又逼之侵凌強暴又不時魚肉
之誠救死之不暇矣安望從教化哉議水患者有別開子

河之說不可謂無見並記之以告後之留心於民事者昔河堤始築之由莫可考可考者此記耳昔高一丈今已倍百餘年其堪為痛哭徙水流愈仰民力愈困公當日已咨嗟太息言之迄今四流泣者可勝道哉

崇正祠記

楊南金

正德丁丑都憲王公懋中巡撫雲南首舉義典崇祀正人以勵風俗凡生於地方並仕於地方者賢行善政取其大節畧其微疵下之州縣儒學各舉以報竊嘗論之吾鄧自洪武初年設儒學成化間有乘水患欲廢之附之府學者宜春郭公紳巡按抵州知其事奮然曰官壞治亦至是耶

鄧川州志

卷十三

藝文上

五

乃登山得地措白金若干擇才能府佐巴縣李君樸董其事不逾年而廟工完自是教養有所科甲聯鑣人文漸振矣噫當時不遇郭公吾人甯復有今日耶故郭公為宜祀州境密邇鶴慶彼地有所謂活佛者其徒歲聚人馬數千肆行煽惑耗人財陷人軀命往往感召風雷洪潦猛獸盜賊之災而吾鄉為所惑者迷謬至不可勝言良可悲痛宏治間莆田林公俊以憲副來巡目擊其患迺付活佛於一炬復明揭州境勢豪殘虐生靈諸事嚴諭諄諄於是愚民悟勢豪斂而災害尋息邇來俗易風移非復前日之可求

鄧川州志

卷十三

藝文上

六

矣噫當時不遇林公迷謬之習與殘虐之政不知何所底止也故林公為宜祀若先年州守阿侯子賢州佐蜀人李侯福陝人楊公琛者類能興利除害實惠及於軍民人誦家傳口碑無間於人近其鄉先輩如漢代之盛覽張叔遜不可追矣近則楊君宗道以篤行倡一郡以明經教兩庠雖不逮漢之二公然當文教初開之際能身履儒行為鄉人士先其芳徽有足多者夫百年之間數百里內上下有所模範使吾人繩繩繼繼弗納於邪是林郭諸公正身以正百姓以至有今日是皆不容不祀者也己卯春州佐蕭田曾公奇瑞恪承大府命擇學宮之左舊寺曰靈照者改為祠從輿情也後之莅是地與生是地者高山仰止景行行止務以諸正人共相勸勉誠不虛此盛舉矣若夫邊豆香火之末豈王公崇正人持風教會侯力成盛舉之至意哉謹書其畧以為記

姜公彌患記

楊南金

吾鄧世患有四武斷相仍無變也寇虐縱橫無禁也神姦惑亂無破也流潦衝激原陷隔淹無順而導之者也四患之相沿幾百年矣生斯土者豈之崛起之士然一齊眾楚

故文不能變武斷盜賊時有誅捕而罔究厥因罔發厥宥故法不能禁寇虐關邪時有毀除之令而其源弗塞其流日長故正不能破神姦至於疏鑿濬導非無人力也而不知審變通之勢懲抗政之豪故堤有不築者有隨築隨決者流潦之患可勝言耶甲申春兵備憲副太倉姜公龍巡歷至鄧南金叨溫泉里社之侍公目擊山澗流潦在在沒民田廬嘆曰地無牧耶民何至此極也既而詢及諸患公蹙然不忍聞見視諸害若己致之隨治流潦從宜講畫檄大理府別駕周侯昆俾尋源溯流順其勢而導之並委千

鄧川州志

卷十三 藝文上

七

戶嚴經邑幕程董其事未五月而三堤告成曰廟後曰圓井曰大水場也三堤共計四百丈有奇高濶一丈有奇堤之麓雜植竹木堤之陽移水磨以爲衛而往者抗政之豪亦不敢恣其阻遏其餘灌溉溝渠計十有九每流潦至決一渠舉州爲壑仍責令居民採運木石爲分水合水之備且清查兩岸之侵於強橫者六百丈有奇而厚培之於是流潦之患悉除其武斷寇虐神姦之患公則抉其深隱著爲明示其執迷不率者賞之法而殄其尤若輩亦皆縮首回心若違去然至州內各淫祠悉毀之揀其廢場餘料以

增鄉閭社學以建南北關樓以完諸隘口排柵以備正祠公亭之用期後永爲準而有所瞻依也而州屯戍卒額外加增之稅亦因之詳究而蠲除一月之內諸廢畢舉而鄧邑之氣象改觀矣姜公其維持氣運者哉嗚呼武斷變則人道興寇虐禁則人身甯神姦破則人心明流潦息則人得資養於土地四患除而無窮之利自興一旦窮鄉變爲樂土伊誰之賜也夫姜公之功德其及於滇者甚溥鄧特滇之一隅耳一隅固不得專其惠而吾鄧父老子弟感激於衷若私其人而惟恐其去者於是思之則歌之歌之未

鄧川州志

卷十三 藝文上

八

已且長言之也因爲彌患記以風來政以寓吾民感激之私云

慈善妃廟記

國朝大理府知府馮 甦

鄧川古遼曠詔地白古記載蒙舍謀併吞五詔建松明樓招諸詔以六月二十五日會祭遼曠慈善妃勸詔勿往詔畏蒙舍強不敢辭慈善妃因爲鐵劍約詔臂祭畢飲樓上蒙舍潛下舉火焚樓五詔俱死灰燼惟遼曠詔以鐵劍故辨其尸歸葬焉蒙詔聞之奇妃智逼嫁之妃閉城堅守絕食死蒙詔旌其城爲德源城子著滇考詳其事且以爲介

之推死至今有寒食屈靈均死至今有競渡滇中六月二十五日有星回節然炬遍野哀妃死也歲己酉仲冬履畝過鄧得訪所謂德源城者州北遺趾猶存過公署數武則妃廟在焉碑板不立題咏闕如顧父老弟子員偕知爲送睽妃廟且能言其始末嗟呼自天寶迄今二千餘年忠義之臣節烈之婦多矣其湮沒不存者往往有焉六詔之起甚微不過諸蠻中一種耳苗蠻兄弟相滅而據有其室家何可勝紀初非知節烈之爲可貴者也且以妃之智卒不保其宗社而夫婦相繼以死宜其蠻煙瘴雨同消磨於歲

鄧川州志

卷十三 藝文上

九

月已矣豈意其必傳且享有俎豆以致今日哉滇載籍殘缺自古記學士家多不見其書而妃廟中又無博雅君子爲勒於石獨死節之始末鄧之人口傳之歷宋元明而無遺失若是者何也綱常大義自在人心而不可磨滅也今之人借狃於匹夫匹婦自經於溝瀆而莫知之語遇國家大故輒假變通以自全向使妃一念不堅卽竭其遺智爲南詔成內治豈復能有今日此與士大夫大節一壞萬事瓦裂雖有經天緯地之功卒無解於萬世之清議者又何

以異使或過妃廟而念其享祀之由其亦可以自傲矣署

州守蘭陽馬公有志風化因追憶書此並作詩貽之俾鄧之人歌以祀妃云詩曰夏之季兮烈炬明連村遍野兮燦若列星昔者此日兮遼睽見微不聽妃言兮自殞於行堅貞自矢兮閉守孤城甯絕食以餓死兮豈事仇而全生一時兮苦節千載兮榮名歎兩關既毀兮笑蒙舍之八傾獨廟祀之崔巍兮不與草木同零煮蒼山兮積雪採高河兮數莖擊土鼓兮吹蘆笙駕彩雲兮相迎望美人兮稅駕永庇我鄧之人兮終鮮怨爭嗣續衍兮百穀登年年歲歲兮烈炬長明

鄧川州志

卷十三 藝文上

十

重修德源橋碑記

迤西 朱鳳英 南昌

戊辰春查勘鄧川東西兩湖經過中所適橋工告成州士民請余爲記夫瀾苴上接鶴慶劔川浪穹諸水分注下流混茫相接其上有橋以納之曰中所下有橋以洩之曰青索而兩岸夾束一水迴旋陰陽亭毓秀儲精誠天造也川脉自老君山逶迤北來東盤雞足峙點蒼西龍虎獅象玉案黃羅諸山如城郭水鏡圓靈青螺萬點中所一橋如海上金鼇轟起洪波雪浪間兩岸鬱葱佳氣蔚然稱大鎮焉余嘗溯河源由龍門而上至天橋黃河一綫湛如銀蛇

澗漾千似噴薄挾萬馬奔騰之勢是天施地設似不可以
橋名而金樞玉鑰苞冲孕和衷狂瀾以歸軌道則一也夫
仁愛本乎天心而濬築實因地力鄧川百里之區足以養
鄧數萬戶之民而每患不給者以水爲之災也去其害以
收其利澤國水鄉皆成沃壤戶口繁人文蔚矣橋創於前
明天順間善士王綱張復率眾建至嘉靖間楊富重修越
今百八十餘年而士民等從而修之高且濶焉工費千金
不日而成以州牧劉君爲之勸也鄧當洱海上游有鼓河
車轉棠輪之勢故人磊落而英多而地氣韜蓄未發余謂

鄧川州志

卷十三 藝文上

十一

山爲脉絡順之使暢水爲血氣疏之使通夫山水天地之
性情也性情得而功用起矣竊嘆紳士之營橋者一念之
誠感孚眾志其速如此則疏濬決排濬畝距川何難焉審
是宇宙無不可舉之功而爲政者無可諉之責也康田風
雨獻原流泉信哉劉牧曰然願書豐碑以備三策

重建學宮碑記

舉人 郭 煥州人

鄧川之建學宮也始於洪武十七年文廟之遷徙者屢矣
蓋自玉泉鄉而鼎勝山鼎勝山圯而今州署之右遂以百
有餘年其間非無人焉繕而葺之然而風摧雨敗薛剝蠹

蝕日就荒寒漸虧崇飾使君蕭公下車瞻拜卽與吾鄉紳
士喟然嗟慨然息隱然以修復之爲有志未逮也而淫雨
夜霖橫流四溢垣堵遂波濤而洞穴坊儀擁沙石以僵眠
所幸存者正殿數楹而已使君乃益遑然而不敢安也集
諸紳士而喻之曰教化爲風俗之本學校實教化之原鄧
之先有御史楊公處士艾子行誼高潔卓卓人羣則修士
正不乏人後之學者刻意勵行前型斯在故不必瞻廟貌
而後興然而傾危頽落瞻依索然非所以妥聖靈鼓人心
今者將請於上且啟左帑願當聞諸紳士率多好義身爲

鄧川州志

卷十三 藝文上

十二

聖人之徒目擊宮墻頽壞得毋有志矣乎子與同人俯首
息聽感激交併齊聲環應曰有是哉使君之導吾志而使
之遂哉蓋從事聖門非無志者新之是謀豈異人任中心
藏之歷有年所莫爲之倡寂然久矣今茲之役敢不惟命
使君噉然曰善復慨然捐俸以爲帥余同人亦遂與鄉中
人區畫之哀金若干斬木伐石陶埴煨灰方在謀地而焦
生正兆父子忻然以其城西州署後之來鳳山麓爲奉於
是鳩工庀材疏土而梯之得級凡五最上級建大成殿翼
以兩廡中敞平臺爲拜獻地次級爲大成門左祠名宦右

祠鄉賢以耳之又次歷而下至第四級爲樞星門坊以石最下級以承其址週以土垣級盡至平土泮池在焉池外障以壁規模具列如右而其棟椽椳題則雕鏤刻鏤呈其巧巽巧瓴甌則錘琢磨礪致其精丹雘繪髹則金碧黝堊耀其華卮階欄楯則縱橫闔闢備其制是故畚者插者鬻者揀者以築之斤者斧者繩者墨者以裁之鑿者琢者葺者沃者以螫之塲者采者聖者漆者以飾之工始於辛未嘉平竣於丙子仲冬歷時六載計貲萬金憑而眺之雲龍之峯背聳玉案之嶺面橫左環瀾水而兩鏡明湖右帶羅

鄧川州志

卷十三 藝文上

三

江而一綫貫海蓋已據名勝而擅堂皇矣斯誠足以妥聖靈而鼓人心而屢遷者有定所矣觀斯廟庶其奮然興起益勵媵修以步趨聖賢毋使楊艾諸君擅爲地望是所望於吾鄉之人也爰泐石記之並列諸與勞捐助之人於其陰以昭茲來許云

重修登龍西館碑記

知州 蕭克峙 溧水

粵自有虞翔爲米廩之庠暨於晉宗頌宮以下逮漢唐之盛所謂設學校以爲教者蓋已古矣前明立有社學社學者蓋以土著教人與古家塾黨庠名異而實同也今之義

學固其遺法者歟鄧川遠居天末沐我 朝重熙累洽之化風俗人材駸駸日上學校之功其大彰明矣故自巽宮外如所稱聯雲毓英羅俊玉泉宏文諸館舍之外列於鄉遂都鄙間者率皆卓卓不可泯滅而登龍一館復分東西爲二茲所修之西館云者則以前三韓張公牧斯土輸俸倡紳士創建者也間嘗取夫泐石之文讀之其於經始落成之由序之甚詳與夫紀田畝租石紳者姓氏抑又備而其卒曰創業之易屬在既往守成之難正望將來噫意深哉今夫感於猝而易舉者機之發而自迅也持於久而易

鄧川州志

卷十三 藝文上

四

廢者氣之積而漸靡也斯館也其創建距今且四十年州之牧凡幾易而當日之與其役者又復寥落無存焉嗚呼前人力於創而後人忘而曠之初年力於行而末年玩而循之天下事大都可慨矣何有於斯館也耶歲癸酉王生萬年等慨然於歲月之遷延惕然於風霜之頽敗卽以斯館之息穀爲斯館之修補費有不足謀於眾捐囊爲助而復議以俟生錫履所遺十石之租存爲異日補葺之所資以期於勿替噫守成之力可謂不負創業之心者矣是固可爲斯館幸抑亦仰見我 國家培養之深而緬想夫前

州張公作人愛士之衷有以感發而興起之也工將竣請
言於余余因念斯館之設固與聯雲諸館同爲以土著教
人如明之社學古之塾庠序也夫學無鄉國莫不以正人
心勵風俗爲本教化所行漸而後升由鄉而國古人已有
其法則斯館之所教育固賢宮之所栽培虞夏殷周漢唐
以來學校之盛未可以逕庭視前之人力創於先後之人
堅守於繼以匪勉刻勵追躡夫在昔名儒如艾子自修輩
則綿綿延延風會且蒸蒸日上也多士其勉之予日望之

新開東川子河築青石澗堤工記

鄧川州志

卷十三 藝文上

五

茶陵州 高上桂 州人
知州

鄧之四面皆山中帶瀾苴河六十里首受甯湖下注洱海
界爲東西兩川兩川形如半壁田廬繡錯環山諸溪百道
飛瀉各瀆爲湖兩湖皆入瀾河唐時羅時兄弟於西川鑿
山導水西湖始別出爲羅時江至今食其利惟東湖入河
處天洞山逼其頰天衢橋扼其喉居人岸集無隙地別可
穿渠千餘年來湖河合派河爲沙壅橋阻河高湖卑夏秋
雨集河盈河不能納湖湖反爲消河之壑而青石九龍諸
澗水復蕩石淤泥匯於湖口相輔爲害稻壤花村化爲魚

窟菱渚民生其間未獲安居粒食嗜甚矣德康熙初年州

民於天衢橋下開西閘雍正五年又開東閘意在分洩倒

流之勢乾隆六年本州楊開坦平山九年巡道朱又開馬

鞍山意在別尋湖流之委均勞而罔功十九年甲戌本州

蕭與余兄上樞畫兩河三埂策議買河岸民房穿子河引

湖水由東闌入洱策誠善嗣捐貲不敷續用無成余時在

諸生每顧吾鄉水雲一片人其爲魚輒爲嗚悵後雖邀升

斗宦遠方未嘗一日忘之辛丑春丁內艱家居里人趙之

璫等來尋開河約適郡伯歸安張公春芳奉撫軍檄臨鄧

鄧川州志

卷十三 藝文上

六

勘河太和尹湘鄉王公孝治權鄧牧皆留心水利余復申
前議並於天洞山北議築長堤堵青石澗諸水時其蓄洩
郡伯可之而居人趙士模楊瑞揚丁雲相丁顯南四人倡
率比隣徙宅以讓郡伯高其義按房間大小償其值卸屋
料歸之得地若干區卽日興役更以後效屬王公王公身
督工程不間風雨余與姪萬選及友人徐聲華董其事輪
班任職計事分勞有楊密李際雲楊楮等三十人襄理其
間由是子河開長堤成湖自有尾潦不爲災樂利之澤與
羅江並承又長堤下澗水故道一區王公撥夫工牛具闕

沙石墾地八百畝為保護歲修之費籌畫周矣及祥符張
公士俊踵而為之其功益大備計此舉買房間九十地畝
三穿新河舊闢三千弓築兩河石埂三千尺長堤四百丈
為石橋石閘各一用夫六萬船隻二千牛具匠工木石灰
料地價三千六百金官為倡捐余竭力三之一餘銀及夫
出各田戶起辛丑二月迄癸卯夏杪郡伯張始之權州牧
王成之張又繼之至窮流溯源造為驅策則撫軍劉公主
之而余幸躬睹其盛焉昔文翁穿湔泆民用饒富薛公疏
漳衝潦患以除白居易隄錢塘滕子京隄洞庭人多稱便

鄧川州志

卷十三 藝文上

七

今撫軍重念康田而府州盡力溝洫舉千百年積患一朝
去之其視文薛諸公為國捍患與利民到今受其賜者將
無同然歐陽公記子京偃虹隄曰事不患於不成患於易
壞作者欲其久成繼者常至怠廢此撫軍所為慮地方官
日久怠生特援之以入 告也他日子河培險疏滯工日
有加而長隄內漸淤漸滿青石諸澗水歸馬鞍山之役未
可緩圖凡我同事可矧目前而忘遠慮乎用書以告後

羅時江記

知縣 尹 任 混穹

羅時江者人名亦江名以人名名江也書為以人名名江

江興於人有功而無名名之以開江之人見江如見人也
鄧川城北有鐘山鐘山下有水焉匯而為池周二三里山
高而迎陽地氣暖而草木不枯池吞其影於腹而著其光
於面如凝碧然故名之曰綠玉池綠玉池佳景也溢而為
湖周十餘里柳環其表荷植其裏漁人之家錯雜於依依
灼灼之間名為西湖或曰其東有隄為往來大道湖在道
西故曰西湖或曰湖雖小與在錢塘者鬚鬣故取其名以
名之西湖亦佳景也鄧川雖僻壤然文人韻士之官於斯
生於斯者流寓經過於斯者苟發遊觀之興必池與湖焉

鄧川州志

卷十三 藝文上

六

是誠一州行樂之地哉獨是池也湖也以鐘山為濫觴而
無尾閘之洩田於其濱者既苦沮洳而不可耕每秋雨時
行則出自鐘山者僅涓涓而積之池與湖者已浩浩波及
四境頓成澤國於是文人韻士之所樂農夫野老恒以為
憂矣羅時者農夫野老中之一人也當佳景遊觀之時彼
未嘗與而乃慨然於澤國之中以洩水為任掘已田以行
水捐已金以募役田之畝以百計金之兩以千計鳩數萬
人之手開十餘里之渠池與湖所不能容之水咸由以洩
於兆邑與瀾直佉江同注於洱而池與湖之水仍如故水

濱之田不涸不潦乃可耕焉州之人德其化澤國爲沃壤也遂以其名名所開之渠此羅時所以由人名而爲江名也夫羅時特一畝之夫耳無治民之權無賑災之責其財又有限也惟量其力之所能以爲之而此江一日長流卽其功一日不泯以視夫禹門禹穴之稱雖有大小之殊其爲不朽之名則一世之握大柄擁厚賞坐視沉溺而不恤者卒與草木同腐聞羅時之風可以興矣或曰江之成匪獨時也其弟鳳與有力焉然則鳳之名爲兄所掩不可以不表也故並著之

鄧川州志

卷十三 藝文上

九

用章楊君致仕序

明御史 李廷樞

楊君用章致仕而去也嘗告同寅諸君諸君曰自子還臺吾儕方以得人爲賀今四郊多壘臺務方殷弼正糾違惟人是急未可以去也矧閒關萬里囊無留貲將何以爲去計又告於掌院事三山王公公曰七十致仕古制也子之年於例不當去又告於冢宰邃菴楊公時公以疾在告用章數及門聞人不爲通憤曰吾欲通吾情而子阻之耶因聞於公進見而盡其詞公曰上方更弦易化正賢哲爭奮之時起子於廢蓋將有以用之今懷抱利器百未一試何

去之爲用章對曰遠方之人聞於時勢徒虛利寵榮而糜廩粟獨不愧於心耶凡人之有外求者皆內不足也吾之歸自信以不恐者三吾將鯁鯁自守必不闖足權門約束鄉人必不干犯非分而性習樸素糲米苦藿吾甚甘之然則吾何所覲而不去耶吾志決矣且日疏上遂報可於是諸君以爲臺中盛事也以告於余而謀所以贈之用章居滇南之鄧川其舉進士歷宏治丙辰至己未而後成名令泰和多惠政邑人謂國朝以來爲令者未之先也尋擢監察御史值掌院者爲逆闖私人怙勢市寵罔恤公議乃欲

鄧川州志

卷十三 藝文上

三

施威於用章以動全臺用章不爲屈引疾南歸然積憾猶不已卒奪其官暨奸黨敗去始收復而敘用之還臺十四月而有是請蓋其端靜無營之心剛方不撓之氣直養於胸中者久矣及是雖諸君以情留王公以法留楊公以義留而其去志浩然不可復奪夫君子之於世苟道之可行不必於其進行足垂教不必於其朝蓋合內外通幽顯而一之者也吾聞鄧川之地軍民雜居詭訟好鬪其長吏又本土率眾歸順之人雖雅志慕華而遠違聲教莫可致問用章之歸知必以聲教文物之盛禮樂衣冠之雅聖賢道

義之懿諄諄然語之使開其良心棄其夙昔惟吾之教是
從則所謂是亦為政奚其為為政余於用章信之矣又何
別有贈於用章為哉

艾雲蒼先生希聖錄序

明巡撫陳用賓 晉江

仲尼夫子之道炳若日星學者惟有躬行而已倘復何言
夫躬之不踐而徒為口說若者可恥各立門戶而日相砥
磨若者可譏惟夫閭然君子外若無所表見而獨修孤詣
於道有真得其究也著述爛焉而屬民覺世胥賴之矣我
國家真儒輩出若文清白沙敬齋陽明諸先生各以所得

鄧川州志

卷十三 藝文上

三

著為錄各以錄食於孔子廟其為法程至明也邇來士競
於華海內希賢不少概見何有於瀛瀛之蒼洱久擅精英
有雲蒼先生者家於鄧而學於蒼洱者也余披先生錄而
想其希聖之志龜龜遑遑無須臾少懈兢兢業業無毫忽
靡厥卒至虛靈中渣滓渾化逍遙處意氣翱翔則已造乎
樂之境矣先生雖弗獲大展所蘊然能立德立言為千古
不朽人物將位有事業無弗該奚問顯晦乎哉先生著錄
最多弗令人知至遊太學卒大司成植齋曾公索而梓之
海內始知先生希聖然猶僅僅一二語恨弗獲讀其家藏

錄也至是有司請鄉祀余遂獲覽焉則有希聖錄省身錄
萃長錄教家錄等書然總之不外希聖而其言之真切與
行之粹美兩相符誠所謂不言而躬行者余遂允其鄉祀
且錄其妻子然余心猶未足欲以其賢上聞者謂先生宜
與白沙敬齋諸公爭流豈但曰一鄉一國之善士哉觀風
君子宜有灼見已雖然孰植其本則伊先世之培養與親
師之教育不可誣也余遂以其錄命諸梓伊弟自修謁余
謝且請序之余遂述其槩以公諸海內海內士宜嚮風而
趨毋徒曰滇士云云萬曆戊戌孟春日

鄧川州志

卷十三 藝文上

三

舊志序

楊南金

州志既成慨往者沿革不明名分不正善惡不分利害不
審以致漸摩無宗撫虐莫辨昏昏擾擾如長夜然任城狐
社鼠輩蹂躪恣橫卒無有弔問援揀之者蓋已久矣今得
一展卷而事事瞭然如出與窾如離荆棘如披雲霧之陰
霾而復觀光天化日不亦快哉且是書法戒所昭尤關懲
勸見有攸是邦者俎豆千秋則將稱曰某某父母我民者
也否則將斥曰某某寇讎我民者也即此邦之人忠孝節
義馨香人口與夫作惡而干冥誅者較若列眉後之覽者

好善惡惡之心其油然而興乎遷善改過之機其勃然而奮發乎君子由之以善吾民小人由之以善吾身雖鄙陋之邦亦駸駸絃誦可風而奸頑斂跡矣夫如是則今日阿侯何侯之振作與司鐸馬君胡君及諸賢士斤斤衷集以成一方之書均於是乎不負豈曰小補之哉南金數十年來每慨人心陷溺不揣庸鄙不避譴責勉強匡正移易於談論交接之際而猶懇懇然於是書三致意焉撫衷亦差堪共白筆墨之工拙弗計也若徒視爲陳言前有善而不知勸後有惡而不知懲則是書雖成安能爲目眩耳聾輩

鄧川州志

卷十三 藝文上

三

日日提其耳而命其面也故叮咛爲序以警告之

舊志序

明沅州艾自修州人知州

予不佞膺教父母之命纂修鄧志鄧巖邑也僻處滇西在漢爲樸榆地在唐置澄備州其後蒙段據之輜軒罕至文獻無徵自元迄明風教漸開凡世家大姓之官於斯者遷於斯者及流寓於斯者指不勝屈故鄧雖邊土無異中州兩依先生亦既勒成書矣第越今一百五十餘年其間山川井里雖少變遷而職官賦役河防與夫人物土宜風謠習尚不無因革之殊盛衰之異倘非乘時訪輯則久而就

湮奚能信古而傳後况予濫竽講席珥筆揚休與有責也何敢以不文辭爰以耄耋之年躬任其事日與文人逸獻精心採擇加意搜羅迺於舊志中闕者補之繁者芟之謬者正之經始於崇禎壬午三闕星霜而纂刻告竣予之成是編也大段於兩依先生師其意而折衷之間附以已議務求歸於至當而後已非敢謂善善惡惡筆削綦嚴足以垂法戒而示懲勸也而握槩懷鉛鑄心鏤血予於是編有苦衷焉編旣成教父母不以爲弁鄙而付諸剞劂後有君子起而續纂之母使亥豕魯魚貽譏舛錯別風准雨務逞新奇是則予所深幸而亦予所厚望也夫是爲序

鄧川州志

卷十三 藝文上

三

舊志序

高上桂

更之事關一代志之事繫一方以一方志較一代史其難易固有間然志一方者必綜古今源流而紀之非僅如史之關一代也事雖易而實難且一代史每合天下之一方志以成其制度典章掌有專官稽有成案而一方志則無所掌亦無所稽鑿空以爲之匪直無以傳信亦且難以傳疑矧地處邊末不難之又難哉鄧邑當髮濮會同莊躡通楚時荒遠無論矣自漢置二十四縣而樸榆名唐分六詔

而鄧睽著事亦時見於他說然傳聞異詞或不可爲典要
迨大渡之畫不通中國者三百年爲問其時尚有陳編之
可窺乎明御史兩依楊先生始輯州志雪蒼艾先生復從
而纂之文若有足徵者但越今百六十餘年山川如故人
代更新尋陸緒於簡殘碑斷有悵望其無從者明經戴竹
存先生吾鄉純篤君子也憫遺文之缺畧慮往蹟之銷沉
有志於是久矣雖年餘八十猶懷槩握鉛廣求軼事每一
過從輒諄諄以州志囑且率同人請於州而以斯役見委
柱雖不文其何敢負諸先生責望意爰發凡起例統爲六

鄧川州志

卷十三 藝文上

五

志而各以其類從首地理事之因乎天者也次建設功之
成於人者也欲成建設之功不能不需於賦役故繼賦役
賦役者野人所以養君子而野人又君子所待治也故繼
秩官官帥於上民化於下人才因之以起故繼人物人物
興斯咏歌作故以藝文終焉凡此者析之有條絜之有領
於一方事庶其較若列眉乎願嘗論之一方志以六志概
其全而六志中又以秩官居其要蓋得其人而理之則地
理治矣建設與矣賦役均矣人文盛矣所以禹貢不紀風
俗風俗上之所化也周禮特著六官六官下之所法也鄧

雖叢爾地而山河起色景物效靈駸駸乎禮義之風不愈
以見我 朝官得其人事得其理也哉

芭蕉龍潭序

署州 王序端 寶坻

王子之夏鄧境乏雨祈禱無應也司牧者憂之因檢州志
知大樓橋村有濟旱龍神焉於六月六日訪至其地見潭
畔松杉廿餘株亭亭蔽日周圍環生芭蕉可二畝許卽俗
所稱美人蕉者其上有小阜層石疊磴寒泉細流下有一
潭不甚深濶村民之飲啄灌溉咸取給於斯斯殆神所憑
依者矣不知何年何官祈雨輒應遂以芭蕉得名而芭蕉

鄧川州志

卷十三 藝文上

三

深碧叢生若林不假人力修培長此護衛潭畔靈應豈虛
語哉序以禱意告陳民艱苦過期不再將成涸餉次日臨
潭取水果於酉刻陰雲四合雷雨大作傾盆之勢直至次
日卯末辰初是歲農歌大有偕邀神惠也序既覘靈異恐
後之司牧者時值亢旱無從爲民請命指其地曰大樓橋
村有龍潭在焉可以祈雨並爲記泐石於其地

瀾直河工補苴前稿自敘

舉人 侯允欽 州人

余自丁酉家居後每歲河工之役俱被督理命而未一應
也道光甲辰春州牧陳晉之先生復屢函敦請既不獲辭

乃與同辦之官約禁賣夫與差役之眾約革科派與協辦之人約勤督率嚴勾稽力浚深挖慎終如始工既竣遂上河工積弊十六條秋北平恒鞠坡刺史來權篆甫下車卽遍歷東西兩岸目擊巨浪蹴天怒然傷之適值二三段堤將不支民間男婦日擁數千人赴州署呼號求救將生意外之虞惟余督辦之第一段殊寂然也鞠坡先生乃延余至署備詢向來積弊乙巳丙午兩載復堅命總理全河自念三年來不畏難不辭勞不專執不徇私不避怨中間因革損益之宜有商之同事者有請之州牧者有稟之大憲

鄧川州志

卷十三 藝文上

七

者筆墨之跡如蠅如繩以之覆瓿殊爲可惜因破數日功一一節錄之亦知補苴之術無關遠大不過使後之覽者知我一片苦心而已

瀾苴河工補苴後稿自敘

侯九欽

乙巳丙午兩載余旣被河工總理命而遂無由息肩也咸謂改絃易轍力任興除可以依次順布矣不謂大害所在人人病之乃有人焉方利之病之者力爲推則利之者陰爲挽大利所在人人欲興之乃有人焉思敗之興之者勇於行則敗之者巧爲阻行阻交爭推挽交迫而良法幾等

於贅疣夫余亦豈能任人之行阻推挽坐視功隳一旦哉百難蝟集之中以正持以理請彌隙遏流或愷切數千言或婉轉千百計如駭浪之隨起隨沒也靜鎮之密挽之焦思疲力又四寒暑視篋草且屢盈焉而鬚髮已星星矣歐陽子云事不患其不成患其易壞不其然歟夫余於河工非有半秩之膺水衡之任也徒以蒿目時艱蹶然思奮將以上副委任之重中紆桑梓之憂不謂千形萬態之起而相難者幾致檣梧之不給此智巧之士所以優游觀望於艱鉅之至輒退脫而罔肯仔肩也乎審若是天下事將安

鄧川州志

卷十三 藝文上

八

賴也茲一役也焦勞又七載矣猶幸積誠漸感賢司牧次第信從凡諸雜亂糾紛均獲別緒分頭粲然播布或不致笑於僨轅雖然古今無不做之法所恃者人耳得人理之則法之做者可新卽害之甚者可去然則自茲以往生斯土者其將念桑梓河工之苦創始之難振衰起廢相與維持於不做欺抑將畏勞避怨敷衍因循聽其漸卽於廢弛歟或更挾詐懷私相傾相軋令其決裂不可收拾歟均未可知也吾惟盡吾心竭吾力焉因彙後草並前草爲五卷而自敘顛末有如此夫豈得已也哉

鄧川州志卷之十四

署牧烏程鈕方圖賡雲定 州人楊柄鏗春樵 侯允欽雲坡輯

藝文志中

瀾苴河論

寧國縣 艾 濂州人 知縣

農田為生民大命而水利為農田根本顧利之所在害即隨之防害不葦重哉瀾苴河之為患於鄧邑也自明已然然或數年一潰或數十年而一潰泊嘉慶乙亥迄於丁丑則接年見潰鄧不為沼而民不為魚能幾何哉而說者動謂有治人無治法究之即有治法恐無治人故治水難而

鄧川州志

卷十四 藝文中

一

治鄧之水為尤難何也古之時河高田窪水由地行偶值秋霖山水漲發縱然漫溢遇霽即消且沙土浮細轉足糞田故覆沒之區旋可開墾今則浪穹三江口屢被澗沙淤塞而龍馬洞諸山率多崩壞時逢大雨沙石橫冲河心漸滿昔則歲積數寸今則歲積數尺挑挖之功相去倍蓰此其難治者一河之兩隄照州屬糧數多寡分派尺寸各里各甲一律均攤法至良也相沿日久則百弊叢生有糧折別甲而隄仍在本甲遂至彼此牽混者有山脚湖心田久淹沒賠糧而兼賠隄者有糧頭因花戶散處暗向富戶繳

錢而苛壓貧民多修者每值興工差役以河工為利數甲

長以隄沙為奇貨卒至人心怨謗視河工為畏途此其難

治者二古之良牧饑渴由已視民事為已事而民亦仰體

上意共効子來今民則刁詐成風不思河之利害皆屬身

受若視官之驅迫於我者而官亦痛癢若不相關由是壘

於赴隄不復嚴加督責一任胥役從而中飽及至涇水告

警則束手無策此其難治者三有此三者河欲治得乎雖

然未始不可治也治之如何在民齊其力吏畏其法官勞

其心而已民雖好逸未有見利而爭見害而不懼者河富

鄧川州志

卷十四 藝文中

二

鄧邑之中萬頃田禾咸資灌溉其利較溥故其害亦烈為民者惟念終歲勤動仰事俯畜皆於河焉取資利固有自然之福害究非無妄之災則與其既事而追悔何如未雨而綢繆乎如是者則河可治至於書差里長則又利害攸關也人有田疇我亦當保其田疇人無衣食我何從覓其衣食不舞弊則隄沙皆均不科斂則戶難隱集億萬人之力則修五十里之河將掘井可以及泉即為山不致少費矣如是者則河亦治若夫事之廢興功之成敗其責固在官也官保民如赤子則知河係乎民生即知河關乎國賦

倘一潰決則民將轉徙而催科甚難且上官親臨勘災一切供億所費不貲其究也官民兩受其害所望牧民者當春和時日詣河干親爲董勸且訪其作弊者而懲治之則官民一體和氣致祥而河伯無能爲厲矣如是者則河益治此其大畧也若河隨時爲變遷人必因時而利導孰得孰失何去何從守法而不徒法神而明之存乎其人矣

瀾直河工從前官委屬員督辦其弊在屬員濫混而不知近今官派紳士承辦其弊在紳士無權而掣肘論中民齊其力吏畏其法而歸重於官勞其心實屬河工不

鄧川州志

卷十四 藝文中

三

刊之論

中元祀先論

松溪縣 侯錫珩 州人 知縣

七月十四五日人以酒穀品菓香楮之屬各率家人祀其先曰中元報本秋霜而興怵惕之感其有教孝之意乎此固薄海所同也吾邑民貧俗儉婚喪諸禮從簡而此祀獨奢其意不可謂不厚然其中亦有可議者俗以初二三三四五等日除堂室啟靈幘展影神奉之曰接祖每食必祭時物必薦至誠也琢紙錢搏金銀鏤錠以白紙裹封爲包包面列子孫名中填祖考妣諱氏包之多寡以遠近親疎

爲殺外祖父母舅姑母推而及之必躬必親至敬也至十四日潔祭器盛祭品肅衣冠合祭於堂畢宣包焚之曰送祖邑中建宗祠以時饗修譜系詳支派者寥寥四民安本業終歲勞苦不敢少休屆期外出者必歸父兄詔子弟

以諱某某爲某世祖鹽沐填包面因述某祖制行若何功德若何詳述顛末以故數典而忘者絕少此一祀也感發木本水源之思其有裨於人心風俗者匪淺鮮也新喪之家接祖送祖哀麻哭泣哀痛迫切之情發於不容已包則數倍於常又爲冥衣輿馬僕從類並包焚之名曰燒新包

鄧川州志

卷十四 藝文中

四

鬼猶求食恐未必然輿服僕馬尤屬不經推人子事亡如事存之心聽其便可也惟是親族鄉鄰亦以冥衣冥楮茶食雞鴨酒席餽主人張筵款接曰酬客計閩邑每年費冥衣布疋數千紙數萬他物稱是是誠無益妄費禮有弔有賜有賻所以助斂與葬哀死恤喪也既斂與葬矣此何爲者夫報本人各報其本非以報他人亦非責他人之報也况衣則紙布相雜俗惡不雅麟補混用僭越無倫簽則妄擬諡法稱謂乖舛死者受之安乎子未除喪盛筵款客生者行之安乎此不知始自何時必好事者踵事增華相沿

既入習焉不察讀書明理者心知其非而不能變古人云
事之無害於義者從俗可也若此者於義何居焉必不得
已而從俗送包或仍其舊餘則所當亟爲變革者也願與
鄉人共商之

條陳瀾苴河工積弊書

侯允欽

竊惟鄧邑利害所係首在瀾苴一河以故民事攸關亦惟
河工最爲緊要欽昨承鈞命督辦第一段河工任事之際
竊見此中積弊年深月久馴至今日而廢弛不堪倘不急
加整頓則民困與河患交滋地方之累將有莫知紀極者

鄧川州志

卷十四 藝文中

五

謹就鄙見所及條爲十六爲父臺敬陳之

一則各段督河之紳士宜選擇也河工之要固賴督理之
官長尤資協辦之紳士蓋旣爲地方之紳士則於河工之
情形必熟桑梓之繫念必殷若者爲弊之當除若者爲患
之當防若者爲事之當辦無避怨無畏難上承官長下統
胥役責任之重無逾於此然必居心正而後可以服人率
作勤而後可以圖功才識長而後可以集事乃近來督河
紳士半由書吏呈請興工後如木偶然隨班進退於河務
漫無可否以故怨讟滋生諸凡廢弛推原其故則以筋力

疲軟才具平庸旣無辦事之能又無勤勞之力且復心存
多欲亟望分肥一二以資目前如此立心焉能整頓河工
與管河官振衰起廢諺有之曰地方人自害自可謂言之
痛切矣嗣後督河紳士應懇恩遴選公正有才幹者按照
各段分派所有應辦事宜應除積弊准其與管河官一體
酌行則承流得人河工自然起色矣

一則夫額之全數宜概發也河工向係對堤分挖官惟勘
沙而不及堤以故無沙之處堤不能培河決年年上厯憲
慮執事者酌爲通力合作分段修挖章程可謂善矣乃日

鄧川州志

卷十四 藝文中

六

久弊生漸形廢弛試爲約畧言之河工按糧編夫額設六
萬六千六百餘名立法之初曾經按實估計確照各段工
程之難易定准夫額之多寡並非多派浮攤爲後來比欠
計也所以從前陳恩李各州主任內無不全行給發至於
督工薪水之資浪穹茶壩之費則定爲僧戶河工折繳銀
壹百貳拾兩之例以便支銷旣無盈餘亦無津貼所謂意
美而法良也嗣因各段管河官暗賣夫票以故怵於心而
不敢全領上之人亦遂搯其喉而不肯全發此備一作遂
成陋規於是逐年遞減工程漸虧此數載中河底所以日

高堤所以日矮也應懇恩飭諭各段管河官紳所有各段工程務令一律深厚不可草草完工至於各段夫額準其全行領出盡力修挖此則以民之自有者仍歸諸民河工未有不美善者矣

一則夫票之漏失宜嚴稽也河夫給發圖票領之自上給之於下必使全歸實用而後民力爲不虛乃今則竟不然矣夫役有詭混之虞里差有重收之虞冊書有多報之虞又有甚者潛消暗蝕日以數百月以數千未行一夫已去萬票難填欲壑民怨誰伸無已則有已行之法在往者莊

鄧川州志

卷十四 藝文中

七

杏園先生牧鄧時所有夫票自己先簽圖記外再令督河之官圖其一督河紳士圖其一銷夫時查驗票有三圖書者准缺則否是年夫票遂無走失應懇恩准令督河紳士於所有夫票亦俱鈐用圖記斯則互相防維所全實多至於稽察夫飛之詭混詳核書差之浮報此雖設法較易亦當實力奉行者也

一則里差之包攬宜嚴禁也河工按糧派夫以十四里夫役修挖里各有長名曰里差所以聯屬鄉村催辦賦役原屬不可少之人然此輩小心謹慎者少刁猾狡詐者多每

值工興借端勒索以爲某戶堤險該修某項雜派該攤某件公費該備設爲種種名色哄嚇花戶花戶既受其欺不得不多方斂錢求其照應於是里差操縱在手百般刁難儘有堤戶糧祇數升索獲制錢數千而猶誅求者有一排得錢數十千而猶強索者里差指派夫滾頭滾頭指派夫花戶紛紛滋擾魚肉閭閻及至工程到界又復招之不來呼之不至無益於河務而重累於地方莫此爲甚應懇恩於興工前嚴禁各里差祇許督催堤戶不準包攬堤沙違者革究庶幾民困避而工歸實際矣

鄧川州志

卷十四 藝文中

八

一則堤戶之畏避宜招赴也屯糧之堤戶曰滾頭民糧之堤戶曰甲長平居有人伐一堤樹取一堤沙則滾頭甲長藉口河工指名陷害凡以旣爲堤戶卽屬堤主乃平居則認爲堤主及至工程到界反行紛紛逃避飄然遠颺推原其故則以若輩本屬鄉愚旣憚官長之威嚴又懼差役之勒索以故先事計議賄屬里差里差得錢在手則許力爲擔代令其不必赴堤堤戶旣不赴堤於是呼應不靈工料不備司事者只得挖河中之沙更不能兼培河岸之堤險者難修薄者不固持此以往鄧民其不爲魚耶嗣後應

懇恩飭下各甲長滾頭遇挖河到界之日勿庸畏避務須赴堤伺候靜聽司事者之屬險者砌石單者培沙至於在工人役亦不得藉端科索致令若輩裹足不前庶幾司事之人得以隨處盡力河工不致草率了事矣

一則興工宜早也瀾河分爲六段挑挖各段夫額不下萬餘非兩月工程不能終事興工若遲延至三月尾天時暑熱民間遍值穫莖之期夫役既少必至將就了局應懇恩於每歲開印後卽行擇日興工爲時既寬可以從容辦理庶公私兩無失悞矣

鄧川州志

卷十四 藝文中

九

一則收夫宜寬也河工按糧派夫凡赴堤爲夫者皆糧夫也其間卽有行賣者亦係窮民無靠借謀升合之需而試以有餘補不足則仍屬本額內原派之多寡非有溢額也乃近來儘有夫集數百只收一半或以上之不發夫票爲名或以人多不能照察自飾或以老弱不堪入選爲言顯爲指勒之計陰謀取剩之心致使窮民數十里奔赴累晨守候而不獲行一夫咨嗟滿道淪泣載途洵屬不堪擊目應懇各段管河官凡諸河夫除實係老弱該汰外其餘一例收入則民力既厚河底無不深通矣

一則紮壩宜嚴也浪宵海尾之壩向例於三六九日開放外餘俱按時嚴紮務令水不下漏沙皆涸出方可一律深挖乃近來壩身疎漏水既滔滔不息又每日俱遲至巳刻猶復河水洋洋沙不露面坐使數百名河夫之厭守候河干不能施力實屬違悞工程且夫浪不紮壩則鄧不挖沙鄧不挖沙則瀾河下阻甯水上湮非但我邑之憂抑亦鄰封之害也往者山水漲發阻塞蒲陀甯南幾爲魚沼可爲前鑒應懇於興工時移文鄰封照例紮壩外並飭紮壩水夫務於每日寅初將壩嚴紮既不可漏水復不可悞時此

鄧川州志

卷十四 藝文中

十

又挖河之要計也

一則浮橋宜廣也挖河之要道在去沙以培堤夫堤之當培者其下必隔水而遠沙將欲涉水以取沙斷不能不廣資浮橋以便河夫之往來查此項工料向係各里差督催各堤戶辦理大約每夫百名配橋三座以次而加不可減少乃近來各里差已先向各堤戶包攬堤戶既不赴堤各里差之胆玩者亦抗不赴堤每值夫多之日堤險之處浮橋非數十座不足用者只以數座搪塞於是往來擁擠夫役耽延司事者只得任憑河夫順堤出沙將就了事又有

甚者橋枋單薄斷折塌陷河夫往往有滅頂之虞耗力悞公莫此爲甚應懇飭諭各堤戶於興工時按糧攤派照夫配橋斷不可任里差包攬各執事人亦不得借端需索此又以沙培堤之要件也

一則沙必出堤也瀾水舊行地中無仰流之弊近則砂石淤塞河底高昂是以河工之要務在去沙培堤河深一尺則堤高二尺所謂騰沙讓水加高培厚是也乃近來儘有敷掩目前將河中高出之沙拉入深水之處此則希圖省工便於留剩之利淺而河身填塞恐致決裂之患深應懇

鄧川州志

卷十四 藝文中

七

飭諭各段督工之人沙必出堤不可順水拖入則新漾之沙不致舊積河身無漲塞之患矣
一則堤必培單也凡水之行勢皆趨下瀾水蜿蜒而來每堤一灣水激於此沙淤於 堤無不厚水激者堤無不單若但知挖沙而不復培堤則單者彌單厚者彌厚強弱懸殊崩潰立至故凡沙淤之處若兩岸平等則掘出之沙東西分列若本岸雄峙而對岸低陷必須高培厚累務使兩岸形勢相當又或堤已單薄而就近無沙尤必搭橋遠取亦或廣覓土方加椿培護此則逐處盡心不分畛域堤

工自然一律堅厚矣

一則險堤之砌石宜認真也堤單固須培沙而堤險必宜砌石向例於興工後飭差分東西兩岸逐段查明隨令各堤戶認真修砌立法未爲不善無如奉行既久視爲具文或因循了事或得錢屬免儘有抗不購石者有運石不砌散置河干日久失落者有雖經修砌不能如式者伏思自來河決險處爲多應懇嚴飭堤差所有各里險要之堤務於放壩前趁河水淺少一律修砌完固則四十里河片堅好一邑共慶安瀾矣

鄧川州志

卷十四 藝文中

七

一則河身之尾閘宜深濬也治水之道固貴浚源尤在疏流蓋必下流旣通而後上流愈暢故各段有各段之尾各段之尾不可草率了事通河有通河之尾通河之尾尤不可以草率了事至於第一二三四段則又如人身然是必胸膈無滯腹裏空虛而後通體舒和此又河工之無可輕忽者也
一則兩公沙之紳士宜仍設也河工自改對堤爲合挖每段旣敦請各官稽其勤惰又復簡派紳士第一段二人餘則每段一人以資協理誠以任大責重獨力難周必使指

臂相承官民相信然後艱難可共濟也至桂州主時始議
去上段一人至於上下公沙則全裁不設推原其故則以
紳士偶爾失檢與門丁勾結爲非然而因一疑百因噫廢
食爲計未必遂安何也上公沙爲瀾河之源急沫怒湍橫
流四溢必使堤岸鞏固束水中趨然後下流順軌至於下
公沙則係全河尾閘積沙盈目又兩岸居民培土植樹占
入河中身窄如溝堤低似埂下流既塞上流必壅如之何
其可長也應懇將督辦公沙紳士照舊添設使與紀綱之
重和衷共理則於治河之政尤覺首尾周到矣

鄧川州志

卷十四 藝文中

三

一則三六九之銷夫宜照舊也舊例各段所行夫票卽於
興工時趁三六九放水時就各段局內繳銷河工既完夫
亦銷清立法實爲至便至桂州主任內始令全河所行之
夫概赴衙門投繳推原其故以爲在局銷夫恐有得錢之
弊不知夫票乃管河官司其出入者也局內銷夫冊書與
管工紳士眼同監視者也既可以河工委之卽可以銷夫
之責付之此則疑於不足爲疑者况夫票請領若干卽應
繳銷若干並不容少有浮出至於夫票盡而花戶猶有欠
少局內原不能代比似此防察於無補徒使小民紛紛跋

涉守候公堂深爲不便之至又有甚者夫票給發數萬銷
夫僅限數日故使四鄉猝不及知迫不及繳以爲後日收
錢不收票之地夫始則在河之收夫甚刻小民獲行一夫
而得票者已屬大不容易其後則又要錢不要票銷票更
覺爲難民之何辜受此委曲應懇仍照舊章各段已行夫
票卽於興工後趁三六九放水之期在各段局內陸續繳
銷仍令管河紳士與管河官眼同監視此於公事無礙而
省數萬人往來之勞守候之苦闔邑戴德不朽矣

鄧川州志

卷十四 藝文中

高

一則各段督河之官長宜垂慈也鄧邑地狹民貧生計原
已歉薄自近年來徵收之額遞加則民困於賦夫馬之額
增培則民困於役然而竭誠奉上小民之常譬諸人子未
有不當承順父母者至於瀾河中貫俯瞰兩川則一邑大
命所係而非上下陋規之藪也乃竟科派繁多茶敬有費
巡岸有費搭橋有費又有甚者領夫若干用不及半其餘
賣向戶頭以錢易票藉充私橐工程既減堤削沙淤脫有不
虞何以處此夫以民力爲已財以危機爲利藪此據殷
實之地挾不貲之富尙不可輕於一試况在鄧邑則水有
不時之患戶鮮隔旬之糧凡諸河夫皆係糧役身差其間

半屬寒酸下士雇募無資不得不躬率妻子惡焉充役其
辛苦墊隘之狀實有愀然不忍於心者司事者豈竟熟視
而無覩耶夫督河非易易也風雨飄蕩沙日薰蒸非可燕
閒於爽塏也往來稽查逐日籌辦非可容與於堂室也既
勞且久慨焉思償利孔一開誰復能塞然而龔窮民什百
之利小致萬井漂沒之害大捐什百非義之利其失小莫
一邑鞏固之安其功大所望忠信之長慈惠之師憫此瘠
區盟心白水則表正影端所有協辦之紳士效用之胥役
罔不奉命承命所謂有治人即有治法者河工條陳不待
鄧川州志

卷十四 藝文中

五

贅而自舉矣

覆恒州牧擬定河上條列書

侯允欽

昨蒙溫諭命將申詳立案之瀾且河工各款擬稿送政欽
謬不自揣竊以爲從前河工之弊在於利歸督而害歸民
而我慈父母改辦之良務使利歸民而害悉去眞所謂自
上下下其道大光者矣欽仰承德意悉心商籌以爲河工
所重在民力應首嚴夫額之條河工率作在首事應次嚴
督工之條改派之舉因文見義原不必明言也於是力集
而事起亦澤普而慮周似應有夫票儘發之條有比欠給

發之條有就局銷夫之條官爲民用力如山而陋規一清
如水在在捐廉後難爲繼則閱工之夫馬宜備步金所以
養廉恥則督工之薪水宜裕枵腹詎可以辦事則書吏之
津貼宜償需數若干空額以俟鈞裁統計出數綜核入數
度支有欸非故較量凡此皆我慈父母反弊爲利之仁可
大必期其可久者也惟是利之所在人競趨之於是督辦
之鑽營不可不防夫票之領發不可不稽比項之收掌不
可不謹橋錢枋木之存留不可不晰普已然之利即預防
未然之弊原不可不深長思也願弊既防於未然而利宜
鄧川州志

卷十四 藝文中

六

推於盡致蓋必求州主之勤於赴堤而後人人知警懼准
督工之普爲約束而後事事不掣肘懲鄰封之嚴爲蒸壩
而後在在不懈公他如險堤宜修包攬宜禁科派宜革與
工宜早上以廣德意卽下以濟民生欽倍覺心知之而口
不能言或言之而未能約以達惟是博採輿論用獻芻蕘
謹將所擬十二條另冊呈覽惟冀諒其愚直普賜斧裁以
垂永久則欽幸甚鄧人幸甚

艾雲蒼先生傳

明祭酒 曾朝節

艾生名自新字師湯號雲蒼雲南鄧川州人今年五月以

選拔肄業太學十一月二十一日忽卒於內號舍余聞之而悲既如例賻恤具香燭屬助教王君率同舍生哭之復移文兵部給勘合歸其喪又與西廂周公各賻奠之然未知其賢也一日張生述齡來告曰艾生蓋有志學爲聖賢者也卽在病榻尙錄其所志藏之篋中既卒而獲覽之皆真切至力行見道語垂死神識愈定絕未嘗及其他余聞之而益悲卽令張生索其所錄至且讀且泣曰艾生安得志行若此而天乎今人讀聖賢書苟慕利祿其於聖賢之學究不知爲何物然且致身青紫富壽終身是遵何

鄧川州志

卷十四 藝文中

七

道哉生誠不死必能自樹立求所以企於聖賢無疑然以荒陬僻壤得生如此雖賈志未遂吾知其必有傳於後也生之言曰希聖功夫以誠字立腳以勇字下手以智字覺察以仁字聯屬又曰平居謀義猶恐家修而廷壞平居謀利豈能忠君而愛民是明德新民之本已交修用力而究未克竟其功豈非斯道之阨耶余典會試兩次得天下士若干不如得生一人爲斯道幸今得而復失之其於求友之意何如哉生年二十九耳產又絕遠北學而來槐市諸生卒無有先之者古所謂豪傑之士非耶今生喪且遠歸

余重悲生之數奇爲之著論聊以志焉時萬曆癸巳冬十一月也

星回節考

高上桂

滇俗每歲六月二十五日村落夜然松炬釀飲占歲土人祭祖謂之星回節節名未詳其由故事亦傳聞互異或曰鄧睽詔妻慈善爲夫死節國人哀之說見馮甦滇考及所撰慈善妃廟記按南詔野史蒙氏欲滅五詔據建松明樓祭祖於上詔曰六月二十四日星回節當祭祖不赴者罪各詔於二十四日皆至登樓被焚死是當時先有此節特

鄧川州志

卷十四 藝文中

六

因節以焚樓非因焚樓以傳節且焚樓事在六月二十四日而妃死節閉城三月食盡之餘國人何爲於是日弔之其說近誣或云以武侯是日擒孟獲侵夜入城父老設燎以迎說見通志以南中志考之武侯五月渡瀘至秋而四郡平其擒孟獲當在夏秋以是日爲擒孟獲日似不甚遠然孟獲煽誘諸蠻必待七擒縱而後服則擒渠時眾方抗命豈有設燎以待者乎卽有之而擒非一次擒之地非一所擒之時非一日何皆以二十四五日爲此會且加以星回節名哉郡志載漢元封間樸榆婦人阿南爲酋長曼阿

娜妻娜爲漢將郭世忠所殺欲妻南南給以聚國人使遍知禮嫁張松幕焚故法

二十五日故國人歲

前說既互異而星回節之

數將終而歲更始也六月

以星回節名玉

節其遊避風臺有不覺歲

當在十二月十六日而何以習俗相沿之左耶偶閱南匯

吳省欽寧遠懷古詩有却笑荷花生日裏幾村蠻女踏芳

鄧川州志

非句註云番

花生日吳

日乃星

節名之

以驚山

禮也星回之列

元巨故相率而舉火

國奉正朔歲首改而節名

稱者無亦阿南事適當是日景隨事遷事相因而名相蒙

亦如寒食禁火而因以悲介子五日繫縷本舊俗而因以弔屈平連類而及之者也

書南詔野史開元十八年滅五詔二十六年襲大釐

城篇後

高上桂

南詔皮邏閣欲滅五詔以六月二十四日星回節祭祖爲

名誘焚各詔於松明樓省志郡志皆載於開元二十六年

獨南詔野史載爲十八年至二十六年則紀其逐河蠻襲

大釐城事紀載互異何所折衷考唐書咩邏皮爲遼川刺

史治大釐城襲大釐城即襲咩邏皮也其誘焚各詔時鄧

鄧川州志

睽詔即咩邏皮子皮邏載籍昭昭若如野史所云則是

焚其子於前襲其父於後矣其父於開元二十六年猶治

大釐城其子何遠稱詔於十八年前耶且既於十八年滅

各詔則各詔之地皆其所有何區區河蠻大釐城近在肘

腋乃越八年始逐之襲之耶省志皮邏閣逐河蠻取太和

城襲大釐城勢益強遂賂劍南節度使王昱求合五詔爲

一昱奏許之與唐書合是明明因逐河蠻等勢益強後乃

謀滅五詔也較然矣南詔於開元二十六年始見綱目所

以著王昱賄奏之貪朝廷册封之誤邏閣憑陵之強志禍

始也若謂各詔滅於十八年至二十六年方入朝稱謝是
并吞之事久成朝廷俞旨歷八年而後報推遷閣急欲雄
長西南之心必不出此然則所載開元十八年滅五詔或
其逐河蠻襲大釐城之年而所云二十六年逐河蠻襲大
釐城殆其滅五詔之年乎至松明樓之焚四詔遇害惟越
析詔于贈不赴會天寶三年皮邏閣子閣邏鳳白請將兵
滅之加上柱國觀德化碑可見而野史與省志皆紀破越
析於十三年載諸李宓兵敗後雖據唐書究與德化碑不
合或又以焚樓事爲唐書不載而疑其傳訛夫子虛烏有
鄧川州志

卷十四 藝文中

三

之論類文人騷客託興寓言若此地當唐時詩書未觀樸
魯相仍誰爲鑿空附會創此無稽之說駭人耳目且俾一
方人廟祀慈善如藉藉千載哉春秋書列國事赴告則書
不告則否想誘焚各詔謀出於詭彼邏閣雄視西南方將
以強大驕中國顧於滅各詔而以詭成之若不欲上聞者
故隱之而唐書遂遺其事亦如春秋之不告不書未可知
也今野史省志郡志載此事獨詳足補唐書之闕或仍執
彼以疑此何所見之不廣耶

希聖錄

明坡頁 艾自新 州人

希聖功夫以誠字立腳以勇字下手以智字覺察以仁字
聯屬 恥己文章不如人科甲不如人終歸無用惟恥已
不如聖賢方是實際 養得此心如太虛無一毫渣滓方
可復吾之本體 心有真念妄念身有正氣客氣要在未
發之時防檢 常提起此心以爲一身之主則耳目手足
不妄行 氣質之偏全憑學問陶鎔陶鎔得是是大受用
處 主靜只是敬久之神凝理達作事自然有力 或問
聲色貨利之念旋起旋滅如何除得淨答曰只是看破世
味則諸念自消 良心開時少須喚醒他繼續他擴充他
鄧川州志

卷十四 藝文中

三

堯行舜趨而心則盜蹠周冠孔裳而術則佛老世之蠹
也 人謂直道難行輒欲少貶卽罔其生也但於難行處
相時便可 孟子謂人物之異在幾希微哉危哉慎勿以
人而爲禽獸也 程明道獨坐如泥塑及其接人渾是一
團和氣正可爲吾輩法 人只有仁義禮智信五字若不
能體何以爲人 敬者心之肅今人徒肅儀容謙者心之
虛今人徒卑禮節剛者心之堅今人徒逞血氣失其真矣
予以尋孔顏樂處問保先生先生曰須於四毋四勿上
尋之信哉意必固我不忘則心有障礙視聽言動非禮則

表有痼病欲樂不能也 舉業與聖賢原非兩事讀書時探聖賢心事作文時發聖賢心事獨處時學聖賢用功接物時學聖賢行事做官時學聖賢經濟 世儒僉曰吾讀得許多書但以七情觀之一怒不能制以處家試之一孝不能全即讀盡古今書無益也 做官當想朝廷設官的意思爲民父母當想父母愛子的心腸 把世味一眼看破心境自閒如此看去不免入空寂世道如何了得聖賢却於假中討出一個真消息來又在此一步上着工夫平居謀義猶恐家修而廷壞平居謀利誰能忠君而愛民

鄧川州志

卷十四 藝文中

五

孔子使民無訟是甚庶心長民者當想一想 謂天下無好人非有道之言但得一二知己以明道行道亦是最難 處恬靜而心源澄澈當煩劇而注厝恢宏受榮寵而意念不矜遭鼎鑊而聲色不動方是大丈夫 與人交談勿大言以矜己之長輕言以取人之憎直言以暴人之短諛言以希人之悅怒言以招人之尤巧言以蝕人之心謹言語有三妙不議人短可以養德不傷元氣可以養生不招是非可以遠禍 後生間見不廣不可輕易褒貶人物 朋友有談人過者予默而不答蓋己之過有千百端

自家檢點不暇那有議論人的時候 毋以一言不合而忘人雅詛毋以一行有疵而棄人生平 聽言者多喜諛豈知諛防陷害我要聽逆耳之言 養得心氣平和方可應接事物 人非不知寬和爲妙及至臨事反多暴厲只是養不定 講學不必立門戶惟於日用間隨事盡倫因物盡道便是實際 男子守義不啻女子守貞婦人失節人輒惡之男子喪義恬不知惡是欲天下有節婦人不欲有義男子也可慨哉 日爲一善積之三年有千善矣况不止一善乎日爲一惡積之三年有千惡矣况不止一惡乎故君子不以小善而弗爲不以惡小而爲之也 小人欲人知己之有善君子欲己之實有其善小人畏人知己之有惡君子畏天知己之有惡 凡到心地窄處便想天地如何大到心地私處便想天地如何公 做人要在人

鄧川州志

卷十四 藝文中

語

不見處人忽畧處加謹 以放蕩爲高以絞詐爲直以諂諛爲禮以濫施爲義以苦節爲廉以伺察爲明以悻悻爲剛以詭隨爲和以迂濶爲老成胥失之矣 常情歆美處看得淡常情牽墨處斬得斷常情關很處忍得住常情偃仆處立得定方見學力超邁 今之侈談孝子者只舉一

奇節不知庸德間果能悉盡否 訥爲佞者譏儉爲奢者
笑正爲邪者嫉清爲濁者忌此通患也 惡衣惡食吾不
恥矣何恤乎人之恥我無愧無忤吾獨信矣何恤乎人之
議我 一念不馳則神凝一念不淫則精注 一念不躁
則氣和 懲忿則火不上炎窒慾則水不下流便是坎離
交媾便是大學誠正工夫 二氏之教不可以治天下但
其言善惡報應亦可爲勸懲之助 陷阱設於坦途風波
起於平地甲冑伏於笑談此不可不察也 古人惜分陰
汲汲進修者恐一時瞑目便趕不上此生未免有遺恨也

鄧川州志

卷十四 藝文中

三

以道學之名爲戲者謂此名易當乎萬世而下接道學
者爲誰 道理從體驗處得來愈久愈見趣味

敎家錄

祀祖考須置祠堂與田如不能擇一淨室隨祭備物亦可
儀式遵家禮 家長好惡不可偏當隨事反已虛心納諫
則身正而家齊 父子兄弟同處同食無百年光景故知
道者愛日盡倫惟至愚之人爭產以自利耳 常人重妻
子不知事父母孝子重父母而於妻子間亦未嘗寡恩
兄弟須想同胞共乳之義勿以婦言間至情小利傷大義

古者夫婦如賓卽一言不苟况戲侮乎然而敬德之中
和氣常流 兄弟之子失父母者宜加意教養較親兒尤
重族中孤幼亦然 子孫逸須念祖父當日如何勞子孫
勞須念祖父當日如何苦 教子弟先除其傲傲除則氣
質可變心術可正行誼可端而文學亦未有不進者 教
子弟太寬恐廢德業太嚴則窒聰明當想孔子之善誘孟
子之養中養才 傳家無如耕讀古人帶經而鋤掛角而
讀雖士何害其爲農哉 居家理財奉天地薦神明祀祖
宗養父母育妻奴待親族交賓客納貢賦備婚喪有餘周

鄧川州志

卷十四 藝文中

三

貧乏防饑歲 世俗喜奢而笑儉及財物廢盡雖欲儉不
能矣 古人崇儉爲天地惜物爲朝廷守禮爲本身養德
爲子孫留福 切不可隨眾論以議官長之失親朋之過
及閨門隱事敗德招禍莫此爲甚 躁暴不耐事委靡不
任事依阿不成事膠執不通事惟老成練達乃克有濟
務名者但知賓筵不顧父母妻子之養重利者惟知肥己
罔恤往來交接之禮二者皆過也 公家徵賦卽輸召役
卽往勿抗法以罹於刑 凡事須忍勿輕構訟當先自愛
勿犯人之訟斯能保身家 御下宜嚴而濟之以恩嫌微

宜謹而小過亦所當畧 人之善不可沒人之惡不可揚
人之恩不可忘人之怨不可結 受天地恩而不感因風
雨不時則憾之受父母恩而不報因好惡稍偏則怨之不
察甚矣 順逆成敗皆造物所爲今人祇欲快意一拂逆
便怨天尤人何其愚哉

補拙軒壁箴三則 凡存心自責等
十一則今錄三

學謙

諸生 王師周州人

書曰滿招損謙受益自古聖賢皆從惕勵戰兢中來也試
觀泰山高矣而泰山之上復有天可知德業雖高更有高

鄧川州志

卷十四 藝文中

七

於我者滄海深矣而滄海之下復有地乃知學問雖深更
有深於我者舜所爲問及芻蕘工瞽禹所爲懸韜設鐸子
故語子路以持滿之道曰聰明睿知守之以愚功被天下
守之以讓勇力震世守之以怯富有四海守之以謙此滿
而持之之道也他如趙括以滿獲咎子玉以驕見殺王融
以心雄膽肆被誅丁敬字恂恂欵欵馮開之平懷順受隨
榮遇焉此又惡盈福謙之理也蓋惟謙則能虛已虛已則
能受萬善所以咸歸也惟謙則量寬量寬則能容百事所
以咸宥也故君子不傲人以不知不悅人以不如不敢求

勝人以居人上虛懷善下所以德業日進學問日臻人愛
之天佑之諸福所以畢萃也若夫不謙者未知而若已知
未能而若已能道理無窮將自限也卽遇事錯悞親長教
之將不從也夫橫恣不忌而理道日睽人棄之天惡之勢
不至敗名喪身者幾希希師周明不越尺寸識不解半言敢
妄自驕傲不學謙以求益乎嗣是當思芻蕘工瞽皆明理
所寄尊卑貴賤皆愛敬之人勿炫已長勿忽人卑謙冲自
矢庶幾德業日進無愧爲人矣乎若彌縫世故拜望殷勤
巧言強笑徒飾其文而不盡其實是又爲詔諛者也豈謙

鄧川州志

卷十四 藝文中

天

之道也哉

去驕

天道惡盈鬼神忌滿山以高崩谷以卑穩此驕之一字最
爲凶德也師周退息自思未嘗有意驕人乃遇親朋委靡
者輒忽之遇議論不合者輒爭之或聽及官家違政或言
及親友小過與瑣屑之事輒大言鄙棄之凡此皆驕人之
甚者也細尋其源率皆稍解書中一二字義不能深自韜
斂遂爾放肆無忌不自知其日流於驕也豈知天下惟有
眞才者必不矜才有眞學者必不誇學君子所爲玉韞珠

藏智深勇沉也嗣是言語要簡默遇人要謙恭舉動要收斂氣度要凝定勿蹈前轍庶幾焉

學忍

聞之放下一心火能燒萬重山若是乎不忍之最害事也蓋忍能化大事爲小事化有事爲無事小忍小益大忍大益暫忍暫益久忍久益彌縫憂患孰有貴於忍乎且夫事之當怒而不可忍者非君之敵必父之仇也非甚大奸必極惡也不然小人多矣安能盡人而怒之乎拂意之境廣矣安能逢境而怒之乎不平之事眾矣安能觸事而怒之

鄧川州志

卷十四 藝文中

完

乎若以爭名爭利而怒是鄙夫也以疾人小過而怒是斗筭也以輕我侮我而怒是欲上人而不能下人也以家庭之微忿而怒是分爭自我召不祥之端也况乎多怒者多債事也多怒者多構怨也多怒者火炎焚吾胸也多怒者肝強尅吾脾也然則一怒而敗事傷生如是不可平心靜氣以忍之乎師周尙其服膺焉

三箴皆人所易犯平平說來令觀者劇目怵心故登之以冀共凜名言各自克治

滇南文畧評

鄧川州志卷之十五

署牧烏程鈕方圖廣雲定

州人 楊柄銓春熊侯允欽雲坡

藝文志下 古今體詩

土著變 以下五古

明御楊南金 州人

溪田三五雙祖父遺孫子笠簞事耕牧衣食甘粗鄙婚姻
從卜占疾病昏禱鬼祀先二石瓶肉稱三年豕殷勤辦門
戶禦寇力相倚老輩知佛書一生恥華美墳宅經數世等
閒不更徙年來混軍商逐末遠未耜雖有讀書人未諳聖
賢理狡偽善刀筆大壞昔仁里用度無樽節衣食尚珍綺

鄧川州志

卷十五

古今體詩

一

恒產如沃雪饑寒四顧起坐令擾攘興奮臂側目視焉得
漢循良相與拊循此

秋夜陪楊升菴太史泛舟

明教樊相 州人

溪寒油鯉肥湖霽蓴菜香幽人發清興泛彼秋風航羣動
俱已息西月生微光輕颺拂紈扇白露沾衣裳蕭蕭響林
鐘唧唧悲啼蟹掉歌雜簫鼓漁火點清湘層波激斷岸流
螢度危檣城高柝聲急野濶山影長匏樽寄情興一咏還
一觴有客抱奇才乃昔龍頭郎嗟與世相遠埋藏天一方
襟懷徹太虛談笑動八荒扁舟學范蠡避穀同張良無客

吹洞簫有琴伴孤芳寥夜一挑抹吟揉宮與商初爲漁父
辭再爲塞鴻章清冷復淒切山高而水長感此三嘆息碧
天遙蒼茫

畸菴咏懷

明諸高桂枝 州人

天地吾席幕而以畸名菴殘山一卷石剩水半畝潭高深
兩莫問邱壑常可就我生若泛梗逐逐誰能堪何如巢居
子瓢飲有餘甘薄田數隴在荷鋤理東南時或伴漁父清
濁還相叅陶廬適所愛詩書忒討探自得環堵趣豈必榮
珥簪斯意孰與解梁燕聲喃喃

鄧川州志

卷十五

古今體詩

二

泛舟西湖

教諭萬崇義 太和

載酒循水曲主人具扁舟短棹擊細浪安瀾忘所憂先訪
蓮花塘香藕綠雲陬積次水漸碧試險過浮邱眾客忽西
顧倒影澄清秋好山青四圍寒雲凝不流停船柳陰重楸
局聊淹留垂竿釣赤鯉移棹翻白鷗微雨東北來欵乃聲
悠悠空濛復澹宕還乘夕陽遊

從郡伯州牧浴永春池

茶陵州高上桂 州人

長者忽何事僻巷車馬填招我西湖上修禊三月天誰爲
造化冶煮此碧玉泉丹黃晝夜爍噴薄浮雲煙瀟而爲方

沼滿室涵清漣氤氳內盤鬱春意何盎然萬劫思一洗相與弄潺湲

烏雛吟贈侯輯五處士

武定府同知 劉大紳 寧州

烏雛巢柏樹啞啞啼相向羽毛長未成慈鳥失所仰夕畏探巢兒朝愁執柯匠上看青冥天旁窺白雲嶂禽鳥雖細微日夜心惆悵巢中有巨雛中懷更悽愴受形同父母伯兮固無恙憔悴拾蟲蟻歎雛引饑吭一旦飛且高志欲鴻雁抗向使無巨雛幾不饜腸葬孝友完本心詎思厚報償性情各自有應作反哺養鵲鶴好追逐參商莫依傍參商

鄧川州志

卷十五

古今體詩

三

迺二星東甌不相望晨昏散光彩羞照柏樹上漢家春粟諠魏宮燃箕狀請聽烏雛吟末俗挽風尚

先大兄忌日感懷

松溪縣知縣 侯錫程 州人

田氏紫荆花爛熳開一簇老幹蟠蒼苔柔枝尙嫩綠本根庇蔭多雨露滋培沃令德惟吾兄蘊真至性篤甚念鞠子哀長我亦我育拮据完室家詩書資誦讀焚膏不囊螢再食不劃粥春掇泮水芹秋鳴萃野鹿綾餅賜南宮光輝騰白屋庶以慰友于旋思敦雅睦賤質負驚駘春盤甘苜蓿兄曰爾勿憂無能若粥粥方今用賢臣所重在民牧省事

以清心敦本先善俗月計常有餘無華全悃音書付雁

魚永訣悲骨肉淚灑昆明池旒飛玉屏麓遺命書諸紳守

株空粟六片檄下銓曹道難走巴蜀三載滯長安師友循

良勛承乏宰九和奔馳盡水陸姚江制邑居化久考亭浴

豈意風非古翼凌競鄉族不為導淵源反以濟貪酷治絲

而勞之益亂是誰促徒見雞犬空愈滋蜂蠹毒設官以為

民非飽奸蠹腹渴飲辭盜泉熱陰遠惡木古人重去就隱

忍恥苟祿誓將掛冠歸仍承戰艦督浩渺泛滄溟風波萬

丈觸一粟飄矰人命等鳧鷖惡險輒夢兄情親額頻顛

鄧川州志

卷十五

古今體詩

四

精靈依舊邱焉能到海曲猶若平生魂遠道時往復鴻雁序成行失羣不飲啄鵲鶴飛在原急難豈躑躅感此化離悲一氣永相屬白駒思皎皎風塵走僕僕灑脫彭澤歸混沌君平卜水國謀稻梁故園荒徑菊徒倚望彩雲枉效窮途哭

孝感泉

寧國縣知縣 艾濂 州人

空山長寂寂流水何涓涓先人廬墓側六載心愴然朝夕汲修綆焚香虔籲天精誠格蒼昊神龍噴寒泉飲來甘且冽潔爾供祀筵太守頻往顧孝感名因傳所恨予生晚庵

址繁荒煙山木今濯濯惟餘水清漣對水鑑形影慄慄臨
冰淵

瀾直河 丙子丁丑連年河濱 四會縣 張相侯 州人 饑饉相仍槍感有作 知縣

黃河天上來駛若飈建屋約之歸隄防千里勢一束安危
係國家捍衛仗司牧瀾直雖小渠星宿畧同局水受此碧
湖源發由罷谷南流滿陀硃龍門懸飛瀑東瀉六十里匯
入西洱瀆狂瀾誰手障鄧睽沙隄築延壬挹丙丁襟帶橫
畫幅順流直如矢曲或往而復夾岸列民居旱潦資洩蓄
以澆我井疆以生我百穀舟楫濟我行魚鼈果我腹利既

鄧川州志 卷十五 古今體詩 五

云無涯害即相倚伏苦雨暴漲至急溜飛箭簇沙石湧崩
巖淤泥怒洄湊危墮力不支震撼恣排蹴搶護集舂鋪邪
澗千夫逐天意果難回人力徒鹿鹿一決百丈強全川嗟
沉陸自古禍已然比年勢愈蹙丙子摧西隄今秋兩隄覆
禾稼付滄波村落陷水族家室誰瓦全餘殃及牲畜結茹
徙高隄棚棲而露宿四野遍災黎萬聲同一哭回憶春夏
交饑饉慘 目貧爲道途殍富亦田廬驚與塊食之甘時
食土塊者謂 皮捲食殆盡 况復修潰隄歲工 有
之觀首勉 安能餐草木自注草根樹 况復修潰隄歲工 有
催迫速籌鼓聲頻頻窮民心漉漉泣涕哀役隸且勿施鞭

朴役隸屢甘肥婦穉食無粥程暮敢有違實緣力不足舊
工前有終新工今有傲舊歲飢骨存新歲飢骨縮傷哉鴻
雁噉何時飽半菽咄哉寒酸儒念此腸如轂恨無糜子庫
散之成珠斛恨無魯公困施之作仁粟讀善憂蒼生掩卷
淚相續轉思致禍源河伯肆殘酷無端肆跳跟蛟蜃噬人
肉人肉亦云慘人心苦自枯未雨先綢繆良策留篇牘或
云開可開或云石可斲志果成城力足與河角上賴宰
官慈利弊應洞燭

象山水發 張相侯

鄧川州志 卷十五 古今體詩 六

雲弄古崔巍蒼峯闢靈境江山擅清雄延庚勢挹丙青翠
臨西湖一碧天迴影環挹萬家春城郭勢嚴整一夜豬龍
飛陷爲落缺嶺隔溪象山澗同時亦告警州邑既遷移改
邑復改井浸淫二百年丁零傷災肯疆畝付泥沙邨舍隨
萍梗花柳不成行蕭條煞風景近歲稍安瀾今秋復虐逞
疾雨傾天瓢黑雲倏飄霄高岡起龍龜平陸舞蛟蜃忽爾
奔如雷忽爾行如軫纔見徐如響旋驚疾如準涸澤深百
尺填之迹已泯巨石高十丈負之輕若引冲潰長虹隄淹
沒魚鱗眈地震瘡未完自注是春地震 壞廬舍無數 那又觀顛隕不盡

流滔滔無限心柄柄

瀾宜河工感懷四首

舉人 侯允欽 州人

噫嘻瀾河沙何日是盡期滾滾趁秋至滿目增迷離昔賢
議挑浚此策安可書法久弊乃生以此累叢滋修堤遍索
賄銷夫徒折肯官吏競魚肉下民空其咨坐令二十載河
身淤如坻經秋怒濤湧搶護誰能施繫余病且拙伏處恒
如雌側聞梓里害中心愴以悽藉手來秉畚願將積弊釐
一載試洗剔三載力及夷慷慨復上書指陳無諱詞遂邀
當路允在在飭遵之譬如醫切脉病急先標治調護又四

鄧川州志

卷十五

古今體詩

七

載余總理河工
備歷四載

甘苦祇自知

甘苦祇自知人亦鮮異詞僉曰憲典備後此聊相師誰歟
作好惡章程漸參差將謂水衡錢例應囊橐私鄧邑詎有
此民貧戶口希每年與大役編派無遺黎六萬六千眾河工
每年按糧編夫額派此數揮汗風雨馳夏日烈杲杲春雨寒淒淒經始
於夏首吁喘尚未定役隸環鞭笞况瘁三閱月肌脫形神
疲豈不愛筋力畏茲水瀾瀾所望慈父母痛癢知民依柰
何利藪視搜括窮銖錙我欲斬妖龍剗此山厓屨俗謂河
口峽中
之山妖龍伏焉每遇夏秋茲山詎能剗仍望父母慈
山水挾沙走石填塞河中

父母豈不慈有時亦難料上下情未通誠求有誰肯浩浩

瀾河工驅策及無告民力能幾何前賢軫念到章程十二
條法密而體要奈何仁人心徒貽智巧笑劉寵選錢愚元
載白著妙不悉民病深將為虛名好推挽陰排擠紛更助
鼓噪愧我無尺柄挽此狂瀾倒心急如火焚時時發悲悼
昨夜并鬼間木星光炳耀遂令狼煙消鯨尾不敢掉節鉞
臨點蒼民瘼澈四照痛哭試陳書龍關一長嘯

長嘯出龍關遂步榆城隅諸賢接踵至相與諮所圖高風

懷曲江龍門翹首趨所上河工稟實介
張漢堦先生以達鈴閣一紙上制府

鄧川州志

卷十五

古今體詩

八

稱曰都鄭重手批答字字明如珠上以儆有位下以懲吏
胥譬彼明鏡照無物能模糊乃知大賢心宰制有權輿兩
河屢節帥制府曾
任河帥况茲一勺渠鄧民實幸甚無復嗟為魚
洋洋瀾宜水煌煌盤螭書余遵制府所批將詳
定章程泐石道左水流既不
息石泐烏前渝焦勞已七載了此心區區願言昇後起毋
效治法虛

瀾宜河工置田

河工派糧夫修挖有欠則比夫價子
請以此項歸公存貯既定案再蒙林

制憲批飭遵行歲已酉沈小亭刺史莅鄧予復申
請焉明年比欠完竣遂將折繳之錢飭令首事買
置河工公田且垂為定例予既喜利賴
之長復慮經理之難其選也詩以見意

大工鳩民力丁壯歛其充大役贈公帑刀幣欲其豐請觀
九等賦度支歸司農兩河仍專庫壁畫勞羣工嗟此瀾直
役乃無蜀山銅萬木民脂竭萬石民膏空修隄需用木石無算萬畚
復萬甬馨鼓愁鬢髮憶子昔承乏常懷區區衷思以歲會
餘聚而歸諸公積之三十載可以蘇疲癯人情駭創舉嘗
議翻交攻得失論眉睫焉知楚人已比者嶽母至芻蕘勤
採從靡去阿堵物錫茲畝南東綿綿積千頃鬩鼻增萬鍾
持以襄大役偉哉回天功第恐經理乖營私各恩惠不見
社倉穀鼠蠹無終窮邑社倉廢壞大半患貧病滋深救貧弊叢

鄧川州志

卷十五

古今體詩

九

希文不可作誰與持厥終

玉泉以下七古

楊南金

昨夜山靈鑿山足涓涓石竅激寒玉殷勤吹火燒竹枝一
脉須臾温可掬白學裁衣美少年憑誰作伴到江曲飄然
兩腋清風生披襟閒坐芳草綠却怪世人尋不來滿身垢
穢互塵俗我將遍尋同志人何必童冠定五六

遊雲龍山石竇香泉

高桂枝

自問此身等懸疣孑然於世無所求一瓢尙覺苦多事誰
信人間有巢由偶來龍山窺石竇滴滴珠泉香暗浮崖荒

井泮終不食空此清潔埋山邱入山到此清且寂却有村
居抱雲欄黃童白叟笑相問疑是桃源春水流擾擾塵埃
胡爲者我欲與之結良儔雖無于頓買山力駕鶴一枝何
勞謀話久頓忘歸途晚牽衣執手相款留夜闌寒雞唱未
已朝暾忽射西山頭起視平川色半曙曉煙漠漠風颯颯

衛軍行

高桂枝

國初以來設衛軍幾家團練幾家屯屯軍但願年穀熟練
軍惟恐邊警聞年順穀成邊烽靖爲屯爲練咸欣欣有時
歲凶邊警擾軍儲不供野無草屯者通賦走四方悍吏追

鄧川州志

卷十五

古今體詩

十

呼無時了練者荷戈急赴敵兪娘哭送博南道屯苦守練
苦行衛兵不足調土兵輸芻挽粟及鄉民軍耶民耶都應
役千家只有十家存君不見思任狼子據麓川定西將軍
冒瘴煙餉夫戰士多少骨換得蠻塞木籠山功成凱捷尙
堪痛何況失律輿尸還吁嗟呼民人累公徭屯人累公租
惟有練軍差少累摧鋒陷陣將何如吁嗟呼軍耶民耶靡
甯居試看三春草木多扶疎紛紛雨露常霑濡

星回節

失名

滇中六月廿五日燒松火雲光霽霽脂流滿地香徹天萬

家鐘擊聲寒栗輟春罷市虔祭賽生啖牛羊口血溢云是
當時六詔強九十九部蠶食亡同姓六人齊稱王犬豕寔
保鴻雁行鄧睽詔主推豐咩浪穹施浪稱三浪中惟鄧睽
差仁柔夫人慈善禮法優奸雄巨測皮羅閣笙歌召會松
明樓脫簪牽裾不可留鐵釧約臂紅淚流阿奴火攻酒半
發炎烏蟹煨飛神邱殘蛾埃煤一簣掃金鋼融腕遺骸收
來琴瑟同心結謾許同衾誓同穴那連塚上血流霞娘子
軍旂光奪血死守何異巡遠堅忍饑甘共夷齊潔南詔羞
慚心尙存妃封甯北城德源至今生氣漂白日赤龍黯淡

鄧川州志

卷十五 古今體詩

七

瀾苴行

高上桂

瀾苴之水何決漭罷谷山下波浩蕩南流三江一峽束倒
注屹屹十千丈勢如瞿塘百派奔又如壺口萬斛吞二儀
風雨連日積噴崖撼壁湧龍門滾滾一瀉六十里赤虹蜿

蜺橫天紀大聲高浪欲蹴天萬夫防守皆披靡兩岸危如
一髮浮決東決西任湍流百谷漏濤洪河坼須臾桑田不
可求萍漂梗泛傷禾黍人其爲魚室爲渚哀鴻四顧嗚嗚
嗷驅之塞河嗟誰語負土擔埽齊趨工夜無棲止朝無養
健兒遁逃健婦走何處秋原泣疲癯有時江口忽壅漲狂
瀾倒迴轉北向方驚鄧川將成川又看浪人都逐浪揚波
掘沙爭爬梳川壅而潰將何如堆沙擁石竟抵海瀾澳洱
濱空欲獻從此可工不得息計畝分堤竭人力計畝年穀
熟傷農分堤河沙浩無極一畝一甬血染塵鳩鴿人人潛

鄧川州志

卷十五 古今體詩

七

登鐘山歌

高上桂

悲辛春月赴堤秋未罷更有催科吏捉人吁嗟歲歲長河
道斯民斯役幾時了不惜民有胼胝勞但願官爲區畫好
君不見兩川繡錯良田多通溝引滄泉盈科果有治人行
治法瀾苴之江澤滂沱我聞關中鄭白穿渭河決渠似雨
傳詩歌以佚使民民不怨安得斯人功績垂山阿

覆鐘之山如鐘懸穹窿卓絕難攀緣我因探勝躋其巔振
衣千仞疑登仙上有豐碑薜蘿纏下有綠玉蘂深淵剔蘚
字字讀殘鏤呼吸想應通帝前側身俯視高鳥翮倒影人

在鏡中天勢欲凌空奮翹翩安得拍手洪巖肩共採紫芝
佩蘭荈半窗雲木隱數椽中歇縑流日談禪卓錫何人湧
涓涓落翠飛花瀉清漣回首靈應北山妍西鄉鳳羽繞編
禊伏虎臥龍南向眠三距雞足翹東偏諸峯羅列左右旋
齊來眼底獻麗娟溟滓一氣送坤乾但見百里長江穿直
到洱水同澄鮮極目山河意渺綿追思鄧睽稱雄年大釐
矢守嗟迺適會來此間圖苟全糾合三浪操戈鋌徒冒白
刃張空卷窮蹙終走野共川憑弔往蹟有誰憐空餘覆鐘
倚大圓大叩小叩何寂然周景魏獻祇虛傳忽發罡風掃
鄧川州志

卷十五 古今體詩

三

雲煙嵐竅怒號響幽泉噴眩鎗鞞粉喧闐使我聽之舞蹻
躡放聲長嘯白雲邊

謁慈善夫人祠

艾濂

山坳古廟千尺柏拔地參天傲霜雪歲寒然後知後彫其
爲木也堅多節君不見鄧睽詔妻寓北如蕙質蘭心秀且
潔皮羅閣焚松明樓四詔一時共殄絕獨有慈善識夫骸
鐵釧未經火銷滅鸞鳳豈逐鴛鴦羣曠日爲盟心慘烈閉
城固守莫可支甘從井底泉下別南詔悔而旌其城德源
至今人稱說年年歲歲荒城頭春夜啼盡子規血

西湖秋望

署學牛壽麗江

湧金門外蕩輕舟西子湖頭我舊遊水光山色浮空翠花
港柳堤入晚秋晚秋風雨孤山客回首煙波廿載隔剩水
殘山復關情昆池蒼洱吟成癖鄧睽城西有鏡湖羅時江
上長蘆蕪雙潭碧影明瑤圃一抹煙光入畫圖畫圖彷彿
斷橋雪瑤圃依稀苧蘿月名亞錢塘詎敢矍貌比若耶非
唐突我來芳草碧萋萋麥浪風和燕影低歲晚蓼花秋撼
撼柳絲煙悴鴉暮啼春光易老秋光薄雨葉纒黃風葉落
夕陽半在湖心亭野水虛涵雲外郭夕陽野水共涓涓遠
鄧川州志

卷十五 古今體詩

四

浦孤帆歸渺然牧子攜竿擱鴨過老漁買酒趁煙還欲尋
詩客停橈路不見高人濯纓處獨立明湖一片清伊人疑
在蒹葭渡

鳳場澗水發

道光庚午年

張相侯

黑雲堆墨電生芒風馳雨驟雷碾碾蛟龍怒向山巔吼洪
水奔流出鳳場濤聲高處人聲哭泥沙漫野石撞屋翁孃
覓子妻呼夫老禱顛蹶填溝瀆隄防保障知何在市坊村
落須臾改天公欲泣鬼神愁坐使桑田作滄海此澗源來
鳳羽鄉寒溪汨汨帝臺漿古時陵谷高深奠鄭白渠成漑

井疆聞說乙丑初遷變綠野青疇赤龍戰確春金釵付遊
波鋤搗鶯嘴憐荒甸憶騎竹馬時看花猶存零落幾人家
而今一夜馮夷舞祇有垂楊啼暮鴉蚩氓逐逐無休息膏
腴已盡披榛棘片石居奇肆叫囂滴泉爭決相啾唧吳穹
卑聽耳應聲激揚肥漢爲雌雄春涸秋盈恣割蕩狂瀾白
起人心中憑弔蒼茫發浩歌誰能砥柱障頽波山川底定
民淳厚比戶鳴弦釀太和

山移道光辛巳年

張相侯

天河雲漢橫庚庚皎月東出當空明萬籟不鳴四山靜鷺
鄧川州志 卷十五 古今體詩 五

地崩雷聞一聲倉皇起立凝神思此事蒼茫安測之晴霄
那得震虢虢又非動盪搖坤維舉頭遙望青冥上颺颺商
風徵蕩漾擡首問佛佛無語孺子山僧共惆悵靜對銀缸
情脈脈推詳展轉求不得凌晨起看寺門秋驚絕雲龍山
一色此地深谷原無山胡爲窈窕堆新鬢臥牛直向虎頭
出玉屏金鳳鎖雄關奇聞崇朝傳說遍登臨點點兢兢戰
百畝水田成岡陵桃源雞犬隨仙眷吁嗟乎巨靈擘山山
裂赤愚公移山山失碧諾皋飛山鐵鑲鏤五丁開山化爲
石危言叢說等荒唐眼前何意來騰擲山崩川竭豈禎祥

天荒地老遺陳迹鄧睽城郭古雄州繡壤提封萬戶侯猪
龍肆虐摧岩谷白注有猪龍江南風景付沙邱白注舊州山未
破裂時昔人謂
之小氣脈循環天上監特爲高嶺補缺陷白注上爲雉堞
落缺嶺
何年鬱差峩白注說者謂此州基復舊之兆山作畫屏湖作鑑所望人參
造化工連岡嘉木培葱龍金湯安鞏山河壯莫使洪流重
向東風波起伏總雲煙鎮住靈臺肯變遷萬古青山無恙
在當頭蟾魄一輪圓

烈女行饒子英妻楊氏顧南雅學憲以之命題

張相侯

菴菴拔去心不死精衛填來恨不止天地正氣有所鍾烈
鄧川州志 卷十五 古今體詩 六

哉閨閭一女子妾身許郎年十七未賦標梅歌迨吉聞郎
採芹竊歡忻聞郎物故驚戰栗血淚欲垂偷自垂堅操不
移誰更移綠玉池邊草離離生不相見死相隨投繯一擲
命如絲精鋼百鍊光何奇吁嗟乎世風靡靡人盡夫朝諧
玉鏡暮明珠宇宙綱常等虛誣偷生反笑死者愚不然憤
激復窮蹙勃僂反目經溝瀆捐軀匹婦比鴻毛誰憐天陰
鬼啾哭我聞或截其髮或毀耳或爲割鼻爲斷指冰霜節
義古如此烈女目未覩書史立志從夫靡他矢清潔之操
何所似澗瀟瀟直一江水

借趙子毅明府泛舟西湖

敘永廳直隸同知楊柄錕州人

東坡豔稱西子湖淡妝濃抹天下無我昔遊時雨晦昧湖光對面雲模糊恨不十日飽游泳六橋回首空歎歎千古詩人湖山主清風至今仰白蘇吾鄉瀟瀟本澤國曠朗不亞越與吳三川奔湊湖南暨兩湖激澗東西鋪亂頭粗服鮮雕飾不掩綽約天恣殊我生塵勞被形役咫尺縹若天一隅眼前佳境竟相失未免泛泛輸鷗鳥子毅吾因老詩手夢寐日與煙波俱心傷大雅久不作嘲風呀月追樵漁去年東湖頻打槳西湖未到形神臞江邨下馬上漁艇薰

鄧川州志

卷十五

古今體詩

七

風習習翻菰蒲擎芳拾翠足娛樂一措瓊鏡呈眉鬢鐘山象山齊倒影綠螺在水涵清虛別港回潭互蔭蔚垂楊臥柳交扶疎水鳥驚人破煙去扣舷歌罷西日晡少焉涼月上東斗澆澆吐出波心珠如此曠快難再得掬月水面爭歡呼蠅營蝸戰皆泡影置馬換裘真達夫人生恍如駒過隙偏促不飲胡為乎安得營邱一落墨為我寫作西湖煙波游釣圖

勞瀾荳河工諸首事用郭生子銘所呈元韻

署州恒文滿州牧

既荷墨綬敢言功官民從來一體同自古循吏皆如此况

我世受 恩優隆卅載兩宦牧南瀛瀾荳水患驚早傳親

歷河干惟播首俯視田廬仰視天不揣欲急甦民苦心無

成竹胸無主五夜歸來不成眠大石粗沙胸前堵奮然自

責何所惕何妨肩任拯民溺是非之口焉足論無端誹謗

久經歷曾到河陽洩洪波籌濟宜良文公河銀生東河七

十里河身高聳沙積多勞民未必無怨謗而今利益咸洽

和春來正好勤河務于役雲龍不暇顧竭力修築尙堪虞

失時秋汎何術護造物弄人良可嗟舍己芸人或亦數幸

鄧川州志

卷十五

古今體詩

六

獲鄉望勇從公吾友丹坪相和衷廣收羣策驅羣力剔除積弊利靡窮同心協力洽於春風塵勞碌九十辰書生竟為百夫長鉅細事無不躬親待我歸來相執手殷勤慰問意淳真自笑徒勞三閱月愧見賢良眾士民

河工紀舊步恒州牧元韻

貢生侯錫瑛州人

驢嘶滑卒爭趨功閭蛾魏兔卷地同老吏紛紛下馬至耽耽虎視軀豐隆挖河陋例聞於滇段各有官遞相傳說是吾邑幸依庇翻受酷暑如炎天戶頭堤長暗叫苦弱者出奴強入主科十科百何處來請看蕭然僅環堵村翁里姬

更棟惕怕受魚肉似受溺閔傳羣隸下鄉來張牙露爪遍
搜厯括犴羣狼隱與波齒齒待汁睨長河妖相與徵鬼相
聚暗中捉摸心計多啖肉先生笑相視分甘孽肥顏舒和
那管疏濬是何務那管修築不一顧汲汲較量惟唾餘汰
老汰弱借迴護歸臥探囊視盈虛眼花片片眩無數敲酸
剔窮說因公且說嚼蠟同此衷臬心慣怕世指摘頻張箕
舌利靡窮聚而攫噬趁此春拈髓舐指娛斯辰腥羶陡觸
河伯怒倒翻巨浪聯鯨親夜半駭視人滿岸呼號搶救聽
同真爲祝河伯莫相驚噫甚矣憊吾鄧民

鄧州志

卷十五

古今體詩

九

讀姜公龍傳

侯允欽

姜公明代骨鯁臣武宗之朝諫南巡午門重杖竟不死
閩一官循良稱天子褒嘉擢風憲繡衣直指苴蘭津金齒
四郊多盜藪鷓張虎負誰敢攫驄馬纔臨鼠狐伏丐定仰
藥猛國黔蜀境鹽酋更跳盪公俱戰勝不以兵是時吾鄉
有四患荏蒲嘯聚豪右橫神姦雜糅愚耳目原淹隔陷豬
龍奔吁嗟郭林去今遠巡按郭公紳林公俊均有功德於鄧者民生吏治誰
澄清一朝溫泉開玉帳逃掃積弊如風霆公之偉績懋三
迤視此真若小鮮烹鬼蜮侏儻俗全洗農桑禮樂風返淳

卽今陽侯不爲厲千尋保障猶重城玉泉鄉一帶捍
臥轍留不住祠以三正展椒馨我讀前賢彌患記楊兩依
姜公彌患記載十三卷嚮往欲訪婁江濱公太倉婁江遙遙遠難到
三正之祠今復傾俯仰低徊讀公傳公兮青史兩代千秋
名公文昂列循吏傳公繼其後

贈孫丹坪丹坪名世編淮安人卽桓菊坡刺史詩中所稱吾友者道光乙巳春予總瀾苴河工與除比於創始恒公方公出惟丹坪實與左右斯役云侯允欽

丹坪意氣風雲翔拔劍同我破天荒恒沙掘盡劫灰出饑
蛟殘蠱枯且僵人生固無轉海力也須手挽狂瀾狂趨圓

鄧州志

卷十五

古今體詩

三

避方隨波靡江河日高吁可傷交君九十日醉我千百觴
跨海斬鯨無難色頭方骨俠心何香世之逐臭趨羶奚爲
者長河一洗天蒼涼他日倘有雙鯉寄瀾水浩浩淮湯湯
宿白雙溪民樓以下五律姜龍

廢邑無人過荒途祇暫修岩隈三月暑泉竇四時秋政溥
民虛頌時清盜自休停驂興不淺侵夜倚煙樓

過蒲陀陸

明右姜忻豫章參政

蒼洱西頭路秋來幾往還一村三渡水十里九重山僧寺
多依嶺人家半雜蠻廿年成底事巖險苦難攀

甫後聞防河

高桂枝

淫霖將匝月積水欲浮菴僻巷猶如此長河那復堪隄防
喧晝夜金鼓震西南此際恤民隱誰爲分苦甘

春日遊大市坪溫泉

高桂枝

爲尋佳麗景來問玉泉津點志當春暮湯盤在日新洗心
盟白水挿脚遠紅塵寄語臨流客乘時好潔身

羅時江感懷二首

高上桂

治水人何在江名尙可求平湖穿嶺出曲峽帶雲流碧見
煙村晚黃知黍稌秋鑿耕安樂土遺澤滿汀洲

鄧川州志

卷十五

古今體詩

三

汨汨兩湖水導江緬二羅弟兄眞伯仲今古壯山河淨練
澄秋日晴虹落碧波報功誰俎豆惆悵此經過

朱巡憲開馬鞍山河形二首

高上桂

御史停驂處平岡古道斜鑿山翻地軸導水轉天車石澗
羣流擁桃園幾樹遮自注山多種桃事功雖未就遺愛自無涯

隴頭雲峽斷九仞欲通泉遠澗奔虹急長隄繞鏡圓抉渠

還是雨爲下好因川一簣當知繼前功莫棄捐自注築臥虹堤在北

重修天衢橋

高上桂

頗病茲橋隘重新又若何月牙懸碧落鰲背突金波水納

三江澗舟吞萬斛多天衢真有路立馬看星河

東湖子河功成漫興

高上桂

狂瀾迴既倒獨力我能四載勞當路三過幸得朋河聲
沙怒走江影練初澄更曷同心侶功須次第增

修瀾河石堤

恩貢 張復元 州人

江水浪橫撞奔湍勢未降中流思砥柱眾志敵驚瀧雁陣
依中澤自注是歲大鱗虹光亘石砬一勞期永逸聲靜鼓逢逢

瀾直河分段

張復元

勢分難致力合作易爲功治水無長策隨時有變通波濤

鄧川州志

卷十五

古今體詩

三

三月靜春鍾萬夫同試上龍門望滔滔日向東

修象山澗隄

張復元

平地湧江河傾摧柰若何猶龍憑跳蕩牛象失嗟峨時臥牛山象山同崩力挽狂瀾倒功成片石多沿隄新植柳村外綠橫拖

萬塚臥骷髏三更湧急流松楸新鬼哭禾黍故園愁積石

俄成埤量沙更唱籌爲高從此始莫漫負陵邱

西湖漁村

張相侯

圖畫出天然人家水鏡圓綠垂沿岸柳青颺幾村煙山翠

涵前浦漁歌出晚船桃源何處是卽此是神仙

南樓煙景

高踞萬松頭煙光渺一樓洱波三島靜蒼雪四時秋村樹
憑欄見樵風入坐留無濃淡際前渡蕩輕舟

閣涵水月

匹閣湧銀濤登臨氣象豪海山雙眼濶水月一輪高魚艇
隨飛兔虹橋駕巨鼇樓臺俱倒影人坐鑑秋毫

池貯春泉

今廢

亭榭古溫泉頰來意惘然石堆春樹地水咽夕陽天幾閱

鄧川州志

卷十五

古今體詩

三

滄桑感何時翠竹連尚留茅屋處餘滴瀉年年

靈源星鯉

潭鯉躍喧厓源從天上來星光輝滿額靈氣接三台丙穴
應同美龍門到幾回泳遊原自得不必借風雷

蒲峽龍門

雙峽聳嶒峻龍門最上乘江流奔浩蕩雷吼氣飛騰地界
平分處神功萬里曾此間同積石疏鑿紫霞蒸

沙隄柳色

楊柳兩行齊長隄接短隄燕斜流水面鴉亂夕陽西湖氣

添煙重山光接岸低關心資保障莫漫聽鶯啼

石洞仙宮

三十六洞天傳聞事渺然何時開石竇曾此住神仙乳色
凝青玉棋聲落紫煙苔龕諸佛定妙悟緬前賢

登觀音寺南樓觀楹聯有懷月峯先生

楊柄鏗

暫脫塵囂外來登最上樓鶯花三月暮蒼洱一窗收此目
快能豁古人安可求月峯標勝賞使我心悠悠

南樓晚眺

登樓卷珠箔空翠接眉端落日淡前浦春風生暮寒煙墟

鄧川州志

卷十五

古今體詩

五

簷際合帆影座中看自有元龍氣高吟洽古歡

還寺

幽徑落花飛春風送我歸嵐光新過雨松翠冷侵衣樵唱
下雲谷山禽迎竹屏前峯一回首猶帶夕陽暉

閒步

興來隨所往一步一低昂忽見石雲起時聞幽鳥吭夾溪
松韻寂繞徑竹風涼安得阮公展臨流共漱芳

星回節

以下七律

元人 文璋甫

雲披紅日恰銜山列炬參差競往還萬朵蓮花開海市

天星斗下人間只疑燈火燒元夕誰料鄉儻到兩關此日
吾皇調玉燭更於何處覓神姦

過鄧川州

明布王 綸 濱州 政

洱水西來僅一州風光冷落客淹留鶯花未老剛三月霜
雪迢迢含訝九秋南詔尙遵諸葛令東山不負謝安遊君親
萬里關心切悵望青霄獨倚樓

鄧川驛

明程隱菴

平岡走馬神摩洞荒驛聞雞鄧睽川丹壑洩雲朝映日玉
泉伏火夜生煙一年殘歷愁來檢萬里新詩老夫編山水
鄧川州志 卷十五 古今體詩 三

過鄧川驛

一年兩度此經過景物分明變態多斷續人家分渚岸參
差雲樹蔭山河深深農事耕春雨汎汎漁舟棹晚波滿目
風光吟不盡馬頭又聽牧童歌

題樊沙坪園居

明給事中楊士雲 太和

半點塵埃不受侵一川風月更多情新詩舊草三千首濁
酒清談數百觥雪裏梅花今夜夢沙邊鷗鳥昔年盟出門
一笑無人會萬頃滄浪自濯纓

白雲寺

明御史李元陽 太和

寺閣凭臨碧海頭邊城落木下長洲五更鼓角停鐘梵萬
點漁燈起戍樓老我尙能騎塞馬野翁亦自狎沙鷗嘉魚
穴在迴瀾處煮酒何妨更泛舟

慈濟寺

明都察院觀政楊傑 涪州人

踏破松陰一鏡臺東風吹動竹籬開當時說法僧何往舊
歲題詩客又來水底有天涵日月山中無地著塵埃遲明
準擬仍經過屬付山童掃石苔

訪兩依山莊

明提學朱應登 寶應

鄧川州志 卷十五 古今體詩 美

卜居臨水更依山坐對孤雲意自閒通籍久勞驄馬使乞
歸初輟紫宸班詩箋藥笥同樗散樵子漁夫任往還聞道
草元今幾許柴門深鎖翠微間

登德源城有感

楊南金

梯山徐步上孤城極目憑高感慨生鐵釧不隨松火化冰
心自矢柏舟貞井痕隱隱迷荒草山勢依依拱舊營蒙詔
灰飛千載後汗青猶記德源名

送兩依楊少參南還

明副使 賢 長壽

常隨玉署倚青霄又報陽關別緒繚閱世儘酣莊子夢憂

時嘗瘦沈郎腰已看白日成傾蓋未許青年學棄瓢歸到
故山成暫造點蒼深處萬花嬌

遊龍王廟

明訓楊寶懷遠

曉出東郊作勝遊玉簫金管木蘭舟滿湖菱荇風前馥一
帶松杉雨後幽山勢遠從天外落泉聲長向洞中流神龍
莫但靈源住尚沛甘霖到九州

梅花村

明戶部楊九齡州人
觀政

村裏居民十數家村邊多半種梅花香浮院落風吹動影
到門庭月半斜詞客每穿幽徑入野人遍築短牆遮憑誰

鄧川州志

卷十五 古今體詩

三

更與栽松竹太古渾忘老歲華

陪楊宏山楊琢菴秋日泛舟

樊相

偶隨杖履泛仙舟天蘸湖光碧不流白酒須拚今日醉黃
花又是一年秋子瞻赤壁誰爲伴元禮龍門得與遊擊楫

浩歌天地濶滿懷風月任夷猶

觀風閣

明沅州艾自修州人
知州

策馬尋幽佛地來登臨緩步踏蒼苔山紫古木連雲起花
雜青溪帶笑開座上踟躕空色相閣前蹊徑絕塵埃披襟
共倚欄杆側滿院天風掃石苔

蒲陀陀

明進李可棟劍川
士

一劈巖峯兩峙當分明切劃鬼工良門高百尺龍翔迴路
轉千彎雁度忙細束銀河飛雪色長拖碧海倒天光何年
禹蹟開荒峽黑水梁州洱派長

諸葛寨懷古

高桂枝

荒陬自昔來諸葛遺寨於今仰大名鐵馬金戈空壁影石
潭銀洞老龍聲佑那錫姓安邊寇呂凱封官省戍兵一自
攻心心已服天威無事再南征

荷沼香風

明僉何俊柳州
事

鄧川州志

卷十五 古今體詩

天

水滿湖心花滿池遊人六月泛舟時花開似錦泥難染露
走如珠葉不支紅映醜顏添醉興碧通清酒助詩思披襟
露髮涼如水祇恐東山月上遲

龍潭星鯉

明舉李甲魁州人

池邊半畝古龍湫金鯉洋洋得自由點額有星常燦爛揚
鬚無日不沉浮騰霄未遂風雲起縱壑時翻雪浪遊寄語
任公休把釣從來神物不吞鉤

煙渚漁歌

明僉張雲鵬太和
事

湖上漁人棹小舟與來鼓柁發清謳數聲欸乃衝煙出一

曲悠然遠水流日晚自爲風月伴晝閑常共鷺鷥遊濁清
醒醉何曾管了却靈均澤畔愁

北村梅花

明舉 楊九思 州人

參差茅屋繞橫陂處處孤芳伴竹籬香暗齊飛和靖鶴枝
高猶識子山詩羅浮夢斷冰姿冷羌笛聲回玉照遲寄語
高吟驢背客逢春相賞莫相疑

東郊神驥

明戶部 楊九齡 州人
觀政

天駟何年此降胎東郊人說產龍媒渥洼曾出千金種大
宛原生八尺材幾度騰驤翻海浪尋常跳躍動風雷雄姿

鄧川州志

卷十五 古今體詩

无

一自凌空去那復人間地上回

岩宮佛像

明知 汪 標

碧巘玲瓏印畫龕天然幽曠結雲菴百年老樹惟藤掛九
折層臺縱步探古洞無僧閑歲月懸岩有像鎖煙嵐老彌
一去留陳迹法要何人此處參

送別張刺史

舉人 王 珣 州人

邊城借寇十餘年桃李披風色倍妍夜靜孤村無犬吠日
晴喬木忽驚遷攜琴往鼓南昌月結綬仍拖北直煙縱欲
臥轅留不住棠陰深處淚潸然

西湖泛舟

杜 莪

雨散西湖秋色晴渡頭借問葉舟輕長天雲影開圖畫隔
岸漁歌作管笙杯落不驚沙雁宿蓬移却見野鷗迎月娥
更助遊人興水弄金波一片明

和雞鳴寺壁間韻

諸生 楊師億 州人

乘閑招伴一來遊偃僂崎嶇到上頭岩際瀑花飛又落樹
間啼鳥關還幽溪流迤邐泉通竈竈路入峻嶒石作樓縱是
熱中名利客也應到此學巢由

調兩依楊御史遺像

高上桂

鄧川州志

卷十五 古今體詩

手

御史芳踪何處尋永春池上木陰森烏臺早奪貂璫氣豸
繡猶留鐵石心攻玉荆山思痛哭濯纓楚澤好行吟冥鴻
一日飛千里高節消風說到今

弔艾雲蒼先生墓

高上桂

少年學聖擬周程雲緝金臺痛九京聞道一朝胡竟死稱
名沒世却如生展禽荒蕪誰相護叔度餘波久更清此日
過墟空太息殘編細讀不勝情

紀張太守督開東川子河築青石澗長隄二首

高上桂

新河疏鑿古河東繞屋依山一線通
兩水高低連玉帶雙橋大小疊銀虹
南流海出青天外北派江行綠野中
太守勤勞知不有冥冥何處可歸功

迢迢石澗水源清漠漠村煙繡壤平
幸不為魚安樂土免教飛雁起哀聲
江穿玉岸思羅鳳海洩龍關憶赤城
捍忠祇愁功未了此心何暇計聲名

自注公在工時忽以他事被劾

紀王史開東川子河築青石澗長隄二首

高上桂

借寇邊城撫字勤東郊水暖木欣欣
百年河患桑為海一

鄧川州志

卷十五

古今體詩

三

日渠開甫似雲鄭國昔傳溝洫志
梁州今紀澮川文堯衢禹甸安耕鑿
到處輿人誦使君

將為保障力防河天洞山前日日過
號令軍前成壁壘歡聲鼓動起陂陀
霽虹渴飲雲溪臥曉鏡新開石澗磨
百丈隄元功不朽千秋遺澤滿山阿

德源城懷古

艾濂

艾濂

德源勝蹟自唐留馮眺難禁滿目愁
細雨寒煙迷古堞夕陽衰草鎖荒邱
思尋鐵釧人何在為弔冰魂水國流
歲歲星回沿令節參差火炬遍城頭

新晴渡湖登鐘靈寺

生侯子 州人

雨滌塵空意境閒催舟度岸訪禪關
泉痕石竅添濃淡水練峯螺互往還
日月岩從雲磴聳梧桐院在竹溪彎
入門老衲笑相逐幾日幽人不踏山

德源城懷古

舉人 胡紹瑗 州人

松樓往事莫沾巾雉堞摧殘俎豆新
六月烽煙全是夢西湖秋水定為神
覆巢解識無完卵探穴誰能巧脫身
鄧睽云亡慈善在此城端合號夫人

眞靜菴懷古

舉人 孫煥章 州人

鄧川州志

卷十五

古今體詩

三

石窟何年鑿斧開先生隱此脫塵埃
荒亭有壁留丹字古榻無人掃綠苔
覽勝每攜朋輩至傾懷不見主翁來
愁聽碧澗寒溪水日夜滔滔去未回

懷楊兩依先生

張相侯

鄧睽衣冠第一人東華夢裏乞閒身
凌霄羽翼神仙氣抗節貂璫社稷臣
志乘成書為信史河防遺策亦憂民
古今徒仰清高節誰識先生自有眞

懷張天翼先生

氣貌奸雄孰匹傳謫居甯遠又和州
明廷折獄一腔血宦

海飄蓬兩鬢秋仗義徵兵犁鼠穴論功遷秩擁貂裘全才
未展猶遺恨瀘澈滔滔水自流

懷艾雪蒼先生

張相侯

阜北北面擁書城八十幡皤理愈精天為斯文留後死家
傳絕業屬先生甘泉湧地徵純孝楚澤遺碑播政聲有用
文章眞實學世儒多少愧虛名

林制軍發兵剿捕猓賊並飭州牧將山居猓眾移至

平地村寨安插嚴加約束敬紀二首 侯允欽

鬻虎鳴鳴滿澗阿眼看橫暴竟如何息袍苦憶張京兆捕

鄧川州志

卷十五

古今體詩

三

穴旋驚曳落河千里腥膻憑洗滌迤西匪徒滋百年蚤虱

失么麼猓賊盤踞山而今谷很山狂處好任樵夫踏踏歌

善後機宜達 紫宸此事制軍會總期舊染與維新頑

民已作溝中瘠大府猶施宇下仁廣寄一屜柔獷悍或經

再世返淳眞隨時約束殷勤囑萌蘖潛滋慎勿頻

西湖卽景四首

楊柄銜

與客扁舟趁鸞鷺薰風緩緩送晴波水圍漁屋低如艇雨

沐鐘峯淨似螺兩岸煙村圓北苑滿湖明月憶東坡搖搖

亂拂菰蒲去一曲滄浪入棹歌

翠苻織織碧莢齊綠楊隄北畫橋西湖平倒映蒼雲活樹
遠重遮玉案低曲港風香搖菡萏中流人影亂玻璃荷花
池畔頻分漿白鷺雙飛下稻畦

迴塘十里淨無痕遠近山光互吐吞蕩蕩移舟仍別浦盈
盈隔水又前村微風翠葦自成響落日碧波長在門縱不
漁樵偏傲世何妨清隱足雞豚

一枕清虛湖上亭起看明月雨冥冥浮沉自覺鷗盟好縹
緲難尋鶴夢醒遠水夜涵千頃白濃雲朝失半山青飄然
鼓棹出煙際回首蒼茫隔蓼汀

鄧川州志

卷十五

古今體詩

三

子穀過訪觀音寺以詩索和

楊柄銜

豪情跌宕未能灰特爲湖山闢草萊乍接仙鳧飛鳥到頻

支筇竹撥雲開袖中應帶丹霞出關外咸瞻紫氣來莫遽

匆匆尋蠟屐銀蒼玉洱共浮杯

登青瑣天洞樓懷古

楊柄銜

天衢拾級望中明天洞樓高快午晴三面湖山盤閣迥一
川芳草罩煙輕荒苔半蝕唐梅骨古渡猶傳漢將營正欲
餞春兼餞客黃鸝隔樹自聲聲

偕子穀游江尾鎖水閣友人置酒其上

楊柄鏗

橫江一閣鎖深煙與客登臨思渺然流水畫橋雙岸曲山
光海氣百重連風希懷葛敦龐俗戶半漁樵入輞川對酌
唼觴興無盡清風難得故人賢

偕子穀觀音寺南樓遠眺卽步其韻 楊柄鏗

樓駐山光酒駐瓶無邊空翠掃煙冥洲迴春浪搖虛白海
共天容送遠青蒼洱爲君添境界琴樽偕我話滄溟豪吟
直欲招猿鶴窗外昂頭俗眼醒

子穀蒼洱游歸再到觀音寺相訪 楊柄鏗

鄧川州志

卷十五

古今體詩

三

報到幽人海上歸空山剝啄叩松扉拓開詩界頻搖筆蒼
得晴霞尙滿衣出岫無心雲自在投林有鳥鶴同飛奚鬢
佳句隨時檢回首蒼峯鎖翠微

重至鎖水閣偕子穀留宿閣上二首 楊柄鏗

瀾江新漲綠平隄畫裏移舟望欲迷兩岸枯槁翻水調萬
條楊柳撲煙溪桃源有路今重訪水閣迎人且共躋落日
登臨無限好西山蒼翠壓蒼齊

滿閣薰風氣近秋夜涼高詠擬添裘海光涵白常浮樹漁
火零星欲上樓詩酒多情觴皓月煙波有夢入虛舟江村

那得閒如此乘興還思秉燭游

宿鄧川驛 以下五絕

明副彭綱 清江

風起落葉聲山犬吠不已披衣夜出戶明月照溪水

挑河吟

高桂枝

挑河復挑河沙磧淚痕多秋登未可望筋骨已消磨

春過舊州有感二首

明諸杜莪 州人

閒問玉屏涯蕭條剩幾家杏村明月影空自照荒沙

象嶺猶翠微花村大半稀翩翩春社燕不得舊巢歸

過青索鼻 以下七絕

明副姜龍 太倉

鄧川州志

卷十五

古今體詩

三

梵宇岩堯冠隴頭清溪曲屈繞村流菜畦豆壠青如許三
月田家麥已秋

煙渚漁歌

明土阿子賢 州人

煙渚遙連水竹居醉時高臥醒時漁平生不作塵勞夢一
曲滄浪樂有餘

收春臺

楊南金

春意滿腔本故吾眼前春色又平鋪收春臺上閒來往收
得春回入酒觚

象鼻嶺

明侍李元陽 太和

象鼻山頭下峽風鶴林還在翠雲東看花不覺行來遠回首千山杳靄中

梅花村

明知周 機州人

路入前村一徑斜村人繞屋種梅花歲寒百卉凋零後風送清香到幾家

星回節弔慈善夫人二首

楊履寬 太和

鐵劍深宵約臂寒留君無計淚空彈妾心更有堅於鐵烈火難消一寸丹

苦無雄劍擲離頭忍逐鴛鴦戲綵舟洱水西來瀾水接妾

鄧川州志

卷十五 古今體詩

三

心終是不東流

咏鐘山玉水

布衣 侯錫瑞 州人

覆鐘聳立象端嚴綠玉清流一碧添識得智仁真體用愛山愛水不能廉

論曰觀一邑作述而一邑政治風化利弊疾苦如寓目焉古人改綴藝文於志未有以哉記序碑表文論傳說攷辨雜著以及詩賦各體不能備顧亦懼凌躐而雜畧類次之河工之文登錄近冗然鄧邑大要無逾於此賦秩並列之譏所不惜焉

鄧川州志卷之十六

署牧烏程鈕方圖廣雲定 州人 楊柄銓春樵輯 侯允歡雲坡纂

盜防志

安民之首先除暴也務在盡絕根株庶不虞其滋蔓鄧邑僻處滇西產獐夷一種長養深山搶攘成習是以官斯土者緝捕較他邑為尤勞茲幸縛渠殲魁穴掃而庭犁之舉數十年患害一旦廓清鄧人自此安枕矣雖然萌蘖之生當防其漸爰稽官牘所載採其要者登之蓋鄧邑河工而外莫重於此

鄧川州志

卷十六 剿捕事畧

剿捕事畧

古有暴蠶曰盧鹿後裔訛為獐獍占據邑之東山盤衍數寨名曰蒞地坪草海子瓦厥胭脂果大龍潭趕羊澗皆崎嶇險阻山巒巉惡生其間者性獷悍多力面黧黑睛黃曳芒鞋躡險如平地不務職業專以劫搶為生涯婦人能執兵孺子習於超距飛石彈丸洞中毫末兼以地勢負隅居民畏其滋擾歲斂豆穀與之令其割地看守名曰看窩以盜禦盜因地制宜也顧攘竊性生久之仍四出為患失主具報到官捕役以賊巢為利藪始焉

鄧川州志

卷十六 剿捕事畧

二

魚肉之繼且為之耳目案懸不結拖累日深於是被盜之家噤不復言或有上控飭拏之案役不敢捕轉勾賊首之狡黠者令其出而調停之官以為能實諸左右於是聲息愈密氣燄益張揚盾入街致令懸賞購募之囚居然酣飲人叢莫敢詰問恣縱之極攫金白晝如蟻如蜂商旅痛切剝膚窮簷臥不息喘拒兵練傷事主迄於道光二十三年間強橫極矣二十六年五月賀制軍駐節大理檄署州牧胡公嚴加偵緝胡公督練往捕賊已先期遠颺僅獲正犯一人老弱二三人耳爰火其屋蕩其巢驅其牛馬數百而歸賊如墮房之蜂歸無所依益攢刺螫人馴至糾夥持械斃捕棄尸兇暴熾著焉二十八年三月林制軍因迤西匪徒搶劫滋擾趁剿辦哨匪之便飭文武員弁督兵嚴拿遂於四月十五侵曉圍捕蒞地坪草海子等寨維時首先領兵登山者有督標都司巴公提標守備陳公唐公駐劄附近協力嚴偵者有鶴麗鎮標都司楊公大理城守營守備陳公姜營汛防文公龍陵協標把總李公事屬切已購線懸賞勒限躡緝者有署州湯公吏目胡公汎防李公驅策於上札

飭四鄰堵緝督率印捕員弁兜拏文有巡憲王公府憲
唐公武有提憲榮公鎮憲音公而迺爲總統務令案犯
全獲淨絕根株則悉稟承於督憲林公震若雷霆驟如
風雨閱兩月始將迭次搶奪傷斃事主兇犯池項才保
等十九名搶奪拒傷詹明德賊犯羅馬潰等三名迭竊
龔順八家賊犯池項得沅等七名迭竊賈四等賊犯楊
汶秀一名先後弋獲審明首從分別以斬決軍流

奏結並以猥夷等悉於深山中巢居穴處不務生業若非
設法安置誠恐日久仍復爲匪因飭州擇於官地荒山

鄧川州志

卷十六 刑捕事畧

三

捐蓋草棚查造戶冊委令居止教以樹畜俾贍身家並
令編入保甲一體抽查復爲設立頭人隨時約束便可
湔除頑悍以免擾害等由專摺入 告更博採輿論以
紳士公議彌盜六條一併抄發由道札府行州遵辦在
案

論曰猥賊稔惡久矣何以至是始被創耶蓋其倚山
爲巢長林巨谷退可潛踪各寨聲勢聯絡進可負隅
抗拒此歷年剿捕所以無功也仗文武協力四鄰兜
圍而後豕突狐奔莫不魂遊釜底纍纍然駢首就繫

焉豈易易哉郡尊飭諭州牧有曰鄧川本安靜之區
不過數十名猥匪橫行道路何難弋獲緣緝捕廢弛
遂致釀出重案若再不認真辦理必致貽害無窮斯
言也原始要終鄧民世世賴之矣

移置案由

道光二十九年四月十七日藩憲趙奉到督憲林札內
開署州具詳州屬菽地坪等處地方猥民籌議安插佃
田納租甘願約束造具姓名戶口清冊詳請查核批示
飭遵緣由奉批據詳州屬官地老佃耕種日久未便安

鄧川州志

卷十六 移置案由

四

插猥民已於各村寨酌撥安置由村民撥給公田佃種
納租交鄉保稽查約束俾資生計所計尙屬可行仰雲
南布政司會同按察司移道飭府立案並令該州隨時
招徠安插嚴加約束總須永遠杜其爲非以靖地方而
安閭閻又於十八日奉撫憲程批據詳安插猥民所議
不爲無見其要總在地方官隨時嚴密稽查並責令鄉
保頭人認真約束使各安耕鑿不致復流爲匪仰布政
司按察司糧儲迤西二道作速核議詳奪毋遲各等因
閏四月初三日奉藩憲札開此案前據該署州具詳到

司當經批飭該州妥爲安置務使漢獮相安各得其所仍隨時稽查化導總期日後不致復聚爲匪其逃散未歸者亦卽設法招徠以免流離擾害該州必須始終勤慎辦理毋稍懈弛在案茲奉前因合亟札飭爲此仰州官吏立卽遵照批示情節隨時招徠安插嚴加約束總須永遠杜其爲非以靖地方切切

道光二十九年四月二十九日署州湯公安插獮民完

竣通詳稟請立案詳文云竊前奉憲札飭令安插獮民使其附村而居教以樹畜耕種謀生既可散其糾眾免

鄧川州志

卷十六 移置案由

五

致聚而爲匪並耳目周知易於管束等因卑職遵卽會齊紳耆妥議籌商安插各村予以佃種教以自耕以爲一勞永逸之計當卽通詳請示奉憲批飭務須妥爲安置等因在案茲卑職於四月初八日起督同署吏目胡紹曾帶領就撫各獮民前往各鄉逐村分別安置面諭紳耆撥田佃種納租傭工力作於二十九日安插竣事與居民毫無窒碍而該獮民亦得傭工稼穡安居度日頑梗之輩不數年卽可不變良善共享昇平並責成各鄉約取具遵依甘結隨時稽查如有怙惡不悛故智復

萌以及勾串同類往來可疑立卽解州究辦亦不准村

民欺凌有犯一并究懲卑職仍督同吏目或十日半月

前往抽查一次現在就撫者共計八十一戶安插六十

七村均按戶分置約五六十戶安插一戶百餘戶安插

二戶其尙有未就撫者十餘戶挈眷遠逃不知去向至

有男獮逃出未歸之獮婦現且安插城內交約保稽查

不登冊報俟其男獮陸續歸來再爲酌量安置爲此具

文詳請核示立案祇遵閏四月二十九日奉撫憲程批

具詳已悉仰布政司會同按察司糧儲道西二道轉飭

鄧川州志

卷十六 移置案由

六

知照並令該州轉飭鄉保頭人認真約束仍隨時親往稽查務使各安耕鑿如有怙惡不悛以及容留匪類勾串滋事立卽嚴拿究辦毋違切切同日又奉督憲林批仰雲南按察司轉飭嚴加約束隨時稽查總須籌以生業令其習於勤勞毋使游手好閑日久勾結爲匪是所切囑

論曰安插獮民之區始議於官田繼議於官荒山地

再議於大會五勒皆格而不行卒行於各村寨然舍

此無他策矣以一村約束一戶聞見既周踪跡莫掩

未爲難也若懈於稽查不聞不問熄而復熾莫可收拾矣尙慎之哉

公議各條附

一嚴緝捕須各州縣四面兜拏查此山綿亘二百餘里巖深谷邃其逃逸則此拏彼竄其伏處則深匿潛藏非合力不能斷其去路非土練不能尋其踪跡此時兵威所懾雖未就獲賊已散膽若不趁此嚴辦該匪等巢穴已燬無所歸着四出搶掠爲害滋甚懇飭鄧浪鶴慶賓川勒限會緝務盡根株其永北江渡並飭汎嚴查以防

鄧川州志

卷十六 公議各條附

七

竄逸總在各地方官出奇設法實力嚴拏斷無不獲之賊

一究窩家查延山一帶平地村寨俱有窩戶未事則招留引導得贖則寄頓私銷聞拏則傳遞消息甚至已獲之賊無難賄買脫逃賊風之熾亦由於此現在如獲正賊須嚴訊窩戶務令悉行供出嚴拏究辦

一各賊村現經燒燬猶恐日久仍復盤踞須飭地方文武於已燬之寨按月清查一二次有再編茅結舍於故處及附近山地者隨時燒燬通報其山地並不許諸召

人等混行開種若爲四外人所踞其害與賊無異

一剿拏之後仍須議撫此等賊匪近來劫殺姦淫罪大惡極卽盡數殄滅亦不爲過惟其中犯罪稍輕及老弱婦女亦不能不設法安頓但刻下斷不能議及於此時四散驚逃無從措辦須數月之後賊匪辦有成效有可撫者地方官出示招徠傳集公議善爲安頓務使無弊可行方爲妥協查州屬羅川一帶官莊甚多應將此等量爲安置撥給田產承種編入保甲當差既經安插之後如復聚嘯山岡一經搜獲盡殺無赦

鄧川州志

卷十六 公議各條附

八

一安撫之法先查衙門卷宗曾經犯案之賊併將現獲之犯嚴訊供出餘賊姓名地方官大張告示指明某某等務獲究辦不在就撫之列其餘偶爾爲非情尙可原者准其投報就撫或罪在不准撫而能捆送同類眞盜者并寬其罪亦一例就撫若就撫之後仍蹈故轍立即送官究辦

一葭地坪瓦廠草海子胭脂果等村俱屬鄧川惟附近之大坪係浪穹地界屬鶴慶土官管轄沙需屬鶴慶管轄若鄧屬賊寨已除而兩處未除則賊歸彼處仍復爲

害剿撫之法懇飭一例辦理

右公議各條道光二十八年四月內張葉洲明府採
集眾論面陳制憲奉批頗中機要隨札飭云據鄧川
州獮民斃命拋尸肆行無忌久爲民害仰迤西道移
會鶴麗鎮大理城守營都司督飭鶴鄧浪賓四鄰州
縣會營團練將歧地坪瓦廠草海子胭脂果大平子
沙需等處獮賊嚴拏究辦永不准仍居巢穴以靖地
方並查所議條款辦理切切

鄧川州志卷末

署牧烏程鈕方圖廣雲定

州人楊柄鏗春樵輯侯允欽雲坡纂

雜異

糶與碎之謂雜奇與怪之謂異夫事提其要而理道其常雜異奚取焉雖然遺文軼事依附無門叢譚瓌語傳聞有據是亦博覽之所兼資者賅而存之無亦稗官野史之遺意歟爰以雜異終焉

蛇索

稗史類編云雲南用海貝小者貿易以一為莊四為手

鄧川州志

卷末 雜異

一

二十則索以貫之蓋八十枚也今鄧邑民間藏獲前明買賣契尙載價蛇若干索爾雅釋魚云蛇博而頰註云頰者中央廣兩尾銳即貝也今有藏獲者往往以飾小兒帽漢食貝志曰大貝四寸八分以上二枚為一朋直二百一十六壯貝三寸六分以上二枚為一朋直五十玄貝二寸四分以上二枚為一朋直三十小貝一寸二分以上二枚為一朋直十不盈寸二分漏度不得為朋罕枚直錢三此謂貨貝五品是滇於明代用貝猶沿漢制考艾志有云滇俗用貝今開錢局將銀撤去貴至二

百五十一索一兩然彼時猶幸錢貝同行也自貝不用專用錢又以錢易銀錢賤而銀貴值年歲稍豐上農夫終歲胼胝計一畝所入僅值銀二兩餘於是用度竭蹶病農甚矣

軍屯

明洪武制衛軍七分屯種三分操備蓋以七人所種之穀養三人也但其初每一軍授田二十畝種穀三石二斗歲徵穀五十石入屯倉每月支穀二石歲支穀二十石為家小糧支三石二斗為種穀是徵五十石入倉

鄧川州志

卷末 雜異

二

其實在官只二十二石八升後官吏為奸屯倉既遠漸不可知七分軍歲納穀五十石益困每告訐皆曰莫可改後都指揮張麟精審其弊遂奏改名曰與除謂以家小喫穀二十四石其種穀三石二斗皆與軍而除其歲徵之穀也然穀之納亦多弊遂照例以米四升折穀一石使歲納米九石一斗二升於是軍不困而官易徵收當時便之說見通志

籽粒

明洪武初西平侯沐英請置勳莊除國賦為籽粒莊民

不隸有司

本朝順治十七年吳三桂疏乞以家人管莊與有司抗禮
莊民亦橫甚康熙二十四年允憲臣徐元文請以勸莊
還民害遂除說見通志

鹽禍

大姚縣志曰嘉慶二年丁巳三月二十三等日蒙化
太和鄧州趙州雲縣永北鶴慶浪穹楚雄姚州大姚元
謀定遠祿豐等處以壓鹽致禍縛官親門丁蠹書兇役
及本地紳衿之爲害者挖眼折足或竟投之積薪中火

鄧州志

卷末 雜異

三

之慘不可言滇鹽原係官銷而坐井丁書違例私賣自
圖沾潤尚不大爲民害自署提舉某在本
井攬和灰土溢報餘鹽幾倍正額實業上可以營私也
主者善之於是銷鹽之地以餘鹽之多寡爲殿最反置
額鹽於不問始則計口授食繼則按戶勻攤始則先課
後鹽繼則無鹽有課州縣追比既急或立斃於杖或羈
死於獄各屬土民呈控督撫仍批州縣遂致釀成此禍
一二日間十餘郡邑不約而同蠶攤蟻聚聲呼如沸鼎
惟不敢犯官所構害者必歷數其爲惡實迹取具親供
然後肆毒事稍平摘辦十餘人以販私仇殺會素定案
四年己未十二月巡撫初公彭齡奏鹽務歸民由井收
課並定夫馬章程如解倒懸滇人大悅正月
皇帝親政詔許
司道專摺言事時臬司屠公述濂任南道欲以鹽務入
告總督富公綱心亦內梅方擬更定而谷侍御際岐已
連章具奏命將原摺發滇閱看初中丞至採訪
與情即據實妥議以聞奉
俞旨令下後縲綬之

苦絕於道暮夜之呼絕於門舉三十
年之黑霧積陰驟然得觀天日矣

豹罰

武生某與鄰邑婦某氏有私其夫知之生懼禍及計殺
之婦之夫兄知之畏其橫不敢發也而痛弟情切因具
疏泣訴於城隍廟焚其疏於案而去越數日生方開館
訓武童忽思跨馬出未里許值歧路馬旋轉不進鞭之
益狡憤乃返轡歸家甫解鞍有巨豹入金線文修尾怒
目四顧生色變急登樓射之豹伸手接矢如靈猿三射
三接之無毫末傷矢既盡生方倉皇間豹遽自地躍入

鄧州志

卷末 雜異

四

樓窗中攫生額頗顯善然如蓋解汨汨吸其血血盡舐
指搖尾下方豹之入門也生之館徒咸見之及攜器械
來捕則豹已殺生跳躍呼吼行眾逐之豹入於房眾扇
房門出集勇敢士比至啟門欻然一雄雞飛而逝跡之
杳無物焉此嘉慶年間事至今人猶稱述之道其名姓
里居甚悉

漏一村

順治三年沙定洲遣其黨王朔李日芳陷大理抄掠鄧
川所至民舍如洗州南隆易村戶密人稠距道左僅數

武賊至忽白雲際地四面籠罩無餘隙賊不識有村戶也逕去闔村得無恙村固依山山半有觀音寺男婦老幼皈依焉而某氏婦者孀居守節事姑以孝聞僉曰此蓋大士以慈雲擁護孝婦者故名曰漏一村言一村得漏兵劫也今呼爲隆易村失本旨矣

禮斗

滇畧載明正德甲辰永昌地震民居悉覆惟眞武觀屹然禮斗人居其下無一傷者故滇俗每年六月朔日至六日九月朔日至九日設壇朝斗齋戒禁屠宰鄧境亦

鄧川州志

卷末 雜異

五

按禮斗禮南斗六星北斗七星也今黃冠衲子普奉然天神地祇稱揚道號齋壇問喧呼雜遝匪致虔實囊媪矣

謝雷表

明崇禎元年雷擊死府臬趙會成於鄧境之三道橋殊批其背曰刁訟害人邑紳艾自 閩之作謝雷表付道士王錫命於九皇會齋壇焚之已踰五年矣一日諸生此科名於呂真人關帝降鸞云艾自 謝雷表已達上帝矣表文曰伏以王法千條人每玩而易犯天雷一擊世必震而咸驚第雷司之霹靂不輕行而道路之誅擊

不多見邇有趙會成者原爲太和縣民頃被迅雷擊死於鄧川州路想此人不忠不孝必有異惡而難容乃於告地告田因以健訟而被戮蓋巧莫巧於誣田價每至驚人魄撤人髓以上有好者如今日貪酷極矣而慘莫慘於捏控詞幾番破人家戕人命則下有甚焉令天心忍默得乎是以三尺特授於帝廷一擊轟聞於隣境嗟此人已化燼餘之灰卽告得銀如山奚用嘆吾生俱屬泡中之影每慣作孽如蛾何爲一人告加田衆人食之罪必歸於首惡千人誣告價一人長之禍必重於主公

鄧川州志

卷末 雜異

六

雷乎其以趙會成一人昭鑒乎天乎其以告加田一事示警乎竊思亂臣賊子惡止起於一念之貪讒口妬心奸莫甚於疊訟之毒鬼神暗地裏損壽損財損子三元之較勘不差報應顯法中誅佞誅暴誅貪五雷之疾威罔漏某等曷勝激切悚懼之至 按艾雪蒼先生纂州志自敘此事甚悉精誠相格理有固然或非衍云

彩雲

滇多彩雲鄧邑尤常現凡鄉會試年邑有登第者必現於榜前凡現時風日妍和一抹麗空或展爲旌旗爲旛

幢或擁爲蓋莫名一狀其色深碧瑩翠儷紫如朱紺綠
頰黃層層疊疊富麗吉祥之象不異凌霄彩鳳也邑人
以徵科名百不一失

豺狗

鄧邑地勢平衍四面山谷中人跡踵至無野獸近年則
多豺俗呼爲豺狗邇東人謂之山毛驢狀類狗而瘦毛
深色斑黃長尾勢怯弱然能入人家攫犬豕銜之以走
沿山麓尸骸淺瘞者悉創食無遺齒天將暝嗥嘯山谷
中聲嗚嗚頗慘裂二十年前聞有竄入州堂者可怪

鄧川州志

卷末 雜異

七

也

和山花

龍首關北三里許地名花樹村有花焉不識其名以產
於和山里遂呼爲和山花始於唐樹高六七丈質如桂
色白香聞里許朶分十二瓣逢閏加一歷占無異咸稱
爲仙人遺種傳聞既廣冠蓋日臨居民病而斧之今亡
矣

天平塔

唐寶曆中蒙氏建於臥牛山麓高十三級歲久將傾康

熙三十三年五月間有秦工人以木屑犇正之共驚爲
神技

白馬登

州東南十里相傳昔年有神驥逸出村居以此得名艾
志載東郊神驥爲一景

青牛石

州北蒲陀崆瀾苴河頭有龍馬焉破石飛昇石上馬跡
宛然俗名爲青牛石

山巔逸行

鄧川州志

卷末 雜異

八

舊志載李紀者不知何許人正統間結菴象山之巔鎮
日靜攝欲至州城十餘里間瞬息到後不知所終

念偈坐化

舊志載楊宗顯州人善靜攝年九十一忽一日沐浴召
弟子爲別且書曰煩惱原非有菩提本自剛靈臺無物
累卽不動金剛噫有何生有何死不碍死生是男子一
眞守定出迷途靈臺不昧無彼此遂化去

青童來迎

舊志載艾徽者中所人築室竹林寺靜攝忽抱疾歸家

其子侍寢所見二青童來迎徽遂呼家人畢集頃刻間成然若寐而逝是日有陳百戶拱堯遇徽於途問所往曰往西天即向竹林寺去陳詣其家問示寂久矣

拾書覺悟

舊志載慶續者隆易村人年二十餘不娶妻忽於途中拾一抄本勸世文讀之有悟遂祝髮觀音寺又於寺後黑龍澗竅石爲廬棲息其中如入定踰數年往淨土山閱藏經能通其奧兼明周易性理最後住靜雞足山悟禪宗年七十餘一日忽辭僧眾逝

鄧州志

卷末 雜異

九

論曰瑣語譚言足資典故幻奇弔詭能警愚蒙所以雜異一門志乘家未之或廢茲就陳編舊牘石泐諺傳及耳目所經擇其有神事實關鑒戒者錄之然後十四門七十有二子目中無可比附之條咸得綴集焉要其雜而不越與全書意旨未之背也